

**S T E N O G R A M**  
**ŠESTE RADNE SJEDNICE**  
**SKUPŠTINE KANTONA SARAJEVO**  
**ODRŽANE 29.03.2023.GODINE**

## **Elvedin Okerić (Predsjedavajući)**

Otvaram 6. Radnu sjednicu Skupštine Kantona Sarajevo. Himna Bosne i Hercegovine. Pozdravljam uvažene kolegice i kolege zastupnike, članove Vlade, uvažene goste, kao i predstavnike medija koji prate rad današnje sjednice Skupštine Kantona Sarajevo. Svima nama želim uspješan rad i ugodnu radnu atmosferu.

Prema evidenciji službe sjednici prisustvuje 27 zastupnika, što je dovoljan broj za punovažan rad i odlučivanje. Izostanak sa ove sjednice opravdali su Vedrana Vujović i nemamo više prijavljenih.

Prijedlog dnevnog reda 6. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 14.03.2023.godine.

Stoga prelazimo na utvrđivanje dnevnog reda današnje sjednice.

Na osnovu naprijed navedenog dnevnog reda glasi:

1. Poslanička/zastupnička pitanja inicijative i odgovori;
2. Prijedlog Budžeta Kantona Sarajevo za 2023.godinu;
3. Prijedlog Zakona o izvršavanju Budžeta Kantona Sarajevo za 2023.godinu;
4. Prijedlog Odluke o davanju saglasnosti na Finansijski plan Zavoda zdravstvenog osiguranja Kantona Sarajevo za 2023. godinu i Odluku o izvršavanju Finansijskog plana Zavoda zdravstvenog osiguranja Kantona Sarajevo za 2023. godinu;
5. Prijedlog Odluke o davanju saglasnosti na Program rada Zavoda zdravstvenog osiguranja Kantona Sarajevo za 2023. godinu.

Molim zastupnike da se izjasne o predloženom dnevnom redu.

Zaključujem glasanje. Molim službu da objavi rezultate glasanja. Za je glasalo 29 zastupnika, protiv ništa i suzdržanih ništa.

Konstatujem da je Skupština usvojila dnevni red za 6. Radnu sjednicu Skupštine Kantona Sarajevo.

Prelazimo na prvu tačku dnevnog reda.

### **AD – 1.**

### **POSLANIČKA/ZASTUPNIČKA PITANJA, INICIJATIVE I ODGOVORI**

Trenutno je 9 sati i 21 minuta. Zastupnice i zastupnici mogu se prijaviti za podnošenje inicijativa i postavljanje pitanja narednih sat vremena.

Zastupnik Mahir Dević se javio prvi za riječ, izvolite.

### **Mahir Dević (poslanik/zastupnik)**

Hvala predsjedavajući. Koristim priliku da toplo poselamim i pozdravim sve kolegice i kolege, premijera i ministre u Vladi Kantona. Pitanje za ministra MUP-a Kantona Sarajevo, nadam se da je tu. Usmeni odgovor. Koliko je u prva tri mjeseca 2023. godine bilo ukupno kazni, razvrstano po općinama, a vezano za naplatu parkiranja, kazni po osnovu nepropisnog parkiranja u Kantonu Sarajevo? Volio bih da mi da usmeni odgovor na to pitanje, ukoliko je u mogućnosti, naravno, jer pitanje da li ima on ima taj podatak u ovom momentu. Ukoliko ne

može mi dati usmeni odgovor onda da mi se dostaviti to pismeno, ali da bude razvrstano po općinama, znači svih 9 općina Kantona Sarajevo da vidimo malo kako se to nepropisno parkiranje naplaćivalo u Kantonu Sarajevo. To je prvo pitanje za ministra. I drugo pitanje danas za ministra jeste kada tačno i zvanično planira da se stavi istureno odjeljenje policijske stanice u Srednjem u funkciju? Znači pored ovog administrativnog odjeljenja kada će gore biti ovaj u funkciji dežurna patrola. Svjedoci smo da se taj objekat izgradio prije tri-četiri godine. Razumijem i ovu neku konkursnu proceduru oko prijema ovaj novih mladih policajaca u Kantonu Sarajevo, ali zaista je neprihvatljivo da neka vlada, vlast, politika izgradi objekat i da tri-četiri godine poslije toga nije stavljen u funkciju. Znači jesmo li mi zaista u situaciji da ne možemo jednu policijsku patrolu poslati u već ovaj opremljen objekat? Evo ta dva pitanja, volio bih usmene odgovore ukoliko je ministar u prilici da to uradi, ukoliko nije, ovaj na ovo prvo pitanje oko parking prekršaja da mi se dostavi onda pismenu za narednu sjednicu naravno Skupštine Kantona Sarajevo, ta dva pitanja.

### **Elvedin Okerić (Predsjedavajući)**

Zahvaljujemo se zastupniku Deviću. Zastupnik Muamer Bandić se javio.

### **Muamer Bandić (poslanik/zastupnik)**

Selamim i pozdravljam sve prisutne, kao i one koji nas prate putem malih ekrana. Imam više pitanja za ministra zdravstva ali pošto sam ograničen i vremenom, a i brojem pitanja postaviti ću samo jedno. Da li je ministar upoznat da je Hitna medicinska pomoć na osnovu tužbi radnika do sada isplatila preko pola milijuna konvertibilnih maraka? I da li zna da su vozači hitne medicinske pomoći ponovo tužili ustanovu zbog narušenih radničkih prava gdje se traži odšteta od cca nekih 200 000 konvertibilnih maraka? Razlog zbog čega se tuži jeste donošenje novog pravilnika za rad i o sistematizaciji radnih mjesta u Hitnoj medicinskoj pomoći i on nije usklađen sa kolektivnim ugovorom u zdravstvu. Novi pravilnik ne prepoznaje VKV vozače te time diskriminiše radnike i dovodi ih do novih tužbi. Jedan sličan problem se pojavljuje u Domu zdravlja, ali to ću nekom drugom prilikom jer tamo imam mnogo više pitanja za koje su mi potrebni precizni odgovori. Zamolio bih ministra da mi odgovori usmeno na ovo pitanje.

Drugo pitanje za ministra unutrašnjih poslova .Kad će biti raspisan konkurs za izbor i imenovanje policijskog komesara? Okolnost da je imenovan vršilac dužnosti policijskog komesara zamolio bih ministra da mi na ovo pitanje odgovori usmeno.

Imam jednu zastupničku inicijativu i molio bih da se kolege zastupnici izjasne i da je podrže. Dakle zadužuje se Vlada Kantona Sarajevo, Ministarstvo odgoja i obrazovanja da skрати trajanje časova u osnovnim i srednjim školama u Kantonu Sarajevo u periodu od 29.3. do 24.04.2023.godine i omogući svim učenicima i radnicima pravo slobodno vrijeme za obavljanje iftara tokom mjeseca ramazana. Hvala.

### **Elvedin Okerić (Predsjedavajući)**

Zahvaljujemo se zastupniku Muameru Bandiću. Dopredsjedavajuća Danijela Kristić se javila za riječ.

### **Danijela Kristić (Dopredsjedavajuća)**

Zahvaljujem predsjedavajući. Pozdravljam sve prisutne i gledaoce kraj malih ekrana. Podnosim inicijativu. Na osnovu molbe roditelja djece sa poteškoćama u razvoju kao i udruženja podnosim inicijativu za formiranje Odsjeka za muziko terapiju i Art terapiju pri Muzičkoj akademiji Univerziteta u Sarajevu ili odgovarajućeg dodiplomskog studija kako bismo u drugim nadležnim institucijama uveli muziko terapiju kao naučno dokazani vid terapije i rehabilitaciji, a uslov za to je i obrazovanje potrebnog kadra. Na sjednici Skupštine Kantona Sarajevo 7. 2. sam podnijela zaključak. S obzirom da se Vlada nije izjasnila u

predviđenom roku od 30 dana, danas bih zamolila zastupnike da se izjasne o navedenom zaključku, a on je, evo ponavljam: Obavezuje sa Vlada Kantona Sarajevo i resorno Ministarstvo da u roku od 30 dana utvrdi prijedlog odluke o proglašenju udruženja koja direktno rade sa djecom sa poteškoćama u razvoju od posebnog interesa za Kanton Sarajevo i dostavi Skupštini Kantona Sarajevo na nadležno odlučivanje. Hvala.

### **Elvedin Okerić (Predsjedavajući)**

Zahvaljujemo se dopredsjedavajućoj Kristić. Zastupnica Belma Kapo se javila za riječ.

### **Belma Kapo (poslanik/zastupnik)**

Hvala. Pozdravljam sve prisutne i naše drage građanke i građane koji nas prate preko TVSA. Inicijativu podnosim Ministarstvu zdravstva Kantona Sarajevo za izmještanje punkta za opoidnu (nerazumljivo) terapiju pacijenata koji boluju od bolesti ovisnosti opijatima iz ulice Omera Stupca na području mjesne zajednice Crni vrh Gorica u matični objekat Zavoda za liječenje bolesti ovisnosti u ulici Nahorevska. Naime prije nešto više od 18 godina pacijenti su premješteni u ovaj punkt ulici Omera Stupca koji se nalazi u neposrednoj blizini dvije osnovne škole, svega oko 150 m od Osnovne škole Hasan Kikić i oko 300 m od Osnovne škole Isak Samokovlija. Centar ima nešto oko 400 korisnika koji svakodnevno dolaze po svoju terapiju. Općina Centar je spremna izdvojiti sredstva u iznosu od oko 150 000 KM ukoliko je potrebno fizičko proširenje kapaciteta Zavoda za liječenje bolesti ovisnosti u Nahorevskoj ulici. Ako pogledate sam izvještaj Zavoda vidjet ćete da godišnje izdvaja oko 50 000 KM za osiguranje punkta u ulici Omera Stupca. Sama centralizacija rada ove ustanove bi dovela i do uštede ove stavke koja bi se eventualno mogla preraspodijeliti za bolje pružanje usluge pacijentima. Korisnici će također u okviru matične ustanove imati pristup i za invalidska kolica koja trenutno u ovom objektu Omera Stupca nemaju. Brojni su benefiti koji bi Kanton Sarajevo mogao imati rješavanjem ovog problema, a najvažnije je sigurnost mališane iz ovih naselja. Obzirom da sam prethodnom periodu bila vijećnica u općini centar lokalna zajednica nije u mogućnosti riješiti ovaj problem jer je on nastao iz Kantona. Ja ne želim da se vraćamo prošlost ali ću naglasiti samo da je 18 godina star problem i 8 vlada, različitih vlada, nije bila u stanju da riješi navedeni problem. Svjedokom sam također i u toku kampanja da su različite stranke išle u posjetu ljudima koji žive na ovom području, te vas molim zaista da riješimo ovo za dobrobit svih građana koji tu žive jer ljudi djecu i 8. 9. i 7. razred koji potpuno samostalno bi mogli ići u školu vode do škole zbog evidentnih čestih sukoba ispred tog objekta. Objekat je mali za 400 korisnika. Prvobitno prije 18 godina je bila ideja da se tu smjeste samo korisnici koji su sa područja Opštine Centar da bi se uradila decentralizacija, da bi svaka opština imala svoje i na taj način bi bio ovaj manji pritisak, međutim vremenom, vjerovatno zbog nedostatka ljudskih resursa, to nije bilo izvodivo, tu sada smješteni korisnici svih opština Kantona Sarajevo. Hvala.

### **Elvedin Okerić (Predsjedavajući)**

Zahvaljujemo se zastupnici Belmi Kapo. Zastupnik Ilijaz Pilav se javio za riječ.

### **Ilijaz Pilav (poslanik/zastupnik)**

Hvala predsjedavajući. Sve vas srdačno selamim i pozdravljam. Ja imam jedno zastupničko pitanje i jednu inicijativu.

Na četvrtoj sjednici Skupštine Kantona Sarajevo meni je odjeknula izjave direktorice Službe za zapošljavanje Kantona Sarajevo da se u evidenciji ove Službe kao nezaposleni nalazi 90 doktora medicine i 9 ili 10 doktora specijalista. U situaciji kad je deficit medicinskog kadra alarmantan ovaj podatak zvuči šokantno. U Kantonu Sarajevo na Birou za zapošljavanje imamo dakle 100 doktora. Moje pitanje glasi koliko se tačno doktora specijalista nalazi u evidenciji

nezaposlenih u Službi za zapošljavanje Kantona Sarajevo, precizno, koje su specijalizacije u pitanju, da li Ministarstvo zdravstva zna za ovaj podatak i da li će resorno Ministarstvo poduzeti ikakve poteze shodno navedenim podacima? Ponukan ovim informacijama, a i nekim pitanjima i inicijativama sa prethodnih sjednica ja sam za danas formulisao jednu zastupničku inicijativu koja bi sublimirala u sebi neke probleme. U ime Kluba Demokratske fronte pokrećem zastupničku inicijativu prema resornom Ministarstvu. Zadužuje se Ministarstvo zdravstva da u roku od mjesec dana izvrši sveobuhvatnu analizu stanja i potreba medicinskog kadra i kao rezultat te analize sačini dokument koji bi mogao imati radni naziv "Revizija sadašnjeg stanja i utvrđivanja stvarnih potreba medicinskog kadra u Kantonu Sarajevo". Ovo podrazumijeva sveobuhvatnu analizu koja će dati presjek trenutnog stanja medicinskog kadra, kao i stvarne potrebe za kadrom na osnovu standarda i normativa prema broju stanovnika, prema vrsti i poziciji kadra. Detaljno i stručno sačinjena analiza treba dati precizne odgovore na sljedeća pitanja: koliko zdravstvenih ustanova postoji u Kantonu Sarajevo, koje su to ustanove i koja je njihova djelatnost kategorisana prema nivou zdravstvene zaštite, da li postoje i u kojoj mjeri preklapanja djelatnosti pojedinih zdravstvenih ustanova i postoji li mogućnost reorganizacije istih radi bolje efikasnosti i izbjegavanja dupliranja. Precizan pregled sadašnjeg stanja medicinskog kadra, počev od srednjeg medicinskog kadra do specijalističkog i subspecijalističkog, pregled po ustanovama prema važećem sistematizacija radnih mjesta i sumarno prema standardima i normativima. Iz prethodnog definisati razlike između sadašnjeg stanja i stvarnih potreba, opet precizno prema kategorijama od srednjeg medicinskog kadra do specijalističkog i subspecijalističkog, a u skladu sa sistematizacijama i prema standardima i normativima. Na osnovu navedenog definisati stvarne potrebe kadra na svim nivoima i iz proisteklog rezultata predložiti set mjera za rješavanje problema. U saradnji sa medicinskim ustanovama napraviti adekvatan plan za popunu nedostajućeg kadra. Izrada ovakvog dokumenta predstavljalo bi davanje precizne slike našeg zdravstvenog sistema u kadrovskom sektoru. Dobit ćemo odgovore koje su to najslabije tačke u ovom dijelu, što bi bio prvi korak u sistemskoj reformi zdravstva koja je vitalna potreba jer sadašnji sistem u ovakvom obliku je neodrživ.

**Elvedin Okerić (Predsjedavajući)**

Kolega Ilijaz vrijeme i evo pustio sam vam malo duže, gotovo minutu.

**Ilijaz Pilav (poslanik/zastupnik)**

Evo samo da pročitam Zaključak:

Na osnovu sveobuhvatne analize dobit ćemo odgovor stvarnog stanje kadra u zdravstvenom sektoru, dobit ćemo odgovor o stvarnim potrebama prema utvrđenim standardima i normativima na broj stanovnika. Nakon realizacije ove inicijative koja predstavlja prvi vrlo važan korak, a ne vidim nijedan razlog da se ne realizira, Klub Demokratske fronte će izaći sa serijom novih inicijativa koje će biti kontinuitet našeg angažmana u pravcu reforme zdravstvenog svima. Hvala i izvinjavam se na probijenom vremenu.

**Elvedin Okerić (Predsjedavajući)**

Zahvaljujemo se. Zastupnik Faruk Selmanović se javio za riječ.

**Faruk Selmanović (poslanik/zastupnik)**

Zahvaljujem predsjedavajući. Sve vas srdačno selamim i pozdravljam. Ja imam zastupničko pitanje Vladi Kantona, Ministarstvu za visoko obrazovanje Kantona Sarajevo, rektoru Univerziteta u Sarajevu, dekanu Fakulteta političkih nauka i Instituciji ombudsmena za ljudska prava BiH.

Upućujem zastupničko pitanje zašto se ne sprovodi član 67 Zakona o visokom obrazovanju Kantona Sarajevo koje precizira prava na individualizaciju u postupku realizacije nastavnog procesa studentima sa poteškoćama u razvoju i invaliditetom u Kantonu Sarajevo koji studiraju na Univerzitetu u Sarajevu. Naime naša sugrađanka je dijete sa poteškoćama i kao takva je završila redovnu osnovnu i srednju školu po prilagođenom programu i od 2020. godine upisala Fakultet političkih nauka Univerziteta u Sarajevu, Odsjek socijalni rad na prijedloge i asistenciju Ureda za podršku studentima. Studenica je izgubila prošlu godinu obzirom da je studirala po redovnom programu, a ne po prilagođenom programu, kako zakonska regulativa nalaže. Na sastanku sa dekanom rečeno je da imaju određene probleme sa profesorom (nerazumljivo) da pomoć asistenta za takve studente treba da obezbijedi Ured za podršku studentima, a poslije tog sastanka drugi semestar u prošloj godini je imala asistenta od strane Ureda, kao i pomoć u svojstvu svjedoka prilikom usmenog polaganje ispita, obzirom da studentica ispit ne može polagati pismeno. Na tom sastanku je bilo dogovoreno da će se pronaći rješenje da joj se omogući studiranje po prilagođenom programu, međutim evidentno je da od strane pojedinih profesora nije bilo dobre volje ni razumijevanja, tako da do danas nije učinjeno ništa po tom pitanju. Studentica je imala u prošloj godini sve potpise obzirom da je redovno pratila predavanje i u ovoj godini je istih oslobođena. Što se ispita tiče, u prošloj godini je dala par parcijala ali za polaganje integralnih ispita jednostavno nisu imali razumijevanja. Tražim da mi se hitno dostave sve informacije vezano za ovaj slučaj ali i zahtijevam od nadležnih institucija da mi odgovore ko i zašto je suprotno odredbama člana 67 stava 2 Zakona o visokom obrazovanju Kantona Sarajevo zaustavio studiranje osoba sa invaliditetom? Pozivam Institucije ombudsmena za ljudska prava da se uključe u nadležni slučaj kako bi se omogućilo jednako pravo za studiranje svim studentima u Kanton Sarajevo. Molim da mi se na ovu pismeno odgovori. Hvala.

### **Elvedin Okerić (Predsjedavajući)**

Zahvaljujemo se zastupniku Selmanoviću. Zastupnik Jasmin Šaljić se javio za riječ.

### **Jasmin Šaljić (poslanik/zastupnik)**

Hvala predsjedavajući. Imam pitanje za predsjedavajućeg Skupštine i Kolegij Skupštine Kantona Sarajevo. Tražio sam i pismeno i usmeno da se Skupština izjasni o mojoj inicijativi koja se odnosi na odavanje počasti pripadnicima Armije Republike Bosne i Hercegovine nakon intoniranja himne. Inicijativu sam podnio prije 3 mjeseca. U inicijativi sam naveo da se zastupnici Skupštine Kantona Sarajevo odaju počast, svak na svoj način, nakon intoniranja državne himne, znači svako na svoj način onako kako osjeća, minutom šutnje, učenjem Fatihe itd. Pošto inicijativa ne zahtjeva novčana sredstva, a ranije je podnesena i pismenoj i usmeno tražim da se Skupština odmah izjasni nakon tačke dnevnog reda Inicijative i pitanja zastupnika. Druga inicijativa je vezano za radare koji su instalirani prošli mjesec na autoputu, na dionici autoputa A1. Pokrećem inicijativu prema nadležnim ministarstvima da se sedam radara deinstaliraju sa dionice autoputa A1 koji su stavljeni u funkciju 1. februara te da se isti premjeste i instaliraju isključivo u blizini pješačkih prilaza u blizini osnovnih škola i vrtića na području Kantona Sarajevo. Radare na autoputu kao u svim europskim državama trebaju zamijeniti policijske civilne patrole tzv. presretači. Radari pored osnovnih škola imat će svrhu zaštite naših najmlađih sugrađana, dok će policijske civilne patrole tzv. presretači moći prilikom kontrole brzine osim kazni za brzinu odraditi na licu mjesta više policijskih radnji, a to su pred utvrđivanje brzine, identifikacija na licu mjesta vozača i vozila, vizuelni pregled vozača i vozila, putnika, pretres vozača i putnika, alkotestiranje, testiranje vozača i putnika na nedozvoljene supstance, te u slučaju pozitivnog testiranja isključiti iz saobraćaja, propisano i maksimalno izkažnjavati shodno rezultatima testa, pa i uhapsiti. Vijest o instaliranju još 7 novih radara uz već postojeća 2 u javnosti je izazvala ogorčenje, jer ipak se radi o autoputu.

Komentari građana na društvenim mrežama, portalima, medijima, na zvaničnoj stranici Vlade Kantona Sarajevo su takvi da je u pitanju klasično punjenje budžeta i ništa drugo, te da će se kažnjavati samo oni vozači koji svakako nisu imali namjeru ući naš grad već su u proputovanju prema jugu tzn. turisti. Iskažnjavat će ih se pet, šest, sedam puta i u 20 km. Svjedoci smo saobraćajnih gužvi na području Kantona Sarajevo. Ta dionica autoputa je jedini odušak i uvođenje civilne patrola tzv. presretača spriječit će divljanje nesavjesnih vozača, a radari u blizini škola i vrtića, to je ono što od nas očekuju roditelji i građani, zaštita.

Predlažem da se radari instaliraju u ulici Adema Buće, pored Osnovne škole Avdo Smajlović na prijelazu, zatim na Dobrinji pored Osnovne škole Ćamil Sijarić, završavam, i Mercatora u oba smjera gdje imaju neki usporivači brzine koji bukvalno razvaljuju naša auta. Tražim da se Skupština izjasni na nekoj od narednih sjednica. Hvala.

### **Elvedin Okerić (Predsjedavajući)**

Zahvaljujemo se zastupniku Šaljiću. Kratak odgovor. Kolegij nije razmatrao vašu inicijativu, nije došla na red još uvijek, a vi ako smatrate danas da treba da podnesete tu inicijativu podnesite neka se Skupština izjasni.

Zahvaljujemo se zastupniku Šaljiću, zastupnik Damir Marjanović se javio za riječ.

### **Damir Marjanović (poslanik/zastupnik)**

Zahvaljujem predsjedavajući. Pozdravljam kolegice i kolege, kao i sve one koji prate zasjedanja ove Skupštine. Postavit ću par pitanja i svakako predložiti jednu inicijativu. Pitanja idu ka Ministarstvu za nauku, visoko obrazovanje i mlade, ne mora kolega Krstić da se brine, to su ista pitanja manje-više koja je dobio prije par dana, evo sada će imati priliku da odgovori na njih. Dakle prvo pitanje šta planirate da poduzmete po pitanju realizacije odluke Tematske sjednice o položaju mladih koji je Skupštine Kantona Sarajevo donijeli i kao takve su obavezujuće za izvršnu vlast i vaš resor? Što planirate da poduzme po pitanju realizacije odluka Tematske sjednice o reformi obrazovanja koje je Skupštine Kantona Sarajevo donijela i kao takve su obavezujuće za izvršnu vlast i vaš resor?. Da ste vi pripremali mjere iz oblasti nauke, visokog obrazovanja i položaju mladih u dokumentu Program skupštinske većine u Kantonu Sarajevo 2023- 26 ? Onda ako jeste na koji način sa pozicije član izvršne vlasti planirate da realizirate prve tri mjere kad one uopće nisu u domenu rada izvršne vlasti i kada bi svako vaše interveniranje u tom pravcu moglo da se prepozna kao pogled zadiranja ili narušavanja akademske autonomije? Zadnje pitanje, za danas normalno, kako mislite riješiti problem finansiranja višegodišnjih naučno istraživačkih projekata bez korištenja UNDP servisa?

Ostala pitanja iz te oblasti postavljat ćemo u narednim sjednicama pa ćemo vidjeti kako ćemo dobiti odgovore i naravno na sva pitanja zahtijevam usmene, isključivo usmene odgovore. Što se tiče institucija, pardon što se tiče, samo malo što se tiče zastupničke inicijative dozvolite mi da je pročitam. Dakle prvo ću obrazložiti. Ova inicijativa koju ću sada ponoviti najavljena je prvi put i podnesena je na sjednici 27. 1. 2023. i glasi da podnosim inicijativu da svi zastupnici skupštine KS podrže svakako usvoje zajednički amandman na Budžet Kantona Sarajevo za 2023. godinu čiji će nacrt biti razmatran na sjednici 8. 2. 2023 u kojoj će zatražiti od Vlade da za izdvajanja Budžeta Kantona Sarajevo se smanji finansiranje stranaka koje participiraju u Skupštini Kantona Sarajevo u iznosu najmanje 50 do 80 %. Ova mjera je predložena od strane Pokreta za Nove generacije i u sklopu javne rasprave u vidu amandmana na Nacrt budžeta Kantona Sarajevo, Vlada ga nije uzela, nije prihvatila za razliku od drugih naših amandmana, tako da smo procijenili da na taj način Vlada nije smogla hrabrosti da svom poslodavcu Skupštini Kantona Sarajevo u kojem sjede predstavnici stranaka umanjim sredstva za finansiranje. S tim u vezi navodimo da su se stekli uvjeti da na dan usvajanja Budžeta Skupštine Kantona Sarajevo glasa se i podrži ova inicijativa i da se da mogućnost Vladi Kantona Sarajevo da kroz vlastite amandmane uvrsti ove izmjene u Budžet Kantona Sarajevo

za 2023. godinu. Nije z gorega navesti da bi usvajanje ove inicijative politički subjekti koji sudjeluju u zakonodavnoj vlasti Kantona Sarajevo pokazali da su svjesni finansijskih izazova koji se nalaze pred budžetskim korisnicima i svim građanima glavnog grada u

**Danijela Kristić (Dopredsjedavajuća)**

Vrijeme.

**Damir Marjanović (poslanik/zastupnik)**

u 2023. I samo mi dozvolite da pročitam još tačno tekst inicijative, treba mi 25 sekundi. Dakle da se sa budžetske pozicije Skupštine Kantona Sarajevo "Poslanici i parlamentarne grupe" razdjel 10, ekonomski kod 61430 finansiranje političkih stranaka i parlamentarnih grupa izdvoji iznos od 170 000 maraka i da se prebaci na novi ekonomski kod pri Ministarstva za nauku, visoko obrazovanje i mlade Kantona Sarajevo na razdjelu 35 Sufinansiranja doktorskih studija za dobitnike Zlatnih značaka

**Elvedin Okerić (Predsjedavajući)**

Vrijeme kolega Marjanoviću.

**Damir Marjanović (poslanik/zastupnik)**

studenata. I dozvolite mi na kraju sličan iznos sa iz toga koda preporučujemo da se prebaci na novi kod koji se zove "Tekući transfer neprofitnim organizacijama prevencija i /ili detekcija vršnjačkog nasilja u osnovnim školama". Tražit ću da se glasa za ovu inicijativu s obzirom da su se stekli uvjeti i dostavit ću ovu inicijativu e-mailom sada službama. Hvala velika.

**Elvedin Okerić (Predsjedavajući)**

Zastupnica Arijana Memić.

**Arijana Memić (poslanik/zastupnik)**

Zahvaljujem predsjedavajući. Pozdravljam sve prisutne i građane koji prate naš današnji rad. Upućujem pitanje Uredu za borbu protiv korupcije i upravljanje kvalitetom Kantona Sarajevo. Molim da mi dostavite informacije o tome da li postoje prijave korupcije protiv nosilaca pravosudnih funkcija i pripadnika Ministarstva unutrašnjih poslova Kantona Sarajevo. Ukoliko takve prijave postaje molim da mi dostaviti informacije koliko je takvih prijava zaprimljeno i u kojoj su fazi.

Upućujem inicijativu prema Vladi Kantona Sarajevo i resornom Ministarstvu a koja se odnosi na izmjenu uslova za subvencioniranje rješavanja stambenog pitanja mladih u dijelu koji se odnosi na datum zaključenja kupoprodajnog ugovora. Inicijativa subvencioniranje rješavanja stambenog pitanja mladih u Kantonu Sarajevo u prethodnom periodu pomogla hiljadama mladih ljudi, ostvarila je jako pozitivan utisak kod pomenute kategorije društva. Unatoč dobrim namjerama godinama unazad dobijamo upite dopise mladih ljudi o eventualnim propustima inicijative za koji smatraju da mlade ljude dovodi u međusobno nejednak položaj u okviru ove procedure. Mladi ljudi koji su se meni lično obratili generalno ispunjavaju uslove za jednokratni poticaj. Obrazovani su, zaposleni, korisni za naše društvo, međutim nisu uspjeli dobiti pomoć iz razloga što su kupoprodajni ugovori zaključeni ranije nego što je to određeno uslovima javnog konkursa. Obzirom da mi je opširno obrazloženje dostavit ću ga pismenim putem kao i pitanje upućeno upravi policije Ministarstva unutrašnjih poslova Kantona Sarajevo. Hvala.

**Elvedin Okerić (Predsjedavajući)**

Zahvaljujem se zastupnici Memić.



**Elvedin Okerić (Predsjedavajući)**

Zastupnica Smiljana Viteškić se javila za riječ.

**Smiljana Viteškić (poslanik/zastupnik)**

Zahvaljujem predsjedavajući. Dobar dan svima. Ja imam jedno pitanje koje je upućeno MUP-u Kantona Sarajevo, a ono glasi zašto MUP Kantona Sarajevo ne pokreće upravne sporove za privremeno oduzimanje vozačkih dozvola licima koja su evidentirana u službenim evidencijama MUP-a Kantona Sarajevo i zdravstvenih ustanova Kantona Sarajevo kao ovisnici o opojnim drogama i alkoholu, te iste uputiti na vanredne ljekarske preglede kako bi bili onemogućeni da legalno upravljaju motornim vozilima? Nezvanično saznajem da je takvih osoba u Kantonu Sarajevo oko 4000. Molim pisani odgovor. Hvala.

**Elvedin Okerić (Predsjedavajući)**

Zahvaljujemo se zastupnici Viteškić. Zastupnica Marijela Hašimbegović se javila za riječ.

**Marijela Hašimbegović (poslanik/zastupnik)**

Zahvaljujem se predsjedavajući. Srdačno pozdravljam sve vas koji učestvujete u radu ove sjednice i koji pratite rad ove sjednice, posebno naše sugrađane. Moje inicijative danas će biti obojene podršci našim mladima, pa s tim u vezi želim da pozdravim razred Srednje škole za saobraćaj i komunikacije Sarajevo koji su se obratili nama zastupnicima putem e-maila sa izvanrednom inicijativom na temu Efikasnog sistema elektronske naplate u javnom gradskom prijevozu Sarajevom sa ciljem da se elektronski čistači i naplata uvedu u sva vozila javnog prijevoza i da se cijene karata naplaćuju po vremenskom intervalu. Za mene ovo je izvanredna prilika da se mladi uključe u sve društvene procese. Pozdravljam činjenicu da su prepoznali problem, da su iznašli rješenje i da su tačno precizno adresirali dakle svoje pitanje i s tim u vezi pozivam ministra saobraćaja da iznađe način da komunicira sa ovim izvanrednim razredom i njihovim profesorima, razmotri ovu inicijativu, po meni vrlo razumna, i da na ovaj način pružimo priliku mladima da kreiraju sve ono što su potrebe od javnog interesa. A s tim u vezi dolazi moja druga inicijativa u drugom resoru koji se tiče Ministarstva komunalne privrede, infrastrukture, prostornog uređenja, građenja i zaštite okoline i divne priče koju je sjajni mladi inovator Damir Hanić uradio po pitanju inovacija koje se tiču nekog privremenog rješenja koji se tiče zagađenosti zraka i njegove ideje o tim nekim kratkoročnim strategijama po pitanju načina rješavanja kako je naveo bušenja magle i smatram da treba saslušati mlade, nauku, mlade inovatore, dati im priliku, vidjeti da li ovdje postoje neka razumna rješenja jer zaista pitanje zagađenosti zraka treba da bude prioritet rješavanja, kako Skupštine, naravno tako i Vlade Kantona Sarajevo. Kada smo već na ovom resornom Ministarstvu uputiću jedno pitanje za uvaženog ministra koje se tiče kada će se osposobiti parking na gradskom groblju Vlaskovo obzirom da tu postoje razni evidentni problemi i na koji način mislite riješiti pitanje bespravno postavljene cvjećare koja se nalazi na tom lokalitetu? Inicijative i pitanje samo uputila u pisanoj formi. U pisanoj formi očekujem i odgovore i to će biti toliko za sada. Hvala lijepa.

**Elvedin Okerić (Predsjedavajući)**

Zahvaljujemo se zastupnički Hašimbegović. Za riječ se javila zastupnica Elza Gakovića.

**Elza Gaković (poslanik/zastupnik)**

Zahvaljujem predsjedavajući. Ja ću za danas imati nekoliko inicijativa i jedno zastupničko pitanje. Moja prva inicijativa odnosi se na Direkciju za ceste Kantona Sarajevo za uspostavljanje horizontalne i vertikalne signalizacije čitavom dužinom ulice Avde Palića zato što je neophodno postaviti usporivače saobraćaja i označiti pješačke prijelaze zbog saobraćanja školskog autobusa i velikog broja školske djece. Prelazak ulice djece na navedenoj lokaciji kao

i ostalih učesnika u saobraćaju jako je rizičan zbog brze i nesavjesne vožnje. Druga inicijativa. Pokrećem zastupničku inicijativu prema Ministarstvu za odgoj i obrazovanje Kantona Sarajevo za uvođenje produženog boravka u Osnovnoj školi Sokolje. Dvije susjedne osnovne škole, Osnovna škola Mustafa Busuladžić i Osnovna škola Behaudin Selmanović, kao i navedena Osnovna škola Sokolje nemaju produženi boravak. Zbog velikog broja školske djece mjesnih zajednica Reljevo, Zabrdje, Dobroševići, Naselje heroja Sokolje i Briješće postoji velika opravdanost i interes za uvođenjem produženog boravka u Osnovnoj školi Sokolje.

Pokrećem zastupničku inicijativu prema Zavodu za izgradnju Kantona Sarajevo za reviziju geologije svih već utvrđenih područja nestabilnih terena u padinskim dijelovima Kantona Sarajevo. Geološke analize koje su rađene prije urađene su na manjem broju uzoraka koje sad nisu referentne za određivanje nestabilnosti terena jer su građani određenim svojim građevinskim radovima izmijenili izgled nestabilnih terena. Moja inicijativa ide u smjeru bržeg i efektivnije rješavanje postupaka sanacije nestabilnih terena i klizišta na području Kantona Sarajevo. Ja kao primjer uzimam područja Općine Novi Grad Sarajevo koji ima oko cca 180 manjih i većih klizišta u zoni svih regulacionih planova koji su opasnost za živote ljudi i smetnja legalizaciji individualno-stambenih objekata. Za zastupničko pitanje molit ću usmeni odgovor ministra komunalne privrede, infrastrukture, prostornog uređenja, građenja i okoliša, a ono se odnosi na sljedeće; da li je moguće smanjiti cijene gasa od 1. aprila u Kantonu Sarajevo s obzirom na smanjenje trošenja količine ovog prirodnog energenta? U vremenu kada je inflacija uzrokovala rast cijena osnovnih životnih namirnica smatram da bi veliko olakšanje za budžet građana Kantona Sarajevo bilo smanjenje ovog prirodnog gasa. Za ovo pitanje tražim usmeni odgovor i ako je moguće pokrećem inicijativu za smanjenje ovog prirodnog gasa. Zahvaljujem.

#### **Elvedin Okerić (Predsjedavajući)**

Zahvaljujem se zastupnici Gaković. Za riječ se javila dopredsjedavajući Jelena Pekić.

#### **Jelena Pekić (dopredsjedavajuća)**

Hvala predsjedavajući. Ovom prilikom želim da pozdravim sve prisutne, kao i gledatelja i građane Kantona Sarajevo putem televizijskog prenosa. Ovom prilikom upućujem zastupničko pitanje koje sam pripremila zajedno sa kolegicom Belmom Kapo a na inicijativu anesteziologa. Naime pitanje se odnosi, je upućena prema Ministarstvu zdravstva Kantona Sarajevo i glasi; budući da je u svijetu kao i u zemljama regiona uobičajena procedura da žene prilikom ginekoloških intervencija i poroda dobijaju analgeziju, molim da odgovorite na sljedeća pitanja: da li postoji aktuelni programi unutar Ministarstva ili javnih ustanova koje promovišu osnovna prava žena da dobiju analgeziju tokom ginekoloških intervencija, kao što su kiretaža, pobačaj, aspiracija, porod, epiziotomija i šivenje međice nakon poroda. Da li ustanove čiji je osnivač Kanton Sarajevo nude usluge analgezije za ginekološke procedure i za porod, te navesti koji su to tačno usluge, da li su dostupne 24 sata. Koliko se navedeni ginekoloških procedura koje sam prethodno pobrojala obavi godišnji bez anestezije a koliko sa anestezijom? I da li je ženama uvijek ponuđena mogućnost anestezije, da li imaju neki pisani trag da im je ta mogućnost data? Odgovor tražimo pismeno. Hvala.

#### **Elvedin Okerić (Predsjedavajući)**

Zahvaljujemo se dopredsjedavajućoj Pekić. Za riječ se javila zastupnica Mersiha Mehmedagić.

#### **Mersiha Mehmedagić (poslanik/zastupnik)**

Hvala predsjedavajući. Pozdravljam sve prisutne, kao i građana Kantona Sarajevo koji prate današnje zasjedanje. Imam jedno pitanje koje upućujem Kantonalnom zavodu za zaštitu

kulturno- istorijskog i prirodnog naslijeđa. Da mi dostave detaljnu informaciju o stanju u kojem se nalaze svi spomenici, nacionalni spomenici sa područja Kantona Sarajevo, kao i kompletnom stanju kulturno- istorijske prirodne baštine u Kantonu Sarajevo sa prijedlogom mjera za njihovo unapređenje. Molim da to bude jedan sažet tabelaran pregled. I podnosim jednu inicijativu prema Ministarstvu zdravstva za nabavku aparata, pardon, koji olakšava drenažu disajnih puteva kod djece. Na tržištu se nalazi, na tržištu u regionu se nalazi jedan sličan proizvod koji podrazumijeva, neću naravno navesti onaj brend, koji podrazumijeva prsluk koji proizvodi vibracije tako što se napuše ispuše i simulirao lupkanje koje pomaže drenažu pluća kod djece koja nisu u stanju da izbaci onaj česti gusti naporni sekret iz pluća i zbog toga imamo jako često dugotrajne upale koje se vraćaju i najčešće se završavaju i tim upornim upalama pluća. Molim da Ministarstvo izvrši istraživanja tržišta, procjeni nabavku i da se našim domovima zdravlja osigura ovaj aparat koliko prije to moguće kako bi uz već postojeće usluge inhalacija i ovim aparatima pomogli našim mališanima i smanjili one, pa gotovo i epidemije koje vladaju u proljeće u jesen i tokom zime kad su ove respiratorne infekciju u pitanju. Ostalo ću predati pismeno. Toliko hvala.

### **Elvedin Okerić (Predsjedavajući)**

Zahvaljujemo se zastupnici Mehmedagić. Za riječ se javio zastupnik Samir Avdić.

### **Samir Avdić (poslanik/zastupnik)**

Zahvaljujem predsjedavajući. Najprije pozdravljam ovdje prisutne i građane koji prate naša putem medija. Ovaj namjerno sam ovu inicijativu sačuvao za prvu redovnu sjednicu na kojoj će prisustvovati i naš novi premijer Nihad Uk. Inicijativa otprilike misli da ide pretpostavljam da ide ovaj ispred svih zastupnika i zastupnica s obzirom da sam onako u privatnom razgovoru ovaj i od drugih čuo slično razmišljanje a na Trećoj redovnoj sjednici uvaženi kolega Kapidžić razgovarao u tom smjeru kada je spominjao Ministarstvo prostornog uređenja, ono sa najdužim nazivom. Naime teorija organizacije je kroz svoja istraživanja ustvrdila mnogo puta da često sistem ne funkcioniše zbog sistema a ne zbog ljudi koji su u sistemu i zbog toga je ponekada potrebno da se on restrukturira ili da se redizajnira. Mi imamo sistem kakav imamo, imamo 13 ministarstava koja su utvrđena Ustavom koji je donesen kada je donesen i između ostalog kada je donošen on je možda oslikavao potrebe tog društvenog trenutka, međutim on nije aktualiziran od tada s obzirom da se radi o eventualnoj ustavnoj promjeni. Zbog toga bi zamolio premijera Uk da u narednom periodu od svog tima iz kabineta ili od eksternih eksperata napravi jednu ekspertnu grupu koja će nam pripremiti elaborat o eventualnom redizajniranju sistema kada su u pitanju ministarstva, 13 ministarstava u Kanton Sarajevo. Obrazloženja vam vjerovatno ne treba neko posebno, ali evo samo ću kratko reći .Po meni nije baš previše efektno da imamo kulturu i sport u istom Ministarstvu. Kada pogledate u lokalnim zajednicama ustvari po tome gdje se svrstava kultura vidite ustvari odnos neke lokalne zajednice prema istoj .Oni koji u kulturi vide potencijal za turizam, za razvoj privrede nju ovaj otprilike kroz sistem stave zajedno sa privredom. Oni koji vide sa obrazovanjem stave je uz obrazovanje, kod nas se ona nalazi uz sport i vi možete često u javnim diskusijama vidjeti da primijetiti antagonizam između sportista i kulturnjaka jer jednostavno ne postoji potrebno razumijevanje potreba ovog drugog, tako da jedni misle da su ovaj da dobijaju manje nauštrb sebe da ovi dobijaju više itd. Također rad i socijalna politika malo gdje u sistema u regiji i dalje su rad i socijalna politika zajedno, nekako bi rad trebalo da ide više uz Ministarstvo privrede, socijalna politika tu gdje jeste. Mi vidimo mjerama ove Vlade da Ministarstvo za boračka pitanja u svojoj viziji sebe vidi kao manje ministarstvo koje će se baviti socijalnim pitanjem, a više ministarstvo veterana koje će se baviti kulturom sjećanja, pa bi u tom smislu više prirodnije bi bilo da su uz kulturu nego ovako kako su sada.

### **Elvedin Okerić (Predsjedavajući)**

Vrijeme kolega Avdiću.

### **Samir Avdić (poslanik/zastupnik)**

Prostorno uređenje i komunalnu privredu bi također trebalo razdvojiti. Uglavnom zamolio bih da se počne razmišljati u tom smjeru da se u nekom doglednom periodu pripremi taj elaborat koji bi eventualno proizveo glasanje ove Skupštine. Zahvaljujem se.

### **Elvedin Okerić (Predsjedavajući)**

Zahvaljujem se zastupniku Avdiću. Zastupnica Miomirka Melank se javila za riječ.

### **Miomirka Melank (poslanik/zastupnik)**

Hvala. Poštovane i poštovani, danas želim da uputi inicijativu za uspostavu i korištenje rodno osjetljivog jezika u Skupštini Kantona Sarajevo prilikom izrade akata u kojima se odlučuje o pojedinačnim pravima, prilikom navođenja funkcija, titula, zvanja, zanimanja na službenim dopisima, natpisima na kancelarijama i dokumentima, izradi i objavljivanja saopštenja za medije i također izradi izmjene statičkog dijela zvanične web stranice. Donošenje ove odluke će osigurati zaustavljanje diskriminacije i ostvarivanje ravnopravnosti u jeziku u odnosu na osobe ženskog spola koji se koristi u komunikaciji, internim aktima i materijalima koji se šalju drugim institucijama u zemlji i inozemstvu, poslovnicama, domovima Parlamentarne Skupštine Bosne i Hercegovine i svim drugim institucijama koje to zahtijevaju. Rodno osjetljiv jezik je važno društveno pitanje, a rodno osjetljiva upotreba jezika doprinosi većoj vidljivosti žene, njenog rada i ekonomske jednakosti koja je izborila na tržištu rada. Navika da se muški rod koristi kao generički rod otežava nastojanje da bosanskohercegovačko društvo dosegne ravnopravnost proklamovanu zakonima i usvojenim konvencijama o ljudskim pravima. U proceduri predlažem da usvojimo zaključak na nekoj od narednih sjednica o upotrebe uputstva o korištenju rodno osjetljivog jezika u Parlamentarnoj skupštini Bosne i Hercegovine, u našoj najvećoj najvišoj parlamentarnoj institucije uputstvo je u upotrebi još od 2014. godine. Osim uputa potrebno je donijeti i druge propise vezane za izradu propisa u Kantonu Sarajevo, te izmjene i dopune Poslovnika Skupštine Kantona Sarajevo. Zahvaljujem.

### **Elvedin Okerić (Predsjedavajući)**

Zahvaljujem se zastupnici Melank. Za riječ se javio zastupnik Adi Kalem.

### **Adi Kalem (poslanik/zastupnik)**

Zahvaljujem predsjedavajući. Salamim i pozdravljam sve prisutne i tako isto selamim i pozdravljam gledaoce pored malim ekrana. Ja za danas sam spremio dvije inicijative, a tiču se Ministarstva saobraćaja Kantona Sarajevo. Ja sam već razmijenio par riječi sa uvažanim ministrom i mislim da će biti prostora ako Bog da da se ovo realizuje. Između ostalog prva inicijativa se tiče izmjene trase minibuske linije Tarčin- Trzanj po novoj trasi koja bi bila Tarčin-Smucka- Tarzanj, uz obrazloženje da postoji opravdan razlog i prostorni kapaciteti da se ova inicijativa realizuje. Djeca iz naselja Smucka koja pohađaju nastavu u Osnovnoj školi Hilmija efendija Šarić u Tarčinu svakodnevno prelaze magistralnu cestu M17. S obzirom da se radi o saobraćajnici većeg ranga, gdje su brzine dozvoljene brzine puno veće i oni su izuzetno ugroženi kao učesnici u saobraćaju ,posebno prilikom prelaska ove saobraćajnice od autobuskog stajališta u naselju Vrbanja. Naravno da bi se izbjegle potencijalne nesreća neophodno je izmijeniti postojeću trasu minibusa i obzirom na izuzetnu važnost ove realizacije inicijative molim da se realizuje u što kraćem mogućem roku. Moja druga inicijativa jeste

sljedeća: prilagodba postojeće semaforizirane raskrsnice za slijepa i slabovidna lica ulica Hadželi. Godinama već postoji potreba da se unaprijedi signalizacija na ovoj raskrsnici. Nakon već brojnih apela građana općine Hadžići za prilagođavanjem ovog semafora i građana koji imaju stvarnu potrebu za istim, podnosim inicijativu da se slijepim i slabovidnim licima pružimo uslove za normalan život i nesmetan prelazak ove raskrsnice. Također zbog izuzetne važnosti tražim od Ministarstvo saobraćaja Kantona Sarajevo da u što kraćem roku krene sa realizacijom ove inicijative. Zahvaljujem.

### **Elvedin Okerić (Predsjedavajući)**

Zahvaljujemo se zastupniku Kalemu. Zastupnik Harisa Zahiragić ima riječ.

### **Haris Zahiragić (poslanik/zastupnik)**

Zahvaljujem predsjedavajući. Podnosim inicijativu kojom tražim od MUP- Kantona Sarajevo, Uprave policije, Ministarstva saobraćaj Kantona Sarajevo da prije svakog stacioniranog i fiksnog redara koji je postavljen na autocestu na teritorij Kantona Sarajevo, ali i prije svakog stacioniranog radara postavljenog na brzu, regionalnu, magistralnu, čak i lokalni put postavi obavezno tablu upozorenja radara jer mislim da bi radar trebali da budu prevencija od brze vožnja, a ne represija i skupljanje budžetskih sredstava. Mislim da zaista je vrlo iritirajuće da je postavljeno sedam radara na cesti autoputu gdje su ograničenja 100 ili ispod 100, a da o tome nema čak ni jedna jedina oznaka, tako da insistiram da postavite takvu vrstu oznaka kako bi ti radar zaista dobili svoju svrhu da bude preventivno a ne represivno djelovanje i sprečavanje činjenja prekršaja u saobraćaju.

Imam više pitanja. Jedno je za ministra privrede novog da li ćemo konačno od vas kada već od starog ministra nismo dobili uprkos obećanjima dobiti detaljan izvještaj o utrošku svake marke na sajmu Expo 2021. ili 19 Expo jer nikada to još nismo dobili od starog ministra. Tražili smo više puta i Kapidžić u par navrata ranije. Sada imamo novog ministra pa vjerujemo da ćemo dobiti konačno od njega cijelu informaciju gdje je skoro 4 ili preko 4 miliona maraka građana Kantona Sarajevo utrošeno na to ekskurziji.

Ministarstvo saobraćaja da li je stigao softver koji je na kraju u posljednjim danima vašeg prvog mandata ministre Šteta plaćen avansno firme BS Telekom? I ukoliko je stigao da li ga koristite imajući u vidu činjenicu da su ta stajališta još uvijek otvoreni i da se prema onome što mi vidimo ne planira ili barem u dogledno vrijeme neće desiti zatvaranje stajalište u kojem taj sistem ili softver konačno imao svoju svrhu. Možete li mi reći šta je s tim poslom, šta je s tim ugovorom i da li je taj softver ikada došao u Ministarstvo saobraćaj, da li ga i na koji način koristite s obzirom da je plaćen čini mi se 4,8 ili 5 miliona konvertibilnih maraka. Također za ministra saobraćaja.

Možete li mi reći zašto Centrotrans ne poštuje linije i da li je Ministarstvo saobraćaja u stanju da izvrši uprkos činjenici da u toj u tom postupku Centrotransu sudjeluju visokopozicionirani kadrovi jedne od stranaka koje su vaši koalicioni partneri, da li možete ipak te linije Centrotransa napraviti određenu vrstu revizije, izvijestiti nas do koje mjere oni poštuju red vožnje, jer imamo situaciju s terena da ljudi se svaki dan žale da Centrotrans one linije komercijalne koje je preuzeo ne poštuje, da je smanjio 30 % njihovu realizaciju. Znao da smo imali priliku neposredno i usmeno da sam se vama obraćao, riješili ste problem Buća potok, pa nadam se da će se na jedan sistemski način riješiti sve linije u cijelom Kantonu Sarajevo, koje zaista Centrotrans uopšte ne poštuje.

### **Elvedin Okerić (Predsjedavajući)**

Kolege Zahiragiću, izvinjavam ovo je već treće pitanje. Dva imate po Poslovníku. Možete u nastavku inicijative podnijeti ako imate, evo da vam ne oduzimam više vrijeme.

### **Haris Zahiragić (poslanik/zastupnik)**

Dobro, imam inicijativu još jednu da tražim od ministra financija da nam, pošto je novi ministar, ranije smo postavljali pitanja pa nisam dobio odgovor, vjerujem da ćemo od ovoga dobiti, da nam odgovori koliko novca od 2019 godine do danas Vlada Kantona Sarajevo, kao i sva njihova ministarstva, kao i sva javna preduzeća, generalno Kanton Sarajevo kao budžet jer svi budžetski korisnici putem UNDP izvršeno projekata javnih nabavki a imajući u vidu činjenicu da veliki broj projekata putem UNDP-a je zaista izigravanja Zakona o javnim nabavkama, pa želio bih da imam cjelovitu informaciju. Hvala.

### **Elvedin Okerić (Predsjedavajući)**

Zahvaljujem se zastupniku Zahiragiću. Za riječ se javila zastupnica Sanela Klarić.

### **Sanela Klarić (poslanik/zastupnik)**

Zahvaljujem predsjedavajući. Pozdravljam sve prisutne i gledaoce pored ekrana Televizije Sarajevo. Ja sam poslala tri inicijative i dva zastupnička pitanja. Inicijativa koja mi je jako važno i o kojoj želim nakon mišljenja Vlade da se izjasne i kolege zastupnici, inicijativa koju sam uputila Vlade Kantona Sarajevo, Ministarstvu komunalne privrede infrastrukture, prostornog uređenja, građenja i zaštite okoliša koja se odnosi na projekte energetske efikasnosti. Želimo da sa ovom inicijativom poboljšamo ove projekte da budu u službi zaštite okoliša, lokalne ekonomije, zdravlja ljudi te zelenih politika Evropske unije, a u odnosu na prakse koje Evropska unija provodi od 2012. godine a mi smo još uvijek daleko od toga. Pored mjera ugradnje termoizolacija na fasadama i zamjene prozora odnosno radova na vanjskoj omotnici objekta obavezno uvesti mjere zamjene sistema grijanja, prilagođena novim energetskim karakteristikama objekta iz obnovljivih izvora energije, da se uvede obaveza mjere prečišćavanje zraka, posebno ako su u pitanju obrazovni i zdravstveni objekti uvedu obaveznu mjeru proizvodnje električne energije iz obnovljivih izvora energije na ovim objektima, uvedu obaveznu mjeru upravljanja otpadom uz minimalno 50 % recikliranja ili ponovnog korištenja građevinskog otpada kroz ove projekte, uvedu zelene javne nabavke preko kojih će se obezbijediti podrška lokalnoj ekonomiji uz smanjenja primarne energije i dekarbonizaciju, uvede obavezan registar svih objekata koji su rekonstruisani po mjerama energetske efikasnosti uz uvođenje obaveznog monitoringa nakon završetka svih radova jer mi ovdje apsolutno ne znamo niti što smo do sada uradili, niti koliko smo uštedjeli, uvedu obavezu certificiranja objekta i radi na jačanju kapaciteta planiranja usvajanja mjera zelenog certificiranja. Pošto je o obaveza da Vlada nakon usvajanja budžeta, a danas bi trebali usvojiti budžet, na prijedlog ministara usvoji prijedlog utroška sredstava, smatram da je važno da bar sa jednim pilot projektom planiramo ova sredstva u ovoj godini. Također ovde zastupničko pitanje u kojoj fazi je regulisanje uklanjanja deponija deponovanja prodaja napuštenih vozila započeto usvajanjem izmjena i dopuna Zakona o uređenju saobraćaja u Kantonu Sarajevo. To je za Ministarstvo saobraćaja. Zatim za Ministarstvo privrede da li je uređena studija o društveno ekonomskoj opravdanosti osnivanja izgradnje tvornice peleta, ko je radio? Ukoliko je studija urađena šta je studija pokazala i da li je Vlada Kantona Sarajevo razmatrala i prihvatila studiju? Koliko je studija urađena i prihvaćena koji su dalji koraci u izgradnji ovog pogona za pelet? I jako važna inicijativa za izradu digitalnog vodiča mape teritorijalne nadležnosti svih komunalnih preduzeća.

### **Elvedin Okerić (Predsjedavajući)**

Zastupnice Klarić, vrijeme.

### **Sanela Klarić (poslanik/zastupnik)**

A posebno čišćenja obaveza otpada košenja i odvoza pokošene trave, uklanjanja polomljenih drveća i granja, prilagođavanja poravna javne rasvjete, održavanje stajališta javnog prevoza. Veliki broj je komunalnih javnih preduzeća, građani ne znaju na kojem predjelu Kantona oni djeluju i jako je važno da napravimo mapu, tako da građani znaju kada imaju neki problem odlaganja smeća ili ovaj drugih problema da znaju gdje mogu da se obrate. Hvala.

### **Elvedin Okerić (Predsjedavajući)**

Zahvaljujemo se zastupnici Klarić. Za riječ se javila zastupnica Admela Hodžić.

### **Admela Hodžić (poslanik/zastupnik)**

Zahvaljujem predsjedavajući. Pozdravljam sve prisutne kolege i kolegice zastupnike i zastupnice. Također pozdravljam sve one koji na bilo koji način prate rad današnje sjednice. Upućujem zastupničko pitanje premijeru Kantona Sarajevo, odnosno svim ministarstvima, javnim ustanovama, javnim preduzećima i svim ostalim ustanovama kojima se Budžetom Kantona Sarajevo obezbijede sredstva ekonomskim kodom 613 900, odnosno posebna naknada za podsticanje rehabilitacije zapošljavanja osoba sa invaliditetom i tražim da Skupštini Kantona Sarajevo dostavi odgovor, odnosno podnese izvještaj za proteklu godinu koliko je tih sredstava iskorišteno u odnosu na iznos predviđen Budžetom za 2022. godinu i detaljnu informaciju koliko je osoba s invaliditetom koristilo ova sredstva za navedene svrhe. Molimo vas da nam odgovor dostavite što je prije moguće, a najdalje do naredne radne sjednice. I kazat ću samo još nešto, inicijativu koju je upravo podnio ovaj kolega zastupnik Adi Kalem za Ministarstvo saobraćaja za izgradnju semafora u ulici Hadželi u Hadžićima sa svjetlosnom signalizacijom, ja sam podnijela u prošlom mandatu kada je ministar bio još gospodin Mujo Fišo i dobila sam potvrdu od njega da je odobrio izgradnju ovog projekta. Inicijativu sam pokrenula na zahtjev naših sugrađana koji su slijepi i slabovidne osobe iz Hadžića. Poslije se toga sam nekoliko puta molila ministre koji su došli poslije gospodina Muje Fiše i gospodina Adija Kalema kada je bio ministar i gospodina Štetu. Ovaj znam da je bio tada jedan period Corone, da nije možda nije bilo interesa i prostora za ovakvo nešto ali evo još jedanput evo molim i apelujem da se i moja i inicijativa kolege Adija uzme u razmatranje i da se da se realizuje. Zahvaljujem.

### **Elvedin Okerić (Predsjedavajući)**

Zahvaljujem se zastupnici Hodžić. Zastupnik Faruk Kapidžić.

### **Faruk Kapidžić (poslanik/zastupnik)**

Zahvaljujem. Imam dva pitanja i jednu inicijativu. Dakle za ministra komunalne infrastrukture i prostornog uređenja građenja zaštite okoliša da li će poduzeti išta u vezi nelegalne i neregularne izgradnje objekta na Soukbunar broj 39 koji je ugrozio i ošteti objekat rezervoara vode, te tako doveo u opasnost sve građane koji se nalaze u okruženju, kao i stabilnost cijele padine koja je djelomično prepoznate kao klizište? Šta će poduzeti u vezi neregularnog izdavanja dozvole za izgradnju kerozinskog terminalu u neposrednoj blizini aerodroma i u okviru treće vodozaštitne zone, kao i što će uraditi sa zabranjenom legalizacijom od 2017 nelegalno izgrađenih objekata jer ovo prelazi već u teror građana, vlasti nad građanima. Drugo pitanje premijeru gospodinu Uku, koje je već postavljeno ali ću ga ipak postaviti da li ćete otvoriti javnosti ugovor za EXPO oktobar 21/ 2, te napraviti istragu o jednoj od najvećih afera

prošle Vlade teške preko 4 miliona KM. Prema nepotvrđenim izvorima ukupna koštanja nisu prešla više od 1,2 miliona, te blizu 3 miliona KM su utrošena u sumnjive svrhe. Da li ćete uključiti novinare i TV kuće da istraže i u javnosti iznesu pravu aferu za razliku od fabrikovane afere respiratori. I inicijativa koju sam podnio ovaj prije 3 sjednice, pa je ponavljam i tražim da se na ovoj sjednici izjasne poslanici i da mi se ne odgovara više sa tim da se treba neko nešto izjasniti prije izglasavanja ovdje. Dakle prošle su ti sjednice pa nije došlo do toga, a inicijativa se odnosi na ovaj zaduženje Vlade Kantona Sarajevo da pripremi i u parlamentarnu proceduru uputi izmjene i dopune Zakona o organizaciji djelokruga organa uprave i upravnih organizacija u Kantonu Sarajevo i to na način da se Ministarstvo komunalne privrede, infrastrukture, prostornog uređenja, građenja i zaštite okoliša preimenuje u ministarstvo prostornog uređenja, građenja i zaštite okoliša. Te u skladu s tim da se promijene njegove nadležnosti, a da se komunalne infrastrukture i komunalna privreda dodaju u nadležnosti Ministarstva saobraćaja i ministarstva privrede, tim redom. Obrazloženje je dato u inicijativi, onda sam ga pročitao tako da ne moram sad. Tražim da se izjasnimo o ovoj inicijativi, a poslije da se obavlja zavisno od rezultata glasanja. Hvala.

### **Elvedin Okerić (Predsjedavajući)**

Zahvaljujem se zastupnik Kapidžiću. Zastupnica Sebija Izetbegović se javila za riječ.

### **Sebija Izetbegović (poslanik/zastupnik)**

Zahvaljujem se. Dakle ponukana diskusijom kolege Ilijaza Pilava, moram istaći da sam u više navrata postavila gotovo identična pitanja Ministarstvu zdravstva i ministru Vraniću i nikada nisam dobila odgovore, ni pisane, ni usmene. Također se referiram na komentar gospođe dopredsjedavajuće Jelene Pekić koja je spominjala uslugu anestezije, pa bih u tom smislu postavila jednu inicijativu i dva zastupnička pitanja. Inicijativa bi naravno išla prema resornom zdravstveno ministarstvu i ministru Harisu Vraniću da se dostavi spisak svih privatnih zdravstvenih ustanova na području Kantona Sarajevo koje pružaju usluge uz korištenje opće anestezije, naravno sa imenima svih anesteziologa koji rade kod tih privatnika i navod iz koji ih javno zdravstvenih ustanova ti anesteziolozi dolaze da pružaju anesteziološke usluge u privatnim ustanovama. Drugo pitanje bi bilo, ko izdaje dozvole za rad privatnicima koji rade intervencije u općoj anesteziji i ko kontrolira uslove u kojima oni rade? Ko odgovora za komplikacije i moguću smrt pacijenata nakon uvođenja u opću anesteziju, kao što je bio slučaj sa malom djevojčicom rahmetli Dženom Gadžun i ništa se do sada još uvijek nije riješilo, svi jednako rade. I drugo pitanje, zašto Ministarstvo zdravstva Kantona Sarajevo izdaje dozvolu za rad privatnim zdravstvenim ustanovama ako komisija Ljekarske komore nije u tom slučaju dala pozitivno mišljenje o radu? Dakle komisija Ljekarske komore donese odluku da takva ustanova ne zadovoljava uslove za rad, međutim Ministarstvo ipak izda dozvolu. Želim pismene odgovore u što kraćem vremenu. Zahvaljujem se.

### **Elvedin Okerić (Predsjedavajući)**

Zahvaljujemo. Zastupnica Fatima Gavrankapetanović-Smailbegović se javila za riječ.

### **Fatima Gavrankapetanović-Smailbegović (poslanik/zastupnik)**

Zahvaljujem se. Poštovani predsjedavajući, kolege zastupnici, članovi Vlade. Postavljam pitanje ministru zdravstva profesoru doktoru Harisu Vraniću, koliko je tačno potrebno dežurnih apoteka na broj stanovnika? Da li je potrebno otvaranje još dvije apoteke dežurne u Kantonu Sarajevo kad znamo da ih imamo već 9, najveći broj apoteka u regionu. Molim usmeni odgovor. Zahvaljujem se.



### **Elvedin Okerić (Predsjedavajući)**

Zahvaljujemo se svim zastupnicama i zastupnicima na postavljenim pitanjima i podnesenim inicijativama. S obzirom da imamo obiman današnji red i usvajanje najznačajnijeg dokumenta Skupštine Kantona Sarajevo, a to je Prijedlog budžeta za 2023. godinu, kao i Finansijski plan Zavoda zdravstvenog osiguranja, što će sigurno reflektovati cjelodnevnu diskusiju i raspravu, zato predlažem da ministri ponude pitanja usmena onako kako su vam zastupnici postavljali, ali ona koja zaista možete kratko odgovoriti, a sva ostala pitanja da dostavite pismenim putem, kako ne bi gubili vrijeme. Evo redom idemo. Prvi se prijavio Admir Katica. Izvolite imate riječ.

### **Admir Katica (ministar)**

Hvala lijepa predsjedavajući. Lijep pozdrav svim zastupnicima i zastupnicama, građankama i građanima Kantona Sarajevo. Vezano za pitanja uvaženog zastupnika Mahira Devića vezano za analitiku kazni za parkiranje na području Kantona Sarajevo dozvolit ćete mi da to vam pismo dostavimo s obzirom da je zaista to zahtjevno prikupiti, pa čim dostavimo čim prije mi ćemo dostaviti to vama kao odgovor. Što se tiče policijskog odjeljenja Srednje vi znate da smo mi izgradili taj objekat, osposobili ga za rad, moguć je radu u njemu, imamo trenutno podkapacitiranost Uprave policije što se tiče policijskih službenika. U toku je vrlo brzo će ustvari doći policijski službenici koji su na Policijskoj akademiji odradili pripravnčki staž. Ja se nadam nakon toga da ćemo moći imati na raspolaganju ljude koji bi mogli zauzeti ove pozicije. To će svakako odlučiti u konačnici Uprava policije. Uvaženi zastupnik Muamer Bandić pitao je kada će raspisati konkurs za izbor policijskog komesara. Ja bih tu umjesto odgovora citirao član 36 Zakona o unutrašnjim poslovima Kantona Sarajevo gdje kaže se da postupak odabira novog policijskog komesara mora započeti najkasnije 3 mjeseca prije isteka mandata policijskog komesara, odnosno odmah, a najkasnije 3 mjeseca nakon pravosnažnosti odluke o smjeni ili pravosnažnosti odluke o izrečenoj disciplinskoj sankciji. Dakle u ovom članu je ustvari dat odgovor na vaše pitanje. Uvaženi zastupnik Šaljić inicijativa svakako bi zamolio da se ova inicijativa proslijedi Upravi policije koja je, koja bi mogla ponuditi odgovor vezano za ovu inicijativu za izmještanje radara sa autoputa, da vidimo kakvo je njihovo mišljenje po ovom pitanju, kakve su tehničke mogućnosti i uopšte kakvo je promišljanje o ovoj problematici. Također bih zamolio uvaženu zastupnicu Smiljanu Viteškić da dostavim na pitanja odgovor pismeno jer i ovo je zaista zahtjevna za prikupljanje informacija, pa ćemo vam zaista odgovoriti pismeno. Mislim da sam odgovorio na sva pitanja. Hvala.

### **Elvedin Okerić (Predsjedavajući)**

Zahvaljujemo se ministru Katici. Ministar Adnan Šteta se javio za riječ.

### **Adnan Šteta (ministar)**

Dobar dan svima. Evo sve vas srdačno pozdravljam, i vas ovdje u sali i naše gledatelje. Prije nego što odgovorim na pitanja koja sam imao od zastupnika Zahiragića, želim da pohvalim i zahvalim se na inicijativama koje sam dobio da kažem od više zastupnica i zastupnika i da kažem da su inicijative korektne i da se one mogu realizovati i da ćemo što prije krenuti u njihovu realizaciju. Po pitanju vezano za pitanja zastupnika Zahiragića, na prvo pitanje ću dostaviti pisani odgovor, tako smo se uskladili, a vezano za drugo pitanje, sa aspekta nepoštivanja određenih linija koje prevoznik Centrotans ne poštuje u smislu redova vožnje, evo ja dok sam čekao riječ smo već poslali zahtjev inspekciji za kontrolu svih autobuskih minibuskim linija sa aspekta kontrole i poštivanja reda vožnje i svega onoga što je zakonski. Čim dobijemo izvještaj ja ću ga vama proslijediti. Hvala.

### **Elvedin Okerić (Predsjedavajući)**

Zahvaljujem se ministru Šteti. Uvaženi ministar Haris Vranić, izvolite imate riječ.

### **Haris Vranić (ministar)**

Hvala. Pozdravljam sve prisutne, kao i građane Kantona Sarajevo koji nas prati putem TV prijenosa. Ja sam imao nekoliko pitanja. Od uvaženog zastupnika Bandić je bilo pitanje u vezi tužbi koje su prvenstveno prema, koje se odnose na donešene pravilnike od strane Hitne medicinske pomoći i Doma zdravlja i da su isplaćene neke štete. Moram reći da ono što je saznao i zastupnik Bandić to sam saznao i ja putem medija. Nisam obaviješten od strane tih ustanova da su pokrenuti neki sudski postupci povodom izrade tih pravilnika, ali evo potruditi ću se da što prije, u što kasnijem vremenu što prije saznam o čemu se radi i blagovremeno ću obavijestiti uvaženog zastupnika Bandića o rezultatima onoga što sam saznao. Zastupnik dr. Pilav je postavio pitanje, nekoliko pitanja i konstatacija. Ja mislim da se ono u velikoj mjeri poklapa i sa pitanjima koja je postavila u prošlom zasjedanju Skupštine zastupnica Izetbegović. Dakle to je izuzetno kompleksno pitanje. Mi smo već počeli izradu ovih odgovora na ta pitanje. To je praktično jedan elaborat koji se treba izraditi i koji će biti u što skorije vrijeme i dostavljen. Tako da cjelokupni odgovor može dobiti samo u pismenoj formi, u usmenoj formi bi zahtijevalo jednu tematsku sjednicu. I uvažena zastupnica dr. Fatima Gavrankapetanović je postavila pitanje o broju dežurnih apoteka. Dakle tačno je ovo što je rekla da li u odnosu na okruženje mi imamo veći broj apoteka. U odnosu na susjedne glavne gradove mi imamo veći broj apoteka. Ako se osjećamo prije rata bilo je po zakon određeno da svaka opština mora imati praktično dežurnu apoteku. Kod nas je nažalost kao što sam u nekoliko navrata naglasio već u dva mandata se ne mijenjaju standardi i normativi za određivanje broja dežurnih apoteka, koje je nadležno federalno Ministarstvo zdravstva koji je ono i donosi. Ono kaže da se osnivanje dežurnih apoteka vrši na 20 000 stanovnika. Znači ako uzmemo i to podijelimo nažalost na broj stanovnika Kantona Sarajevo koji nekih oko 420 000 ili 416 000 po zadnjem popisu, onda ispada da ovo nije prevelik broj. Uglavnom mogu naglasiti da ćemo u narednom periodu izvršiti tačnu evaluaciju i ekonomsku isplativost i održivost tih i potreba Kantona Sarajevo za dežurnim apotekama, a također smo se obavezali ono što je već pri kraju i uskoro će biti objavljeno to je novi Pravilniku o uslovima i kriterijima za dodjelu dežurnih apoteka na području Kantona Sarajevo. Mislim da će s tim uslovima i kriterijima biti znatno smanjen broj potrebnih apoteka.

### **Elvedin Okerić (Predsjedavajući)**

Zahvaljujemo se ministru Harisu Vraniću. Premijer Nihad Uk se javio za riječ.

### **Nihad Uk (premijer)**

Hvala predsjedavajući. Srdačan pozdrav vama i kolegama zastupnicima i zastupnica i svim gledateljima Televizije Sarajevo. Dakle imao sam 4 pitanja koja su adresirana prema meni, dakle prema premijeru. Jedne pitanje odnosno inicijativa kolegice Kapo da se izmjesti metadonska terapija. Apsolutno sve ću činiti što je u mogućnosti ove Vlade, a sve je u mogućnosti Vlade s obzirom na nadležnosti po ovom pitanju da se ovo pitanje nakon 18 godina riješi. Kolega Avdić je inicirao novu sistematizaciju ministarstava kako bi napravili mnogo srodnija ministarstva u sklopu predviđenih nadležnosti Kantona Sarajevo, tako da u narednom periodu napravimo iniciramo grupu koja će predložiti ovom tijelu izmjenu postojećeg Zakona o ministarstvima. Kolegica Melank je također tražila da se u naše dokumente uvrsti i rodno senzitivni jezik i nema razloga da to tako i ne bude u narednom periodu. Kolegica Hodžić je postavila pitanje prema premijeru i budžetskim institucijama Kantona Sarajevo koliko je budžetskog novca iskorišteno za finansiranje odnosno sufinansiranje osoba s invaliditetom. Već u narednom mjesecu očekuje se izvještaj o izvršenju budžeta gdje će se tačno ova stavka

vidjeti a također resorno Ministarstvo će dostaviti odgovor na pitanje kolegice Hodžić. I na koncu kolega zastupnik Kapidžić je postavio pitanje da li će premijer izvršiti istragu po pitanju EXPO-a. Dakle neće. To radi tužiteljstvo i upoznat sam, evo upravo sam se upoznao sa tom svom problematikom. Tužiteljstvo već provodi istragu, ja iskreno pozivam Tužiteljstvo da što prije završi samu istragu, da se stavi tačka na ovo pitanje. Također dokumentacija od Expo-a je objavljena na web stranici Ministarstva privrede pri kraju mandata prethodnog ministra Delića. I također želim da podcrtam da je ovo tijelo podržalo projekat EXPO-a i Vladu Kantona Sarajevo u prethodnom mandatu. Tako da još jednom podcrtavam, molim Tužiteljstvo što prije da okonča ovu istragu kako bi izašli iz ovog pitanja na ovaj ili na onaj način. Hvala.

### **Elvedin Okerić (Predsjedavajući)**

Zahvaljujem uvaženom premijeru. Ministar Almir Bečarević je sledeći koji se javio za riječ.

### **Almir Bečarević (ministar)**

Hvala predsjedavajući. Želim da pozdravim sve prisutne i građane i građanke koji gledaju ovaj prijenos putem malih ekrana. Pitanje vezano za cijenu gasa. Znači Ministarstvo ovo, kao Vlada Kantona direktno ne može utjecati na cijenu gasa jer ona je samo da kažem formira se kod snabdjevača ali indirektno može. A zašto kažem indirektno? Evo na jedan vrlo jednostavan način, a to je da pokušam objasniti u jednoj rečenici prvo koliko se samo troši gasa u Kantonu Sarajevo. Znači '91. godine u gradu Sarajevo je potrošeno gasa 121 000 000 kubika i tada bilo 15 000 priključaka. Danas imamo u Kantonu Sarajevo 70 000 priključaka i potrošit ćemo gasa u ovoj godini možda negdje oko 130 000 000 kubika gasa. Znači 120 miliona -15 000 priključaka, 130 miliona kubika gasa - 70 000 priključaka. A drugi podatak koji želim vam kažem je taj i kad kažem indirektno snabdjevač ima u prošloj godini promet od 209 000 000 maraka, od toga na ino tržištu 27 000 000. Znači 180 miliona je promet ovog gasa u Federaciji i ovaj put neću reći koja mu je razlika u cijeni, to čuvam da sve građane i građanke putem malih ekrana upoznam i da vidite razornost ovoga šta se trenutno dešava na tržištu gasa, odnosno sa ovom cijenom koja je. I odgovorno tvrdim i sutra imam sastanak pošto smo jučer imali sastanak u KRO "RAD", sutra imam u "Sarajevogasu", u petak će ići inicijativa prema Federalnoj Vladi da se smanji cijena gasa za minimalno 30 % jer prostora ima i od ruskog partnera i u kalkulaciji cijeni snabdjevača i mislim da je vrijeme više da počnemo vraćati potrošače prirodnog gasa na sistem, odnosno da troše prirodni gas jer potencijal grada Sarajeva, odnosno Kantona Sarajevo je po potrošnji gasa i za čišći zrak negdje između 170 i 200 000 000 kubika gasa. Stoga hvala na pitanju i ovo će biti prva aktivnost, i ako ne znaju smanji cijenu za 30 % neka se maknu oni koji formiraju tu cijenu, imaju ljudi koji će to uraditi za 15 minuta. Hvala.

### **Elvedin Okerić (Predsjedavajući)**

Zahvaljujemo se ministru Bečareviću. Ministar Zlatko Mijatović se javio za riječ.

### **Zlatko Mijatović (ministar)**

Ovako, hvala predsjedavajući. Srdačno pozdravljam uvažene zastupnice i zastupnike, kao i naše građane koji nas prate putem TVSA. Ovako ja sam imao pitanje vezano za Expo izvještaj. Želim da napomenem da je prethodni ministar prije nego što je otišao objavio detaljan izvještaj o procesima i informacija o finansijskom poslovanju u tom pogledu na stranici Ministarstva privrede Kantona Sarajevo. U tom smislu taj izvještaj je svima javno dostupan i svakako transparentan. Također pozivam sve zainteresirane strane koje imaju interes u tom postupku da se najave i da dođu u Ministarstvo privrede Kantona Sarajevo, izvrše uvid u svu dokumentaciju, postavе sva relevantna pitanja i tako će dobiti sve odgovore. Hvala vam.

### **Elvedin Okerić (Predsjedavajući)**

Zahvaljujemo se ministru Mijatoviću. Ministar Pavle Krstić se javio za riječ.

### **Pavle Krstić (ministar)**

Pozdravljam sve prisutne, kao i gledaoce Kantonalne televizije. Na pitanja uvaženog zastupnika Marjanovića dat ću odgovore pismeno obzirom na činjenicu da sam tek dva dana na ovoj dužnosti, ovaj već se pripremam i proučavam sve ove inicijative i dokumente, tako da ovaj u najkraćem roku bit će odgovori pismenim putem. Hvala.

### **Elvedin Okerić (Predsjedavajući)**

Zahvaljujemo se ministrima. Zastupnik Mahir Dević se javio za riječ.

### **Mahir Dević (poslanik/zastupnik)**

Ako je nezadovoljstvo odgovorom jel? Jesmo li tu sada.

### **Elvedin Okerić (Predsjedavajući)**

To je sljedeće na redu. Pretpostavljam da se javljate zbog toga, izvolite.

### **Mahir Dević (poslanik/zastupnik)**

Hvala predsjedavajući. Nezadovoljstvo odgovorom naravno prema ministru MUP-a Kantona Sarajevo gospodinu Katici. Znači svjedoci ste vi ovdje u Skupštini i vi predsjedavajući rukovodstvo kojeg evo skupštine jel', pola istog. Pola zastupnika, pola Vlade, da je ovo jedno od pitanja koje sam ja postavljao već tri, četiri puta i da imamo protok vremena od cijelog mandata. Znači objekat policijske stanice u Srednjem je infrastrukturno završen skoro prije tri, četiri godine. Ja razumijem nadležnosti ministra i Uprave policije, ali ne mogu da shvatim da ministar policije Kantona Sarajevo u općini koja je 309 km<sup>2</sup>. U tu Općinu borite se da dovede istureno policijsko odjeljenje, izgradite ga, samo ta mjesna zajednica Srednje, radi javnosti ću to kazati, je svojom teritorijom veća od cijele općine Vogošća. I onda mi cijeli mandat se borimo da li ministar ima snage da pošalje jednu policijsku patrolu da tu radi. U postojećoj organizaciji policije vi nemate tu čak ni redovne patrole koja ide. Da ne spominjem o tome da je to znači regionalni put za Tuzlu, krađe vikendica, pljačka itd. Također znači po prijavi bilo kog građanina da patrola dođe iz Ilijaša do gore treba 35 do 40 minuta. Ministre, razumijem sve probleme, kasnije ću nešto malo u Budžetu kazati o vašoj realizaciji Budžeta. Ne postoji opravdanje da prođe mandat da objekat kojeg vam je prethodna Vlada izgradila ne stavite u funkciju sa jednom ovaj policijskom patrolom. Znači nema za to opravdanje. Ja vas zaista molim, nadam se da je ovo posljednji put da ja ovo pitanje nekog lokalnog karaktera ovaj postavljam. Znači radi se o najmanje 200 km<sup>2</sup> teritorije na kojoj ne postoji nijedan policajac u Kanton Sarajevo. I nemojte molim vas da ovo pitanje više postavljam. Znači rješavajte ovo. Mandat je cijeli prošao. To je moje nezadovoljstvo odgovorom, a ovaj dio oko kazni koje ministar predložio da ovaj dostavi u pismenoj formi po općinama za prva 3 mjeseca 2023. godini prihvatam, razumijem tu argumentaciju da on taj podatak sada nema i nadam se da će mi dostaviti u što skorije vrijeme. Hvala.

### **Elvedin Okerić (Predsjedavajući)**

Kolega Deviću ako dozvoljavate da vam na neki način repliciram ili ponudim dio odgovora, s obzirom da sam lično sa ministrom unutrašnjih poslova, čak i sa vama ovaj učestvovao kada je u pitanju ispostava, iniciranje ispostave u Srednjem. Prethodni komesar Uprave policije on je taj koji je određivao raspored i prioritete ljudi kada je u pitanju raspoređivanje policajaca u

Upravi policije Kantona Sarajevo. Na naše insistiranje mi smo ugradili u sistematizaciji radnih mjesta Uprave policije ispostavu Srednje. Međutim zbog nedostatka policijskih službenika procjena tadašnjeg komesara je bila da ne može da odredi policijske službenike koji će biti tamo stalno. Ono što imamo informaciju, a to je da patrole postoje tamo. To je informacija koju sam upravo sad dobio. Tako da to je pitanje za evo novog v.d. Komesara što će i u kojem momentu, odnosno šta će uraditi u narednom periodu kada je u pitanju kapacitiranje te ispostave. Za sve ove podatke koje ste naveli vi ste u pravu o važnosti te ispostave i mi smo upravo insistirali da ona bude ugrađena i predviđena u sistematizaciji radnih mjesta i mi smo to ovaj uspjeli. Međutim zbog čega prethodni komesar nije raspoređivao i nije našao shodan broj policijskih službenika koje će angažovati na tom mjestu, to je pitanje za njega, ali evo nadamo se da će trenutni ili neki budući komesar koji dođe iznaći način kako da odredi nekoliko policijskih službenika u skladu sa sistematizacijom radnih mjesta na toj lokaciji.

Izvolite Mahir Dević.

### **Mahir Dević (poslanik/zastupnik)**

Hvala. Bez namjere da otvaram polemiku po ovoj tački, hvala vam što se uključili. Nije dovoljno ovo što ste učinili. Znači samo podatak da se to nije riješilo 4 godine, da je tu u pitanju 200 km<sup>2</sup> teritorije, naravno da ima policijska patrola koja je tu ponekada, ali govorim koja je redovno tu stacionirana, da toga nema. Znači siti smo više ovih odgovora. Možda je i dobra namjera. Ja neću ulaziti u to. Možda je dobra namjera, samo vas ja upozoravam sve, sektor sigurnosti je u vašim rukama. Ovo je četvrti komesar koji je vaš, nije prvi. Znači bukvalno vaš, i politički i funkcionalno i na svaki drugi način. Znači dajte da to pitanje riješimo.

### **Elvedin Okerić (Predsjedavajući)**

Dajte, samo korektno da se ne udaljavamo od teme, ali nije korektno, nemojte to raditi.

### **Mahir Dević (poslanik/zastupnik)**

Evo ne želim. Ne želim, ja tvrdim da je to tako. To znaju svi građani Kantona Sarajevo. Znači svi su instrumenti i poluge vlasti kod vas. Riješiti to molim vas i da više to pitanje ne postavljam. Hvala evo da ne odlazimo s teme.

### **Elvedin Okerić (Predsjedavajući)**

Zahvaljujemo se zastupniku Deviću. Zastupnik Damir Marjanović se javio za riječ.

### **Damir Marjanović (poslanik/zastupnik)**

Zahvaljujem se predsjedavajući. Iskoristiti ću instituciju nezadovoljstvo odgovorom malo ću je preformulisati. Recimo malim iznenađenjem neodgovaranjem. Razumijem da su pojedini ministri tek prije par dana preuzeli te svoje uloge, ali neka pitanja koje sam postavio kolegi Krstiću, ustvari ti od četiri pitanja koja sam postavio kolegi Krstiću odnose se konkretno na program i odnose se konkretno na stvari koje bi ozbiljni ljudi, a kolega Krstić to definitivno jeste, trebali da imaju već spremljeno i prije uzimanja ili preuzimanja tako odgovorne funkcije. Stoga mora da primijetim da kako što rekoh tri od četiri pitanja se tiču konkretnih aktivnosti koje su čak navedene u Programu, sugerirane u programu, ali evo. Nema nikakvih problema radujem se i nadam se da ću u narednom periodu evo i na ovom popravnom ispitu bar pismeno dobiti odgovore na postavljena pitanja, a s druge strane evo najavljujem već za sljedeću sjednicu, pa može kolega Krstić i ostali ministri mogu da se pripreme, idu sljedeća pitanja iz seta onih 40 pitanja koje smo vam postavili prilikom preuzimanja funkcije. Tako da, ne znam

što kažem, kao da smo studentima najavili pitanja na ispitima koja će da dobiju pa se nadamo da ćemo dobiti usmene odgovore. Hvala velika.

### **Elvedin Okerić (Predsjedavajući)**

Zahvaljujemo se zastupniku Marjanoviću. Za riječ se javio zastupnik Faruk Kapidžić.

### **Faruk Kapidžić (poslanik/zastupnik)**

Zahvaljujem. Iskoristit ću i ja nezadovoljstvo odgovorom, a zapravo je tačnije nezadovoljstvo neodgovorom. Svaki put na sjednici postavljat ću ova pitanja dok ne dobijem odgovor iz prostog razloga što moraju ljudi da shvate da su odgovorni za sve što se dešava na lokalnom nivou i lokalnoj samoupravi, na opštini i na gradu da je odgovoran Kanton bez obzira ima li direktne nadležnosti ili ne. I zato ću uvijek postaviti pitanje, obzirom da tražimo od vas odgovornost za Soukbunar 39 i za kerozinsko skladište u vodozaštitnoj zoni. To dok ne poduzmete nešto bit će pitanje sa moje strane, pa ne morate odgovarati. Hvala.

### **Elvedin Okerić (Predsjedavajući)**

Nema više prijavljenih za nezadovoljstvo odgovorima. Prelazimo na izjašnjavanje na inicijative. S obzirom da imamo nekoliko inicijativa predlažem jednu pauzu od 5 minuta. Zamolio bih šefove klubova u salu 100 kako bi se konsultovali oko izjašnjavanja.

## **NASTAVAK NAKON PAUZE**

### **Elvedin Okerić (Predsjedavajući)**

Nastavljamo sa radom sjednice Skupštine Kantona Sarajevo. Pristupamo izjašnjavanju na podnesene inicijative.

Zastupnik Faruk Kapidžić je podnio inicijativu. Imali smo malu intervenciju kod teksta. Zastupniče Kapidžić slažete li se da ova intervencija glasi sljedeći način:

"Zadužuje se Vlada Kantona Sarajevo da razmotri mogućnost izmjene i dopune Zakona o ministarstvima i drugim organima uprave u Kantonu Sarajevo i to na način da se Ministarstvo komunalne privrede, infrastrukture i prostornog uređenja, građenja i zaštite okoliša preimenuje u Ministarstvo prostornog uređenja, građenja i zaštite okoliša, te u skladu s tim da se promijene njegove nadležnosti, a da se komunalna infrastruktura i komunalna privreda dodaju u nadležnosti Ministarstva saobraćaja i Ministarstva privrede, tim redom".

Molim službu da pripremi anketu za izjašnjenje, a zastupnice i zastupnike da se izjasne.

Zaključujem glasanje. Molim službu da objavi rezultate glasanja.

Za je glasalo 25 zastupnika, protiv i suzdržanih nije bilo.

Konstatujem da je Skupština usvojila ovu inicijativu.

Inicijativa pristigla od zastupnika Damira Marjanovića. Na pauzi smo konstatovali da ona nije proceduralno podnesena zato što finansiranje političkih stranaka propisano je u skladu sa Zakonom o finansiranju političkih partija u okviru sredstava predviđenih budžetom. Komisija za izbor i imenovanja svojim aktima dalje reguliše raspodjelu ovih sredstava, tako da ova inicijativa neophodno je da se proslijedi Komisiji za izbor i imenovanja pa tek onda da se o njoj izjašnjavamo.

### **Elvedin Okerić (Predsjedavajući)**

Zastupnice Marjanović izvolite, imate riječ.

### **Damir Marjanović (poslanik/zastupnik)**

Ja se zahvaljujem predsjedavajući. Samo da pojasnimo par stvari. Znači to je nastavak inicijative koja je najavljena prije dva mjeseca i koja je na neki način pokušala da se uklopi ovaj termin prije usvajanja budžeta da bi olakšali Vladi tu cijelu priču, ali nema nikakvih problema. Vrlo rado ću tu inicijativu sljedeći put, ustvari ne sljedeći put, već odmah, podnijeti prema Komisiji, pa ćemo onda nastaviti sa tom procedurom, pa s obzirom da je budžet sada značajno uvećan u ovom prijedlogu, ako bude prihvaćen, bit će mogućnosti da se to sprovede. Hvala vam velika.

### **Elvedin Okerić (Predsjedavajući)**

Zahvaljujem se. Zastupnička inicijativa zastupnika Muamera Bandića, koja glasi:

"Zadužuju se Vlada Kantona Sarajevo i Ministarstvo odgoja i obrazovanja da skрати trajanje časova u osnovnim i srednjim školama Kantonu Sarajevo u periodu 29.03. do 24.04.2023 godine i omogući svim učenicima i radnicima pravo na slobodno vrijeme za obavljanje iftara tokom mjeseca ramazana“.

Molim zastupnice i zastupnike da se izjasne.

Zaključujem glasanjem. Molim službu da objavi rezultate glasanja. Za je glasalo 23 zastupnika, protiv 1, suzdržan 2.

Konstatujem da je Skupština usvojila inicijativu.

Prelazimo na inicijativu zastupnice, odnosno dopredsjedavajuće Danijele Kristić.

„Obavezuje se Vlade Kantona Sarajevo i resorno Ministarstvo da u roku 45 dana utvrde prijedlog o proglašenju udruženja koja direktno rade sa djecom sa poteškoćama u razvoju od posebnog interesa za Kanton Sarajevo i dostavi Skupštini KS na nadležno odlučivanje“.

Molim zastupnice i zastupnike da se izjasne.

Zaključujem glasanje. Molim službu da objavi rezultate glasanja. Za je glasalo 29 zastupnika, protiv i suzdržanih nije bilo.

Konstatujem da Skupštinu usvojila ovu inicijativu.

Imamo danas posljednju inicijativu zastupnika Jasmina Šaljića koja glasi:

„Iniciram da se nakon intoniranja državne himne na svakoj sjednici oda počast pripadnicima Armije Republike Bosne i Hercegovine i MUP-a BiH koji su dali svoje živote u odbrani od agresije za Bosnu i Hercegovinu, svako na svoj način“.

Molim zastupnice i zastupnike da se izjasne.

Zaključujem glasanje. Molim službu da objavi rezultate glasanja. Za je glasalo 22 zastupa, protiv 2, suzdržana 2.

Konstatujem da je Skupština donijela ovu inicijativu, usvojila inicijativu.

Prelazimo na tačku dva.

## **AD-2.**

### **PRIJEDLOG BUDŽETA KANTONA SARAJEVO ZA 2023. GODINU**

Materijal ste dobili uz poziv za sjednicu. Molim predstavnika Predlagača da podnese uvodne napomene.

Ministre Dedoviću izvolite, imate riječ.

#### **Emir Dedović (ministar)**

Hvala vam lijepo. Želim da poselamim i pozdravim sve prisutne i da evo zaželim po prvi put s ove govornici svima uspješan rad, ne samo na današnjoj sjednici, današnjim budžetu već i u ukupnom mandatu svih ovaj vas svih nas koji smo ovdje i ono što ja evo pošto prvi put govorim obraćam se vama kao zastupnicima i kolegama iz Vlade ću sigurno učiniti da svoje znanje, da svoje iskustvo prenesem u pozitivnom duhu u ovaj sve procese koji se budu odvijali Kantonu Sarajevo i da u tim procesima budem dio rješenja, da ne budem dio problema, jednostavno na jedan način profesionalan prije svega a s druge strane onako kako je neophodno ovaj pristupiti svim rješavanje svih problema da to učinim onaj maksimalno i bez ikakve rezerve da probamo riješiti ono što je pred nama. Normalno da je puno problema pred ovom Vladom i Skupštinom u Kantonu Sarajevo i najbolji je primjer tome i koji se može vidjeti kroz javnu raspravu koja je došla u ovome Budžetu. Ja sam ovaj prije nego što sam ovaj trebao pripremiti kako danas da se obratim ovaj obzirom da se samo dva dana kao ministar finansija, bilo mi je nekako teško naći mjeru ovaj u ovome, pogotovo kad sam vidio onaj materijal koji je ovaj pripremljen za sjednicu. Vrlo je teško ga i iščitati kvalitetno nekamo li donijeti određeni sud prema njemu. Međutim moje iskustvo mi ne bi dalo za pravo da sad danas kažem evo ja nisam ovaj mogao se ovaj dovoljno pripremiti da mogu ovaj dat pogled na Budžet za 2023 godinu, tako da ću ja to učiniti i reći da je 1.438. Miliona konvertibilnih maraka respektabilan budžet. Budžet koji je evo da kažem u ovom trenutku rekordan i kad je u pitanju njegova ocjena i definicija vrlo često se mi zaletimo počnemo govoriti o razvojnog, o socijalnog, o stabilizirajućem itd., a nemamo ustvari definicija po čemu se šta i kriterija ovaj usvojenih jasno napisanih po čemu se šta ovaj smatra takvim. Ja u ovome trenutku na ovaj budžet bi rekao da je on u svakom slučaju nije birokratski i da je optimistički, da je hrabar budžet u ovome smislu za one koji ga trebaju izvršiti. Ovdje je pomak napravljen od budžeta da jednostavno nije komotan budžet za realizaciju. On je budžet ovaj onako pripremljen da svi dobiju malo više obaveza da urade viši, time ovaj budžet se uklapa u naše mjere koje smo dali prilikom ovaj koalicionog dogovora, a to je da probamo naplatiti sve ono što je ovaj obaveza kroz ovaj zakone data u budžet kantona. Da nema onih koji su ovaj privilegirani u tom dijelu, već oni koji zakonom moraju platiti sve ono i probat ćemo da je kasnije naplatimo, a to se uklapa u ovu hajde da kažem ovaj pozitivnu podignutu ovaj letvicu kad je u pitanju ovaj prihodi Kantona Sarajevo. Isto tako se ovdje uklapa priča ono što mi moramo racionalnije probati preispitati sve organe i njihovu potrošnju unutar budžeta. Također imamo obavezu da i nova zakonska rješenja prilagodimo pravednije onome našem trenutku u kojem živimo i pokušamo da obezbijedimo ovaj značajnija sredstva u Budžet kantona. Znači ovo pogotovo kad je povećanje u pitanju ovaj budžeta od nacрта do prijedloga, ja sam izanalizirao i moram kazati da se u ovaj velikoj mjeri slažem da je ovo prostor koji je dao realnu mogućnost da se podigne budžet od nacрта do prijedloga u iznosu koji je ovaj tamo dat. Kad su u pitanju sama rješenja unutar ovaj budžeta vidjećete da procentualno gledano ovaj da mi imamo oko 42 % iz budžeta izdvajanja za plate, negdje četrdesetak posto za ono što se zove tekući transferi i grantovi ono što ide građanima direktno Kantona Sarajevo i negdje oko 18 % za kapitalne investicije. To u ovome trenutku ne izgleda onaj toliko loše ali nije ni ovaj ono čemu mi trebamo težiti. Znači standardi koji govore i iz europske stečevine i okruženja da



do 25 % izdvajanja ovaj za ovaj rad onaj organa itd. negdje najprilagođeniji, najbolje. Da je negdje oko 25 % najmanje investiranja iz budžeta onaj tu negdje taj optimalni dio i mi ćemo težiti tome. Znači probat ćemo u narednom periodu podizati kapitalne izdatke sa manjim udjelom onoga što se zove zaduživanje, onoga što se zove kreditno zaduživanje. Vidjećemo koliko ćemo u tome svemu uspjeti, ali naši su sigurno planovi i ciljevi da probamo napraviti ovaj iskorak u onome što se zove ovaj kapitalni ovaj prostor u Budžetu Kantona Sarajevo koji jedini osigurava u svakom slučaju, to smo se uvjerali i iz iskustva i iz prakse razvoj u narednom ovaj periodu. Što se tiče kompletnih detaljnih prijedloga koji su dati unutar budžeta ja ih ne bih ovaj komentarisao, ne bih ih ovaj nešto posebno isticao. Obimna javna rasprava, jako puno stvari iz javne rasprave je uključeno u ovaj budžet, što je dobro, to je smisao javne rasprave i mislim da imamo onaj dobru evo poziciju da je dobrim dijelom ovaj u javna rasprava obuhvaćena. I na kraju ono što ja želim da kažem što mi daje jednu ovaj evo da moja ocjena bude pozitivna prvog budžeta, budžeta kojeg nisam ja u velikoj mjeri odnosno najvećoj mjeri učestvovao u njegovoj pripremi da mu dam ovaj prolaznu ocjenu jeste da ovaj i amandmani koje sam uspio vidjeti koji su došli jednostavno potvrđuju da se ipak radi o budžetu koji je ovaj na dobrom putu da zadovolji sve potrebe građana u Kantonu Sarajevo jer amandmani nisu suštinski bili toliko ni ja to volim reći teški, nisu bili duboki, nisu udarali u ono što se zove ovaj sama suština i struktura ovaj budžeta, već su tražili unapređenja koja se već odnose na konkretne projekte ovaj koji su sigurno neophodni građanima u Kantonu Sarajevo. Eto stoga ja bih ovim završio svoje uvodno o izlaganje. Mislim da imamo budžet kojemu treba dati pod podršku. Na njega čeka jako puno građana Kantona Sarajevo i ono što u njemu ne bude dobro mi u Ministarstvu financija, ja na čelu njega, učinit ćemo u što kraćem vremenskom periodu, a najduži je onih 100 dana Vlade da jednostavno eventualno ponudimo i nova rješenja, preraspodjele kvalitetnije ili rebalans budžeta koji bi mogao popraviti tamo gdje smatramo da to treba. Hvala vam lijepo.

### **Danijela Kristić (Dopredsjedavajuća)**

Hvala ministre. Da li predstavnici radnih tijela žele riječ? Ima li pitanja? Zastupnik Dević.

### **Mahir Dević (poslanik/zastupnik)**

Hvala dopredsjedavajuća. Moje prvo pitanje je funkcionalno i volio bih da dobijem odgovor na njega prije nego što postavim ova neka stručna pitanja kad je u pitanju budžet. Prvo pitanje ko preuzima odgovornost i ulogu kao predlagača ovog dokumenta koji se zove Budžet za 2023. godinu, uzimajući u obzir činjenicu da su ovaj budžet pravili svi a da ga nije napravio niko. Kome se mi danas obraćamo ovdje, da li premijeru s pitanjima ili ministru financija. To bi meni bilo vrlo važno a nije nikakav sarkazam. Razumijem situaciju da ste vi imenovani prije nekoliko dana. Ko je taj ko će nam obrazlagati budžet? Ako će ga obrazlagati ministar financija da znam koja ću postaviti pitanja. Ako će obrazlagati premijer Vlade Kantona Sarajevo da znam pitanja će biti potpuno drugačija. Znači trebao bih prvo taj odgovor pa da postavim naredno pitanje.

Ako mogu dobiti taj odgovor pa da onda postavim pitanje.

### **Danijela Kristić (Dopredsjedavajuća)**

Po Poslovniku ide prvo pitanje pa onda odgovori, tako da nastavite sa pitanjima ukoliko želite.

### **Mahir Dević (poslanik/zastupnik)**

Naravno da želim samo zna kome postavljam pitanje, ko će nam odgovarati, premijer ili ministar financija?

### **Danijela Kristić (Dopredsjedavajuća)**

Pa vi postavite, a ko se nađe odgovorit će.

### **Danijela Kristić (Dopredsjedavajuća)**

Poslovnička zastupnik Čampara.

### **Aljoša Čampara (poslanik/zastupnik)**

Zahvaljujem. Pa evo pokušam malo pomoć svima nama i kolegi Deviću. Isto tako ja mislim da mi radimo u punom kapacitetu kao Skupština Kantona Sarajevo, tako isto kao Vlada Kantona Sarajevo koja je nedavno prije nekoliko dana imenovana .Ja znam da je nekima teško možda što je Vlada u full kapacitetu, što imamo premijera, što imamo ministra finansija, što imamo sve ministre izabrane. Nekome to može biti drago, nekome ne mora, ne ulazim u to ali postavljati pitanja pored živog premijera i živog ministra finansija da se oni izjasne zastupniku. Ne vidi stvarno nikakvu svrhu. Dakle postoji tačka dnevnog reda, imamo Prijedlog budžeta, postoji Poslovnik, postoji mogućnost za postavljanja pitanja. Pitanja se postavljaju, onaj tko je nadležan da odgovori na ta pitanja. Odgovorit će, je li to premijer jel to ministar finansija, jel to kompletna Vlada, jesu li to možda neki drugi ministri. Zavisi od samih pitanja. Tako da stvarno molim da se držimo Poslovnika i ne vidim ovdje apsolutno ovaj nikakav problem, osim ako želimo opet pravimo neke farse, da pravimo kino od ovoga svega, kao što smo zadnjih nama radili, to je to je već druga stvar. Hvala.

### **Danijela Kristić (Dopredsjedavajuća)**

Zastupnica Hašimbegović. Hoćete li nastaviti sa pitanjima? Zastupnik Dević.

### **Mahir Dević (poslanik/zastupnik)**

Prvo dopredsjedavajuća znači kolega je tražio neku poslovničku intervenciju, uopće nije kazao član sam ja povrijedio Poslovnika. Ovdje nam je održao neki govor. Sad bih ja njemu trebao replicirati na to što je on govorio. Ja ne znam u kojoj formi se on uopće javio, ako govori već o Poslovniku. Znači ako priča o Poslovniku trebao je reći koji član je povrijeđen. Znači ja sam samo pitao funkcionalno ko će nam odgovarati na pitanja na ovoj tački dnevnog reda jel ministar financija ili premijer. Najdobronamjernije, ništa van Poslovnika, nikakvu kino kolega Čampara. Kino je ovo što ste vi sada zloupotrijebili Poslovnik pa to predstavili kao neku vrstu kina. Znači namjera mi je bila da kao zastupnik znam, s obzirom da su ljudi imenovan prije dan dva, s obzirom da sam ministar kaže da nije ovaj budžet pravio 99 % ,što je logično, čovjek imenovan prije dva dana. Samo da znam ko nam daje obrazloženje na pitanje jer imam potpuno različita pitanja ukoliko odgovara premijer, ukoliko odgovara ministar. Ali evo pošto moju dobru namjeru, koja je bila potpuno funkcionalna kolega zloupotrebljavao evo ja ću postaviti samo jedno jedino pitanje pa nek mi odgovori evo premijer Vlade Kantona Sarajevo ili ministar finansija, evo ko god hoće od njih. Ne znam ko je više predlagač, nek se dogovore. Pitanje glasi sljedeće: kakva je to ekonomska logika, kakva je to ekonomska logika da vam budžet od nacrtu u roku mjesec i pol dana do prijedloga naraste za 245 miliona konvertibilnih maraka a uzimajući u obzir činjenicu da je realizacija budžeta u tim ministarstvima kojim budžet raste za taj mjesec i pol dana je bila 50 % manja nego što je u Nacrtu za 23. a kamo li u Prijedlogu. Radi građana da pojednostavimo, kakva je to logika ako ste vi kao ministar trebali potrošiti 10 konvertibilnih maraka za 12 mjeseci, a potrošili ste ustvari pet, a sada predlažete za 9 mjeseci, jer se nalazimo aprilu, da ćete potrošiti 15. Volio bih da mi date odgovor samo na to pitanje. Znači kakva je tu ekonomska logika prilikom pravljenja Budžeta Kantona Sarajevo? Eto, to je jedno pitanje ostalo ću kazati u diskusiji.

**Danijela Kristić (Dopredsjedavajuća)**

Replika zastupnika Čampara.

**Aljoša Čampara (poslanik/zastupnik)**

Pa eto, poslovnička intervencija svejedno. Evo zahvaljujem gospodine Deviću. Vidite kako možete kad hoćete, kad ste dobronamjerni. Postavite normalno pitanje, sada će vam ljudi odgovorit, premijer ili ministar. Ja sam samo na to ukazivao. Nije dakle nikakva zloupotreba bila.

**Danijela Kristić (Dopredsjedavajuća)**

Poslovnička intervencija zastupnik Dević.

**Mahir Dević (poslanik/zastupnik)**

Ne, ne, kolega, vi ste potpuno pogrešno interpretirali moju namjeru koja je bila potpuno dobronamjerna, možda ste shvatili sad u međuvremenu da ste to uradili pa ste povukli svoju diskusiju. Znači vi ste pokušali od mog korektnog pitanja da to nazovete nekim kinom. Na prošloj sjednici ste diskusiju kolege Zahiragića nazvali cirkusom. To je vaš manir izgleda da tako radite.

**Danijela Kristić (Dopredsjedavajuća)**

Replika zastupnika Čampara.

**Aljoša Čampara (poslanik/zastupnik)**

Zahvaljujem. Kolega Deviću vidite da možete kad hoćete. Postavili ste sad fino pitanje premijeru i ministrima i idemo dalje.

**Danijela Kristić (Dopredsjedavajuća)**

Da se vratimo na temu. Zastupnica Hašimbegović.

**Marijela Hašimbegović (poslanik/zastupnik)**

Zahvaljujem se. Želim reći da mi se dopalo izlaganje ministra finansija u dijelu pozitivnog pristupa budućeg rada da ćemo težiti ka tome da neki naredni budžeti integriraju 25 % kapitalnih investicija u budžet. Iskreno se radujem takvim budžetima, a do tada evo postaviti ću par pitanja po resornim ministarstvima za potencijalne nejasnoće koje sam imala u ovom prijedlogu budžeta.

Dakle pitanje za kabinet premijera Kantona Sarajevo. Ovo je pitanje koje sam postavila i na 5. Radnoj sjednici za koje nisam dobila odgovor. Aktom o osnivanju kabineta premijera nije definisano da će imati svojstvo pravnog lica a ipak je porezno registrovan i dodijeljen mu je porezni identifikacioni broj. Ovaj podatak iz revizorskog izvještaja Federacije Bosne i Hercegovine za 2021. godinu. Da li je došao do promjene po ovom pitanju i kako ovaj izvještaj utiče na Prijedlog budžeta koji danas usvajamo. Također molim za pojašnjenje za uvećanje stavke ugovorene i druge posebne usluge planiranog iznosa od 38 000 u Nacrtu na iznos od 56 000 u Prijedlog budžeta. Dakle sve je sa pozicije kabineta premijera Kantona Sarajevo.

Sljedeće je Ministarstvo unutrašnjih poslova Kantona Sarajevo. Šta znači stavka hangara koja je pisana 2 puta, nabavka zemljišta za hangar piše. Da li je to 100 ili je to 100 000. Da li to greška? Dakle tako je predočeno u materijalu. Potom je pisana ponovo nabavka zemljišta za hangar iznos od 5 miliona, pa je kasnije prezentirano u iznosu od nule. Alineja izgradnja novih

objekata za potrebe Ministarstva u iznosu od 2 miliona- imam pitanje o kojim se objektima radi.

Treće je za resorno Ministarstvo privrede Kantona Sarajevo. Molim pojašnjenje za uvećanje stavke izdaci za tekuće održavanje planiranog iznosa od 50 000 Nacrtom skočili su na iznos od 250 000. Šta sve obuhvata ova pozicija. Molim za pojašnjenje za poziciju tekući transfer Turističkoj zajednici Kantona Sarajevo za sufinansiranje projekata od značaja za razvoj turizma u iznosu od 1 500 000. Navedite koji su to projekti.

Molim za pojašnjenje za ogroman skok na poziciji stavke podrška projektima ZOI 84 i Olimpijski centar Sarajevo iznosa od 13 miliona na iznos od 38 500. Postoji li neka studija ili elaborat za ovaj budžet .Također u dokumentu stavova po pitanju dostavljenih amandmana saznali smo da je ovo da je ovo ustvari stavka kreditnih zaduženja, a mi zastupnici nismo mogli imati ovu informaciju, odnosno nama nije bila dostupna. I isto pitanje tiče se za podršku projektima Skenderija Sarajevo d.o.o. i skoka sa pozicije od 5 miliona na iznos od 9.500 000. Zašto je projekat opremanja prihvatilišta pasa lualica uvećan sa 510 000 na iznos od 1.510 000.?

Zatim pitanje za JU Centar za napredne tehnologiju Sarajevo. Zašto se stavka unajmljivanje imovine, opreme i nematerijalne imovine uvećava sa iznosa od 50 000 na iznos od 147 000 i šta sve uključuje ova stavka? Molim da se pojasni stavka nabavka opreme u iznosu od 210 988 i uvećanje na iznos 470 988. U koju svrhu se koristi navedeni hidrogen koji je Vlada tražila u svojim amandmanima u iznosu od 500 000? Dakle to bi bila za to resorno Ministarstvo.

Sljedeće Ministarstvo zdravstva kantona Sarajevo. Molim vas da pojasnite stavku finansiranja specijalizacija koje se u Nacrtu tražili u iznosu od 100 000 i uvećanje za poziciju na iznos od 4. 100 000. Zašto je Ministarstvo planiralo ove stavke paralelno sa Zavodom za osiguranje Kantona Sarajevo koji je također planirao stavke za specijalizaciju? Koje poslove po ovom pitanju je Ministarstvo činilo do ovog budžeta? Zašto se plan za specijalizacije. Molim kolege samo zaista moram se skoncentrisati. Zašto se plan za specijalizacija nije izvršio 2022. godini? Po kojem pravnom osnovu povlačite sredstva za ovu namjenu? Koliko je novca budžetom predviđeno za inkluziju?

Pitanje za Ministarstvo za odgoj i obrazovanje Kantona Sarajevo. Koliko je novca obezbjeđeno budžetom za inkluziju. Zašto su gotovo linearno povećane stavke za nabavku opreme za osnovne škole u iznosu od 20 000? U kojoj se opremi radi? Kad kažem linearno povećanje to su skokovi od Nacrta budžeta do Prijedloga budžeta. Molim da objasnite stavku usluge izrade Strategije sanacije rekonstrukcije Investicionom održavanje objekata ustanova iz nadležnosti Ministarstva u iznosu od 270 000? O Kakvoj strategiji je riječ i šta ona obuhvata? Zašto JU Institut za razvoj preduniverzitetskog obrazovanju Kantona Sarajevo ima uvećanu po poziciji ugovorene i druge posebne usluge sa 200 000 na iznos od 900 000? Koja je opravdanost ovog uvećanja?

Pitanje za Ministarstvo kulture i sporta Kantona Sarajevo. Šta planirate uraditi sa sredstvima koja nisu prikazana ovim budžetom jer se radi o kreditnom zaduženju JU Kantonalni zavod za zaštitu kulturno historijskog prirodnog naslijeđa u iznosu od 500 000 kreditnog zaduženja na ime rekonstrukcija fasada. Kredit se podigao 2019. godine i još nema nikakvih aktivnosti a kredit se uredno otplaćuje.

Pitanje za Ministarstvo za rad socijalnu politiku raseljena lica izbjeglice Kantona Sarajevo. Da li je obezbijeđeno dovoljno sredstava za upošljavanje radnika u Domu za djecu bez roditeljskog staranja?

Pitanje za Ministarstvo komunalne privrede, infrastrukture, prostornog uređenja i građenja zaštite okoliša Kantona Sarajevo. Koliko je sredstava predviđeno za rješavanje prioriternog

otvorenog pitanja zagađenja zraka? Da li je ostavljeno dovoljno sredstava za komunalnu policiju?

Pitanje za Ministarstvo za nauku visoko obrazovanje i mlade Kantona Sarajevo. Koja je opravdanost umanjene stavke za plaće fakulteta za gotovo njih 17 ? Toliko za sada pa ću se javiti za vrijeme diskusije. Hvala lijepa.

**Danijela Kristić (Dopredsjedavajuća)**

Zastupnik Marjanović.

**Damir Marjanović (poslanik/zastupnik)**

Zahvaljujem. Ministar će se sjetiti postavljenih pitanja od prije par dana prilikom inaoguracije Vlade gdje sam postavio pitanje i ponavljam ga još jednom. Da li ste učestvovali u kreiranju Nacrta Budžeta Kantona Sarajevo za 2023. godinu? Normalno u kojem kapacitetu? Da li se slažete sa predviđenom prihodovnom stranom Prijedloga budžeta Kantona za 2023. Godinu? Vi ste to već djelomično odgovorili, ali ću vam onda još dodatno postaviti pitanje, pa možda ćete odgovor malo modificirati. Mene jako zanima da mi date okvirnu analizu koja je nama vidljiva u budžetu dokumentu, ali mislim u javnosti je jako bitno da pojasnite, kako i u kojim segmentima se od Nacrta do Prijedloga budžet modificirao za 257 miliona maraka? Znači tačno u kojim segmentima, koliko miliona maraka, na osnovu kojih analiza? Stavke, šifre, kako god hoćete, ali mislim da javnost to izuzetno zanima, posebno ako imamo neka tamo zaduženja, što znači da ne zadužujemo 35 ljudi nego građane Kantona Sarajevo, pa da vidimo koliko to zadužujemo. Ono što me jako zanima, vjerujem nekako su mi mnogi to sugerirali da će određena inflacija povećati neke poreze prihode, sad me zanima da li su ti isti mehanizmi koji su na taj način sugerirani da će povećati prihode u ukupnoj sumi novca nekako elaborirani i prihvaćeni i za rashode, da će i oni biti uvećani. Jako me zanima da li je. Planirano finansiranje Akademije nauka Bosne i Hercegovine i po kojem modelu, pošto iz ovakvog budžetu to ne možete da vidite, a znam da je to bila problematična stavka. Također da li je predviđeno finansiranje kupovine udžbenika i ove godine i u kojem iznosu. Vjerujem da ministrica će se sjetiti neke naše komunikacije, zna i zašto postavljam. Da li je i koliko predviđeno izdvajanje novca za studente sa prosjekom preko 8,0 koji imaju sada problema sa vraćanjem njihovih školarina, da li to u ovom Budžetu 2023. godine taj iznos novca predviđen i u kojem iznosu i u kojoj dinamici će se taj novac vratiti. I da li i koliko predviđeno izdvajanje novca za naše Zlatne značke. Imam još dosta pitanja ali glavne stvari ćemo iskomunicirati kroz diskusije. Zamolio bih da mi se precizno odgovori posebno na pitanje u kojim segmentima i u kojim dijelovima Budžeta i koliko je uvećani prihodi da imamo konačni iznos 257 miliona maraka više od Nacrta. Hvala.

**Danijela Kristić (Dopredsjedavajuća)**

Zastupnica Melank.

**Miomirka Melank (poslanik/zastupnik)**

Hvala. Ja moram isto kao ministar finansija da ukažem na problem a sa razmatranjem dokumenta ovog budžeta uzevši u obzir kompleksnost prijedloga, zapravo je nemoguće svakome od nas sagledati sve pozicije, iznose, obrazloženje primjedbe izrečene oko nacrta, a zatim i promjene koje su se ispostavile prihvatljivim u javnoj raspravi. Imala sam problem da otkrijem gdje se sve nalaze te promjene., Mislim, možda je stvar do mene, računam da ću steći iskustvo koje je potrebno da malo bolje uđem u materiju, ali za sada da bih mogla da nastavim dalje molit ću da mi na nekoliko pitanja daju odgovori. Muzej Ars aevi je istaknut u javnoj raspravi kao jedan od objekata čija gradnja bi uskoro trebala biti započeta, pa me zanima da li

i sa kojim iznosom je uvršten u Budžet. I institucije kulture od značaja za Bosnu i Hercegovinu koje sam predložila da budu proglašene ujedno institucijama od značaja za Kanton Sarajevo nisu izdvojene kao posebna pozicija, a na Komisiji za kulturu i sport smo to tražili, uz obrazloženje odjela za finansije da je to uvršteno u agregiranim pozicijama, zanima me da li se ta sredstva nalaze u iznosu od 6,2 milijuna tekućih transfera neprofitnim organizacijama iz oblasti kulture i inkluzija. Zanima me šta znači inkluzija u ovom razdjelu. Koji iznos je izdvojen za finansiranje obilježavanja stogodišnjice i 12 pozicija u orkestru koji će omogućiti prvi put kompletan Adué sastav Sarajevske filharmonije. Zanima me također da li su izdvojena posebna sredstva za finansiranje programskih aktivnosti institucija kulture galerija i muzeja, prije svega ovdje mislim na galeriju Collegium Artisticum, Umjetničku galeriju Bosne i Hercegovine, Zemaljski muzej, Muzej književnosti i Muzej Sarajeva historijski. Sredstva obezbijedena za tzv. hladni pogon ovih institucija nikako nisu dovoljna i samo ako investiramo u programske aktivnosti koje su već planirane godišnjim planovima možemo učiniti da ove institucije efikasno rade. Mogu li se locirati ukupna sredstva koja se ulažu u očuvanje kulturne i prirodne baštine i koliko ona iznose, jer sam pronašla na nekoliko stavki više napomena u ovom smislu. Ja ću predložiti u narednom periodu da se obim dokumenta Prijedloga razloži na više se separatnih dijelova radi lakšeg sagledavanja, da se izdvoje, da se izdvoji posebno transkript sjednice o Nacrtu i da posebno postoji dokument u kojem se vide koji su u javnoj raspravi stavovi ovaj prihvaćeni jer i teško uporediti ih sa tabelama koje se nalaze na dnu i na početku dokumenta od više od 600 strana. Nadam se da ćete imati razumijevanja za moje zahtjeve. Hvala.

### **Danijela Kristić (Dopredsjedavajuća)**

Zastupnik Pilav.

### **Ilijaz Pilav (poslanik/zastupnik)**

Hvala. Moj prvi set pitanja bit će upućen Ministarstvu zdravstva. Pošto imam stanovitih nejasnoća u vezi ove stavke finansiranje specijalizacija a da bi razumio imam i nekoliko pitanja. Moja kolegica Marijela je već jedan set pitanja na ovu temu iznijela i ja ću se samo nadovezati. Ona je potencirala i pravni osnov za ovu stavku budući da Ministarstvo zdravstva Kantona ne odobrava nego samo daje saglasnost na Plan specijalizacija zdravstvenih ustanova, a odobrava ih Federalno Ministarstvo, koji je pravni osnov za ovu stavku? Koliko se specijalizacija planira financirati, po kojoj metodologiji i u kojim zdravstvenim ustanovama? Ko vrši selekciju specijalizanata i odabir vrste specijalizacija i po kojim kriterijima. Drugi dio pitanja koja želim postaviti odnosi se na Ministarstvo za boračka pitanja i stavku sredstva za izgradnju i opremanje veteranske bolnice u iznosu od 1 000 000 KM. Na Komisiji za boračka pitanja u raspravi se baratalo pojmom odjeljenje za veterane i mislio sam da je ova stavka nespretno i neuko formulisana, ali evo i u Prijedlogu budžeta stoji bolnica. Dakle, sredstva za izgradnju i opremanje veteranske bolnice. Moja pitanja u vezi s tim su postoji li ikakav akt o osnivanju i ko ga je donio? Gdje će se pod znacima navoda izgraditi bolnica? Kako će biti obezbijeden kadar. Koju patologiju će tretirati bolnica? Ako se ipak radi o odjeljenju opet se nameće pitanje na koje želim da se čuje odgovor, znate li koji su kriteriji za formiranje jednog bolničkog odjeljenja? Znate li da je jedna od determinanti patologija koja će biti tretirana na odjeljenju? Znači li to da će na odjeljenju biti liječeni pacijenti raznovrsne patološke problematike, da će na odjeljenju ležati zajedno infektivni bolesnici, na primjer tuberkulozni, srčani bolesnici, hirurški bolesnici, bez obzira na sistem pojedine grane hirurgije, onkološki bolesnici, i na primjer oni sa PTSP. Usput bih htio reći da bi po mom mišljenju puno svrsishodnije, logičnije i praktičnije za implementaciju bilo da se ovaj novac usmjeri u otvaranje i stavljanje u funkciju veteranskih ambulanti pri domovima zdravlja. To bi bilo puno bliže mogućnosti za praktičnu

realizaciju, a ova stavka bojim se da će ostati samo jedna dobra ideja ili možda jedna populistička ideja. Hvala.

### **Danijela Kristić (Dopredsjedavajuća)**

Zastupnica Hodžić.

### **Admela Hodžić (poslanik/zastupnik)**

Zahvaljujem dopredsjedavajuća. Pa evo uzimajući u obzir da je ministar obnaša funkciju tek dva dana nećemo zamjeriti što se ove tačke pojedinačno, ustvari ko po ekonomskim kodovima kako je predstavljeno u Prijedlogu budžeta koje su znatno uvećane nisu detaljno obrazlagale, ali evo ja ću zamoliti ministra finansija da uz pomoć kolega saradnika pomoćnika u Ministarstvu koji su morali po svojoj službenoj dužnosti učestvovati u izradi ovog Prijedloga budžeta da mu pomognu da malo detaljnije pojasni i ovaj povećanje iznosa na određenim stavkama.

Prvo što me zanima je uvećanje od Nacrta budžeta do Prijedloga budžeta za nekih 20 dana 248 miliona, ako se ne varam povećan je Prijedlog budžeta. Da li je to realno i da li možemo u konačnici očekivati da stvarno možemo raspolagati tim iznosom na kraju? Prvo što ću tražiti odgovor da je ministru lakše i pomoćnicima, to je tabela na strani 19. Tabela računa rashoda kapitalnih izdataka, izdataka iz računa finansiranja u kojoj su zbirno prikazana povećanja po ekonomskim kodovima, pa ću ih tako čitati i tražim ako je moguće da nam se pojasni detaljnije.

Ekonomski kod 611 200 Naknade za odvojeni život od porodice i troškove smještaja, prvi put imamo 51 000. Samo da nam obrazložite, prvi put je koliko ja znam otvore ova stavka za odvojeni život. Kome ovo plaćamo, da pojasnite. Ekonomski kod 613 400 Nabavka materijala i sitnog inventara uvećan u Prijedlogu budžeta za 7. 340.489 KM. Ekonomski kod 6 13 900 ugovorene i druge posebne usluge uvećan za 13 030 924 te sada iznosi ukupno 46 742 779. Ekonomski kod 614 200 tekući transferi pojedincima uvećani za 16 980.000 skoro 150 000 000 na ovoj stavci.

Također 614 300 Tekući transferi neprofitnim organizacijama uvećani za 28. 346.381. 416 400 Subvencioniranje javnim preduzećima sada ukupno iznosi 79 990.000uUvećan nešto više od 29 miliona.

Ekonomski kod 614 700 Tekući transferi u inostranstvo. Ovo je najverovatnije uplata za Tursku i Siriju.

Pitanje da li će u nekom narednom period da li se ostavlja prostora da se nekim rebalansom ovdje još dodaje iznos ili uplati više sredstava u nekom narednom periodu. Ekonomski kod 614 800 Drugi tekući rashodi piše samo drugi tekući rashodi sada nešto više od 5 000 000 uvećani za 410200.000. Molim vas da nam pojasnite šta je 410.200 pardon.

Ekonomski kod 615 200 Kapitalni transferi pojedincima uvećan za 3 ,2 miliona.

Ekonomski kod 615 300 kapitalni transferi neprofitnim organizacijama uvećani za 20 483 000. Kapitalni transferi javnim preduzećima sada iznose ukupno 75 254.500, također uvećani znatno, skoro duplo.

616.100 izdaci na pozajmice. Evo ovdje imamo novu stavku u Nacrtu budžeta. Dakle ekonomski kod 616. 100 izdaci na pozajmice primljene kroz državu uvećan za 11.539.410, a izdaci za inostrane kamate umanjene za 11.539.410. Dakle ovo su kamate samo ih sada zovemo drugim iznosom. Ukupno iznose nešto više od 12 miliona. Zašto je to sada tako? I druga stavka također nova Otplate dugova primljenih kroz državu, to su dakle naši krediti od stranih, od stranog zaduživanja. Na toj stavci sada 17 270 802 a vanjski otplate su umanjene za isti taj iznos, znači isto zaduženje, iste kamate samo ih sada zovemo drugačije. Zašto?

Sada ću pojedinačno Kabinet premijera Kantona Sarajevo izdaci za materijal sitni inventar i usluge uvećan je za 238 000. Zašto? Ured za borbu protiv korupcije izdaci za materijal i sitni inventar uvećan za 130 000. Prošle godine na ovoj stavci je bilo 60 400. Dakle duplo više. Služba za protokol i Press Kantona Sarajevo ako sam dobro vidjela sada u ukupnom iznosu 300 000 za Dane Kantona Sarajevo i 1. Mart i 25. novembar. Stavka uvećana za 281 000. Ministarstvo saobraćaja kantona Sarajevo izdaci za materijal i sitni inventar i usluge uvećane za 825 000. Isto da nam se pojasni zbog čega.

A sada imamo u Ministarstvu saobraćaja također izdaci za tekuće održavanje 280 000 i održavanje semafora 225 000 ali održavanje infrastrukture javnog prijevoza sada je nova stavka otvorena i na njoj je 700 000 KM. Molim ministra da nam pojasni. Za što će se koristiti ova sredstva subvencije javnim preduzećima 24 miliona.

Plaćanje prije proglašenja efektivnosti kredita 7 000 000. Samo nam kažite o čemu se radi pojasnite nam 7 miliona uplata. Motorna vozila za javni prijevoz 11 miliona, šta nabavljamo i da li će svi građani Kantona Sarajevo ravnomjerno imati priliku da koriste ova vozila, ne samo pojedine općine. Za ovo Ministarstvo znatno je povećan budžet. Zatim Uprava policije. Uprava policije ekonomski kod 6 13 000 a izdaci za materijal sitan inventar i usluge plus 6 449.000 Nabavka materijala za javni red i sigurnost, vojnog materijala i uniforme policijske službenike i Uprava policije ovo je za pohvalu ministru. Također nabavka opreme i samo me zanima ovaj vidim da su stavke na Upravi policije povećane za nabavku materijala i opreme. Samo me zanima sredstva za realizaciju prioriteta 1 iz Akcionog plana milion, nešto više od milion. Samo ću vas zamoliti da nam pojasnite šta se realizuje i planom 1. Šta obuhvata realizacija planom 1.

Ministarstvo privrede kapitalni transferi javnim preduzećima uvećani za nešto više od 32 miliona. Možete li nam pojasniti ministre? Podrška projektima Skenderije 4,5 miliona uvećano i sada iznosi ukupno 9,5 miliona, koji su to projekti. Projekti opremanja prihvatilišta pasa lualica 1 000 000. I podrška projektima DP Butmir 1,2 miliona, isto da nam kažete koji su projekti. Imamo stavku Azil za napuštene životinje Rakovica 1 000 000. Znači ovo je gore za prihvatilišta pasa lualica, a dolje je za napuštene životinje. Samo mi recite koliko imate u evidenciji napuštenih životinja krava, koza, mačke i ostaloga, pošto ovo nije za pse. ovo gore je za pse, a ovo je za ostale životinje, pa zato valjda razvojno po stavkama.

**Danijela Kristić (Dopredsjedavajuća)**

Vrijeme.

**Admela Hodžić (poslanik/zastupnik)**

Ja imam vrijeme da koristim za pitanja, mislim da je neograničeno, jel? Koliko ja znam po Poslovniku.

**Danijela Kristić (Dopredsjedavajuća)**

Nastavite.

**Admela Hodžić (poslanik/zastupnik)**

Također Centar za napredne tehnologije, već je postavljeno pitanje, ovaj ugovorne i druge usluge, sistem sa nepokretnim pogonom, da nam se objasni šta se ustvari nabavlja. Rekonstrukcija i investiciono održavanje uvećano za 55.200.

Kapitalni transferi Ministarstvo komunalne privrede kapitalni transferi neprofitnim organizacijama uvećani za 9.350.000 Ukupno 12.815,100.



I evo to bi za sada bila pitanja vezana za Prijedlog budžeta. Zahvaljujem.

### **Danijela Kristić (Dopredsjedavajuća)**

Zastupnik Zahiragić.

### **Haris Zahiragić (poslanik/zastupnik)**

Zahvaljujem predsjedavajuća. Moje prvo pitanje je za Ministra financija i premijera kako je moguće da je u Nacrtu koji smo ovdje usvojili bio iznos od milijardu i 193 miliona, a danas je milijarda i 438 miliona maraka. Kako je taj ogromni rast od skoro 20 % se desio u ovako kratkom periodu. E sad vas želim pitati u vezi s tim, tko će odgovarati da li će se parlamentarna većina, a ne novi ministar, on tada nije bio, ali ovi ministri koji jesu bili ili neko iz skupštinske većine se izviniti građanima da širenje panike zbog pondera 2 i tvrdnji da će Kanton Sarajevo imati nikada manji budžet, kada danas imamo historijski budžet u Kantonu Sarajevo u njegovoj visini iznosa.

Možete li mi reći kako je, pa iz drugih sredstava, naravno. Pa panika koja je širena da će budžet biti manji. Diskutovat ćemo kasnije. Kada se oko drugih sredstava i vidim osmijeh ministara zbog tog dobacivanja, kamate su od nacrtu do prijedloga rasle, samo kamate za 1 000 000. E zamislite vi koliko je kredit rastao ako su kamate od nacrtu od prije mjesec do danas rasle za 1 000 000 maraka. Eto odakle drugi prihodi. Možete li mi reći koliki je konačan iznos kredita koji će Kanton Sarajevo nakon ovih posljednjih zaduženja imati prema i unutrašnjim i vanjskim kreditorima i koliki će biti iznos duga Kantona Sarajevo, te koliko u ovoj godini se povećava iznos duga Kantona Sarajevo.

Također zanima tekući transferi pojedincima sa 130 miliona na 147 miliona, možete li nam pojasniti detaljnije na što se taj iznos od 17 000 000 od Nacrtu do Prijedloga, samo govorim, povećao 17 000 000. Tekući transferi neprofitnim organizacijama sa 41 milion na 70 miliona maraka, od Nacrtu od Prijedloga. Dakle usvajamo Prijedlog 70 miliona maraka. Otplate dugova 39 miliona maraka.

Krenuo sam i ovo za Rakovicu ali pošto su nakon rakovice reagovali , prekinuli kolegicu Hodžić, neću ja da spominjem tu azile i to, to je opasna tema izgleda u ovoj Skupštini.

Kabinet predsjedavajućeg, nije tu nažalost predsjedavajući. Tekući transferi sa 300 na 400, kao da mu nije bilo dovoljno 300 000 koje je imao Nacrtom budžeta, čovjek je smislio kada se vidi od Prijedloga do Nacrtu, od Nacrtu do Prijedloga još 100. 000. 400.000 maraka tekući transferi pojedincima. Jedan čovjek svojim potpisima dodjeljuje. 400 000 maraka predsjedavajući Okerić dodjeljuje. Možete li nam dati ekonomsko, budžetsko ili bilo koju drugu opravdanost.

Kabinet premijera rasle su mu i ugovorne i druge usluge sa 40 na 278 000. Da li je ovo gospodin Edin Forto, mislim da je on bio štedljiv kao premijer u smislu kabineta ili je ovo novi premijer tražio da mu se poveća za 240 000 ugovorne i druge usluge. Također zanima me rasta na Kabinetu premijera sa 386 na 624.000 konvertibilnih maraka. I ono što je kolegica Hodžić kada je pitala i ja sam provjerio i u pravu je, Ured za borbu korupcije narastao je preko 1 000 000 u Budžetu. Ja sam se ponadao da ide u sad neke borbe protiv korupcije u tom budžetu, da ću vidjeti neke programe. Nabavka sitnog inventara raste evo je sada došla 200 000 maraka. U Nacrtu je bilo 60 000. Dakle građani da znaju kada je Nacrt planiran sve su institucije svoje, i tako Ured i Vlada iskazali svoje potrebe. I ako je potreba tada bilo 61 000 kako j sada ta potreba 200 000. Ugovorne i druge obaveze također na Uredu sa 59 na 189 000 konvertibilnih maraka. I to nas sad dovodi u situaciju imamo rekordan budžet i zanima me možda suštinski najvažnije pitanje, gdje ste našli ovolika sredstva da imamo ovako historijski budžet, a posebno imajući u vidu činjenicu da zaista Kanton Sarajevo ove godine neće imati taj ponder 2. Hvala vam.

### **Danijela Kristić (Dopredsjedavajuća)**

Zastupnik Bandić.

### **Muamer Bandić (poslanik/zastupnik)**

Zahvaljujem. Okolnost da se radi o novoj Vladi i novim ministrima imam jedno pitanje na koje ne morate mi dati odgovor, možete dostaviti pismenim putem kad budete u prilici . Ono što mene zanima jeste da je Zakonom o izmjenama i dopunama Zakona o socijalnoj zaštiti i zaštiti civilnih žrtava rata i zaštiti porodice sa djecom, izmjene koje su se desile posljednjih, dakle zaštiti porodice sa djecom, zanima me koje efekte će taj zakon proizvesti za budžet 2023/ 24. godine. Odnosno konkretno me zanima znali iko koliko će u konačnici koštati ovaj Zakon. Hvala.

### **Danijela Kristić (Dopredsjedavajuća)**

Zastupnika Avdić.

### **Samir Avdić (poslanik/zastupnik)**

Zahvaljujem predsjedavajuća. Ja sam kao lokalni vijećnik svoju usvajao nekih desetak, deset ustvari budžeta i obično smo u diskusijama problematizirali činjenicu da se prijedlog budžeta nakon javne rasprave nije mnogo razlikovao od nacrt budžeta, jer smo smatrali da na taj način, da to ustvari ilustruje da je ta javna rasprava maltene bila uzaludna samim tim što nije polučila rezultate na način da će prijedlog biti značajno drugačiji. Iz tog razloga čestitam timu koji je kreirao ovaj Prijedlog budžeta, upravo iz razloga što se on dosta, i to u pozitivnom smislu, razlikuje ovaj u odnosu na Nacrt. Za svaku čestitku i za svaku pohvalu je ovaj rast koji vidimo. Ja vjerujem da će nam ministar finansija i objasniti na koji način je došlo do rasta sredstava ovaj i ne treba zbog toga biti tužni, mislim svi oni koji su dobronamjerni prema građanima Kantona Sarajevo, prema ovom budžetu, oni bi trebali biti sretni upravo iz razloga što se zahvaljujući pametnoj politici ovaj uspjele doći do tog rasta i na neki način zaobići te negativne efekte pondera. Znam da idu pitanja, ali i ostali su komentarisali i ovaj zaista ću i ja zloupotrijebiti ovaj nedostatak Poslovnika i polako ću pričati, postavljati pitanja, s obzirom da je neograničeno, što je stvarno nonsens ovog Poslovnika. Evo da krenemo sa prvim pitanjem. S obzirom da možemo vidjeti u Kantonu Sarajevo, evo upravo je ovaj aktuelna sanacija i restauracija fasade (nerazumljivo) zgrade, gotov je glavni projekat, za svaku pohvalu. Vidimo da je glavni projekat ovaj zgrade Vječne vatre gotov i da je novcima sredstvima međunarodnim će se ovaj sanirati i rekonstruisati, mene zanima od ministra Bečarevića, iako je tek ovaj odnedavno ministar, ukoliko ovaj ima informaciju, ove godine koliko je predviđeno za sanaciju i rekonstrukciju fasada, za izradu glavnih projekata, itd. Da li je predviđeno eventualno i u rebalansu, odnosno u preraspodjeli sredstava da se ta sredstva po povećaju, s obzirom da imali smo u diskusijama na prošloj sjednici ovaj neke ocjene kako nam izgleda grad, pa vjerujem da svi oni koji vole ovaj grad i ovaj Kanton sa slažu da ta sredstva, sredstva za sanaciju i rekonstrukciju fasada treba povećavati iz budžeta u budžet i ovaj na taj način uljepšavati naš grad. U tom smislu kao predsjednik Komisije za zaštitu kulturno historijskog naslijeđa, zajedno sa kolegicama zastupnicama Hašimbegović i Melank ovaj smo razgovarali i napravi neki plan, prije svega ovaj kao prioritet smo sebi kao Komisija odredili ovaj fasadu Narodnog pozorišta, ali postoje i neke druge zgrade i zbog toga me zanima plan Ministarstva u kontekstu sanacije i rekonstrukcije fasada, kako na nacionalnim i drugim spomenicima, tako i na drugim zgradama u Kantonu Sarajevo. Moje drugo pitanje je prema Ministarstvu obrazovanja, odnosno prema kolegici Hota-Muminović. Vidimo značajno povećanje stavke za plate. Znamo da je kroz dogovore sa sindikatima ovaj prethodna Vlada pripremila i da ide ovaj linearno povećanje 100 konvertibilnih maraka mjesečno u ovoj godini na plate i prosvjetnih radnika i znamo da je to

jedan od razloga povećanja ove stavke. Znamo i da ovaj je na zadovoljstvo i sindikata i prosvjetnih radnika, pa i Vlade ovaj potpisan kolektivni ugovor i dogovoreno povećanje plata u odnosu na prošlu godinu i kroz taj kolektivni ugovori. Znam da je i to jedan od razloga za povećanje, ali se nadam i zato pitam da li je ovo povećanje uzrokovano i idejom, odnosno vizijom ovog Ministarstva, u razgovoru sa ministricom sam saznao da to jeste njena vizija, a ja sam o tome diskutovati na jednoj od prethodnih sjednica kada se kolega Dević i ja nismo dobro razumjeli oko pojma uhljebi, da li ovo znači ustvari da se konačno kreće u rješavanje, odnosno u sprečavanje loše prakse gdje se nakon 2 godine kada bi se trebalo trebali potpisivati ugovori na neodređeno prekidaju radni odnosi sa prosvjetnim radnicima i na taj način ih se dovodi u jednu finansijsku nesigurnost što je jedan od razloga njihovog odlaska iz ove zemlje, odnosno da li se konačno ide ka zadovoljenju pedagoških standarda kada je u pitanju broj prosvjetnih radnika koji su potrebni po školama? Da li je to razlog ovog zaista značajnog ogromnog povećanja stavke za plate. Pitanja prema Ministarstvu kulture i sporta odnosno kolege Magodi. S obzirom da su sredstva agregirana i već je kolegica Melank ovaj s obzirom da jel dijelimo afinitet prema ovoj temi pitala na koji način, odnosno u tim sredstva ne možemo vidjeti na koji način će se i da li će se nastaviti pomagati finansijski rad institucija kulture od značaja za Bosnu i Hercegovinu. Tu prije svega mislim na Zemaljski muzej Bosne i Hercegovine, Historijski muzej Bosne i Hercegovine, Univerzitetsku i nacionalnu biblioteku Bosne i Hercegovine, Kinoteku Bosne i Hercegovine, Biblioteku za slijepa i slabovidna lica Bosne i Hercegovine, te Muzej književnosti i pozorišne umjetnosti Bosne i Hercegovine, sve značajnija od značajnije institucije koje su godinama bile, pa čak i od strane ovog Kantona zapostavljane. Koji je plan i na koji način taj plan možemo primijetiti u ovom Prijedlogu budžeta? To je pitanje za ministra Magodu, koji je plan prema ovim institucijama. Ono što bi bio nekakav prijedlog i Komisije i moj lični jeste kreiranje stavke posebne za te institucije i ukoliko je to zakonski moguće da se dopusti da kroz projekte, kako su do sada aplicirali, odnosno prošle godine aplicirali na javne pozive, da im se dopusti da ta sredstva ovaj utroše u plate s obzirom s obzirom na odnos države dosadašnji prema tim institucijama. To bi bio najbolji način da im se pomogne. Prema istom ministarstvu pitanje. S obzirom na to da je naš grad i radi Sarajevo film festivala i radi Oskara na koju smo svi ponosni, grad filma i postoji taj brend "Sarajevo grad filma", na koji način u ovom budžetu je predviđeno da se ta priča "Sarajevo grad filma" i taj brend dalje pomaže. Tu ne mislim samo na finansijsku pomoć kroz projekat Sarajevo film festivala, nego da li da postoje ideje i da li ovaj Prijedlog budžeta oslikava takve ideje, da li će se na neki drugi način pomoći filmska industrija, snimanje filmova u našem gradu. Zatim, vidimo da su značajno povećana izdvajanja za sport pa me zanima, ovaj s obzirom da nije baš precizirano, ovaj o kojim idejama, koje ideje se ustvari nalaze u ovom prijedlogu kada je u pitanju ovaj sport, prije svega mislim na ove najpoznatije klubove, ovaj odnosno sport sa loptom. Vrlo mi je, vrlo mi je važno ovaj da imam odgovor, a vjerujem da je to važno i za građane koji prate naš rad putem medija, kakve su bile reakcije sindikata i evo vidjeli smo neke reakcije fakulteta na Nacrt budžeta i njihovo djelovanje kroz javnu raspravu, kakve su njihove reakcije na Prijedlog ovog budžeta, odnosno da li da li je Vlada, da li je tim koji spremao ovaj Prijedlog budžeta dobio eventualne negativne reakcije od bilo kojeg od sindikata, s obzirom da je to ovaj nešto što je obično ide maltene kao običaj uz kreiranje prijedloga jer ne mogu biti svi zadovoljni. Da li ima negativnih reakcija od strane sindikata i od strane fakulteta, s obzirom da su kada je bio Nacrt usvajanje, odnosno kada usvojen bili nezadovoljni zbog smanjenja stavke potrošnje za materijalne troškove. Tu mislim na Filozofski i na neke druge od fakulteta, pa molim odgovor da li su ti fakulteti zadovoljeni u kontekstu koji sam maloprije spomenuo. Pitanje za ministra Štetu, odnosno za Ministarstvo saobraćaja. Iako u javnosti s obzirom da živimo u vremenu u kakvom živimo, pa nekada čak i na ovoj ugovor Skupštini se kroz diskusiju stekne dojam da nismo dovoljno osjetljivi ovaj na prava radnika Grasa, s obzirom da je to jedan od najvećih dužnika kada su u pitanju javna preduzeća. Ja sam

bio zaista najiskrenije zabrinut kada smo usvojili Nacrt u kojemu nije bilo sredstava planiranih za plate radnika Grasa. Koliko vidim u ovom Prijedlogu čini mi se da su sredstva na toj stavci značajno povećana i da li tzn. da u ovoj godini radnici Grasa mogu računati da njihove plate neće biti upitne, jednako kao što neće biti upitne ni subvencije penzionerima i đacima, a bile su kada je u pitanju ovaj Nacrt budžeta koji smo usvajali prije nekih mjesec dana. Znači moje pitanje prava ministarstvu, znači da li ova povećanja koja možemo vidjeti u Prijedlogu u odnosu na Nacrt znače da trebamo prestati da se da se brinemo kako to jesmo za vrijeme Nacrta kada su u pitanju znači plate radnika Grasa i subvencije prema penzionerima i đacima i studentima u Kantonu Sarajevo? Za sada toliko pa kada bude diskusija nastavit ću. Hvala lijepa.

**Danijela Kristić (Dopredsjedavajuća)**

Zastupnik Pobrić.

**Rusmir Pobrić (poslanik/zastupnik)**

Hvala predsjedavajuća. Sve srdačno pozdravljam. Dužan sam zahvaliti se predstavnicima ministarstava koji su prisustvovali sjednicama radnih tijela. U mom slučaju mislim na Komisiju za obrazovanje i Komisiju za mlade i davali zaista iscrpne odgovore na brojna pitanja koja smo imali barem za ove dvije oblasti. Ja ću samo postaviti ona pitanja za koje eto kao član predmetnih komisija nisam dobio dostatne odgovore ili gdje predstavnici određenih ministarstava nisu prisustvovali. Za ministricu Hota-Muminović. Jesu li predviđena inicijalna sredstva, a najavljivano su i tokom diskusije o Nacrtu budžeta, za implementaciju Zakona o dualnom obrazovanju čije usvajanje očekujemo u ovoj godini. Za Ministarstvo za boračka pitanja odnosno za ministra Osmanovića. U odnosu na prošlogodišnji budžet značajno su povećana sredstva za stipendije za djecu i mlade iz boračke populacije, za gotovo 400 000 maraka, znači li to povećanje iznosa pojedinačnih stipendija ili povećanje obuhvata broja korisnika, odnosno obrazovnih kategorija. I za ministra Zlatka Mijatoviću dakle za Ministarstvo privrede. Dobili smo pojašnjenje na Komisiji od predstavnika Ministarstva vezano za podršku osnivanju omladinskih firmi odnosno start up generalno iznos za Program podrške maloj privredi je povećan u Prijedlogu u odnosu na Nacrt za 1,8 miliona, dakle sredstva će ostati ili u onom nivou ili čak povećana za podršku start upima mladih. Međutim s obzirom da je najavljeno ono jedan od zaključaka Tematske sjednice o mladima osnivanje Centra za razvoj preduzetništva pri Centru za napredne tehnologije, vidjeli smo budžetu da su povećana sredstva Centru za napredne tehnologije, je li u okviru tog povećanja jesu li predviđena sredstva neophodna za uspostavu Centra za razvoj preduzetništva? Hvala.

**Danijela Kristić (Dopredsjedavajuća)**

Zastupnik Selmanović.

**Faruk Selmanović (poslanik/zastupnik)**

Hvala. Imam par pitanja. Prvo pitanje se odnosi na Ministarstvo unutrašnjih poslova. Došlo je do smanjenja nekih 10 miliona za nabavku stalnih sredstava i nabavku opreme od Nacrta do ovog Prijedloga, a za Ministarstvo privrede vidimo da dolazi do povećanja za subvenciju privrednim preduzećima sa 15 na 20 000 000, pa isto molim pojašnjenje. I Ministarstva za odgoj i obrazovanje transakcija za neprofitabilne organizacije od Nacrta sa 10 miliona sad za prijedloge 21 000 000, pa samo da nam objasni o kojim se to organizacijama radi. Hvala.

**Danijela Kristić (Dopredsjedavajuća)**

Zastupnica Viteškić.

### **Smiljana Viteškić (poslanik/zastupnik)**

Zahvaljujem se. Ja imam također nekoliko pitanja. Prvo pitanje je Kantonalna uprava za komunalne poslove još nije usvojen akt o osnivanju a ona je pozicionirana u Budžetu istina sa simboličnim iznosima ali ako smo baš sigurni da će biti usvojena akta o osnivanju ove Uprave možda se moglo planirati, možda su se mogla planirati veća sredstva da sve baš ne padne na rebalans budžeta.

Drugo pitanje, možete li mi pojasniti pozicije koje su već godinama evidentirane u budžetima koje usvajaju zastupnici ovog zakonodavnog organa i to ekonomski kod 821 300 nabavka helikoptera 12 500 000 u Nacrtu tek 2 757 000 u Prijedlogu budžeta. I poziciju 613 900 uspostavu helikopterske jedinice. Oba ekonomska koda su na pozicijama MUP-a.

Ekonomski kod 615200 kapitalni transferi pojedincima, subvencioniranje mladih pri rješavanju stambenog pitanja u iznosu od 500.000 konvertibilnih maraka. Zašto nisu planirana veća sredstva kad se zna iz iskustva prethodnih godina koliko se sredstava utroši na ovoj poziciji i koliki je interes mladih ljudi da riješi svoja stambena pitanja sa povlasticom Kantona. Sljedeće pitanje je Ministarstvu zdravstva. Tekući transferi neprofitnim organizacijama za udruženja koja pružaju podršku djeci oboljeloj od malignih bolesti i njihovim roditeljima, stavka je koja nije predviđena u budžetu ili je negdje agregirana, kao ni prošle godine, mogu li znati zašto.

U prošlom mandatu je zastupnica koja nažalost nije više sa nama uputila inicijativu i zaključak koji je jednoglasno usvojen u Skupštini da se budžetom predvidi povećanje Granta za udruženje "Dajte nam šansu" na 100 000. Da li su ove godine Budžetom predviđena ta sredstva na nekoj od pozicija Ministarstva za rad, socijalnu politiku, raseljena lica i izbjeglice?

Da li se definitivno odustalo od izgradnje zgrade MUP-a?

Sljedeće pitanje Ministarstvo privrede, pozicija podrška projektima ZOI' 84 Olimpijski centar Sarajevo d.o.o. Identične pozicija i čini mi se iznos. Nije li logika da su neki projekti već realizovani? Molim da mi detaljno navedite pojedinačno svaki projekat sa iznosima koji su utrošeni, pa ako je to velik posao za danas može i u pisanoj formi u narednom periodu.

O hangaru je govorila naša kolegica Hašimbegović. Dogradnja Četvrtje policijske uprave ekonomski kod 600 100 u Nacrtu 600 000 u Prijedlogu 1 650 000, zašto povećanje?

Na Ministarstvu privrede podrška projektima PD Butmir ekonomskih KUD 615 400, u Nacrtu 0 , u Prijedlogu 1,2 miliona. To je pitanje koje također postavila kolegica Hodžić, koji su to projekti da nam navedete. Interesuje me isto stavka 614100 higijenski servis u Nacrtu 0 u Prijedlogu 2 000 000. Veterinarska stanica koja je u Kantonu Sarajevo javno preduzeće koje je dobilo smanjene sredstava koja im inače pripadaju za oko 300 000 zašto je došlo do tog smanjenja i evo vidim u amandmanima koje je ponudila DF-u da se to smanjenje vrati Veterinarskoj stanici, to nije prihvaćeno. Toliko hvala.

### **Danijela Kristić (Dopredsjedavajuća)**

Zastupnica Mehmedagić.

### **Mersiha Mehmedagić (poslanik/zastupnik)**

Hvala predsjedavajuća. Ja bih samo zamolila za jedno pojašnjenje. Naime otvorena je nova pozicija u kapitalnim transferima Ministarstva rada socijalne politike, a radi se o nabavci ultrazvučnog aparata nove generacije za unapređenje zdravstvene zaštite žena, trudnica i porodilja za Javnu ustanovu "Opća bolnica prim. dr. Abdulah Nakaš" u iznosu 200 000, pa samo molim za pojašnjenje zašto je u sklopu ovog Ministarstva. Naravna stvar da podržavam nabavku ovih aparata i kapacitiranje ove zdravstvene ustanove, samo me malo buni otkud u ovom resoru. Hvala.

### **Danijela Kristić (Dopredsjedavajuća)**

Zastupnik Kapidžić.

### **Faruk Kapidžić (poslanik/zastupnik)**

Zahvaljujem. Pitao bih, ne znam ko će odgovor na to, ali ne vidim nigdje stavku za paradu ponosa odnosno za LGBT populaciju, je li to, jeste li se to prepali Dodika ili je to vaš novi stav po tom pitanju? Hvala.

### **Danijela Kristić (Dopredsjedavajuća)**

Ja ću također iskoristi svoje pravo da postavim par pitanja. Prvo pitanje da li su osigurana dovoljna sredstva za očuvanje postignutog standarda za inkluziju u redovnim školama? Da li je u Prijedlogu budžeta izdvojen iznos za dnevnu bolnicu za PTSP u sklopu Ministarstva zdravstva Kantona Sarajevo? Znamo da je Ministarstvo za boračka pitanja izvadilo 300 000 konvertibilnih maraka. Kao što znamo za implementaciju kolektivnog ugovora Javne ustanove "Apoteke Sarajevo" potrebno je dodatno 3 850 000 konvertibilnih maraka. Kroz budžet nije obezbijeđen ovaj iznos pa pitanje prema Vladi i premijeru kako mislite riješiti ovaj problem jer dodatni iznos koji je stvorio obavezu od 3 850 000 konvertibilnih maraka ugrožava poslovanje "Apoteka". Primijetili smo da u svakoj školi osigurana budžetska sredstva za rekonstrukciju i za opremu, da li je to nova praksa? I da li su osigurana sredstva u budžetu za sufinansiranje boravka djece koja pohađaju privatne predškolske ustanove jer u Nacrtu budžeta nisu bila osigurana ta sredstva?

Sada prelazimo na odgovore Vlade i ministara. Da li vam treba pauza neka za pripremu?

Pauze 30 minuta. Hvala.

### **NASTAVAK NAKON PAUZE**

### **Danijela Kristić (Dopredsjedavajuća)**

Nastavljamo sjednicu. Premijer Uk, da li ćete vi prvi ponuditi odgovore?

### **Nihad Uk (premijer)**

Da, dopredsjedavajuća. Dakle hvala kolegama i kolegicama na svim pitanjima koji su upućeni prema Vladi kantona Sarajevo. Ja ću odgovoriti na par pitanja koja su direktno vezana za premijera, odnosno kabinet premijera. Prvo pitanje bilo pitanje kolekcije Hašimbegović u vezi ID broja kabineta. Dakle sada sam se upoznao sa ovom problematikom, nisam ulazio osnivačke akte još uvijek, tako s obzirom s obzirom da nam je treći dan rada nisam ulazio u osnivačke akte Kabineta premijera Kantona Sarajevo i ono što je navedeno u revizorskom izvještaju tako će se i postupiti, tako da ne smije da posao trpi u odnosu na one sve preporuke koje su se desile u samom revizorskom izvještaju. Drugo pitanje kolegice Hašimbegović, ujedno i prvo pitanje kolege Zahiragića odnosilo se na ugovorene usluge povećanje sa 38 000 na 56 000, a ne kako je rečeno kolege Zahiragić sa 380 000 na 560 000. Tako da povećanje u ovom iznosu je stvar dogovora Vlade, određeni interresorne stvari koje su dogovorene na Vladi prebačene su na Kabinet premijera Kantona Sarajevo, tako da ćemo preko Kabineta premijera Kantona Sarajevo pokrivati određene stvari koji se tiču međusobnog djelovanja određenih resora. Također treće pitanje povećanje materijalnih troškova za 200 000 konvertibilnih maraka. Pitanje od kolegice zastupnice Hodžić i kolege zastupnika Zahiragića. Odnosi se na povećanje za projekat Net Zero Cities, dakle to je projekat koji je započela prethodna Vlada na način da je Kanton Sarajevo uvršten među 100 gradova koji su prošli u aplikaciji između 377 gradova

za smanjenje klimatskih promjena i poboljšanja između ostalog u Kantonu Sarajevo zraka. Za aplikaciju odnosno za realizaciju već preuzetih obaveza po ovom projektu je potrebno 200 000 konvertibilnih maraka i dogovor Vlade jeste da se ovaj projekat vodi preko Kabineta premijera Kantona Sarajevo. Što se tiče pitanja gospodine uvaženog zastupnika Avdića da li su sindikati upoznati i da li su dali zeleno svjetlo, da li su saglasni sa predloženim Budžetom, želim da napomenem da su oni sastavni i aktivni sudionici Ekonomsko socijalnog vijeća Kantona Sarajevo i Ekonomsko socijalno vijeće je dalo pozitivno mišljenje po pitanju Budžeta Kantona Sarajevo. Također pitanje uvažene zastupnici Hodžić odnosilo se na odakle po prvi put u Budžetu Kantona Sarajevo stavka odvojen život. Dakle, po naredbi viših nivoa vlasti u Federaciji donesena je Uredba o naknadama sudija i tužioca koja je stupila na snagu 1. 1. 2023. godine i kojom se predviđa da sudije, tužioci, odnosno članovi pravosudnih organa pod Kantom Sarajevo imaju pravo na odvojeni život, tako da će se ovaj iznos koji je predviđen u Budžetu rasporediti 18 000 konvertibilnih maraka Općinskom sudu u Sarajevu i 15 000 Kantonalnom sudu i 18 000 Tužiteljstvo Kantona Sarajevo. I posljednje pitanje koje je adresirano prema Kabinetu odnosno premijeru Kantona Sarajevo jeste pitanje uvažene dopredsjedavajuće Kristić u vezi "Apoteka" i nedostajućih sredstava u iznosu 3,8 miliona konvertibilnih maraka. Želim da napomenem da nijedno pravo koje je preuzela Vlada Kantona Sarajevo u prethodnom periodu, a posebno kada se radi o platama uposlenika u Kantonu Sarajevo neće biti uskraćeno, tako da ukoliko bude nekih finansijskih poteškoća u radu "Apoteka Sarajevo" da ćemo u narednom periodu kroz preraspodjele rješavati ovo pitanje. Hvala.

### **Danijela Kristić (Dopredsjedavajuća)**

Zahvaljujem. Ministar Dedović.

### **Emir Dedović (ministar)**

Ono što se konkretno odnosilo na Ministarstvo financija i na pitanje za Ministarstvo financija mislim da je prije svega ovaj povećanje prihoda koje se dogodilo između Nacrta i Prijedloga i tu imamo pitanja zastupnika gospodina Devića, Zahiragića, Admele Hodžić, gospodina Marjanovića. Znači gledano sa stanovišta prihoda i ja ću vam ovaj dati tačne podatke koje sam dobio iz Ministarstva na koje se tačno pozicije odnosi povećanje prihoda koje pokriva ovu rashodovnu stranu ovaj između Nacrta i Prijedloga budžeta. Znači 38. 227 000 maraka je suficit ovaj u Kantonu Sarajevo na kraju 2002. godini. Mislim da je ovo dobra vijest jer ovaj suficita dosad uglavnom u Kantonu Sarajevo nije bilo. Dobra je vijesti isto tako da se porez na dobit na ovim dijelu ovaj gledano očekuje njegovo povećanje za 20 miliona. Za 22 000 000 porez na dohodak što je rezultat određenih mjera koje su se dešavale tokom prošle godine. I očekuju se ove godine u ovom djelu, dalo bi se vjerovatno, bit će pitanja i u tome smislu onaj razglabati o ovome kako se došlo onaj do ovih podataka ovaj i na kojim analizama je ovo postavljeno, ali opravdanje za ovo sigurno ovaj postoji. Ima 54 000 000 konvertibilnih maraka su prihodi od indirektnih poreza koji se očekuju da se povećanje u 2023. godini. Ono što vas posebno interesuje znači u ovome dijelu povećanja kreditnih sredstva su 65 miliona. Znači to je po meni jedan evo pregled koji daje sliku ovoga kako se ovaj misli, e da li tu ima logike, da li tu postoji ekonomska računica, opravdanost da samo u tako kratkom vremenu u javnoj raspravi, odnosno od Nacrta do Prijedloga da dođe do ovoga povećanja, mislim da za ovo ima zbog vremena u kojoj se dešavala ova promjena odnosno kad se dešavalo javna rasprava januar mjesec i februar mjesec u kojem se svode računi, a i vide se statistički podaci iz prethodnih godina, tako da daju osnova da se može bolje planirati u ovim mjesecima nego kad su u pitanju planiranja koja se rade u oktobru, septembru ili onaj u novembru. Tako da evo ja mislim da je ovo dovoljno jasno i da ima opravdanja kad je u pitanju ovaj povećanje. To je moje lično

mišljenje. Ono što još moje lično mišljenje jeste da ćemo mi u narednom periodu raditi da promijenimo malo ovaj evo percepciju i da probamo iz budžetskih sredstava više izdvajati ka projektima i kapitalnim ovaj izdacima, jer uglavnom kreditna sredstva koja su upotrebljena i u ovoj godini i u prethodnim godinama su vezana za kapitalne izdatke i kad pogledate one projekte koji su došli u javnoj raspravi i koji su važni za građane Kantona Sarajevo mislim da im nema, nemamo baš pravo da im ne damo šansu u ovoj godini, bar da se započnu . Ima jedna praksa koja meni u mom, ovaj u mom iskustvo govori ukoliko nema sredstava u budžetu niko na tom projektu ne radi. Nažalost to je tako i mislim da baš zbog toga da određeni projekti da se počnu krenuti i raditi na njima vrijedi reći da ćemo uzeti kredit ako treba, ali ono što je sigurno, sigurno je da se najčešće zbog i neefikasnosti organa, institucija u Kantonu Sarajevo ne ugovori i ne povuče i ne sklope ugovori ni za 50 % odobrenih sredstava u Budžetu Kantona Sarajevo. Znači to je još jedna može se s jedne strane reći pogodna, s druge nepogodna situacija i moramo raditi na tome da se to promijeni. Ako je već nešto u budžetu se nađe mora se raditi na tome da se njegova implementacija završi ili ne treba da bude u budžetu. Znači ovi bi politički neki dogovori koji idu dajte da se nešto nađe u budžetu a nije spremno nema koristi. Dolazimo sljedeći put ponovo u situaciju da govorimo o nečemu što se zove zašto nismo realizovali ovaj a imali sredstva ovaj za to. U ovom dijelu odgovaram i na onaj drugi dio pitanja koliko je Kanton zadužen. Zaduzen je sa 346. miliona maraka i dodatnih 177, znači tu je negdje oko jedne trećine budžeta ovoga. Kad bi sve stalo, znači kad bi morali sve isplatiti odmah, to je 1/3 budžeta, ovoga kojeg imamo. Mislimo da to Kanton Sarajevo može a da ovo na dugoročni period koji jeste ovaj da to nije ,ne radi se nije o kakvom nivou prezaduzenosti i mislim da ova nova predviđena sredstva od 65 miliona neće uticati onaj na stabilnost budžeta u narednoj godini. Milion onaj dodatni za ovaj otplatu evo ga on povlači ovu matematiku ovaj kad je u pitanju kreditno zaduzenje na kamatama se mora odraziti, to jedno ovaj 5 % što se tiče zaduzenja. Ja sam imao isto spremne odgovore za gospođu Kristić vezano za ovaj "Apoteke". To je ovaj gospodin premijer odgovorio. I imamo za onaj Admelu ovaj set odgovora koji bi nam trebalo jako dugo da na sve odgovorimo, tako da ćemo je evo zamoliti da ove stvari pošto smo mi iz istog ovaj političkog izvora došli da ćemo, nećemo joj mi uskratiti odgovore na ova pitanja, probat ćemo i onaj u narednom periodu pripremiti detaljno pa Admele obavijesti, a većina stvari se odnosi na povećanja koja su rezultat javne rasprave koja se ovaj vodila i određenih stvari koje se tiču promjene kodova koji su bili ovaj stvar revizije i njihovih ovaj izvještaja i preporuka da se određene stvari poprave. To je onaj ono što ja mogu reći u ovome trenutku. Hvala vam.

### **Danijela Kristić (Dopredsjedavajuća)**

Zahvaljujem se. Ministar Osmanović.

### **Omer Osmanović (ministar)**

Hvala poštovana dopredsjedavajuća. Poštovani zastupnici i zastupnice, poštovani gledaoci i gledateljke kraj malih ekrana, srdačno vas selamim i pozdravljam. Par pitanja je bilo za Ministarstvo za boračka pitanja. Prvo pitanje je postavio uvaženi zastupnik Ilijaz Pilav u vezi veteranskog odjela ili bolnice. Ovdje moram reći da smo na Komisiji za boračka pitanja ponudili iscrpne neke odgovore ali evo radi javnosti da ponudimo, ovdje se ne radi o veteranskoj bolnici, radi se o veteranskom odjelu. Nažalost populacija koju ja predstavljam je se više starija, sve više imamo bolesnih i ukazala se potreba nakon dvije godine rada i analize za što boljom nekom liječničkom skrbi. U tu svrhu smo stupili u kontakte preko, ovim putem pohvalio bi i svog resornog kolegu Harisa Vranića koji je iskazao puno da kažem saradnju u rješavanju pitanja po pitanju boračke populacije. Mi smo stupili u kontakt preko njega sa rukovodstvom Opšte bolnice i otišli smo u jednu zajedničku posjetu u Vukovar koji imaju i



zakonski su riješili te veteranske bolnice i veteranske odjele i na osnovu toga mi smo odlučili da preko Ministarstva za boračka pitanja kreditiramo kroz kredit da taj veteranski odjel bude u sklopu Opšte bolnice, a način na koji će on biti organizovan to svakako prepuštamo struci. Resorni ministar će zajedno sa rukovodstvom Opšte bolnice pronaći najbolji način u koji se mi nećemo petljati jer mi nismo za to stručni. Što se tiče. To su, rekli smo, to su kreditna sredstva i kao što je napomenuo uvaženi zastupnik Pilav da prema veteranskim ambulantomama prema opštinama, također ovom prilikom to smo već pokrenuli priču sa direktorom Doma zdravlja Abelom Baltićem, kojeg izuzetno isto da kažem pozdravljam ovim putem, zato i na njemu je ostalo da uradi se projekat o veteranskim ambulantomama po principu kao što smo imali u vrijeme Corone tzv. Corona ambulante da minimalno imamo u svakoj opštini da ambulantu za veterane u sklopu već domova zdravlja. I to neće iziskivati dodatna materijalna sredstva. Drugo pitanje došlo od uvaženog zastupnika Pabrića. Vratio bih se samo još na ovo pitanje jer je dopredsjedavajuća Kristić spomenula i dnevnu bolnicu na Psihijatrijskom odjelu gdje smo također u našem Nacrtu i Prijedlog budžeta a opet u dogovoru sa resornim ministrom Vranićem izdvojili određena sredstva kroz Ministarstvo za boračka pitanja za izgradnju dnevne bolnice, kojim se ovim putem zahvaljujem opet rukovodstvu te klinke i resornom ministru. Drugo pitanje je bilo od uvaženog zastupnika Pabrića u vezi stipendija jel se povećao da kažem iznos stipendije. Mi smo kao što sam znao reći pred kraj godine uvodili neke rekordne i neke revolucionarne stvari. U Ovome putu put je i rekordno i revolucionarno, imamo 2100 stipendija za srednje škole i prvi ciklus obrazovanja i po prvi put imamo stipendiranje 200 stipendija za drugi ciklus i 30 stipendija za treći ciklus i one su značajnom sredstvima, a za treći ciklus iznosi 500 maraka mjesečno, 200 maraka za drugi ciklus i nadam se da će ta djeca koja imaju veću empatiju, da tako kažem, od druge djece prema ovoj državi jer su njihovi roditelji dali život i dijelovi tijela i borili se za ovu državu da će ta djeca biti generatori uspjeha koji će naslijediti nas i koji će povući ovaj Kanton i ovu državu prema naprijed. Hvala, toliko.

### **Danijela Kristić (Dopredsjedavajuća)**

Zahvaljujem. Ministar Katica.

### **Admir Katica (ministar)**

Hvala lijepa predsjedavajuća. Lijep pozdrav ponovno svim zastupnicima i zastupnicama i građanima Kantona Sarajevo. Ja sam imao nekoliko pitanja. Prvo pravo pitanje od uvaženi zastupnice Marijele Hašimbegović. Vezano za jednu stavku na koju je bilo 5 miliona konvertibilnih maraka predviđeno za nabavku zemljišta za hangar. Uvidjeli smo u toku javne rasprave da je pogrešno nazvana ova stavka pa smo je preimenovali u izgradnju hangara koja obuhvata i ovu nabavku zemljišta i ustvari došlo je do promjene samo nazva ove stavke. Zahvaljujem se zastupnicima koji skrenuli pažnju na ovu stavku tokom javne rasprave. Drugo pitanje je bilo vezano za stavku na kojoj predviđeno 2 000 000 konvertibilnih maraka za izgradnju i rekonstrukciju objekata na području Kantona Sarajevo, odnosno objekata MUP-a Kantona Sarajevo, ona se direktno naslanja na tačku 5 Sporazuma skupštinske većine za ovaj mandatni period, gdje kažemo da je potrebno izvršiti analizu i plan izgradnje poslovnih zgrada MUP-a Kantona u sjedištu i drugih policijskih uprava na području Kantona Sarajevo i nakon te analize preći u realizaciju, za što su predviđena ova sredstva. Što se tiče pitanja uvažene zastupnice Admele Hodžić vezano za sredstva za realizaciju prioriteta 1. Iz Akcionog plana predviđeno nešto više od milion konvertibilnih maraka. Sredstva na ovoj poziciji je dio ukupno potrebnih sredstava iz Akcionog plana za prevenciju suzbijanje krađa motornih vozila u Kantonu Sarajevo koji obuhvata izgradnju integrisanog sistema videonadzora na području Kantona Sarajevo, kao i izgradnju komponenti sistema videonadzora u službenim patrolnim vozilima policije, izgradnji sistema za praćenje policijskih vozila, uspostavljanje sistema

direktnih provjera baza podataka za potrebe policije na terenu. Što se tiče pitanja uvaženog zastupnika Selmanovića, na to se naslanja jedno pitanje zastupnice Viteškić, zašto je došlo do smanjenja od 10 000 000 konvertibilnih maraka na stavci stalnih sredstava u Prijedlogu u odnosu na Nacrt budžeta. Logika kreiranja ovoga Budžeta je bila jačanje Uprave policije u maksimalnom kapacitetu, posebno iz razloga što u prošlosti nismo imali realizaciju budžeta u onim okvirima kako smo to željeli, tako da smo u maksimalnoj mogućnosti jačali Upravu policije, a ovaj dio koji se odnosi na stalna sredstva 10 000 000 koji je bio predviđen za nabavku helikoptera smo smanjili i uskladili sa tokom ovoga projekta i sa elaboratom uspostave helikopterske jedinice. Dakle ova kreditna sredstva smo tokom javne rasprave umanjili jer će biti dovoljno za ovu godinu, a ovo je svakako višegodišnjih projekat i u narednim godinama predviđamo ona nedostajuća sredstva za ovo pitanje. Time sam odgovorio i na pitanja uvaženi zastupnice Viteški. Još ovo pitanje već sam gore rekao da se nije odustalo od zgrada MUP-a naravno, od MUP-a Kantona u sjedištu. To će biti jedan od glavnih prioriteta MUP-a Kantona Sarajevo u ovom mandatnom periodu.

Inače ovaj budžet MUP-a Kantona Sarajevo je do sada historijski najveći. Imamo 135 000 000 konvertibilnih maraka cjelokupno Ministarstvo. Samo Uprava policije 106 miliona konvertibilnih maraka i od što se tiče kapitalnih ulaganja više od 20 000 000 konvertibilnih maraka uz razgraničenih nekih 6 000 000 iz prošle godine i to će biti vrlo dostatna sredstva za nabavku pojedinih sredstava koja nam nedostaju, borbena oklopna vozila, vodeni top, za nabavku uniformi za policijske službenike i za specijalnu jedinicu itd. itd. Sve ono što je potrebno za rad jedne moderne policije. Hvala.

### **Danijela Kristić (Dopredsjedavajuća)**

Ministrica Pavić-Pečenković.

### **Enda Pavić-Pečenković (ministrica)**

Pozdravljam sve prisutne, kao i naše gledatelje preko malih ekrana. Prvo pitanje je bilo uvažene zastupnice Hašimbegović Marijele koja je postavila pitanje da li su obezbijedena dovoljna sredstva za zaposlenike JU Domu za djecu bez roditeljskog staranja. Jesu, čak su i povećana tako da oni su u prošloj godini imali 70 uposlenika, ove godine će imati 75, što je bio njihov zahtjev. Drugo pitanje je od naše uvažene zastupnice Smiljane Viteškić koja je postavila pitanje da li su predviđena sredstva u iznosu od 100. 000 KM za Udruženje "Dajte nam šansu". Jesu, kroz poziciju socijalni projekti i obezbijedena su upravo ta sredstva za navedeno Udruženje. Uvažena zastupnica Mehmeda Mersiha je postavila pitanja vezano za ultrazvučni aparat u iznosu od 200 000 KM koje će biti dodijeljeno ovaj Općoj bolnici "Abdulah Nakaš" .Naime ova bolnica se obratila resornom Ministarstvu za kupovinu ultrazvučnog aparata nove generacije za unapređenje zdravstvene zaštite žena i trudnica, a ovo Ministarstvo je ovim kapitalnim projektom željelo da unaprijedi zdravstvenu zaštitu trudnica i porodilja u Kantonu Sarajevo kao mjeru pronatalitetne politike.

### **Danijela Kristić (Dopredsjedavajuća)**

Ministar Šteta.

### **Adnan Šteta (ministar)**

Hvala. Imao sam par pitanja od zastupnica Hodžić. A prvo se odnosi na izdatke za materijal i sitni materijal zašto je povećana stavka. Znači razlika u odnosu na Nacrt se odnosi na stavci održavanja infrastrukture javnog prevoza i iznosi 700.000 maraka. Ona se odnosi na infrastrukturno održavanje dionica kojom voze tramvaji i trolejbusi. To do sada nismo imali definisano u budžetu u prethodnim godinama, za to nažalost ni da kažem infrastruktura i

održavanje linija kuda ide tramvaj i trolejbus nije bila na nivou na kojem treba biti. Vezano za drugo pitanje subvencija javnim preduzećima u visini od 26 000 000 maraka, radi se o subvencijama koje imamo svih prethodnih godina, penzioneri, đaci, studenti, nezaposleni, ali isto tako imamo Željeznice Federacije Bosne i Hercegovine koji imamo zadnjih godinu dana i koji voze 2 linije; liniju prema Hadžićima i tj. Pazariću i Ilijašu, a isto tako u ovom iznosu imamo vanredni prevoz učenika osnovnih škola, što imamo potpisane sporazume po svim opštinama. Tako da je ovaj iznos sredstava dovoljan da pokrijemo sve ovo što sam nabrojao. Treće pitanje je bilo plaćanja prije proglašenje efektivnosti kredita 7 miliona da se objasni o čemu se radi. Ovih 7 miliona su sredstva koja su planirana za plaćanje na projektu Iliđa-Hrasnica prije proglašenje efektivnosti ugovor o kreditu. Takav način plaćanja je predviđen ugovorom o zajmu i ovim plaćanjem se neće stvoriti dodatni rashodi Kantonu Sarajevo već će sredstva nakon proglašenje efektivnosti biti iz kredita vraćena u Budžet Kantona Sarajevo. Ono što je bitno za sve nas koji živimo i radimo u Sarajevu jeste da će pruga za Hrasnicu konačno se krenuti graditi na ljeto ove godine nakon čekanja više od 40 godina. Motorna vozila za javni prijevoz šta nabavljamo i da li će namjena koristi sve općine. Ja sam više puta ponavljao da je meni svaki naš čovjek koji živi Kantonu Sarajevo, neovisno u kojoj opštini živi, jednako bitan i da je naša obaveza da stvorimo najbolje moguće preduslove kako bi svi građani u Kantonu imali javni prijevoz kakav zaslužuju. Sama činjenica da smo mi u protekle dvije godine ubacili, to jeste revidovali 39 autobuskih i minibuskih linija koje ili nisu bile redovne, koje se nisu vozile godinama pokazuje našu jasnu opredjeljenost ka autobuskom i minibuskom saobraćaju. Od ovih 39 linija, 21 linija se ne tiče gradskih opština jer je bilo pitanje da li će sve opštine biti jednako zastupljene, a posebno prema opštinama Ilijaš i opštini Hadžići smo u saradnji sa Željeznicama obezbijedili sredstva i sufinansiramo ovu željezničku liniju vozom od Pazarića do željezničke stanice i od Ilijaša do željezničke stanice, gdje smo samo u prošloj godini imali više od 130 000 putnika. Tako da naše opredjeljenje je jasno. Svjesni smo određenih nedostataka koje imamo u autobuskom i minibuskom saobraćaju, to ćemo popraviti i ići ćemo u nabavku dodatnih autobusa i minibusa, a kao što već znate već od ranije smo krenuli u nabavku trolejbusa i tramvaja.

Zastupnik Avdić je imao pitanje da li povećanja u budžetu u odnosu na Nacrt znači da će radnici Grasa računati na da plate neće biti upitne i da li ćemo imati sve subvencije đacima. Ministarstvo saobraćaja a i ja lično mislim da sam u prethodnom periodu pokazao jasno opredjeljenje šta mislim i kako radim, prije svega i kako se odnosim prema radnicima. Sama činjenica da smo mi u 2021 i 22. godini isplatili 37 miliona maraka na ime tužbi radnika Grasa iz perioda 2006-2009 godina pokazuje naše jasno opredjeljenje da neovisno kada su nastale određene stvari mi radnike moramo ispoštovati i radnici moraju dobiti ono što su zaslužili. Samo u prošloj godini 80 ljudi iz Grasa je otišlo u penziju i naš smo mogućnosti spojili im i uvezali 9 godina radnog staža, jer ti ljudi nisu mogli otići u penziju zato što nisu imali spojen radni staž ili su mogli otići i da dobiju neku penziju koja je ispod svakog nivoa. Prošle godine smo stvorili mogućnost da radnici Grasa ne brinu da li ćemo imati, a građani Kantona Sarajevo trolejbuski i tramvajski prijevoz jer u prethodnim godinama se nakupilo jako puno duga prema Elektroprivredi Bosne i Hercegovine i prošle godine smo izmirili kompletan dug Elektroprivredi za struju u visini od 5 miliona maraka. Tako da su se stvorili sve sve predispozicije i preduslovi da u ovoj i u narednim godinama to bude puno bolje. Ono što je bitno da naši građani će imati i obezbjeđena su sredstva za subvencije, kao što sam već naveo penzionera, studenata, đaka, nezaposlenih, ali i subvencija na željeznički prevoz u visini od 26 000 000 konvertibilnih maraka. Isto tako u budžetu smo obezbijedili sredstva za penzionisanje 44 radnika Grasa koji stiču pravo odlaska u penziju u ovoj godini, a budžetu isto tako obezbijedili sredstva za isplatu tužbi koje nas očekuje u 2023. godini jer već sada imamo neku dinamiku koja se prilike ustalila u odnosu na 2021. i 2022. godinu. Tako da uposlenici Grasa imaju sve preduslove da na najbolji mogući način obavljaju svoj posao, da budu mirni i

bezbrizni za njihova prava, ali isto tako od uprave i menadzmenta Grasa ocekujemo da gradani imaju jos kvalitetniji prijevoz, da imaju bolju uslugu i da na kraju svi budemo vise zadovoljni nego što smo bili u prethodnom periodu. Hvala.

### **Danijela Kristić (Dopredsjedavajuća)**

Ministar Magoda.

### **Kenan Magoda (ministar)**

Prije svega dobar dan. Želim da pozdravim sve kolegice u zastupničkim klupama i zastupnike i gledaoce putem malih ekrana. Na uvaženo pitanje kolegice Hašimbegović vezano za nepovlačenje ili neutrošak sredstava 500.000 KM u Zavodu za kulturno historijsko nasljeđe. Želim da kažem da u petak 31. 3. imam prvi zajednički sastanak sa svim direktorica i direktorima javnih ustanova kulture te ću provjeriti sa direktorom Zavoda za kulturno-historijsko nasljeđe u vezi nerealizacije projekata i razlog zašto kreditna sredstva nisu iskorištena. Ispred Ministarstva kulture i sporta ću obezbijediti sigurno svu pomoć kako bi navedeni projekat pokrenuli sa evidentno mrtve tačke, te ću u komunikaciji sa njima i sa Komisijom za zaštitu kulturnog istorijskog naslijeđa napraviti plan utroška sredstava. U tom smislu jedan od projekata koji se nalaze u mjerama Vlade Kantona Sarajevo i Ministarstva kulture i sporta je rekonstrukcija stare Željezničke stanice Ilidža, što je samo jedan od projekata koji se eventualno mogu pomoći kroz Zavod za kulturno historijsko naslijeđe. Na pitanje uvažene kolegice Melank vezano za Ars Aevi muzej. Možda je sigurno i upoznata, Ars Aevi trenutno je završen glavni projekat za izgradnju Muzeja koji sada ide u reviziju, te će nakon završetka revizije koja će trajati sigurno cca 30 dana, Gradska uprava podnijeti zahtjev za građevinsku dozvolu. Te nakon dobivanja potrebne dokumentacije možemo ići sa sufinansiranjem navedenog projekta. Ministarstvo kulture i sporta je obezbijedilo dio sredstava u budžetu Ministarstva kulture i sporta kroz kapitalne transfere grada i općina, tako da ćemo, čekamo navedenu dokumentaciju i onda sa gradskom upravom i sa svim navedenim relevantnim institucijama krenuti u sufinansiranje navedenog projekta. Što se tiče Sarajevske filharmonije ona je Javna ustanova kulture u sklopu Ministarstva kulture i sporta Kantona Sarajevo koja ima svoj budžet i definitivno svoj program rada. Ministarstvo kulture i sporta Kantona Sarajevo kao resorno Ministarstvo će dati svu moguću podršku radu Sarajevske filharmonije i svim projektima koji budu dobri. Što se tiče pitanja uvaženog kolege Avdića vezano za institucije kulture Bosne i Hercegovine. Moramo znati da već duže od dvije decenije Zemaljski muzej Bosne i Hercegovine imao je neriješen status, te je prethodna Vlada.

Kantona Sarajevo kreirala model koji je djelimično sistemski riješio finansiranje Zemaljskog muzeja Bosne i Hercegovine jer će se na godišnjem nivou za funkcionisanje ove ustanove izdvajati preko 950 000 KM preko Ministarstva visokog obrazovanja. Što se tiče ostalih institucija kulture Bosne i Hercegovine podrška kvalitetnim projektima koji će sigurno institucije kulture delegirati prema Ministarstvu kulture i sporta kada bude raspisan javni poziv sigurno neće izostati i uvijek ćemo biti podrška svim dobrim, kvalitetnim projektima koji će unaprijediti kvalitet rada navedenih institucija kulture Bosne i Hercegovine. Također uvaženih kolega Avdić je pitao vezano za poticaj snimanje filmova u Kantonu Sarajevo. Ministarstvo kulture i sporta je osiguralo u Budžetu Kantona Sarajevo iznos za poticaje snimanje filmova u Kantonu Sarajevo, a sve u cilju poticanja filmskog stvaralaštva, stvaranja povoljnih uslova za razvoj struke i projekata s područja filmske industrije. Kao i promocije proizvoda i uslužnih potencijala u Kantonu Sarajevo, a najvažnije da Sarajevo bude ustvari produkcijska lokacija i destinacija koja će se promovirati diljem svijeta putem filmova. To je to.

## **Danijela Kristić (Dopredsjedavajuća)**

Ministar Vranić.

### **Haris Vranić (ministar)**

E hvala. Pozdravljam još jednom sve prisutne. Dakle bila su dva pitanja zastupnika Pilava i od zastupnice Viteškić. Jednim dijelom se dotiče i pitanja koje provukla i zastupnica Hašimbegović. Radi se o poziciji na kojoj su na Ministarstvu zdravstva određena sredstva za planiranje finansiranja deficitarnih specijalizacija. Dakle deficitarne specijalizacije koje su planirane kroz budžet Ministarstva zdravstva u Kantonu iznos od 4 miliona će biti one specijalizacija za koje Zavod za javno zdravstvo Kantona Sarajevo na osnovu relevantnih podataka u koje spadaju nedostajući kadar, kao i kadar koji skoro odlazi u penziju dostaviti Ministarstvu zdravstva, koji će nakon odobrenja odrediti od strane Federalnog Ministarstva koje su to specijalizacija za koje će se odobriti pojedina sredstva. Metodologija o kojoj je pitao dr. Pilav je ista ona metodologija po kojoj su sprovedene i dosadašnje specijalizacije. Ova budžetska tačka će biti u smislu sredstava koja se dodjeljuju zdravstvenih ustanova za ove specifične namjene, a saglasno Budžetu Kantona Sarajevo i Zakonu o izvršenju Budžeta Kantona što će biti regulisano i svim potrebnim zakonskim procedurama koje će proći kroz Vladu Kantona Sarajevo. Dodijeljene specijalizacije su specijalizacije koje su potrebno javno zdravstvenim ustanovama za koje su iskazale potrebu, a koji su u skladu sa onim deficitarnim specijalizacijama čiji će planirati izraditi Zavod za javno zdravstvo u Kantona Sarajevo. Naravno svjedoci smo da dosadašnja praksa se pokazala nepovoljnom, što se danas jasno pokazuje, a tu je odgovornost menadžmenta javnih zdravstvenih ustanova koji nisu razmišljali o obnavljanju i popunjavanju kadra, te ostavili veliki gap u zdravstvenom sistemu u vidu nedostatka, prvenstvo specijalističkog i subspecijalističkog kadra. Također Zavod zdravstvenog osiguranja, ja bih vas molio da upozorite zastupnicu Izetbegović da ne dobacuje neukusne komentare. Ako ima neke komentare ona mene može pozvati na sučeljavanje pa da kažemo jedno drugom sve u lice. U vidu nedostatka prvenstvo specijalističkog i subspecijalističkog su predsjednik kadra. Također Zavod zdravstveno osiguranja i dalje nastavlja finansiranje započetih specijalizacija. Ovom stavkom u Budžetu Ministarstva se uključuje jedan vid sufinansiranja specijalizacija, s obzirom da Zavod zdravstveno osiguranja uvijek ima problem finansirati dovoljan broj traženih specijalizacija. Naglašavam da se po prvi put Ministarstvo zdravstva uključilo u ovaj oblik finansiranja specijalizacija, a što je prema Zakonu obaveza istoga jer finansiranje putem Zavoda zdravstvenog osiguranja na ovaj način je na ivici zakona. Uvažena zastupnica Viteškić je postavila pitanja u vezi finansiranja, što se jednim dijelom dotakla i ministrica Enda. Tačno je da prošle godine smo učestvovali u finansiranju nevladine organizacije "Dajte nam šansu" ali kroz sufinansiranje neprofitnih organizacija. S obzirom da je to nevladina organizacija. A u Budžetu ove godine smo predvidjeli kao i sredstva za taj oblik financiranja. Po raspisivanju javnog poziva nadam se da će nevladin organizacija "Dajte nam šansu" i ove godine ostvariti pravo na dodjelu značajnih sredstava koja će im pomoći u njihovom daljem radu. Hvala.

## **Danijela Kristić (Dopredsjedavajuća)**

Ministrica Hota-Muminović.

### **Naida Hota-Muminović (ministrica)**

Hvala lijepo. Uvaženo rukovodstvo Skupštine, uvažene zastupnice i zastupnici, premijeru, ministri i ministrice. Ja sam imala prvi set pitanja od uvažene zastupnice Hašimbegović. Prvo pitanje se odnosi na inkluziju dakle da li su u ovom Budžetu predviđena sredstva za inkluziju učenika sa teškoćama u redovnim školama. Jesu, ona su predviđena i u ovom Ministarstvu na

stavci Tekući transferi neprofitnim organizacijama. To je jedna stavka koja se tako zove po strukturi budžeta, mada ne podrazumijeva isključivo učešće nevladinog sektora u ovim stavkama, već je to jedna generička stavka tako predefinisana samim strukturom budžeta, ali ona uključuje izdvajanja za inkluziju. A u ovoj godini prevashodno za opremanje, nabavku opreme za djecu sa za rad za djecu sa teškoćama. Želim istaći da je upravo trgom zaključaka ove Skupštine, Tematske skupštine, sjednice Skupštine koja je urađena u februaru prošle godine, kada su svi zaključci usvojeni jednoglasno, i trgom tih zaključaka trajno je riješeno pitanje asistenata i podrške kroz mobilne stručne timove na način da su sredstva za njihove plate već sada predviđena u kroz stavku plate i naknade kod svih škola. Tako da sada nema potrebe za velikim iznosima u Budžetu Ministarstva za odgoj i obrazovanje jer su ta sredstva za inkluziju, a ljudski faktor je ovdje zapravo ovdje najvažniji, već predviđena u školama, realno procijenjena, onako kako je trenutno angažovan i broj asistenata do sada rekordan broj 200 preko 270 sastanaka u nastavi i preko 76 članova mobilnog stručnog tima. Dakle nećemo ni na koji način umanjiti postignuta prava već sad nastavljamo sa daljim unaprjeđenjem kroz nabavku opreme za rad sa djecom sa teškoćama. Pitali ste također uvažena zastupnice Hašimbegović vezano za stavku opreme nabavka opreme koja se linearno pojavljuje kod svih škola svih 107 škola u Kantonu Sarajevo. Drago mi je što ste to primijetili. Dakle mi smo ove godine prvi put uveli jednu stavku, zapravo 3 nove stavke i povećali i izdvojili sredstva školama kako bi imale mogućnost da nabavljaju opremu koja im je potrebna, da rade male efektivne projekte rekonstrukcije i investicionog održavanja. To je također nova stavka u iznosu od 10 000 konvertibilnih maraka za svaku školu. Također smo povećali stavku za materijalne izdatke jer je u toku implementacija kurikularne reforme i za to nam trebaju dodatna oprema, didaktička sredstva i pribor sve ono što podrazumijeva unapređenje nastavnog procesa. Svaka škola je dobila po 5000 konvertibilnih maraka. Želimo istaći da je ovo stvarno jedna novina i da u narednim godinama kod kreiranja budžeta ćemo nastojati svakako da unaprijedimo ove stavke. Stanje sa objektima naših škola je takvo da šta god da implementiramo od sredstava budžetskih sredstava za rekonstrukciju i investiciono održavanje biće umjesno potrošeno jer zaista naši objekti nažalost nisu imali sistemski pristup u rekonstrukcijama i investicionom održavanju u proteklim godinama od poslije rata. Nakon prvog vala rekonstrukcije od ratnih šteta nismo radili dovoljno na izdvajanju sredstava upravo kroz ovako neke male efektivne projekte. Naslanjajući se na ovo pitanje koje ste postavili i sljedeće pitanje, pa i moj odgovor vezano za izradu strategije za sanaciju rekonstrukciju i Investiciono održavanje školskih objekata. Ovo je jedna nova stavka i ona je rezultat evo našeg dvogodišnjeg rada i uvida u cjelokupnu situaciju stanja naših školskih objekata. Iznos je ovdje predviđen u prijedlogu od 270 000 konvertibilnih maraka. To će podrazumijevati jedan strateški pristup u izradi sanacionog dokumenta sanacije, rekonstrukcije investicionog održavanja za sve objekte, školske objekte, predškolske ustanove i one objekte koji evo godinama unazad stoje zaista i kao ruglo u samom centru grada. Zahvalna sam inicijativu uvaženom zastupniku Čengiću koji je također aktualizirao i pitanja objekta odnosno hotela Nacional koji je sastavni dio Srednje ugostiteljske turističke škole. Kroz ovaj dokument mi ćemo zapravo dobiti jedan plan kako ćemo u narednim godinama, a procjena je da bi taj plan trebao obuhvatiti jedan period od 8 godina, sistemski pristupiti izdvajanju sredstava, kako budžetskih, tako i kreditnih sredstava, da se kroz gotove spremne projekte radi rekonstrukcija naših školskih objekata. Mi smo u protekle 2 godine probali različite modalitete kako da unaprijedimo stanje naših škola. Radili smo recimo centralizirane nabavke pri Ministarstvu za odgoj obrazovanje ali to je moguće samo kod generičkih roba, recimo kod kompjuterske opreme, to možemo uraditi centralizirano ili recimo usluge osiguranja radnika, ali ne možemo ovo raditi sa rekonstrukcijom jer je svaki projekat rekonstrukcije vrlo specifičan za svaku školu. Radili smo također i sporazume sa općinama, pa evo i tu imamo određenih kašnjenja i nisam baš lično kao ministrica zadovoljna tek se sad implementiraju neki projekti iz recimo 20 godine, 21. godine. Tu mora biti postignuta

određena dinamika. Radili smo projekte putem UNDP-a, recimo to su ovi projekti utopljanja školskih zgrada. To je također jedan od modaliteta rekonstrukcije školskih objekata bio u prethodnom periodu i mi smo u Ministarstvu radili ove male efektivne projekte, čisto onako da vidimo kako funkcioniše to i mogu vam reći da je stepen izvršenja tih probnih sredstava u protekloj godini zaista bio zadovoljavajući. To nas je ohrabrilo da damo dakle ove godine upravo ovako linearno priliku da se okušaju u svemu ovome i direktori škola, sekretari škola, računovodstveni radnici ili agencije koje rade te poslove, dakle da se svi na neki način, ovo će biti jedna vrsta ukupne, hajmo reći inputa u sve procese koji će kasnije uslijediti po pitanju postizanja dobrog kvaliteta jer dobar ambijent također odgaja. Treba također reći da, pitali ste također za usluge ugovorene i druge usluge pri Institutu za razvoj preduniverzitetskog obrazovanja. Ova stavka u prijedlogu iznosi 900.000 konvertibilnih maraka. Zamisao Instituta prilikom osnivanja a Skupština je osnovala ovaj Institut, bila je da će se zapravo formirati, da će se zaposliti jedan broj ljudi ali da će istovremeno Institut imati mogućnost da angažira spoljne saradnike, dakle ljude iz prakse, ljude iz struke, ljude iz akademske zajednice, kako bi se zaista pratili koraci svih trendova koji su potrebni u obrazovanju. Ovo je jedan dio tih sredstava. Naravno tu su mnoge druge stavke, recimo tu je pitanje izdavačke djelatnosti Instituta, izrade novih udžbenika, nastavnih materijala, priručnika. To su dakle sve stavke koje su će se finansirati sa stavke ugovorenih i drugih posebnih usluga. Uvaženi zastupnik Marjanović pitao je da li su osigurana sredstva za nabavku udžbenika. Jesu, dakle sredstva su osigurana u iznosu od 2,5 milijuna konvertibilnih maraka za nabavku udžbenika za učenike od prvog do petog razreda sa liste odobrenih udžbenika koju kontroliše Federalno Ministarstvo za nauku, obrazovanje i mlade. Tako da to je sad zasade lista kojom mi raspolažemo i mi ćemo nabaviti ove udžbenike kako bismo i ovdje po postigli taj učenički standard. Nadalje uvaženi zastupnik Samir Avdić pitao je povećanje plata i naknada plata po svim dakle budžetskim korisnicima iz nadležnosti Ministarstva za odgoj i obrazovanje. Ovaj je Vlada koncipirala Prijedlog budžeta tako da realno sagleda potrebe plata i naknada. Dakle mi smo. 2021. godine zatekli nedovoljno planirana sredstva u budžetu za plate, tako da smo već u oktobru mjesecu morali praviti intervencije u nekim školama jer nije bilo dovoljno sredstava da svi ljudi dobiju svoju platu. Mi smo ove godine napravili dakle realnu procjenu na bazi izvršenja iz mjeseca novembra i evo vrlo sam zahvalna što ćemo u tom smislu moći osigurati da se evo ne dešava da moramo praviti preraspodjela koje su evo nastale viškovima i nekim zbog neizvršenih projekata i stavki budžetskih da se te plate mogu kompenzirati. Ovo će biti jedan od načina da se trajno riješi ovo pitanjem angažmana od 4 mjeseca u jednom polugodištu i 5 mjeseci u drugom. Mi smo to već u ovoj godini, dakle 2022 godini zaista riješili i više asistenti u nastavi nemaju takvu vrstu da kažemo evo nezgodnih konstelacija da da maltene 3 mjeseca u godini ne primaju ovaj uopće svoju plaću. Uvaženi zastupnik Pabrić pitao da li postoje sredstva za implementaciju Zakona o dualnom obrazovanju. Postoje, to je među također među stavkama i mjerama koalicionog sporazuma gdje je predviđeno donošenje Zakona o dualnom obrazovanju u ovoj godini i za implementaciju ovog zakona sigurno će trebati predvidjeti određena sredstva. Mi smo ovdje kroz program utroška ćemo predvidjeti sredstva od 100 000 konvertibilnih maraka. Uvaženi zastupnik Faruk Selmanović pitao je jedno pitanje koje je i meni bilo vrlo neobično dakle kada sam se prvi put susrela kao ministrica sa strukturom budžeta u Ministarstvu za odgoj obrazovanje. To je povećanje stavke tekući transferi neprofitnim organizacijama, koji je u Nacrtu iznosilo 10.500 000 a sada u prijedlogu iznosi 21.200 000. Dakle ovdje u ovoj stavci spadaju recimo dolazi i ova nabavka udžbenika za učenika osnovnih škola, tu je škola plivanja za učenike osnovnih škola, provođenje eksterne mature, škola skijanja, inkluzija, realizacija škole u prirodi za učenike četvrtog razreda, sufinansiranje predškolskog odgoja, škola planinarenja, realizacija manifestacije regionalni susreti učenika u smislu okupljanja bosanskohercegovačke dijaspor. Tu je recimo njegovanje kulture sjećanja, tu je realizacija dualnog obrazovanja i niz drugih stavki. Dakle nije riječ o iznosima od

17 000 000 za nevladin sektor, već je riječ o onim stavkama i potrebama koje mi moramo imati u budžetu za realizaciju svih potrebnih programa u obrazovanju. A uvažena dopredsjedavajuća Krstić pitala je vezano za inkluziju u školama, evo ja sam djelimično odgovorila na ovo pitanje. Dakle postignuti standard neće ni na koji način biti ugrožen, zapravo nastavljamo sa unapređenjem pitanja inkluzije i kada su u pitanju ljudski resursi, ali i kada je u pitanju oprema. Također ste pitali, kao i uvažena zastupnica Hašimbegović vezano za rekonstrukciju i opremanja. Upravo su te nove stavke dakle tu uvrštene u Prijedlog budžeta iz razloga koje sam evo detaljno obrazložila. Podsjetit ću također da je ovo također jedna od mjera koalicione većine da se radi kontinuirano opremanje i rekonstrukcija školskih objekata. Nadalje, pitali ste da li da su predviđena dostatna sredstva za sufinansiranje boravka djece u predškolskim ustanovama, privatnim predškolskim ustanovama jer su liste čekanja bile velike. Jesu, mi smo dakle upravo Prijedlogom korigovali odakle dakle ovo povećavanje sa ranijih 10,5 milijuna na 21 000 000 u Prijedlogu. Dakle mi smo ovdje predvidjeli realno predvidjeli sredstva koja će biti potrebna za sufinansiranjem mališana djece u predškolskim ustanovama. Mislim da evo sam iscrpila sva pitanja. Hvala lijepo.

### **Vibor Handžić (Dopredsjedavajući)**

Zahvaljujem ministrici Muminović. Ministar Krstić je sljedeći, izvolite, uključite ministra.

### **Pavle Krstić (ministar)**

Čujemo se. Pozdravljam ponovo sve prisutne, kao i gledaoce Kantona televizije i prvo ću odgovoriti na pitanje uvažene zastupnice Hašimbegović u vezi sa smanjenjem plata na fakultetima. Smanjenje plata na 17 fakulteta fakulteta se desilo istog razloga što je prvobitno planirano povećanje plate od 5 % a onda se na osnovu dogovora sa sindikatom je odlučeno da će svima ići povećanje linearno po 100 konvertibilnih maraka. Na fakultetima gdje je bilo viška sredstava, sredstva su ukinuta i preusmjerena na materijalne troškove i druge stavke u budžetu gdje je bilo nedostatka sredstava. Cijeli proces analize troškova plata vodilo je Ministarstvo finansija uz pomoć resornih ministarstava. Bitno je također napomenuti da se Budžet Univerziteta u Sarajevu nije smanjivao u odnosu na Budžet Kantona Sarajevo za proteklu godinu. Sljedeće pitanje, odnosno sljedeća pitanja su bili od uvaženog zastupnika Marjanovića, pa ću početi jedno po jedno. Akademija nauka i umjetnosti Bosne i Hercegovine finansirat će se iz budžeta Ministarstva za nauku, visoko obrazovanje i mlade u skladu sa mogućnostima budžeta. Iznos koji će se doznačiti bit će određen u skladu sa članovima zakona 35 i 36 Zakona o izvršavanju Budžeta Kantona Sarajevo, odnosno usvajanjem odluke o utrošku sredstava s kriterijima raspodjele tekućih i kapitalnih transfera. Sredstva se dodjeljuju na osnovu potpisanog ugovora, a svrha je sufinansiranje djelatnosti Akademije nauka i umjetnosti BiH radi razvoja unapređenja i promoviranja nauke, umjetnosti, afirmisanje kulturno-istorijskog i prirodnog naslijeđa Bosne i Hercegovine i unapređenja naučno istraživačkog rada kao jednoj od institucija od značaja za BiH.

Sredstva za povrat koji uključuju i povrata za studente koji su ostvarili prosjek 8 i više, nalaze se na poziciji u budžetu Ministarstva finansija. Sredstva sufinansiranja Zlatnih znački su planirana prosječni iznos za finansiranje je 125 000 konvertibilnih maraka, ali iznos će zavistiti od broja prijavljenih studenata. U toku 2022. godine smo imali samo 24 prijave, a ovaj mi sufinansiramo iznosi negdje oko 90 do 95 %. Također pored Zlatnih, to nije bilo pitanje, ali eto i to da kažem, također pored Zlatnih znački planiramo i ove godine stipendirati upis studenata za deficitarna zanimanja. Mislim da je to dobra vijest. I sada ide odgovor na pitanje uvaženog zastupnika Avdića. Sredstva za materijalne troškove za Filozofski fakultet i druge fakultete su povećana u skladu sa mogućnostima. Konkretno, budžet Filozofskog fakulteta je povećan u Prijedlogu budžeta u odnosu na Nacrt na pozicijama izdataka za energiju, izdataka za tekuće



održavanje i na poziciji ugovorenih i drugih posebnih usluga. Nadam se da su uvaženi zastupnici zadovoljni odgovorima. Za sada toliko. Hvala.

**Vibor Handžić (Dopredsjedavajući)**

Zahvaljujem ministre Krstić. Ministar Bečarević je sljedeći izvolite.

**Almir Bečarević (ministar)**

Hvala dopredsjedavajući. Krenuću od zadnjeg pitanja gospođe Viteškić vezano za finansiranje, subvencioniranje mladih pri rješavanju stambenog pitanja. Isto sam pitanje postavio u Ministarstvu u ponedjeljak oko 9 sati jer sam se zabrinuo da nije ovaj neka greška, međutim nije. Rekli su mi prošle godine bilo 200 000 onda je to naraslo na 5 miliona tako da u ovom segmentu prepustit ću se kreaciji ministra finansija da ovo bude opet 5 000 000. Znači to je ono što ja mislim sigurno možemo obećati jer ova stavka zaista treba biti možda i odmah stavljena u milione, a ne na ovaj način realizovana, ali evo, uglavnom obećanje je da će biti. Što se tiče pitanja vezano gospodin Avdić za fasade, odnosno realizaciju tog projekta. Ja se nadam iduće sedmice da će bit sastanak sa gradonačelnicom i bit će ovaj pokrenuta ta aktivnost .Ona je u budžetu odnosno u Ministarstvu 500 000 maraka. Da li je puno, malo, hajmo da kažemo da idemo da krenemo pa da se realizuje ono što je što je planirano. Znači ima, tu je i ja vjerujem da od iduće sedmice to trebalo krenuti u realizaciju. Što se tiče uvažene zastupnice Hašimbegović, pitanje je bilo koliko je sredstava za zaštitu okoliša. Znači zaštita okoliša je opće mjere zaštite okoliša 500 000 i kupovina uređaja u Hadžićima za kontrolu kvalitete zraka 280 000, a od ovih 500 000 pripremljen je program koji će ići na Vladu sa tačnim iznosima, odnosno rasporedom ovih sredstava. Što se tiče komunalne policije, ova stavka je u budžetu otvorena u okviru Ministarstva finansija pošto zakon nije usvojen, znači nema predviđenih sredstava. Navodno kako su mi rekli da je to da ako bude Zakon usvojen i ostalo da bi određena sredstva trebala biti iz Tekuće rezerve, tako da je to opet kreacija Ministarstva financija, ako se krene u to u ovoj godini. Što se tiče uvažene zastupnice Admele u tom segmentu bilo je čini mi se pitanje vezano kapitalni transferi neprofitnim organizacijama 12 miliona. Znači energijske efikasnosti i zaštite okoliša 3.160.500. Za taj segment je isto tako predviđen i to bi trebala Vlade da usvoji znači program utroška ovih sredstava za predloženo je 14 programa koji bi se realizovali u tom segmentu. Što se tiče druge stavke, znači to je pozicija je stambeni razvoj. Tu je predviđeno 6 miliona maraka kredita. Rečeno mi je da to bi trebalo biti neka stambena zgrada u braće Mulić prema Kantonalom stambenom fondu, ali vidjet ćemo šta će od toga biti. I ovaj zadnja pozicija u sklopu ovoga je vlastiti prihodi za efikasniji sistem održavanja javne rasvjete i to je znači prema općinama, odnosno za rekonstrukciju, odnosno ja vjerujem led rasvjete i svega onoga što to prati. Mislim da sam odgovorio na sva pitanja. Hvala.

**Vibor Handžić (Dopredsjedavajući)**

Zahvaljujem. Ministar Mijatović je sljedeći. Izvolite.

**Zlatko Mijatović (ministar)**

Hvala dopredsjedavajući. Još jednom pozdravljam sve prisutne, kao i gledalaca putem TV ekrana. Ovako tokom pitanja, tokom postavljam pitanja bilo je dosta istih pitanja od različitih zastupnika, ja ću pokušati sublimirati to svojim odgovorima. Ovako krenut ću redom. Uvažena zastupnica Hašimbegović je prvo pitanje postavila, a odnosi se povećanje stavke na poziciji izdaci za tekuće održavanje sa 50.000 na 250 000. Naime radi se o sljedećem. Aktivirana je i naplaćena bankovna garancija po Ugovor o koncesiji za pravo eksploatacije mineralnih sirovina Dolomita u ležištu Duboki do, općina Ilidža, u iznosu 218. 000 maraka, te je ista usmjerena na sanaciju rekultivaciju predmetnog ležišta shodno Zakonu o koncesijama i

potpisanim ugovorima. Drugo pitanje se odnosi na Turističku zajednicu odnosno projekti Turističke zajednice koji su planirani Prijedlogom budžeta. Tačno je da su planirani međutim Vlada tokom diskusije i zadnjih rasprava jeste došlo do određenog zaključka, a to će predložiti svojim amandmanima, da se ova stavka preusmjeri u drugu namjenu. Nadamo da će to biti prihvaćeno na današnjoj sjednici. Treće pitanje odnosi se na aktivnosti, odnosno povećanje sredstava za podršku projektima ZOI 84.

Podrška projektima ZOI'84 , znači prvobitni iznos od 13 miliona maraka u Nacrtu budžeta za 2023 godinu za sljedeću struktura način da je 3 000 000 kreditnih sredstava osigurano navedene krajem decembra 22 godine, odnosno početkom januara 23. godine kod komercijalnih banaka za odobrene projekte u 22. godini. Od strane Vlade KS koje implementira ZOI'84 , dok je 10 miliona planirano za poticajne projekte u '23. godini, imajući u vidu da je neophodno da potencijalni projekti prođe svu upravljačku strukturu ZOI. Imajući u vidu redovnu praksu da Ministarstvo finansija zatraži od svih resornih ministarstava da za javna preduzeća u čijem se resoru nalaze, dostave na zahtjev prioritetne projekte odnosno njihove elaborate i projekte. 28. 2. tekuće godine kako bi istu Ministarstvo moglo započeti procedure kreditnih zaduženje kod domaćih i stranih banaka s ciljem osiguranja povoljnih kreditnih sredstava za su i finansiranja predmetnih projekata. Po usvajanju Nacrta budžeta KS za '23. ZOI'84 je dostavio status potencijalnih idejnih projekata za '23. godinu u ukupnom iznosu od 93 miliona koji se odnosi na razvoj Olimpijskog centra Bjelašnica i Igman i projekte koji su vezani za Zetru.

Ministarstvo privrede je cijeno da zadrži sufinansiranje obima projekata na nivou 21. /22. godine imajući u vidu činjenicu da je isto to Ministarstvo tokom navedenog perioda potpisalo 15 sporazuma o sufinansiranju ili finansiranje projekata u ukupnom iznosu od 25,3 miliona KM. Znači ovdje se radi o višegodišnjim projektima koji traju u praksi 2 do 3 godine. Dalje, na bazi starca potencijalnih idejnih projekata za koje se planira zadužiti u '23. godini pored 10 miliona koji su planirani za započete projekte povećano je na dodatnih 25,5 miliona imajući u vidu kontinuitet razvoja projekata koji su od značaja za razvoj KS. Posebno spominjem da je prije godinu dana formirano posebno odjeljenje u Ministarstvu privrede koje su bavi praćenjem rada javnih preduzeća iz resora Ministarstva privrede, čija osnovna uloga i praćenje realizacije navedenih projekata. Dalje, pitanje je bilo vezano za određene stavke Centra napredne tehnologije, povećanja određenih stavki. Isti se mogu dovesti u direktnu vezu sa osnivanjem, odnosno planiranim osnivanjem Centar za razvoj poduzetništva. To je to je glavna svrha zbog čega su povećane te stavke, a to je ujedno odgovor na pitanje uvaženog zastupnika Pobrića koji je postavio konkretno pitanje da li su obezbijedena sredstva. Jesu, obezbijedena su sredstva u budžetu. Što se tiče sljedećeg pitanja, a odnosi se na projekt podrške Skenderije. Bilo je planirano u Nacrtu 5 miliona dok je sada u Prijedlogu 9,5 miliona. Znači u prethodnoj 2022. godini potpisan je sporazum u vrijednosti od 7 miliona za rekonstrukciju, sanaciju ledene dvorane. Trenutno se radi na rješavanju građevinskih dozvola, obzirom da se kompleks Skenderija vodi na Zavodu za izgradnju kantona Sarajevo. Što svakako nije u skladu ni sa odlukama Skupštine pa se rješavaju ti imovinskopравни odnosi trenutno. Također, u međuvremenu je dostavljen zahtjev KJP Skenderije da je u završnoj fazi revizija projekta rekonstrukcije uređenja Doma mladih pa će svakako određeni dio sredstava biti korišteni u tu svrhu. Mislim da je to što se tiče uvažene zastupnice Hašimbegović. A neka pitanja odnosi i na druge zastupnike odnosno zastupnice. Idemo dalje. Zastupnica Hodžić, mislim da sam odgovorio vezano za pitanje Skenderije. Što se tiče Praće, odnosno projekta opremanja prihvatilišta pasa lotalica, Veterinarska stanica nakon dužeg niza godina raspisala je tender, mislim da se radi o periodu 7 godina, znači nisu uspjeli raspisati taj tender , sad se to uspjelo uraditi, raspisala je tender za rekonstrukciju i izgradnje prihvatilišta pasa lotalica. Projekat je spreman u 2022 godini je upućen Ministarstvu financija da se osiguraju kreditna sredstva.

Tender odnosno procjena vrijednosti je 1, 9 miliona, dok je kreditnim zaduženjima osigurano oko 500 000 KM. PD Butmir bilo je pitanja u vezi projekata, o kakvim se projektima tu radi. Znači planirano je 1,2 miliona. 200 000 bi bilo iskorišteno za ležišta goveda, dok bi 1 000 000 bio iskorišten za rekonstrukciju krovnih smještajnih kapaciteta navedenog preduzeća. Oba projekta su spremna. Tako da to bilo to. Što se tiče azila za napuštene životinje Rakovica. Radi se o interesornom jednom projektu koji bi Ministarstvo privrede, Veterinarska stanica u saradnji sa Ministarstvom rada, socijalne politike, raseljenih lica, izbjeglica odnosno u saradnji sa Terapijskom zajednicom Kampusa u Rakovici vršilo određene aktivnosti terapija itd. Tako da i tu, koliko mi je poznato projekat je spreman. To je na Rakovici. Sam momenat, samo malo da vidim. ZOI odgovoreno. Uvažena kolegica odnosno zastupnica Viteškić odgovoreno, PD Butmir odgovoreno. Higijenski servis bilo je planirano tačno bila su određena sredstva planirana u Nacrtu, sada u budžetu više nisu jer smo ustanovili da to nije nadležnost Ministarstva privrede, već Ministarstva komunalne privrede, prostornog uređenja. Veterinarska stanica. Veterinarska stanica zašto su umanjena sredstva. Zato što smo u prethodnom periodu uspjeli riješiti određene poteškoće u radu tog preduzeća, učestvovali smo u sufinansiranju određenih izvršenja sudskih presuda. Smatramo da se sa ovim sredstvima koja su sada obezbijeđena može adekvatno servisirati i raditi. Mislim dopredsjedavajući da tu to bila sva pitanja. Hvala vam puno.

### **Vibor Handžić (Dopredsjedavajući)**

Zahvaljujem uvaženi ministre. Odgovore smo iscrpili. Otvaram raspravu. Zastupnik Dević se javio prvi za riječ. Izvolite.

### **Mahir Dević (poslanik/zastupnik)**

Hvala dopredsjedavajući. Mi u Klubu Stranke demokratske akcije smo pomno pratili ovaj proces donošenja budžeta, upozoravali smo na vrijeme da se krene sa Nacrtom budžeta Kantona Sarajevo kako bi se obavila kvalitetna javna rasprava i kako bi se ostavilo prostora za analizu amandmana, ali evo što kažu nekako nam se to poklopilo je li imenovanje Vlade i usvajanje budžeta, tako da jedan opći dojam je da mi još uvijek nemamo što kažu pravog domaćina u kući u Kantonu Sarajevo. Imamo formalnog i izabranog našeg premijera, međutim suštinski ukoliko pogledamo sve ove korake, te stvari nisu ovaj očigledno još uvijek posložile. Ja ću to probati ovaj da potkrijepim ovu svoju tvrdnju raznim analitičkim podacima, ali evo treba na neki način dati priliku i premijeru i ministru finansija na kraju krajeva i Vladi da vidimo šta ćemo to mi dobiti. Nismo krenuli dobrim putem. Ako smo dobili dokument kojeg je pravio svako a u konačnici Niko nije preuzeo odgovornost za njega, onda smo bolje bilo da smo tu radili u decembru mjesecu. Da smo to uradili u decembru mjesecu barem bi do sada ministri stari, novi ministarstva, raspisali javne pozive, pokrenuli određene procedure. Ta tri, četiri mjeseca su ključna, izuzetno su važna za planiranje i realizacija budžeta Kantona Sarajevo. To se jasno vidi ovdje po ministarstvima. Tačno se vidi razlika između starih i novih ministara. Koristim taj termin, ne znam kako drugačije da kažem, jer se vidi da ovi stariji ministri koji su bili u prošlom sazivu su povećavali svoje budžete, Tačno se vidi koje su poteze vukli za to što su imali jedan mandat iza sebe, za razliku od ovih novih. Smatramo potpuno neopravdanim, znači potpuno neopravdanim gurati Kanton Sarajevo u novo zaduživanje u situaciji kada je u 2022. godini ostvaren suficit budžeta Kantona Sarajevo od 55 miliona konvertibilnih maraka. Znači kakva je tu ekonomska logika da niste u stanju da realizirate 55 miliona. Ponavljam ne 5 miliona, ne 10, ne 15, već 55 miliona niste u stanju bili realizirati u 2022. godini, a onda nas gurate u ogromna nova kreditna zaduženja. Podaci pokazuju da je usvojeni budžet za 2022. koji je objavljen u Službenim novinama iznosio negdje oko milijardu i 220 miliona konvertibilnih maraka. Visina budžeta u Nacrtu je bila negdje oko milijardu i 190

miliona konvertibilnih maraka, što je bilo jedno realno planiranje Budžeta Kantona Sarajevo zasnovano na jasnim pokazateljima od strane Ministarstva finansija, na način da se gledala realizacija i izvršenje istog budžetu. Znači to su elementarni pojmovi koje morate znati. Povećanje Budžeta Kantona Sarajevo za mjesec i pol dana od cca 246 miliona konvertibilnih maraka, ponavljam 246 miliona, ne 2 miliona, ne 3, ne5, već 246 miliona najbolje govori o raznolikosti i raznovrsnosti ove parlamentarne većine u kojoj je u taj Budžet Kantona Sarajevo ubacivao ko je šta htio, radio ko je šta htio i došli smo sada do ovih cifri koja ni u kom slučaju ne korespondira s onim vašim pričama kako ste ovaj finansijski uništeni, kako su neki drugi krivi, SDA je to uradila u Federaciji s tim ponderom itd. itd.

Znači to je ekonomski potpuno neobjašnjivo, neshvatljivo, zato sam i postavio to pitanje u samom početku ko je taj domaćin kome da se obratimo. Ne mogu reći da još ovaj mladi momak koji je imenovan za premijera prije par dana da sad svalimo na njega krivicu, ne mogu reći ni da je ministar finansija, koji je imenovan prije 3 dana. Ali neko ljudi mora biti odgovoran za ovo. Šta su politike, ko provodi politike da bi se vi ekonomski ovako ponašali.

U iznos novog duga znači ulazi 112 miliona konvertibilnih maraka kreditnog zaduženja u Nacrtu budžeta Kantona Sarajevo, a sada se predlaže dodatno zaduživanje koje ide cca nekih 177 miliona konvertibilnih maraka. Naravno ovo govorim radi javnosti i građana u Kantonu Sarajevu.

Dalo bi se ovo sve prihvatiti, shvatiti i opravdati da postoji jasno precizirani projekti u svojim fazama realizacije.

Gospodo prestanite podizati kredite za one projekte koje ste vi osmislili samo u verbalnom smislu nekom, za koje nemate uopće nikakvu dokumentaciju. Znači mi smo vas 2022. godine pitali da li možete izvršiti ovaj budžet, da li imate spremnu dokumentaciju, da li imate projekte? Vi ste nama svi ovdje rekli, mi smo samo stavili u budžet ono za što imamo spremnu dokumentaciju, za što imamo spremne projekte. Naših ste 20 amandmana odbacili. Znači ja imam osjećaj da je SDA tad predložila 5000 maraka da se neki krov na nekoj šupi promijeni vi bi to odbili. Glat, ko s nokta. Onda kažete imamo projekte, mi ćemo to sve realizovati. Za to vrijeme realizacija budžetu u prošloj godini kod nekih ministarstava apsolutno nezadovoljavajuća. Ja ću naravno radi javnosti napravi tu vrstu analize i zato sam pitao sva ova pitanja da bi da bi to bi uvod u neko razmatranje. Znači Ministarstvo saobraćaja 142 miliona bio budžet, izvršenja 78 miliona. 55 %. Naravno ja ovo govorim o zvaničnim podacima koji su objavljeni na stranci Ministarstvo finansija, da li se ponešto u međuvremenu desilo, ja ne znam. 55 % i evo da kažem to jedno Ministarstvo u kome se budžet čini mi se na neki način realizirao nešto se dešavalo, jel tako. 55 % to je jedva prolazna ocjena. Kakvo je sad to planiranje, pazite. Ako imate budžet kojeg realizujete 55 %. Pa trebalo bi barem da bude 75 %, 80 %, 15 , 20 % lošeg planiranja podrazumijeva hajde neku vrstu opravdanja. Al da pola promašite to govori da niste dobro planirali. A kamoli da ovo sada radite što radite da nas zadužujete dodatno i pravite ovaj haos. Pazite sljedeći podatak Direkcija za puteve Kantona Sarajevo, 32 000 000 prijedlog budžeta bio, realizacija 18 miliona. Ja razumijem, ovaj to je zasebna institucija unutar Kantona, ne mogu se obraćati ni ministru, ja razumijem da tamo postoji mali broj uposlenika, da postoji kadrovskih problema, ali ljudi jel to mi nemamo rupa u Kanton Sarajevo, jel to nemamo neasfaltiranih puteva, da mi nismo u stanju znači da realiziramo skoro 50 % budžeta. Znači Direkcija za ceste Kantona Sarajevo koja ima odabrane izvođače koji ne podrazumijevaju nikakve tenderske procedure posebno, ima realizaciju budžeta 57 %. 57 % svega, a onda vi u prijedlogu u ovaj narednog budžeta tu stavku povećavate još za ne znam 14 miliona i 900. Znači niste bili u stanju pola od ovoga potrošiti, a dodajete u novi budžet tolike stavke. Ministarstvo unutrašnjih poslova, ovdje je ministar Katica, po ovim analizama izvršenja budžeta ima najlošiji podatke. Znači, ako su naravno tačni podaci, a uzeti su sa vaših stanica koje ste vi ovaj objavili. Ovaj 42 % svega izvršenje tog budžeta, a ova priča zaposlit ćemo,

opremit ćemo, kupit ćemo helikopter, najbolji smo, najjači smo, prehrabri smo, prevažni smo. Ljudi mi to slušamo četiri godine. Ja sam na zastupničkim pitanjima postavio pitanje otvaranja isturenog odjeljenja jedne policijske stanice. 10 puta su me lično najmanje policajci prilikom zaustavljanja kontrole saobraćaja se žalili da nemaju skoro nikakve opreme, ne znam koliko godina. I mi ovdje stalno slušamo priče bit će bolje super odlično mi smo najbolji, sigurnosni sektor, odlično, ne valja komesar, ne valja Mujo, ne valja Suljo, izvršenje budžeta 42 %. A onda u tom prijedlogu budžeta ponovo dodajete za ovaj mjesec i pol dana novi 15 000 000 maraka.

Sada, je li nekom logikom se vodeći, je li izvršenje budžeta ispod 50 % prolazne ocjene, pa čak i iznad 50 %, je li prolazna ocjena to. Gdje je odgovornost Vlade, ministara da dođu kažu ja nisam bio u stanju da realiziram 50 % budžeta, evo od mene ostavka. Jel to ne postoji u našem društvu ili ono što god uradimo mi ćemo izaći na TV ekrane pa ćemo mi tamo priče kako smo mi najbolji na svijetu, nema niko bolji. Vi kada bi ste uzeli vaše medijski nastupe ovdje dijela vlade kada bi se to presabralo pred Saborom minute sate i dane, vi iste 6 mjeseci na televiziji bili pa, naravno da niste imali kad ni raditi, kako ćete. Imali ste 3,5 mjeseca Press konferencija. I tako, saopćenja itd. itd. Onda imate ovi podatke. Ovo su vaši podaci, ovo nije ljudi smiješno, o ovo je žalosno da se mi nalazimo u ovakvom stanju. A bit će još gore jer ovo sad što ste uplanirali će biti još gore, jer mislim da će ova Vlada biti lošija od prethodne, a prethodno je bila za nas i više nego loša.

Paralelno s tim evo mi smo ono čisto radi toga da pokažemo da aktivno učestvujemo u izradi budžeta Kantona Sarajevo odabrali po jedan amandman vezan skoro za svaku općinu, pa smo krenuli ne znam općina Centar, Stari Grad, Ilijaš, Vogošća, Novi Grad i tako dalje. ni jedan taj amandman nije ovaj dobio podršku na Vladi. A za mjesec i po budžet rastao 240 000 000. Ja zaista hoću da vjerujem da ono što je mandatar, premijer sadašnji kazao na prvoj sjednici da on želi neku vrstu saradnje. Evo na prvoj tački koja je najvažnija, na budžetu Kantona Sarajevo mi tu nikakvu saradnju ostvarili nismo, osim što jeste on zaista u pauzi ovdje, meni barem evo kao predsjednik Kluba usmeno rekao da dobar dio tih amandmana će biti u fazi realizacije na neki od drugih načina, što mogu na neki način, evo prihvatiti, želim da vjerujem da je da je ozbiljan čovjek kada govori neke stvari da će stajati ovaj iza tih riječi. Pogledam amandmane također divne koje je predložio Klub DF-a čitao sam pažljivo dvadesetak čini mi se, ljudi jel moguće da ni jedan od tih amandmana nije prošao. Ne treba nam ni GSS, ne treba nam ništa jel tako. Sve mi imamo riješeno, sve je završeno. Kad trebamo hodati, slikati se, folirati se, ovaj predstavljati se državotvornim tad nam sve ovaj treba. Nevjerovatan je taj odnos mislim. Naravno može takav je bio četiri godine, vidjeli smo kakav je to bio rezultat, ovaj nadam se da više mi nećemo biti ovaj u takvom stanju.

Ono što je najvažniji dio po nama o kome je trebalo posebno povesti računa prilikom ovaj izrade Prijedloga budžeta Kantona Sarajevo, što bi za nas bilo prihvatljivo kažem da smo vidjeli dodatna povećanja znači u izdvajanju za obrazovanje, prije svega kako bi se unaprijedila kvaliteta obrazovnog sistema u kantonu Sarajevu i obezbijedila bolja budućnost za djecu. Iznosi povećanja i strategija naredne 4 godine. Znači strategija u naredne 4 godine. U vezi investiranja u IT sektor. Na pola mandata smo negdje imali raspravu treba nam škola srednja za informacione tehnologije. Mi smo to u naš program rada stavili kao Kantonalni odbor, govorili o tome pričali. Tad su nama sve ovdje obećavali. Mi smo u proceduri, nema, samo što to nije završeno. Prije nam dođe osnivanje srednje škole ove ovdje u Centrali nego što dođe IT sektor na dnevni red Skupštine Kantona Sarajevo. A odgovor nam dao premijer Forto da je to sve završeno. Povećanje izdvajanja u oblasti zdravstva s posebnim naglaskom na jačanje preventivnih mjera i unapređenju zdravstvenih usluga za sve građane u Kantonu Sarajevo. Nije mi to struka, ne mogu ulaziti, evo vjerovatno će prof. Izetbegović govoriti o tome ovaj više. To je postalo toliko programa toliko aktivnosti koje smo mi mogli uraditi, a ne vidimo neke

posebne specijalne značajne iskorake. Mala srednja preduzeća, diskutovao sam to, govorio sam i taj amandman je pao. Tamo odgovor je da to prolazi kroz redovnu aktivnost Ministarstva privrede. Ne prolazi to kroz redovnu aktivnost Ministarstva privrede, to odgovorno tvrdim, to uopće nije ta ideja koju smo mi dali. Naša ideja je nađite 100 brzorastućih kompanija, dajte im podršku da zaposle novih 1000 ljudi u Kantonu Sarajevo. Evo nek nije hiljada, neke je 500 godišnje. Dobit ćete za mandat par 1000 ljudi uposlenih koji će raditi u Kantonu Sarajevo. Smanjenje izdvajanja za administrativne troškove. Očekivali smo da ćete to napraviti, ne u vas administrativni troškovi čini mi se rastu svugdje. Posebno je zanimljivo ova stavka ja bih je nazvao prezentacije i reprezentacije predsjedavajućeg Skupštine Kantona Sarajevo. Pa ko da je čovjek predsjedavajući, ne znam Ujedinjenih nacija. Čuj budžet 400.000 konvertibilnih maraka. I vi to gledate, pazite, a njegov prethodnik je čini mi se prekardašio tu cifru bio. Jel i to sitni inventar, šta je to, razvijanje stranke po Federaciji, otvori ovdje, uradi tamo, uradi vamo i tako dalje. Očekivali smo jačanje

### **Vibor Handžić (Dopredsjedavajući)**

Zastupnice Dević, nemojte da mislite da vam ne dam da govorite, al isteklo vam je vrijeme i ovo u ime Kluba. Preko 15 minuta ste.

### **Mahir Dević (poslanik/zastupnik)**

OK. Mogu ja nastaviti ovaj dio u drugoj diskusiji. Ustvari evo završit ću samo ovu rečenicu da kažem, ako nije problem dopredsjedavajući. Znači očekivali smo jačanje finansijske discipline u Kantonu Sarajevo i čini mi se da smo dobili obrnut proces. Digitalizaciju svih procesa i aktivnosti, kvalitetnije planiranje budžeta, bojimo se da je ovo sada će se vrlo brzo pokazati da ovo nije apsolutno dobar put. Ja se izvinjavam zaista što sam prekardašio jednu minutu, u drugoj diskusiji ću ostalo kazati. Hvala.

### **Vibor Handžić (Dopredsjedavajući)**

Zastupnik Marjanović ima riječ, izvolite.

### **Damir Marjanović (poslanik/zastupnik)**

Zahvaljujem dopredsjedavajući. Pa dobro, svaka struka ima određene specifičnosti, neke kolege ovdje su i znanstvenici, onda će se vjerovatno sjetiti priče ustvari znati ovu proceduru koju ću sada pojasniti kada aplicirate sa nekim naučnim radom, u nekom naučnom časopisu, imate s jedne strane recenzente koji ocjenjuju taj rad, između ostaloga sugeriraju neke manje revizije, pa prihvate rad. Veće revizije pa prihvate rad. Malo veće revizije pa se prihvati rad, a onda ponekad se kaže OK, ima tu materijala, ali vratite napravite nešto ponovo, pa ponovo aplicirajte. Zašto govorim o ovoj priči. Pa zašto je spominjem, zašto je povezujem sa pričamo o Prijedlogu budžeta koji je ovdje sada ispred nas. Koliko mogu da vidim jednom jednostavnom matematikom razlika između Nacrta budžeta i Prijedloga budžeta u 22 %. Znači za je više od jedne petine u prihodima je Prijedlog budžeta narastao, pardon, Nacrt budžet i trebao bi, ma Nacrt budžeta porastu pa da bi postao prijedlog. E sad gledajte, kolega Samir Avdić u jednoj fenomenalnoj diskusiji kad je pitanjima i hvala kolega Avdiću što je malo nam i sugerirao kako ta pitanja trebamo postavljati, kako treba malo Poslovnik pametnije iskoristiti, evo meni je trebalo 4 godine i par mjeseci da to shvatimo, a vidim da kolega to mnogo bolje barata s tim. Znači on je spomenuo da jako sretan što je ovaj dokument bio u takvoj javnoj raspravi da se kroz javnu raspravu napravi ovakvim kakav jeste, da je na neki način evoluirao. Međutim i ja bih bio sretan kada bih u Prijedlogu prepoznao Nacrt. Ja ne vidim ovdje povezanost između Nacrta i Prijedloga u najbitnijoj stavci. Ja imam osjećaj da je javnost na neki način izmanipulisana jer ovaj dokument koji je išao u javnu raspravu kao Nacrt nema

nikakve veze sa Prijedlogom. Ja ću odmah da se zahvalim ministru Dediću i svim ministrima koji su se stvarno potrudili da odgovore na sva pitanja, evo to je već jedan fini korak naprijed. Prvi put je da dobijem odgovore na pitanja koje smo postavljali i ovo uopšte ne ide kritika prema kolegama iz nove vlasti jer bilo bi nefer s moje strane da nakon 3 dana upućujem ovako velike kritike, međutim ako polazimo od toga da je budžet smjernica politike neke nove vladajuće većine, neke nove vlade, onda imam osjećaj da u samoj proceduri budžeta neko su odlučio da malo zavara javnost. Zašto to govorim? Mi smo od samoga početka, pa čak smo bili sugerirano kolega iz stručnih službi, mi smo namjerno na Nacrt budžeta pravili amandmane, jer smo Nacrt budžeta u Pokretu za Nove Generacije prihvatili kao finansijsku realnost, ne političku, nego kao finansijsku realnost. I onda kada smo htjeli kroz javnu raspravu taj budžet da modificiramo, nismo zamišljali, nismo sanjali, nismo dodavali, nismo govorili trebalo bi dodati još par desetaka miliona lijevo, desno, ubacite malo za nauku, hajte malo za reformu obrazovanja još pedesetak miliona, jer smo računali da ljudi koji su pripremali Nacrt su objektivno sagledali ono što je najbitnije, prihode, pa nismo htjeli da kroz rashode tu neku objektivnost ili tu realnost finansijsku narušimo, pa da se igramo populizma. Stvarno smo u okviru Nacrta i predloženog novca koji je trebao da bude dostavljen kroz prihode kroz taj Nacrt ako je 257 miliona maraka manji smo pokušali da ono što mi mislimo da je u Pokretu za Nove Generacije bitno za politiku, a prvenstveno u oblasti obrazovanja da ubacimo. Ne lezi vraže. Kada smo dobili prijedlog i moram priznati da smo se obradovali jer smo stvarno vidjeli da su mnogi naši amandmani stvarno ubačeni unutra; povećano izdvajanje za nauku, povećano izdvajanje za reformu obrazovanja, za udžbenike, nama je to bilo obično, samo smo vidjeli su dobačeni, da su zalijepljeni. Onda smo se s pravom zapitali jesu li povećani samo na papiru ili su realno povećani. Da ne bude da malo parafraziramo onu našu šalu hoće li biti realiziran ovaj budžet, hoće li biti novca za sve ovo što smo rekli, pa 99 % hoće, a 100 % da neće. Jer bojimo se da baš one stvari koje smo mi predložili budu u onome dijelu u kojem će se na reći; čekajte pa mi definitivno nemamo novca, nemamo novca za te stvari. Posebno smo se pripremali svi zajedno, zajedno što smo javnost pripremali, pripremali smo i ljude koji su radili na ovim amandmanima. Ljudi rečeno je, analizirano je, ponder nije podoban, nije dobar, Budžet Kantona Sarajevo će ići dole, hajte moramo se narednih godinu, dvije, tri malo pretrpiti, hajmo malo to modificirati, da političke glavne stvari, politički pravci reforme obrazovanja nauke položaj mladih ne, ne gube u toj cijeloj priči. Da smo znali da je moguće samo da se dopiše neki 257 maraka mi bi predložili još toga. Da znate koliko još toga. Pa recimo laboratorij moderne da pravite za naše institute, pa ovi tehnički centri, tehno parkovi u kojima se govori, o ovom programu ove nove većine, da zna koliko možete laboratorija napraviti za nekih pedesetak dodatnih. Zašto 257, zašto ne 307, ako ćemo tih dodatnih 50 miliona maraka usmjeriti opet ka razvoju UNSA, praktične nastave, sve je to navedeno u programu ove većine. Znači mi jednostavno kada bi nam neko dozvolio, kada bi nam neko dozvolio da glasamo odvojeno i da glasamo za one rashode u ovom momentu bez problema bi podržali. Ako možemo da budemo suzdržani za prihode jer nismo sigurni, ne da nismo sigurni već ne vjerujemo baš da će prihodi biti toliki. A to je osnova. To je polazna osnova, kao kad pravite kućni budžet, kao kad odlučite koju ćete školu upisati dijete, gdje ćete otići na ljetovanje, koji ćete stan kupiti, prvo što gledate je prihodovna strana i na osnovu toga odlučujete šta ćete i kako ćete. Imam osjećaj da je kroz ovu javnu raspravu javnost zavarana. Rečeno je da će biti neke modifikacije, slažem se i sjećam se, ali da će za petinu za 22 % da porastu prihodi i to samo u mjesec dana analize. Imam osjećaj da ova nova Vlada ima mnogo sposobnije finansijske eksperte zato što je u roku mjesec dana nabavila dodatnih 257 miliona maraka. To je tako. Sada u ovome samom budžetu kao što rekoh neki amandmani koje smo poslali na nacrt vidimo da su prihvaćeni, mi to pozdravljamo. Normalno, uvijek imamo problem, zato sam i postavljao pitanja zato što to nije jasno precizirano oko finansiranja Akademije nauka Bosne i Hercegovine, na koji način će se to uraditi. Nemojte zaboraviti zbog čega je to jako bitno, šta

Akademija predstavlja, slagali se mi sa njom ili ne, znamo šta ona institucionalno predstavlja, posebno sada kada je na federalnom nivou donešeno malo drugačiji koncept pa su neka udruženja koja se zovu akademija maltene isto finansirana, maltene isto finansira kao Akademije nauka BiH. Ono što nismo vidjeli, što stalno upozoravamo, ali evo dobijamo informacije čini mi se da je premijer rekao preuzeo sada kao i ministar zdravlja obaveze prema "Apotekama Sarajevo" koji su političkom odlukom dovedena u poziciju da poslušaju pa reći ću ka gubitku jer još uvijek nije gubitak, a definitivno bi ove godine gubitak da će biti to nadoknađeno, mi to ne vidimo u budžetu.

Drago nam je što vidimo u budžetu između ostaloga da će biti rekonstruirana zgrada Sarajevogasa jer ne znam koliko vam je poznato baš prije sat i po vremena se krov te zgrade urušio u jednoj kancelariji. I ta 3 miliona maraka ohrabrujemo. S druge strane nas malo brine oko ovog zaduživanja. Gledajte, mi smo, ministar hvala vam još jednom, jako ste mi lijepo objasnili 346 miliona maraka smo trenutno zaduženi, 177 miliona maraka se zadužujemo u ovoj godini. Znači mi se u jednoj godini zadužujemo upola onoliko koliko smo se zaduživali proteklih 20 godina. Ajde ne lezi vraže, ne vidim u kojem pravcu idemo. Vidim između ostaloga znam da postoje neki krediti koji su prošli put pokrenuti, a ne mogu se realizirati kao utopljanja zgrade Ekonomskog fakulteta i to ne zato što ne treba zgradi to Ekonomskog fakulteta nego zato što imamo problem sa projektima i dokumentima. Znači uporedo s tim, nismo vidjeli vezano za Smiljeviće, da li će se što dešavati, a postoje dokumenti koji govore u pravcu zatvaranja te deponija. Jedan dio naših amandmani išao tu u tom pravcu. Postavio sam pitanje kupovine udžbenika. Ja bih jako bio sretan kada bi u budžetu mogao da vidim ne stavku za kupovinu udžbenika koje ministrica s pravom okarakterisali sramotom svih nas u jednom svom intervjuu, nego sa razvojem novih udžbenika, pisanjem novih udžbenika jer postoji tamo mogućnost da kantonalna Ministarstva to ipak rade, bez obzira na to što je Federalni ministarstvo to prije nekih desetak godina preuzelo na sebe. I moram priznati da definitivno imamo koncept u kojem smo odlučili da svi ovi amandmani koji su ubačeni i predati na Nacrt ne podnosimo ih na Prijedlog zato što ne vidimo vezu i sponu ova dva dokumenta. Za nas ovo nije prijedlog. I naša sugestija bi bila vrlo jednostavna, normalno i neizvodiva i neće se desiti, ali bože moj, mi imamo pravo na politički stav da smo htjeli ozbiljnije sagledati neke stvari mi bi ponovo išli sa ozbiljnim nacrtom nakon ovakve nove evaluacije prihoda i onda javnosti ponudili sa tom novom informacijom hajte sad dajte svoje sugestije, ajte sad kroz javnu raspravu uradite što treba da uradite. No što je, tu je. Politička realnost je takva kakva jeste. Evo ja odmah najavljujem da će Pokret za Nove Generacije kao i sa Vladom biti jako suzdržan i biti suzdržan po ovome principu, ne može glasati za ove Budžet, jer kao što rekoh mi ne prepoznavamo Prijedlog budžeta u ovoj cijeloj priči, ali definitivno ćemo pratiti realizaciju svih ovih stavki, posebno ovih stavki koje su izmijenjene na osnovu nekih naših amandmana, mi se nadamo, nekih naših amandmana na Nacrt budžetu. Hvala vam velika.

### **Vibor Handžić (Dopredsjedavajući)**

Hvala. Zastupnice Izetbegović, izvolite.

### **Sebija Izetbegović (poslanik/zastupnik)**

Zahvaljujem se. Iznimno mi je drago što ove naše Skupštine može javnost da prati zato što je potrebno da svi naši građani u Kantonu Sarajevo i šire budu obaviješteni o onome što je istina. Žao mi je, ne vidim u ovom trenutku ministra Vranića koji me je pozvao na sučeljavanje, nisam ja njemu ništa dobacivala da bi svi znali nego sam sam rekla istinu. Dakle ministar Vranić govorio je, ustvari odgovorio je na neka pitanja koja mu nisam postavila ja. Pretpostavljam da će se kolegice zastupnice koje su pitale također referisati, pretpostavljam da su nezadovoljne odgovorom, ali evo ja ću radi istine kazati da u ovom trenutku Klinički centar Univerziteta u



Sarajevu ima 24 mladih specijalista doktorica i doktora koji su položili specijalističke ispite, oni su po strateškom planu dobili specijalizacije sa saglasnosti Federalnog Ministarstva zdravstva. Međutim kantonalna Vlada i resorni ministar Vranić ne žele da daju saglasnost da ti ljudi dobiju plaću i da budu stalno zaposleni u Kliničkom centru Univerziteta u Sarajevu. Usprkos činjenici što smo mi njih dakle primili strateški, kao deficitarne specijalizacije i što je na njihovu edukaciju potrošeno sad skoro već 1 000 000 konvertibilnih maraka. Ja sam komentarisala riječi ministra Vranića koji je rekao sve ono što mi koji se bave zdravstvom odavno već znamo. Dakle on je kazao, pokušao ustvari da objasni nešto što ne odgovara istini. Kazao je da će se sad deficitarne specijalizacije raspisivati prema zahtjevu Zavoda za javno zdravstvo. Istina je sljedeća, uvijek su se specijalizacije određivale prema zahtjevima Zavoda za javno zdravstvo jer Zavod za javno zdravstvo prati vrste obolijevanja, stepena obolijevanja građanstva i na osnovu toga piše potrebe za razvoj specijalizacija. Dakle istina je ovo što sam vam ja rekla. U ovom trenutku mi imamo 12 zahtjeva, 4 urgencije prema Vladi Kantona Sarajevo i prema resornom Ministarstvu, ni na jedno od tih zahtjeva nismo dobili adekvatan odgovor. Sve ove mlade specijaliste čeka ili Zapadna Evropa ili napuštanje Kliničkog centra na bilo koji drugi način, jer ih mi cijelo vrijeme držimo na određeno. Dakle, pitanje je, kako je moguće da budžetu 4 miliona konvertibilnih maraka kantonalno Ministarstvo zdravstva uzima sebi za pravo uzeti za deficitarne specijalizacije ako nisu spremni platiti ljude koji su strateški dobili te deficitarne specijalizacije i uspješno su ih završili. Da li je to razlog i uvod u ove ogromne cifre koje slijede u mojim komentarima kad se bude govorilo o ovom Finansijskom planu Zavoda zdravstvenog osiguranja Kantona Sarajevo, gdje ćemo mi trebati davati ponovo novca uposlenicima javnih zdravstvenih ustanova koji rade privatno, pa će se praviti vještačke liste čekanja, odnosno uposlenici u javnim zdravstvenim ustanovama neće raditi svoj posao u radno vrijeme, nego će te pacijente, zbog velikih lista čekanja, slati sebi privatno, pa ćemo dva puta plaćati iste usluge. Dakle istina je ovo što ja govorim i ona je apsolutno provjeriva. U ovom trenutku 24 mlada doktora i doktorice u Kliničkom centru čekaju da se Vlada Kantona Sarajevo i resorno Ministarstvo smiluju da im daju rješenja o stalnom radnom odnosu, odnosno da budu finansirani kao i svi ostali stari uposlenici. Osim toga, Klinički centar u ovom trenutku ima 161 osobu onih koji su ili umrli ili otišli u penziju ili po nekom od invalidnih rješenja napustili radni odnos, nikada po svim ovim agencijama i zahtjevima Vlada Kantona Sarajevo nije odgovorila. Još uvijek nam šalju odgovor u jednom faksanom papiru koji potpisuje nekadašnji premijer Forto. Još uvijek dobivamo moratorij čiji potpisnik je Forto koji više nije premijer Kantona Sarajevo. Zahvaljujem se.

### **Jelena Pekić (dopredsjedavajuća)**

Ja se izvinjavam. Zahvaljujem se zastupnici Izetbegović. Zastupnik Vreto, izvolite.

### **Elvis Vreto (poslanik/zastupnik)**

Hvala dopredsjedavajuća. Pozdravljam sve prisutne i građane koji nas prate. Želim prije svega da se zahvalim prethodnom sazivu Vlade na pripremljenom Nacrtu budžeta, a zatim i Prijedlogu koji danas razmatramo, kao naravno i novoj Vladi u mjeri u kojoj je ona učestvovala, uz zamjerku svima nama da smo ovo trebali uraditi mnogo ranije, ali danas smo tu gdje jesmo, najvažnije u krajnjim rokovima i ipak na vrijeme.

Budžet Kantona Sarajevo za 2023. godinu je zaista izazovan i u smislu njegovog prihodovnog djela, kao i Plana rashoda, posebno planiranim projektima i kapitalnim infrastrukturnim projektima kroz ministarstva. Drago mi je da se Vlada još energičnije pozabavila prihodovnom stranom od faze Nacrta do Prijedloga. Zahvaljujući tome u konačnici imamo ovakav Prijedlog budžeta, koji je ujedno i ogroman izazov, posebno za Vladu tokom realizacije u što ne sumnjam da će dati svoj maksimum.

Milijardu i 438 miliona je historijski Prijedlog budžeta Kantona Sarajevo. On bi definitivno iznosio i više sigurno preko, jedne i pol milijardu, ali nije zbog poznatog, nepravednog Zakona o raspodjeli javnih prihoda na nivou Federacije Bosne i Hercegovine, za koji vjerujem da će se u budućnosti promijeniti što je i zadatak nove parlamentarne većine na nivou Federacije.

Klub zastupnika Narodna i Pravde putem javne rasprave uputio preko 100 primjedbi i sugestija na Nacrt budžeta a na osnovu sugestija zastupnika Kantonalne organizacije Naroda i Pravde i lokalnih organizacija u Kantonu Sarajevo. Ovim putem želim da se zahvalim Vladi Kantona Sarajevo i svim ministrima zato što je većina prijedloga i sugestija prihvaćena i ugrađena direktno u budžet ili planirana kroz program utroška sredstava putem resornih ministarstava i institucija.

Ja ću nas navesti samo jedan dio prijedloga i sugestija Kluba zastupnika Naroda i Pravde koji su djelomično ili u potpunost prihvaćeni u Prijedlogu budžeta. Što se tiče komunalne privrede i osnovne komunalne infrastrukture, povećana sredstva za održavanje javne rasvjete, zatim zajedničke i individualne komunalne potrošnje, a obzirom na evidentne probleme po tom pitanju, više je novca za utopljanja javnih objekata, više je novca za projekte sanacije vodovodnog sistema, izgradnju nove vodovodne kanalizacione mreže u Kantonu Sarajevo, izgradnje kanizacionih kolektora i deponije Smiljanić, nastavak rekonstrukcije kolektora Bjelašnica i Igman, treća završna faza dionica Hadžićkog kolektora Brezovača, jako bitan projekat zbog zaštite vode za piće na Vrelu Bosne je dijelom budžeta.

Sredstva za stambeni razvoj, posebno za mlade, projekat koji ima ogroman javni značaj za Kanton Sarajevo kroz izgradnju stanova za mlade pod povoljnim uslovima i drago mi je da je Vlada to prepoznala. Što se tiče socijalne zaštite i brige o porodici izdvojeno više novca neophodnog za nastavak realizacije i povećanje izdvajanja za nezaposlene i zaposlene porodilje, za porodice sa više djece, više novca za javne kuhinje i ustanove iz oblasti socijalne zaštite. U segmentu odgoja i obrazovanja više novca u odnosu na Nacrt predloženo je i planirano za besplatne udžbenike za đake od drugog do petog razreda, više novca za stipendije učenika, za nabavku opreme i opremanje škola.

Nastavni program poduzetništva u osnovnim školama od 6 do 9 razreda, više novca za implementaciju inkluzije i dualnog obrazovanja, zatim više novca za rekonstrukciju i održavanje postojećih objekata, posebno planiranje novca za izgradnju novih škola, kao što je škola na Stupu gdje je planirano 4 miliona, kao i škola u Pofalićima, Rosuljama, itd. U oblasti privrede 120 miliona je do sada rekordni budžet Ministarstva privrede. Odnosi se na više sredstava za jačanje poljoprivredne proizvodnje, uspostavljanje Centra za poduzetništvo, sredstava za prvu poslovnu zonu Doglodi kojim će upravljati Kanton Sarajevo, više novca za zaštitu šuma, više sredstava za razvoj i turističku ponudu zimski ljetni turizam, za očuvanje starih zanata, poticaj razvoju male privrede kroz podršku kod pokretanja biznisa i podršku malim i srednjim preduzećima.

Također, više novca je traženo i izdvojeno za projekte iz oblasti kulture i sporta po javnom pozivu za projekte za mlade i izradu Strategije prema mladima, više novca za projekte izgradnje neophodne saobraćajne infrastrukture. Više sredstava je predloženo a i izdvojeno za materijalno tehničko opremanje, za rad policije i Ministarstva unutrašnjih poslova. Iz oblasti boračkih pitanja povećani su iznosi za jednokratne pomoći boračkoj populaciji, kao i za zdravstvenu zaštitu, pomoć za rješavanje stambenih potreba boračke populacije i kupovine stanova u vlasništvu za 24 nova zahtjeva za dodjelu stana. Ovo je jedan dio naših primjedbi koje su prihvaćene. Želim zaista da pohvalim ministre iz prethodnog saziva koji su odlično radili i planirali aktivnosti i sredstva zatim se izborili za projekte, bez obzira na već poznatu činjenicu kod kreiranja Prijedloga budžeta da neki neće nastaviti rad na pozicijama ministara u novom aktualnom sazivu Vlade, što pokazuje i dokazuje njihov odnos i profesionalizam. Isto

se odnosi na stare, nove ministre u Vladi. Hvala dopredsjedavajuća, drugi dio ću u drugoj diskusiji.

**Jelena Pekić (dopredsjedavajuća)**

Zastupnica Hašimbegović. Izvolite.

**Marijela Hašimbegović (poslanik/zastupnik)**

Zahvaljujem se dopredsjedavajuća. Za mene kao zastupnicu bilo je zaista vrlo, vrlo složeno reagovati po pitanju ovog dokumenta Prijedloga budžeta za Kanton Sarajevo za 2023. godinu iz razloga što je budžet pravljen potpuno linijski a ne programski. Skrivene stavke za koje mi ne možemo znati koje su tačne ispravne namjere i nismo mogli postaviti toliki broj pitanja za koji smo evo imali priliku maloprije u kada smo mogli da se obratimo ministrima, dakle trebalo bi nam vjerovatno više sjednica da bi prošli apsolutno sve druge stavke koje su nerazumljive, nejasne, za koje nemamo informaciju, ne znamo o kojim se programima radi, ne znamo zašto smo sve kreditno zaduženi, tako da je za nas zastupnike zaista bilo jako teško djelovati i napraviti način i pristup kako unaprijediti ovaj dokument pa evo čak smo iskoristili naše dvije zakonske prilike da se u okviru javne rasprave obratimo, što smo mi evo ispred Kluba Demokratske fronte i uradili, naravno iskoristili smo svoje zakonsko pravo da se obratimo i putem naših amandmana i žao mi je što Vlada Kantona Sarajevo u njima nije prepoznala vrijednost od javnog interesa dakle stavke koje su zaista potentne, koje imaju svoj kvalitet i kapacitet, a vjerujem i nadam se da će možda neki od tih stavki ipak izglasati Skupština, evo za možda nekih par minuta kada za to budemo imali priliku. Evo to je što sam htjela da podijelim, dakle to je ta jedna nemoć pred koju smo stavljeni i zaista jedno ogromno iznenađenje da je dokument Nacrta budžeta doživio svoju transformaciju u prihodovnoj strani. Žao mi je što uvaženi ministar finansija nije spomenuo činjenicu da se ovo uvećanje desilo i radi transfera kojeg smo dobili od strane Federacije u iznosu od mislim gotovo preko 36 miliona.

Smatramo da je mišljenje koje je dostavljeno od strane Federacije u prvom navratu je bila negativno, u drugom je bilo donekle pozitivno, što nama ponovo zastupnicima otvara pitanja da li se tu možda radi još o nekim dodatnim sredstvima skrivenim ili ta sredstva možda čak i neće biti moći isprihodovao na način kako je prezentirano. Kažem, puno je nejasnoća, puno je stvari za koje mi zaista nismo mogli odreagovati na pravi način, iskoristili smo svoje prilike da djelujemo, bez obzira što smo u opoziciji, mi zaista želimo da pružimo naš doprinos da i mi participiramo učestvujemo u nečemu što je razvoj Kantona, međutim ja u ovome što vidim ne mogu pročitati što su to kapitalni projekti, šta je nama prioritet ,šta je to razvoj Kantona, šta je to ulaganje u zdravstvo , u obrazovanje. Dakle potpuno su nejasne stavke koje su ponovo ponavljam linearne a ne programske. Toliko od mene i hvala lijepo.

**Jelena Pekić (dopredsjedavajuća)**

Zastupnica Viteškić, izvolite.

**Smiljana Viteškić (poslanik/zastupnik)**

Zahvaljujem se predsjedavajuća, dopredsjedavajuća, također se zahvaljujem ministrima na ponuđenim odgovorima na pitanja koja sam postavila. U prošlom budžetu smo vidjeli pozicije koje su garantovale turistička putovanja pojedinim ministrima na neke destinacije obećavajući nam milijunske investicije najmanje, a ne mislim da je tako. U ovom budžetu vidimo jednopostotne rezultate tih pohoda, umjesto toga svoje mjesto u Budžetu i ove godine pronalaze izdaci za finansiranje projekata ZOI 84, te Turističke zajednice Kantona Sarajevo. Mladi Kanton Sarajevo su zapamtili obećanje ove većine dato kroz usvajanje zaključaka Kluba SDA

kojima je Vlada Kantona Sarajevo obavezana da raspiše i sprovede javni poziv namijenjen za stambeno zbrinjavanje mladih. Isti ti mladi ljudi sada mogu čuti i vidjeti i analizirati budžet. Neću dalje kritikovati jer ćemo vjerovati na riječ ministru Bečareviću da će ova sredstva biti povećana na 5 000 000, pa i više ako bude trebalo. Nepostojeća je podrška krovnim studentskim i omladinskim organizacijama na koje su se kolege obavezale na Tematskoj sjednici u statusu mladih, odnosno podršci u ovom procesu, kao i procesu psa u narednu godinu studija, ostat će na obećanju Predlagača. Spomenut ću nedostatak defektologa. U prošlom sazivu održana je tematska sjednica na kojoj su se razmatralo pitanje nedostajućeg kadra i značaj istog u razvoju i rastu djece sa poteškoćama u razvoju, posebno sa naglaskom na fazu rane intervencije. Istina je jedna, djeca na području Kantona Sarajevo nemaju obezbijeđen uslugu na koju imaju pravo što im garantuju Ustav i ustavi svih nivoa vlasti, zakoni i sve moguće konvencije o pravima djeteta čiji je potpisnik i Bosna i Hercegovina. Postavlja se pitanje šta koči realizaciju procesa ako znamo da defektolozi somatopidi ili ranije samo defektolozi u Pravilniku o sistematizaciji radnih mjesta u Javnoj ustanovi Dom kantona Sarajevo postoji još od 2013. godine. U tom periodu oni se sa brojem 7 nalaze, u tom Pravilniku on se sa brojem 7 nalaze već cijelu deceniju. Od 2018. godine njih 7 su čak odvojeni kao defektolozi somatopedi od druga 2 defektologa oligofrenologa , pa ih ima ukupno 9. Ukoliko su ova radna mjesta sistematizirana navedenim Pravilnikom onda je pitanje njihovog finansiranja riješeno, a temeljem činjenice da je Pravilnik odobren od strane Ministarstva zdravstva i Vlade Kantona podrazumijeva se je li u smislu finansiranja rada ovog kadra . Iskreno se nada rješenju ovog problema i da se populacija ove djece ne koristi više u nadmetanjima i predizbornim kampanjama, a podrške nigdje.

Komunalno javno preduzeće Veterinarska stanica nedopustivo smanjenje naknade za ovu kantonalnu instituciju. Vjerovali ili ne, tri mjeseca uposlenici ove ustanove nisu dobili platu. Četiri uposlenika oboljela su od profesionalnog oboljenja, što svakako govori o težini posla koji obavljaju ,a u ustanovu je primljeno pet novouposlenih. Njihov problem bar vraćanja na prvobitni budžet pokušala je Demokratska fronta riješiti amandmanski na budžetu koji ,ali amandman Demokratske fronte nije usvojen i ja se iskreno nadam da će zastupnici Skupštine Kantona Sarajevo podržati amandman koji se tiče vraćanja bar tih 300 000 koji su skinute Veterinarskoj stanici kada se budemo izjašnjavali o amandmanima pojedinačno. Podsticaj u primarnoj poljoprivrednoj proizvodnji povećani su sa 7 000 000 na 10, svakako pozdravljam to povećanje i želim što više sredstava ubuduće za ovu namjenu za šta će se Klub SDA sigurno zalagati. S obzirom da se u odnosu na Nacrt znatno povećali tekući transferi neprofitnim organizacijama nadam se da u tim sredstva imaju značajna sredstva za Nacionalnu i univerzitetsku biblioteku Bosne i Hercegovine koja je raspodjelom institucija kulture na Kantonu Sarajevo što se tiče pomoći u finansiranju pripala Ministarstvu za visoko obrazovanje, nauku i mlade, ali ja nisam još dokučila kolika su ta sredstva u ovom budžetu. Hvala vam lijepo.

### **Jelena Pekić (dopredsjedavajuća)**

Zastupnik Čičić, izvolite.

### **Davor Čičić (poslanik/zastupnik)**

Zahvaljujem dopredsjedavajuća. Ovom prilikom pozdravljam sve prisutne i sve naše građane i građanke koji nas gledaju preko malih ekrana. Ono što treba istaći u svakom momentu da je Kanton Sarajevo nakon dugog niza godina, a odgovornim upravljanjem financijama, napokon izašao iz akumuliranog deficita. Ove godine smo ostvarili i suficit. Znači nakon dugog niza godina Kanton više nema deficit. Kanton Sarajevo je ostvario suficit 55 miliona maraka, dijelom zbog povećanih prihoda u odnosu na inflaciju, a dijelom i zbog štednje i racionalnog

pristupa prethodne Vlade, a kako bi se ublažio udar pondera i ova određena sredstva i prenijela u ovu godinu kako bi se mogli pokriti određeni tekući rashodi koji su bili potrebni u ovoj godini. Iz tog suficita će se financirati i planirano je na akumuliranom deficitu odnosno prvo pokrića akumuliranog deficita koji je prije 2 godine iznosio oko 20 miliona maraka. Prvo pokriće tog akumuliranog deficita. U tom akumuliranom deficitu se nalaze uglavnom izvršna sudska rješenja i tužbe protiv Kantona Sarajevo koje smo naslijedili iz prethodnih 15 godina. Znači iz tog suficita će se isplatiti kroz akumulirani deficit 20 000 000 maraka izvršnih sudskih rješenja i tako je planirano u ovom budžetu. Isto tako moram napomenuti da smo kroz prethodne 2 godine isplatili preko 60 000 000 izvršnih sudskih rješenja prema Kantonu Sarajevo što iz direktno prema budžetskim korisnicima, a što prema radnicima Grasa koji su isto tako tužili firmu.

Kroz javnu raspravu je došlo preko 460 miliona maraka dodatnih zahtjeva za povlačenje za povećanje sredstava u budžetu od raznih budžetskih korisnika i drugih zainteresovanih strana. Sve su ozbiljno razmotreni i svi ovi prijedlozi ozbiljno razmotreni, pa i razmotrenu su i prijedlozi opozicije i ovaj budžet i jest neki rezultat javne rasprave jer se djelimično uvažilo i potpuno a i djelimično uvažilo dosta zahtjeva iz iste i sve one koje su smatrane opravdane. Razlika prihoda Nacrta i Prijedloga je nastala uslijed okolnosti nakon usvajanja budžeta, kao što sam već rekao ostvaren je ovaj suficit od 55 000 000 maraka. Tu je predviđeni transfer Federacije od 36 000 000 maraka koji pripada Kantonu Sarajevu, a nakon usvojenog budžeta Federacije Bosne i Hercegovine. Istina, povećano je planirana kreditna sredstva u iznosu od 60.

#### **Elvedin Okerić (Predsjedavajući)**

Ispravka krivog navoda zastupnik Haris Zahiragić.

#### **Haris Zahiragić (poslanik/zastupnik)**

Želio bih ispraviti više navoda. Prije svega ovaj posljednji navod kolege Čičića da Kantonu Sarajevo pripada 36 miliona sa nivoa Federacija. Dakle Federacija je donijela Odluku da Kantonu Sarajevo dodijeli 36 miliona i drago nam je da je ministar financija priznao da Federacija nije smanjivala i vršila napad na budžet Kantona, nego obezbijedila da bude na historijskom maksimumu. Hvala.

#### **Elvedin Okerić (Predsjedavajući)**

Nastavite zastupniče Čičić.

#### **Davor Čičić (poslanik/zastupnik)**

Radi se o transferu koji je i prošle godine Federacija imala u svom budžetu od 200 miliona KM, od kojih prema broju, koji se dijeli po broju stanovnika i po broju stanovnika Kantonu Sarajevo je pripalo 36 miliona maraka. Neću sada ulaziti u debatu, kako se to sve dijeli, a imao bih šta reći po tom pitanju, ali evo, nastaviti ću svoje izlaganje u drugom smjeru.

Tu su znači kao što ste već i prije rekli povećanje i planiranih kredita od 65 miliona maraka. Ono što isto tako treba istaći da su krediti plan za projekte koji nisu spremni neću se ni provoditi procesi zaduženja, ali da b i se uopšte pokrenuli pojedini projekti, moraju imati svoju poziciju u budžetu. Prošle godine isto u Budžeta Kantona Sarajevo bilo planirano oko 150 miliona maraka kredita, od toga je ostvareno oko nešto više od 60 000 000 maraka, znači zaduživalo se samo za projekte koje su imale svu spremnu dokumentaciju, jer kao što znate ni banke neće dati kredita ukoliko projekti koji apliciraju nema spremnu dokumentaciju i s obzirom na to ovaj plan koji je ovdje stavljen na ovaj budžet sigurno će se realno ostvariti manje, ali sigurno je

potrebno i svim onim koji imaju namjeru da krenu u pojedine projekte da imaju budžetsku poziciju kako bi uopće krenuli u realizaciju tih projekata i kako bi krenuli u prikupljanje svih potrebne dokumentacije, kako bi se ti projekti nekad u budućnosti bili realizovani, što znači da će se svi ti projekti uglavnom prenositi i dio tih projekata prenositi u sljedeću godinu.

Povećani su prihodi od dohotka zbog povećanja plaća. Znači, kao što znate sklopljen je Sporazum s koordinacijom sindikata i plaće će kroz ovu naknadu od 100 maraka biti povećane svim zaposlenicima u Kantonu Sarajevo. Isto tako, povećane su i osnovce na federalnom, evo i u Budžetu Bosne i Hercegovine se predviđa određeno povećanje osnovice, samim tim će porezi koji pripadaju Kantonu Sarajevo od dohotka sigurno biti veći nego što je bilo predviđeno prije. Isto tako porez od dobiti firmi je povećan iz razloga što firme iz Kantona Sarajevo već prijavljuju svoje prijave poreza na dobit i tu je utvrđena tendencija da poslodavci u Kantonu Sarajevu prijavljuju veće dobiti nego što su imali u prethodnom periodu. Za određeni iznos je povećan i indirektni porezi zbog trenda punjenja budžeta u prva 2,5 mjeseca. Kao što sam rekao onaj ponder koji je usvojen sigurno će uticati na smanjenje prvobitno 110 000 000 konvertibilnih maraka u odnosu na ono šta je Kanton Sarajevo prije imao. Prema ovom trendu neće biti 110 000 000, ali sigurno će biti između 60 i 70 000 000 manje, što znači da se nije donio ponder, Kanton Sarajevo bi sigurno imao i u odnosu na ovo, dosta veći budžet. Dug Kantona Sarajevo, odnosno servis duga Kantona je nešto veći od 5 % od ukupnih prihoda Kantona iz prošle godine, što je značajno manje od zakonskog limita od 10 % prema Zakonu o dugu i zaduživanju Federacije. Pojedini kantoni, nažalost, imaju dug po pitanju tužbi veći od cijelog njihovog budžeta, a mi smo svojim odgovornim upravljanjem pokušali da pokušamo i sanirati što veće iznose tih izvršnih sudskih rješenja prema Kantonu Sarajevo. Sigurno smo u tom smislu napravili značajan iskorak. Isto tako, i Federacija planira samo ove godine uzeti oko milijarde maraka novih kredita. Prethodna Vlada je puno pozornosti posvetila i plaćanju nagomilanih poreskih dugova preduzeća, ustanova u Kantonu Sarajevo, a može se provjeriti finansijski planovi koliko je miliona dugovanja prethodna Vlada i pored svih problema sanirala u Grasu, Parku, Farmaceutskom fakultetu, Studentskom centru itd. Kada se potencira neko enormno zaduživanje jedna od osnovnih lekcija iz ekonomije i financija da se višegodišnji projekti finansiraju iz dugoročnih izvora kapitala, a kratkoročni projekt iz tekućih sredstava. Suludo je višegodišnje projekte financirati iz tekućih izvora likvidnosti, ali isto tako za informaciju svim građanima Kantona Sarajevo, Kanton Sarajevo je danas u dobroj likvidnoj i solventnoj poziciju da bez problema može otplatiti sve svoje dugove.

Da bih malo građanima pojasnio ukupnu situaciju zaduženosti u Bosni i Hercegovini, poslužiću se statistikom javnog duga za BiH iz Informacije Ministarstva financija i trezora BiH o javnom dugu sa 30.06.20 22. godine. Svi krediti koje su vlasti BiH uzele, država, entiteti, niži nivoi vlasti uzeli od multilateralnih finansijskih institucija imaju veoma povoljne uvjete korištenja i otplate sa rokom otplate sa rokom otplate od oko 15 godina i kamatom između 1 i 1,5 % . Znači svi ti krediti s obzirom na tekuću inflaciju koja je prešla 15 % su već sad povoljni jer je inflacija pojela već svu tu kamatu po kojem su ti krediti uzmu. Ti krediti su uglavnom služili za infrastrukturne projekte na svim nivoima vlastima. mada jedan dio je bio na višim nivoima planirani za makroekonomsku stabilizaciju.

Sa takvim uvjetima finansiranja znači mi smo dobivali oko 40 % kredita kao Grant, što znači iznos tih kredita sredinom 22. godine je bio 9,7 milijardi maraka, govorim za čitavu Bosnu i Hercegovinu ili 25 % GDP, što znači da je BiH kao država daleko od dužničkog ropstva kako neki prikazuju stanje u BiH. Čak uključujući domaći javni dug, ukupni javni dug iznosi 12,8 milijardi konvertibilnih maraka ili 32 % GDP, što je među najnižim stopama zaduženosti Europe, pri tome RS ima zaduženost oko 40, 6 % a Federacija BiH oko 25,4% GDP. S obzirom na to, ovi podaci pokazuju koliko je pozicija RS-a u zaduženosti mnogo nepovoljnija. Sve te finansijske institucije će financirati projekte u BiH suglasno njenoj kreditnoj sposobnosti koja

je povećana početkom ove godine što je isto tako jedna dobra vijest. Svi postignuti uvjeti financiranja se održavati na približno istom nivou. Tako je za BiH u vrijeme globalne financijske krize bilo 2009 godine. Dakle, infrastrukturni projekti treba da se forsiraju i da se na njima u potrebnoj mjeri temelji rast i konkurentnost i nikako ne odustajati od toga. Ne trebamo odustati ni od gradnje autoputeva u Federaciji, cesta, ne trebamo odustati od projekata u energetici i drugim važnim infrastrukturnim projektima. Svaka antiinflacijska politika mora imati u vidu nivo zaposlenosti, visinu GDP koji se želi postići. U ekonomskoj nauci postoji koncert Philipsove krive, veza između inflacije i zaposlenost. U Javnim finansijama postoji pozitivna fiskalni bilans, prihodi pokrivaju rashode i kapitalne izdatke, a finansiranje osigurava bilans odnosno balans između dodatnog zaduživanja i otplate javnog duga. Posebno treba imati u vidu da u inflatornom okruženju zaduživanje je poželjno. Naravno da se radi o održivim razvojnim projektima. Poznato je da je saradnja sa finansijskim institucijama zasniva na partnerstvu u kojem se predviđaju potrebne reforme u BiH. Naravno, ako reforme budu tekle po pravu po planu i ako se osigura potrebna politička stabilnost, ne samo da se radi, ne samo radi tih kredita, nego i zbog svih nas da reforme budu adekvatne, bit će prostora i za rast i povlačenje grant sredstava od međunarodnih institucija i fondova Europske unije. Neko je prošli put spomenuo financiranje Univerzitetske biblioteke. To je jedan vrlo dobar primjer suradnje s međunarodnim fondovima, u ovom slučaju državnog fonda države Saudijske Arabije koja je osigurava 17.000.000,00 EUR Grant sredstava, znači Grant sredstava, a Kanton Sarajevo je imao obavezu da finansira vlastito učešće od 3 miliona eura. Znači za 3.000.000,00 EUR vlastitog učešća smo dobili 17 000 000 Grant sredstava i sigurno ćemo dobiti jednu respektabilnu ustanovu, jednu respektabilnu zgradu kojom ćemo se svi na kraju krajeva moći ponositi kada bude završena. Po meni, Kanton Sarajevo, a i Federacija treba da radi na par ključnih stvari tj. pronaći i zakonski okvir da se za nova zaduživanja koristi model i upisa narodnih obveznica, kako je to uradila nedavno Hrvatska. I koji znači da priliku da građani finansiraju vlastitu državu, a ne samo da idu obveznice prema finansijskim institucijama. To je jedan dobar model koji sigurno u budućnosti može i dio štednje građana koje banke prikazuju milijardama maraka u Bosni i Hercegovini da iskoristimo vlastita sredstva, novac naših građana da se investira u infrastrukturne projekte koje možemo raditi u Kantonu Sarajevo. Druga stvar je trenutno u procedurama i Skupštini Kantona Sarajevo Zakonu o javno privatno partnerstvo ja sam bio svjedok. Razgovora sa udruženjima poslodavaca koji apsolutno podržavaju ovakav model i sigurno će jedan dio infrastrukturnih projekata bit puno lakše i bolje izvediv kroz javno privatno partnerstvo. Isto tako moramo raditi unapređenje investicionog okruženja kroz reforme koje će privući, kao što sam prije rekao i neaktivirani domaći kapital, štednju naših građana, strane investicije i posebno sredstva dijaspore, a prije svega uložiti u proizvodnu djelatnost s fokusom na proizvodnju hrane, turističku i IT industriju. Zbog toga ovaj budžet porez socijalna mora imati svoju kapitalnu komponentu, ne smijemo odustati od kapitalnih infrastrukturnih projekata i razvoja. Time čuvamo i podižemo i zaposlenost i konkurentnost. Time po konceptu Philipsove krive koju sam već spomenuo kroz direktnu vezu inflacije i zaposlenosti utičemo i na rast GDP i lokalno u Kantonu Sarajevo tako i u državi Bosni i Hercegovini. Svaka kriza je ujedno i prilika i zato svaku priliku trebamo iskoristiti. Budžet je plan, plan se mora pratiti, reagirati ukoliko ne ide po planu u pozitivnom ili negativnom smjeru. Isto tako plan mora biti ambiciozan da bi se hrabro krenulo u realizaciju svih predviđenih projekata i kako bi hrabro kroz realizaciju svih projekata, kroz sva resorna Ministarstva unaprijedili život svih građana Kantona Sarajevo. Hvala.

### **Elvedin Okerić (Predsjedavajući)**

Zahvaljujemo se zastupniku Čičiću. Zastupnik Haris Zahiragić umjesto zastupnika Faruka Kapidžića. Izvolite zastupniče Zahiragić.

## **Haris Zahiragić (poslanik/zastupnik)**

Hvala predsjedavajući. Drago mi je da moja diskusije dolazi nakon kolege Čičića s obzirom da je on kao očito obrazovani ekonomista pokušavajući fascinirati i nas i javnost ekonomskom terminologijom izrekao niz neistina. Ono što na početku svoje diskusije moram posebno, zapravo na što moram posebno osvrnuti jesu podaci o nezaduženosti Kantona Sarajevo. Kanton Sarajevo se ove godine prema informacijama novog ministra financija zadužuje 177 000 000 konvertibilnih maraka. U ukupnom zbiru Kanton Sarajevo će biti zadužen sada između 300 i 400 000 miliona konvertibilnih maraka. Kanton Sarajevo prije dolaska ove Vlade i prije dolaska miljenika međunarodne kreditnih institucija nije bilo zaduženo ovoliko ni za 20 % .A vi ste u 4 godine protekle zadužili Kanton Sarajevo skoro 300 miliona maraka. Koliko god puta vi rekli ovdje da vi to niste radili, izvještaj, pa uostalom pohvale međunarodnih kreditnih institucija koje usmjerene ka vama, favoriziranje vaše Vlade i politika od strane onih ambasada koje stoje iza tih finansijskih institucija i tih ljudi koji su zapravo tu zaposleni, koji dok vi mislite da dobro rade i da dobro žele ovom društvu i državi, i dok vi mislite da radite dobro društvu i državi oni uzmu par milijuna maraka, implementiraju te projekte, kamate daju da plaćaju naša djeca i oni odlaze dalje. Nisu oni fascinirani s vama niti su to u suštini "nerazumljivo". To su međunarodni često špekulanti, hohštapleri, koji nama prodaju ne tako jeftin novac. Zaista je fascinantno kako je nema ovdje ministar kazao da mi đaba dobivamo novac. Inače su banke humanitarne organizacije. Ja predlažem da međunarodnim kredit institucijama dodijelimo neku nagradu Kantona Sarajevo. Poredit Kanton Sarajevo kao objektivno lokalni nivo vlasti sa lokalnim nadležnostima sa entitetom nije dobronamjerno. Ne možete vi porediti cestogradnju kakvu Federacija ima ili treba da ima. Energetske projekte kakve Federacija ima i treba da ima. Ove kapitalne projekte u Kantonu Sarajevo. A uostalom koji je to novi kapitalni projekat sa ovih 177 miliona? Evo ispucali smo kapitalne projekte u saobraćaju iako ni to nisu kapitalni projekti. Nisu nova vrijednost, to je rekonstrukcija voznog parka i rekonstrukcija šina. I OK, evo zato smo Boga pitaj koliko kredita digli. To je posebna tema, pričat ćemo o tome. Koji su to novi kapitalni projekti. Cestogradnja šta je sa njom. Evo digli smo kredite za Prvu transverzala jel. Dokle je realizacija? Od 177 000 000 nema kapitalnih projekata. Ja ću vam sada evo ministre, ako ja i vi zajedno, bivši ministre, kolega Čičić, ako ja i vi zajedno pređemo ovih 177 000 000 zaduženja naći barem 77 miliona na podizanju pozicija grantovi pojedincima i udruženjima i nabavka sitnog inventara. Sad ću se ja vratiti pa ćete vidjeti. Na svakoj poziciji isto patern. Ne moraš biti ekspert za budžet, kad čitate budžet isto patern strše pozicija nabavka sitnog inventara. Da neko nije otvorio firmu za kancelarijsko poslovanje. Vrlo zanimljiva teza. Treba to dobro istražiti kolega Deviću. Da se vratimo sam sadržaj budžeta. Kako je moguće da je Nacrtu budžeta koji nedavno usvojen deficit bio projiciran na 2 miliona a sada je na 20 miliona.

Koja se bavi finansijskim mahinacijama? Nemojte spominjati periode usvajanjem nacrtu, nije to bilo prije 2 godine. To je bilo nedavno. Iznos prihodovna strana milijardu i 193 miliona, a u prijedlogu skoro milijardu i pol. Dobro je kolega Marijanović na sebi svojstven način odgovorio kolegi Samiru da zaista jest dobro kada se od Nacrtu do Prijedloga izmijeni sadržaj i suština onih diskusije koje su kroz javnu raspravu došle da budu uvažene strane Vlade, međutim ovdje nije uvaženo ništa, niti je išta suštinski promijenjeno, nego su dodate neke čudne pozicije koje ću u nastavku govoriti o njima i na ove pozicije rastrošne tenderske, ali znate koje, one sitne tenderske, nabavke sitnog materijala su dodate 1 000 000 desetina miliona maraka. Jel zato treba da dižemo kredite. Sad ćete vi reći nismo mi digli za to kredite. Jeste. To ste planirali. Ako ste vi planirali potrošiti na to 100 miliona a vamo na nešto drugo digli trebali ste tih 100 miliona utrošiti u to što ste u konačnici digli kredit. Tako su domaćinski i posluje. Vi se ponašate isto da ste liječeni kockari koji svaki put kad usvajaju budžet dobijaju još jednu šansu da zakockaju, pa ide zavalite se. Evo imat ćete vlast barem još godinu dana.



Kakav ovo budžet usvajate. I kukali ste za ponder 2, krokodilske suze ste lili. Imate budžet milijardu i pol. Historijskih budžet svih kantona ikada. I šta će biti rezultat njega. Ništa. Bit će malo više tendera, bit će malo stomačići veći ovih tenderlija, tender efendija, stranačkih firmi. Znamo mi svi ko to radi po Kantonu Sarajevo. Građani Kantona Sarajevo će biti taoci još godinu dana najmanje. Tekući transferi maloprije sam u pitanjima spominjao. Pojedincima sa 130 miliona na 147. Dakle 17 miliona vam je tu gospodine Čačiću. Neprofitnim organizacijama 41 na 70. Tu je još 29 miliona. Dakle 29 plus 17 koliko je to. Hoće li ko reći? Evo predsjedavajući. 29 +17. Salim se, 46. I vamo su rasli sa 50 na 80 miliona također grantovi organizacijama. Dakle 30 miliona. Eto tu vam je 76 miliona tih koje smo mi, nismo morali dići kredit. Jel tako. Nije neka matematika, nisam ekonomski ekspert, nisam ekspert za budžet, ali sam dovoljno obrazovan i pametan da ne možete mi na takav način prodat tu ekonomsku terminologiju. I ovo, ja namjerno plastično prikazujem da građani vide kako vi ustvari dazavuišete podacima. Dobro je kolegica Hodžić iz S BiH primijetila. 500.000 maraka je bilo u Nacrtu, a sada je 1.500.000 Prihvatilište za pse litalice na Ministarstvo privrede. A na istom Ministarstvu Rakovica prihvatilište za životinje milion. Koje to životinje. Il pravite dva, vamo 1 000 000, vamo 1,5 milion, 2,5 milijuna za to dajete. Kabinet predsjedavajućeg. Predsjedavajući nije moralno 400 000 maraka dijeliti svojom odlukom. Još uvijek niste donijeli pravilnik neki, niti je ova Skupština donijela taj pravilnik. I predložiti ću zaključak ovoj Skupštini, u toku ovog budžeta da Skupštine Kantona Sarajevo zaduži Vladu da donese Pravilnik utroška sredstava i propiše uslove za ove sve grantove svih ministara, premijera i predsjedavajućeg posebno. Nadam se da će kolege takvu vrstu zaključka podržati. Kabinet premijera sa 386 na 624 000. Na ugovore i druge usluge sa 40.000 na 278.000 Ovo samo govorim od Nacrta do Prijedloga. I svaka preduzeća, uredi Vlade, Ured za borbu protiv korupcije. Oni isto sitni materijal, svi uredi Vlade, svako Ministarstvo. Ministarstvo saobraćaja novu poziciju - održavanje infrastrukture javnog prevoza 700.000 ne znam šta to znači, nije mi niko objasnio. Održavanje sistema elektronske naplate karata. Kakva je ovo mudrost. 100 maraka. To je onaj sistem vjerovatno o kojem sa ja govorio da je plaćen prije 2 godine, da nikad nije došao i sada već imamo poziciju i fazu održavanja tog sistema. Naravno. Vi ste stavili 100 maraka ali će to kroz rebalans ili kroz neku preraspodjelom unutar Vlade narasti na par miliona maraka. Skromno.

Pokriće gubitaka za prijevoz 22 miliona maraka. Za šta je to pokriće gubitaka. MUP Kantona Sarajevo. Dogradnja i adaptacija narasle je za 1 000 000 maraka od Nacrta do Prijedloga iste zgrade, IV policijske uprave. Sitni inventar također. Čega MUP treba sa 3 miliona u Nacrtu na 5,8 milijuna u Prijedlogu. Ugovorne i druge obaveze također. Sve vam je raslo. Pazite ovih mahinacija. Nabavka zemljišta za ovaj za helikopter, za hangar helikopter. Dvije pozicije su ostavili. Objekti po 100 maraka, Jedna je bila 5 000 000 pa su sada skinuli na 100. Onda nabavka helikoptera bilo 12,5 u nacrtu, sada je Prijedlogu spuštena 2,7. A onda u trećem skroz odjeljku budžeta Ministarstva unutrašnjih poslova izgradnja hangara 5 miliona. E kakav je to helikopter da je hangar 5 miliona. Hangar, znate šta je hangar. Veliki helikoptera Apachi, šta je to? Air force one. Kakav je to hangar od 5 miliona. Pitajte Senad Džambića koliko košta hangar za helikopter. Ne postoji u Kantonu Sarajevo hangar od 5 miliona, za helikopter, mislim. Naravno postoje velike proizvodne hale. To su potpune mahinacije. I to na helikopter Mahire, sa 40 miliona se kako da kažem izrendao na 15 pozicija raznih. To će na kraju doći 100 000 000. Trebali su nabaviti za 40 000 000. To bi bilo jeftinije. Uprava policije, također ogroman broj sredstava na sumnjiv način planirano. Ministarstvo privrede.

**Elvedin Okerić (Predsjedavajući)**

Vrijeme kolega Zahiragiću.

**Haris Zahiragić (poslanik/zastupnik)**

Evo da završim još par rečenica molim vas. Ministarstvo privrede. Nova pozicije tekući transferi neprofitnim organizacijama. ZOI sa 13 miliona u Nacrtu, evo neću dalje, sa 13 000 000 u Nacrtu za ZOI na 38,5. Dakle za mjesec dana je ministar Delić ili koji god je ministar planirao ova, ovaj novi ministar, neće mi zamjeriti ili premijer UK ili direktor ZOI. Za mjesec dana ste vi smisli 25 000 000 projekata i od Nacrta do Prijedlog 25 miliona ste stavili u Budžet. Vi se igrate i sa nama, i sa građanima i sa parama građana. A vjerujte mi, kad dođe 5 do 12 neće vam biti tako smiješno zbog toga što radite ovo sa narodskim parama. Hvala vam.

### **Elvedin Okerić (Predsjedavajući)**

Za čije se javila dopredsjedavajući Jelena Pekić. Izvolite imate riječ.

### **Jelena Pekić (dopredsjedavajuća)**

Zahvaljujem predsjedavajući.

Na početku svoje diskusije osvrnut ću se u kratko na diskusiju, odnosno na moja zapažanja vezano za razliku između Prijedloga budžeta i dokumenta Nacrt budžeta jeste da i treba da se razlikuje upravo iz razloga da bi se uvrstile su oni prijedlozi koji su došli tokom javne rasprave i zašto bi uopšte organizovali javnu raspravu i javne konsultacije ako ova dva dokumenta se ne bi razlikovala jedan od drugog. Vrlo je pohvalno načina na koji su resorno Ministarstvo finansija, pa i Vlada Kantona Sarajevo, iznašli mogućnosti da se povećaju stavke za dodatne budžetske troškove koji su predloženi kroz javnu raspravu i to kroz povećanje prihoda, a ne da su, a ne da smo se doveli situaciju da druge pozicije moramo smanjivati u budžetu. Budući da je budžet dosta i socijalan svaka pozicija koja se umanjuje ovaj teško je procijeniti koja je značajnija u odnosu na drugu da bi se izvršila bilo kako smanjivana, pogotovo ukoliko imamo u vidu da je budžet ovaj značajnim dijelom i socijalni. Nadalje, kada je u pitanju zaduživanjem na nivou Kantona Sarajevo još jednom želim da naglasim da je taj dug nešto veći od po od 5 % što je u skladu sa zakonskim odredbama i što je za skoro duplo manje u odnosu na zakonom dozvoljeni limite kada uporedimo iznos duga u odnos ostvarenih prihoda u prethodnoj godini i zaista i lično smatram neko koja je i ekonomista da finansiranje kapitalnih projekata apsolutno trebamo vršiti iz zaduživanja, a ne iz tekućeg poslovanja, pogotovo kada imamo kapitalne projekte kao što su izgradnja tramvajske pruge, zatim Prve i devete transverzale i mnogi drugi projekti koji su prezentovani u Prijedlogu budžeta na različitim pozicijama.

Također ovom prilikom želim i da se osvrnem na stavke koje su također značajne za Kanton Sarajevo i koje su kroz javnu raspravu i prepoznate i na neki način su odobrene kroz Prijedlog budžeta, a one se prevshodno odnose na poziciju unutar Ministarstva privrede Kantona Sarajevo, gdje su podsticaji u primarnoj poljoprivrednoj proizvodnji sa 7 000 000 povećani na 10 miliona. Zaista se nikada nije toliko pričalo o poljoprivrednoj proizvodnji kao što je to bio slučaj u prethodnom sazivu Vlade Kantona Sarajevo i vjerujem da će se, evo ovaj Budžet pokazuje da će se ta namjera i želja da se pomogne poljoprivrednoj proizvodnji u Kantonu Sarajevo nastaviti u naredne 4 godine. Zatim poticaj razvoju male privrede sa 7 miliona na 8. 800 000 konvertibilnih maraka. I ovdje što je meni vrlo značajno i što želim još jednom da naglasim jeste da je podrška projektima ZOI'84 Olimpijskog centra Sarajevo sa 13 000 000 povećan na skoro 40 miliona konvertibilnih maraka, s obzirom da znamo koliki značaj za Kanton Sarajevo imaju naše olimpijske planine i ulaganja u takve projekte koji će imati itekako efekte kako na rast potrošnje u Kantonu Sarajevo a samim tim na rast prihoda koji će se je li kasnije po tom osnovu slivati u kasu Budžeta Kantona Sarajevo. Pa zatim podrška projektima Skenderija Sarajevo i brojni dugi. Još jednom i zbog javnosti želim da pohvalim u ovom Budžetu izdvajanje sredstava za opremanje policije koji je predložio i kolega Irfan Čengić sa 2,7 na 10 000 000 konvertibilnih maraka i pogotovo što su iznađene i mogućnosti nabavke, olakšavanja procedura nabavke opreme za policiju, a što je regulisano i o tome ćemo

diskutovati na narednoj tački dnevnog reda kroz Zakon o izvršenju Budžeta Kantona Sarajevo. Također ovaj budžet pored značajnih ulaganja u oblasti privrede, nije kao što sam rekla nije zanemaren ni u jednom segmentu oblast Ministarstva za rad, socijalnu politiku, raseljena lica i izbjeglice Kantonu Sarajevo, pa tako imamo i dalje planirane projekte za finansiranje porodiljskih naknada i svih onih naknada koji su u okviru ovog Ministarstva, ali također želim pohvalno da naglasim i Budžet kako je raspoređen unutar Ministarstvo zdravstva kako bi doprinijeli povećanju kvaliteta zdravstvene usluge na nivou Kantona Sarajevo gdje naročito želim da izdvojim da je planirano i 300 000 konvertibilnih maraka za nabavku opreme za potrebe Zavoda za zdravstvenu zaštitu MUP-a Kantona Sarajevo, s obzirom da se radi o specifičnoj zdravstvenoj ustanovi koja je fokusirana na uposlenike MUP-a Kantona Sarajevo. Toliko za moje javljanje u prvoj diskusiji. Vjerujem da će zastupnici i zastupnice podržati ovaj Budžet i još jednom želim da čestitam Vladi Kantona Sarajevo i Ministarstvu financija koji zasigurno stoje iza ovog Budžeta na načinima na koji su planirali sredstva, na načinima na koji vas planirali troškove u Budžetu i vjerujem da će izvršenja ovog Budžeta ovaj na neki način mi to i očekujemo od novog saziva Vlade Kantona Sarajevo da će biti u što boljoj mjeri i što efikasnije izvršena tokom 2023. godine. Hvala.

### **Elvedin Okerić (Predsjedavajući)**

Za riječ se javila zastupnica Miomirka Melank, izvolite.

### **Miomirka Melank (poslanik/zastupnik)**

Hvala predsjedavajući. Među posljedicama koje epidemije korona virusa izazvala jedna je koja zapravo spašava budžete država, entiteta, kantona i opština. Ona diže cijene, smanjuje vrijednost valute, upravlja tržištem, globalna inflacija. Zapravo je inflacija gospodarica tržišta koja je spasila Budžet našeg Kantona od zlog čarobnjaka pondera. Inflacija na duvala cijene, povećala plate, poreze i doprinose i direktno donijela u Budžet od 1,4 milijarde koje će omogućiti realizaciju neočekivano velikog broja programa.

Među tim programima istakla bih povećanje finansiranja na poziciji Ministarstva kulture za, zapravo u oblasti koja mene najviše zanima, kulture i sporta, taj iznos je sada 46 miliona odnosno 59 000 000 ako se uzmu u obzir sredstva za rekreaciju, kulturu i religiju, najveći ikada, ali i taj iznos je kap u moru investicija koje je potrebno uložiti za kapacitete koje kultura i sport proizvode, da bi rezultati bili vidljivi da bi se uložena sredstva vratila četverostruko, kako je to utvrđeno nekim istraživanjima da je moguće.

Naravno i u ovom Budžetu koji se može nazvati sigurnosnim, socijalnim, a najviše obrazovnim jer se ovo ogroman a ipak nedovoljan dio od 230 miliona izdvaja direktno za socijalnu zaštitu porodica i djece, 205 000 000 ide za javni red i sigurnost a čak 536 miliona za obrazovanje.

Najveće ulaganje u kulturi i sportu koji je zapravo nije uračunato na stavci Ministarstva kulture i sporta a koje smatram izuzetno važnim jeste ulaganje u podršku projektu rekonstrukcije Doma mladih koji će sigurno doprinijeti kvaliteti, racionalizaciji i funkcionalnosti Skenderije, te povećati sposobnost samoodrživosti ovog preduzeća čije su osnovne funkcije kultura i sport, kao i posvećenost mladima. Po završetku rekonstrukcije za koju se nadam da neće trajati predugo očekujem da ćemo izdvojiti više za programske omladinske sadržaje koji će vratiti prvobitni elan, kreativnu pobjedničku energiju i harizmu ovom izuzetnom mjestu.

Dugo je Skenderija tavorila iako je riječ o objektu instituciji o prevashodnom značaja za grad, kako u urbanističkom, tako i u pogledu istorijskog, kulturnog i sportskog naslijeđa, a prethodna Vlada je smogla snage i umijeća da podstakne projekat preoblikovanje i optimizacija prostora Centra Skenderije u skladu s potrebama novog digitalnog doba i s potrebama građanki i građana, prije svega mladih. Nadam se da će u toj novoj rekonstruisanoj Skenderiji svoje stalno

mjesto, da će se naći i za savremenu likovnu umjetnost Bosne i Hercegovine i izuzetno važno i u strukovno javnosti poznata galerija Čarlama koji je osnovao Jusuf Hadžifejzović, kao i ex YU rock centar, ali neki novi eksperimentalni likovni, muzički ili multimedijalni centar za mlade inovativne lokalne autore čije stvaralaštvo Kanton treba podržati u sklopu nastojanja da se razvije i zadrže kreativni mladi ljudi.

Druga investicija koju želim podcrtati je ulaganje 38 miliona u ZOI koji su mnoge kolege danas pominjali za izgradnju infrastrukture za zimske sportove. Ne može se dovoljno istaći koliko su ovakvi zahvati važni za razvoj Sarajeva kao kulturno sportskog i turističkog centra. Nadam se da će u budućnosti se naći način i investitor ili krediti za rekonstrukciju objekata Bob staze i skakaonice na Igmanu. Nažalost nakon 30 godina još je podosta objekata i lokacija koja treba rekonstruirati i obnoviti, a neke od njih i prenamijeniti i vjerujem da će Kanton učiniti sve da se ovi projekti pokrenu i realizuju u ovih narednih 3,5-4 godine. Veće i 1,5 milion predviđen za izgradnju akademije scenskih umjetnosti. Neki od takvih objekata potrebnih Kantonu i Federaciji su Ledena dvorana, Observatorij, Željeznička stanica, pa i sama željeznička pruga, električna centrala u Hisećima, Historijski muzej, koncertna dvorana, Muzej savremene umjetnosti Ars Aevi, spomen park na Vracama, a svakako treba uložiti u digitalizaciju ukupne baštine i posebno oni koja je u realnosti ugrožena.

Nisu u ovom budžetu mjesta našli neki projekti koji to svakako zaslužuju, niti je raspored sredstava idealan. Prije svega mislim na potrebe mladih koji su željni motivacije i samodokazivanja. Ipak se nadam da će bar za jedan dio zainteresovanih biti dovoljna sredstva Ministarstva kulture i sporta koji predviđa transfer neprofitnim organizacijama iz oblasti sporta u iznosu od 7,5 miliona maraka sa sredstvima od 2 miliona za rad 4 sportska kluba; košarkaški klub Bosna, rukometni klub Bosna, Fudbalski klub Željezničar i Sarajevo . Ostatak sredstava je planiran za raspodjelu javnim pozivom sportskim udruženjima, savezima i za organizaciju sportskih takmičenja i manifestacija.

Tekući transferi organizacijama iz oblasti kulture predviđeni su u iznosu od 6 200 000 , najviše do sada i sredstva su planirana za raspodjelu putem javnog oglasa udruženjima iz oblasti kulture za organizaciju kulturnih manifestacija i filmsku produkciju. Uradit ćemo sve da se uspostave transparentni, profesionalni i pravedni kriterijumi za poziv koji će biti pojednostavljen i dostupan svima zainteresovanim. Podrška razvoju promociji bh muzičke kulture s fokusom na očuvanje promociju sevdaha obezbijeđena je sa 200 000, promocija sevdalinke u Kantonu Sarajevo je značajno u procesu uvrštavanja na UNESCO listu nematerijalne kulturne baštine, Fond za stipendiranje najuspješnijih takmičara pojačan je sa 170 000, Sarajevska filharmonija, SARTR, Kamerni teatar, Pozorište mladih, Muzej Sarajeva, Biblioteka dobili su dio sredstava za podršku svojim programima. Jeste plan Budžeta premašio sva očekivanja, ali treba istaći da je to u velikom dijelu posljedica povećanja plata budžetskim korisnicima za više od 80 miliona i da je u skladu sa sindikalnim dogovorom linearno svim zaposlenim plata povećana za 100 maraka za svih 12 mjeseci ove godine, te će taj izdatak iznositi skoro 40 % Budžeta cirka pred 550 000 000. U vezi ovih 87 000 000 kredita, nemajući boljih argumenata protiv Budžeta, neki ovdje ističu prezaduženost. Prije tri godine Predstavnički dom Parlamenta Federacije Bosne i Hercegovine je dao garanciju Elektroprivredi Bosni i Hercegovini na kredit kod kinesko uvozne izvozne banke Seksin u iznosu od 641.000.000,00 EUR. To je, dakle, 1, 2 milijarde maraka. Da ne spominjem sada da od tog posla nije bilo ništa. Propao je i da za arbitražu Federacija mora platiti 300 000 000. Federacija svake godine vraća cijelu milijardu dugovanja i kamata, pa se i dalje Bosna i Hercegovina smatra jednom od najmanje zaduženih država u regionu. Smisao zaduživanja jesu investicije, implementacija programa kojima se pokušava razviti infrastruktura, pa tako podstaći privreda. Također bih naglasila da su ove crne projekcije pojedinih zastupnika o prihodima demantovane u prethodnom tromjesečnom periodu i od strane stručnih službi kada

je Budžet prezentiran na sjednicama komisija. Uvjerili su nas da su prihodi u prva 3 mjeseca pokazali da ima optimizma za ovakav prihod do kraja godine, a u suštini ni do sad u prethodne 4 godine nije bilo razloga za sumnju u stručnost odjela za financiranje Kantona Sarajeva. Njihove su se projekcije pokazale prilično preciznim. Uostalom, računamo li povećanje budžeta proporcionalno inflaciji i višku para koji ona u prihodima, ali i u rashodima stvara, uzevši u obzir i zlog čarobnjaka pondera sa početka priče, možemo biti budžetski optimisti. Ipak, sa dozom sumnje koja svoj osnov ima u globalno nestabilnoj političkoj situaciji na svjetskoj regionalnoj sceni, koja uvijek svoj pečat ostavi na zbivanje u Bosni i Hercegovini, pa i u Kantonu Sarajevo. Zahvaljujem.

### **Elvedin Okerić (Predsjedavajući)**

Replika, zastupnik Haris Zahiragić.

### **Haris Zahiragić (poslanik/zastupnik)**

Iako je kolegica Melank čitala svoju diskusiju, ja vjerujem da je ona sama pisala pa želim da joj se zahvalim na tome što je zaista pošteno priznala da ovo nije rezultat ovaj iznos budžeta nije rezultat rada prethodne Vlade, nego rezultat inflacije i parametara koji su tu inflatorni rast iskoristili, pa prihod budžeta budžetima više nivoa, pa spustili na Kanton Sarajevo, s obzirom da Kanton ne provodi na takav način fiskalnu politiku. S druge strane, ono što niste bili, možda, što ste bili manje poštene, ne mogu cijeneći vaše godine, rekli ste da krediti, opet ste povukli paralelu sa identitetom Federacije. Poredite kredit za najveći termoenergetski projekat u 21. pa možda i 20. Stoljeću u Bosni i Hercegovini, pa ako hoćete u regionu koji nije realiziran vjerojatno zbog prvoklasnog političkog i geopolitičkog pitanja, sa kreditima koji vi ovdje dižete u Kantonu Sarajevo za sitne nabavke inventara, usluga i grantove pojedincima i udruženjima. Ja sam maloprije sabrao da 80 000 000 samo na te 3 stavke je povećanje. Tako da ovi krediti nisu svrsishodni, nisu neophodni. Kada bismo malo bili savjesniji, mogli bismo mi i sa 1.300 000 000 budžeta isti novo ovih usluga bez tih kredita realizirati građanima Kantona Sarajevo, ali onda ne bi mogli razni skorojevići kupovati stanove od 6-7.000 kvadrat, ko što kupuju ovi tenderisti, što su omiljeni od strane nove vlasti? Možda vi niste to pratili iz prvog reda, a mi jesmo poslije 4 godine, ja lično dvije, pa možda ćete u perspektivi i vi vidjeti kako to teško pada kada ljudi novac koji mi kreditima dižu zloupotrebljavaju na javnim nabavkama Kanton preplaćuje neke stvari. Sve će vam vjerojatno biti u tom smislu jasno. I par još samo kratkih stvari. Nije Bob staza na Igmanu, nego je Bob stazama na Trebeviću, to bi ste treba znati. Rekli ste Bob staza i skakaonica ne Trebeviću, ima stenogram. Na Igmanu jest, jest, a na Trebeviću je. Skakaonica na Igmanu. Jeste, ali na Trebeviću je Bob staze.

Bitno je, bitno je vrlo Mahire zato što Trebević za mene kao dijete sa Kovača predstavlja mjesto odakle se garantiram 4 godine. Ta bob staza ima puno veći sentiment meni. Tako da nemoj, molim te, da na takav način banalizuješ. Ne znam ja ko je što mislio, ja sam želim da sve bude jasno. Također, električna centrala Hiseta je upravo srušena, u toku je njeno rušenje, tako da Kanton Sarajevo zasigurno neće financirati takvu vrstu projekata, nažalost, a srušena je zato što vlasnici žele da prave neku komercijalnu zgradu na tom mjestu. Kada su se ljudi iz SDA pokušavali kroz ove klupe i kroz Vladu Kantona Sarajevo boriti za takvu vrstu projekata to ministarstvo koje je ovaj čovjek vodio je ugašeno i svi njegovi projekti su zaustavljeni. Tako da opet ste na pogrešnoj adresi, nažalost, pokušali to provući. Hvala vam.

### **Elvedin Okerić (Predsjedavajući)**

Zastupnica Admela Hodžić se javila za riječ.

## **Admela Hodžić (poslanik/zastupnik)**

Zahvaljujem predsjedavajući. Prije svega želim da se zahvalim ministrima i premijeru na odgovorima, mada bi ministru Emiru ovaj uputila samo jednu malu sugestiju pošto nije bio u prilici da danas da odgovore na moja postavljena pitanja. Nije vam tim bio od pomoći stručne službe u ministarstvu, morat ćete malo poraditi na tome. U svakom slučaju, hvala vam.

Utvrđeni Nacrt Budžeta Kantona Sarajevo za 2023. godinu iznosio je 1.193 051 372 konvertibilne marke. Tokom javne rasprave i zaključno sa 28. 2 svoje mišljenje, zahtjeve i potrebe dostavilo je oko 130 subjekata iz oblasti privrede, rada i socijalne politike, prostornog uređenja i komunalnih djelatnosti, unutrašnjih poslova, obrazovanja, visokog obrazovanja, nauke i mladih, kulture i sporta, saobraćaja, zdravstva, kao i predstavnici nižih nivoa vlasti. Sve je to sumirano i obrađeno i kao rezultat imali smo oko 400 000 000 KM dodatnih zahtjeva koji su u znatnoj mjeri i uvršteni u ovaj Prijedlog budžeta Kantona Sarajeva za 2023. godinu. Da li je dobro? Vidjet ćemo. Da li je moglo bolje? Ja smatram da uvijek može bolje, ali u konačnici, da li smo uradili dobar posao, vidjet ćemo nakon sumiranja rezultata na kraju ove budžetske godine. Možemo primijetiti da je budžet Kantona Sarajevo u značajnom iznosu i uvećan, te je proslijeđen u skupštinsku proceduru u iznosu od 1438 896 538 KM.

Da li je realno planirati i očekivati ovaj iznos prihoda veći za oko 246 000 000 nakon samo 20 dana koliko je trajala javna rasprava. Bojim se da pred sobom imamo prenapuhane cifre kako bi određeni zahtjevi bili uvršteni, odnosno vuk bio sit i u ovce na broju. Svjesni činjenice da će uvijek nešto ostati neuvršteno u budžet i pored realnih pokazatelja koliko je neophodno i bez obzira na sve dokazima potkrijepljene realne činjenice, vidimo da je ipak prevagnula, u neku ruku matematička podjela između koalicionih partnera koji po koalicionom dogovoru prvo moraju ispoštovati politike dogovorene po unaprijed kreiranim politikama i programskim ciljevima, a čiji se koncept i domet jasno može vidjeti i kroz ovaj budžet.

Pa tako se mogu uočiti značajno povećanja u određenim ministarstvima. Jedan od njih je i Ministarstvo privrede Kantona Sarajevo. Sredstva u Prijedlogu budžeta u odnosu na Nacrt su povećana skoro za 70 %, od čega su samo kapitalni transferi 57 155.000 od ukupno nešto više od 105 000 000 KM, koliko iznosi budžet za ovo Ministarstvo. Projekat opremanja prihvatilišta pasa lualica 1,5 KM, a za azil za napuštene životinje Rakovica 1 000 000 KM.

2,5 milijuna zbirno za životinje? Zato sam i postavila pitanja koliko imamo napuštenih pasa lualica jer za njih izdvajamo 1 000 000, a koliko drugih napuštenih životinja kao što su krave, mačke, kokoši, koze, jer ste izdvaja 1,5 miliona u te svrhe. U Ministarstvu privrede su poticaji u primarnoj poljoprivrednoj proizvodnji sa 7 miliona povećani na 10 000 000 KM i iskreno se nadam da će biti sredstava da se realiziraju moja inicijativa za kreiranje programa za poticaj poljoprivrednicima koji žele isključivo zasijati žitarice u Kantonu Sarajevo i za stavljanje u funkciju silosa za skladištenje žitarica na području općine Hadžići. Ovo su zaista značajna sredstva i ovdje se vidi iskrena namjera da krenemo u pravcu naše neovisnosti o uvozu hrane, gdje postoje realne šanse da počnemo razvijati sopstvenu proizvodnju žitarica i ostalih proizvoda? Također, stavka poticaj maloj privredi sa 7 miliona povećana je na 8.800.000 je zaista dobra i sve što je dobro treba istaknuti. Značajno povećanje u odnosu na Nacrt budžeta imamo i na stavci za nabavku robnih rezervi koji je sa 1 424.000KM povećan na 4.424 000 KM, što je za 3 000 000 viši i što je također veoma pohvalno i građanima ulijeva određenu dozu sigurnosti, mada, smatram da bi ova stavka ipak trebala biti i veća od ovog iznosa. Ovim Prijedlogom budžeta je povećana stavka za obilježavanje Dana kantona 1. mart i 25 novembar i kao nikada do sada iznosi 300 000 i nadam se da će programi biti primjereni prema značaju ovih datuma. Ministarstvo saobraćaja, također, još 1 ministarstvo sa značajnim povećanjem u odnosu na Nacrt budžeta. Sa 75 336 211 KM povećano na nešto više od 120 000 000, što je više za oko 60 %, od čega je najznačajniji iznos povećan za subvencije javnih poduzeća za

24 000 000, zatim plaćanje prije proglašenja efektivnosti kredita 7 000 000 KM, motorna vozila za javni prijevoz 11 000 000. Iskreno se nadam da na ovim vozilima neće stajati oznaka da je autobus za Mokrine u kvaru, autobus za Osijek nije u funkciji, linija 30 za Hadžiće ne saobraća zbog kvara na vozilo itd. Ne zna autobus gdje su Mokrine, ali svatko u Grasu zna da su baš ta vozila za te linije u kvaru iz samo njima poznatih razloga. I svako jutro na TV SA slušamo jedan te isti mučni izvještaj Grasa.

U MUP-u Kantona Sarajevo na razdjelu 17 sa 122 432 548 povećanje na 130215 908 KM povećanje za oko 12 000 000. Ovo je jedno od ministarstava koje zaista vrlo ozbiljno razmotrilo sve naše kritike i sugestije. Sugrađani koji su s pravom reagirali, posebno imajući u vidu sve što se dešavalo u proteklom periodu kada smo u neposrednoj blizini u Lukavici imali prilikom proslave neustavnog dana RS-a vidjeti koliko nam zapravo nedostaje opreme za policijske službenike, te smo iz Ministarstva dobili veoma dobar odgovor, što se vidi i kroz ovaj Prijedlog budžeta i u velikoj mjeri su uvrstili sve prijedloge za korisnije i racionalnije planiranje sredstava. Moram pohvaliti ministra i sve koji su učestvovali u ovome i kao rezultat toga imamo povećanje planiranih sredstava na razdjelu 17. 01, odnosno za Upravu policije uvećani iznos sredstava za 17 529 000 KM, a samo Ministarstvo se smanjuju ta sredstva za oko 5 000 000.

Izdaci za materijal, sitan inventar i usluge uvećan za 6 449 000 KM i sada iznosi 9 684 647, KM, odnosno, preciznije rečeno, nabavka materijala za javni red i sigurnost vojnog materijala, uniforme za policijske službenike Uprave policije sada iznosi ukupno 6 463 000 KM.

Svaka nabavka opreme, također, stavka nabavke opreme, također uvećana za 1 000 000 te sada ukupnom iznosu 6 490 000.

Uvećana je stavka i nabavka specijalne opremi i vojne i policijske Uprava policije za 7.400 000. I često i sada u ukupnom iznosu imamo 10. 100.000. Ovdje se zaista vidi da su i ministar i svi koji su na ovom je radili veoma dobro posvećeni većoj sigurnosti i zaštiti svojih građana i postizanja boljih uslova za svoje u uposlenike. Sredstva za realizaciju prioriteta 1 iz Akcijskog plana izdvajaju se u iznosu nešto višem od 1 000 000 i nadamo se da će s sistem video nadzora na svim općinama Kantona Sarajevo biti realizovani u potpunosti do kraja naredne godine.

Kako sam na početku rekla, po načinu kreiranja budžeta možemo vidjeti opredjeljenje i kapacitet ili krajnji domet jedne Vlade, pa tako i ove.

Na Ministarstvo financija, kada umjesto kamata za vanjski dug imamo novi naziv izdaci na pozajmice primljene kroz državu, to ne znači da smo manje zaduženi i da nam je kamata za vanjski dug manja, naprotiv, ona je i dalje 12 000 000. Vanjske otplate sada imaju nježniji naziv, moderniji, otplate dugova primljenih kroz državu.

### **Elvedin Okerić (Predsjedavajući)**

Vrijeme zastupnice Hodžić.

### **Admela Hodžić (poslanik/zastupnik)**

Ali i dalje to iznosi 17 000 000 za ovu godinu. Kako god da nazovete i u odnosu na prošlu godinu enormno je povećano. Ja se zahvaljujem za prvu diskusiju, javit ću se poslije.

### **Elvedin Okerić (Predsjedavajući)**

Replika zastupnik Davor Čičić.

### **Davor Čičić (poslanik/zastupnik)**

Iz svog iskustva, ja mogu samo da pohvalim djelatnike Ministarstva financija i stvarno smatram da su oni vrlo odgovorni i stručni. Možda nisu imali dovoljno vremena da pripreme sve odgovore uvaženoj zastupnici. Ali ovim puta stvarno želim i da se zahvalim svim djelatnicima i stvarno moj je utisak da su ljudi vrlo kompetentni, stručni i odgovorni u obavljanju svoje djelatnosti u Ministarstvu financija. Zahvaljujem.

### **Elvedin Okerić (Predsjedavajući)**

Odgovor na repliku. Zastupnica Hodžić.

### **Admela Hodžić (poslanik/zastupnik)**

Evo odgovor na repliku. Ja ne sumnjam da su oni vama bili od pomoći, da oni rade dobro i savjesno svoj posao, ja sam samo rekla da danas ministru Emiru nisu bili od pomoći u pripremanju odgovora. Eto to sam rekla.

### **Elvedin Okerić (Predsjedavajući)**

Za riječ je javio zastupnik Irfan Čengić. Izvolite, imate riječ.

### **Irfan Čengić (poslanik/zastupnik)**

Hvala predsjedavajući. Ovo je jedna važna tema i usmjerava sav naš rad narednih 9 mjeseci, kako Skupštine Kantona Sarajevo, tako i Vlade Kantona. Iako se budže zove za 2023, mi smo već 3 mjeseca ove godine izgubili. Zbog toga ću i zbog malo vremena koji imamo, a da ne bih prekršio vrijeme kao prethodne kolege fokusirat sa samo na četiri teme. To su procedura kojom je usvojena ovaj budžet, javna rasprava, koncept sam budžeta i upravljanje kreditima i zaduženjem u KS. Dakle, kao što sam vas kritikovao, Vladu Kantona Sarajevo, koja je otišla doduše, ali je i pripremila ovaj budžet zato što ste kasnili sa donošenjem nacrt, tako vas sada moram pohvaliti da niste izbjegli redovnu proceduru, dostavili ste Nacrt, obavili ste javnu raspravu i usvojili ste Budžet. Kolege koje su vas, zajedno sa mnom kritikovale tada, tihi su bili u Federalnom parlamentu kada se po hitnom postupku još jedan Budžet Federacije usvajao. I tu ste pokazali da niste isti kao neodgovorne Vlade na višim nivoima koje po hitnom postupku donose budžete, a vidimo da je to postala praksa zadnjih 10 godina. Čestitam bivšem ministru Čičiću i sadašnjem ministru Dedoviću na ovom budžetu i posebno mi se dojmilo kako ste obrazlagali budžet i moram vam priznati da vam se sviđa vaš stil govora koji nije birokratski, već govorite iskreno i otvoreno o budžetu i mislim da samo tako možemo i raspravljati i da nema potrebe da vam netko čita ono što mi znamo i sami pročitati. I zaista vam se zahvaljujem na tome. Ovo je moj 11. Budžet koji usvajam u svojoj političkom iskustvu. Neki su bili lokalni i neki federalni, ovaj kantonalni i moram priznati da nikad nisam imao bolju saradnju sa izvršnom vlasti u kreiranju u toku javne rasprave i zaista se zastupniku Čičiću, a bivšem ministru zahvaljujem na tome. Nije ovdje ubacivao ko je šta htio, već su ubacivale politike ono što smo obećali građanima. I to je smisao skupštine i to je smisao Vlade. Mi nismo ovdje nikakve tehokrate, birokrate, mi smo ovdje da volju građana koju smo obećali na izborima pretvorimo u budžete, a kasnije u programe i realizaciju tih budžeta. Zato se moram zahvaliti o javnoj raspravi dakle, koja je bila kratka, ali meni kao zastupniku koji je bila veoma od koristi, jer mnogi je svoje politike koje smo obećavali u kampanji smo uspjeli ubaciti ovaj budžet, a sada nam ide 9 mjeseci borbe da realiziramo te politike. Posebno zahvaljujem na oblasti sporta gdje ćemo imati najveći budžet ikada za sport. Mislim da je 1 posto prihoda izvornih budžeta kada odbijete kredite i druge prihode, što nikada nije bio slučaj. Nikada nismo konačno razmatrali izmirenje dijela poreznih dugovanja jer to su dugovanja prema državi. Dakle, mi



kada dajemo novac za te stavke, mi ga vraćamo u naš Fond zdravstvenog zavoda i drugi i ovdje imamo sada planirana sredstva da pomognemo našim klubovima, što je direktno vezano za njihove licence i rad. Poseban status smo stavili nas klubove sarajevske četvorke, koji su i kolege moje spominjali i mislimo da te statute treba konačno Zakonom o sportu regulisati i da znamo koji je klub od lokalnoga, amaterskog, profesionalnog i izrazitog značaja. Ono što mi je jako bitno da je od Nacrta do danas Vlada povećala 3 000 000 ulaganje u sportsku infrastrukturu, jer to piše u Strategiji razvoja Kantona Sarajevo, a u Nacrtu budžeta nije bilo predviđeno i nadam se da će ta sredstva biti uložena kako u sportski kolektiv, tako i u lokalne zajednice, jer mnogi je projekte možemo realizovati sa lokalnim zajednicama, kao što smo to radili i u prethodnim mandatima, od stadiona u Ilijašu, pa nadalje. Samim tim i javni poziv i sredstva su veća nego ranijih godina u sportu i mislim da ove 4 mjere u sportu, ukoliko ih ministar realizuje, zaista će dati dodatni podstrek našim sportskim kolektivima. Također, kultura je značajno povećan budžet za neprofitne organizacije, kao i za same ustanove iz oblasti kulture, a i kroz mnoge druge stavke koje se ne vide na Ministarstvu sporta i kulture su povećana ulaganju u objekte, dakle javnih ustanova iz oblasti kulture, kroz energetske efikasnost i druge projekte. Posebno na čemu se želim zahvaliti i ministru Katici i čitavoj Vladi, jeste naš sigurnosni aparat. Kolege su rekle da smo podigli iz Nacrta u Prijedlog na 10 000 000 opremanje Uprave policije. Ali nije to samo deset, ima i 10 000 000 koji je ostalo iz prethodne godine, koji su zbog komplikovanih javnih nabavki, nažalost, stali i koji će se realizovati u ovoj godini, tako da ja očekujem prva oklopna vozila, da ćemo dobiti konačno u 2023. godini i da će MUP Kantona puno spremniji biti da odgovori na sve sigurnosnih izazove. Ono što je jako bitno i na čemu se zahvaljujem i ministru i Vladi, jeste da u Zakonu o izvršenju budžeta smo ogradili i omogućili da se provodi državni Zakon o javnim nabavkama pod doznakom tajno i da puno brže u tajnim postupcima kupujemo i naoružanje i oklopna vozila, i sve ono što je potrebno i za šta Vlada procijeni. I prije su to oni mogli, ali se uvijek neko izvlačio u javnim nabavkama, što bi ja sam oznaku stavljao i slično. Današnjim usvajanjem ovog budžeta i usvajanjem izvršenja Zakona o izvršenju budžeta, Vlada i Skupština preuzimaju i zakonsku odgovornost. Tako da nema više nitko u Upravi policije da traži izgovore zašto neće da provodi nešto što Republika Srpska godinama provodi. I oni godinama tajno kupuju i tajno preplaćuju one limene kante despote jer su svjesno, tako razvijaju neke druge u svojim javnim poduzećima, druge proizvode. Ono što moram reći još oko hangara jeste da ja podržavam projekat helikoptera i svega, ali savjetovao bi Vladu da kontaktiraju Javno poduzeća Aerodrom i preduzeće u stečaju Air Bosna koji imaju svoje hangare na aerodromu i koji bi sigurno po puno jeftinijoj cijeni mogli dobiti i onda bi nam ova sredstva možda mogla i ostati u budžetu, da ih preraspodijelimo na neke druge stavke, jer se ti hangari ne koristi od kako je kompanija Air Bosna ugašena, ali i dalje ostala u stečaju. Kada je u pitanju oblast socijalne politike, tu vidimo značajno povećanje budžeta, prije svega za ove porodiljske naknade koje prate rast prosječne plate i zbog čega će i one biti puno veće. U saobraćaju mislim da se ne može gledati sektor saobraćaja, resor saobraćaja kao drugi kada se govore o izvršenju jer su to ipak višegodišnji projekti i tu je poseban problem npr. mi od 30 000 000 koje smo planirali da povučemo nismo ni povukli, nego je 5, onda ne možete ne tražiti u realizaciji da vam bude svih 30 000 000, gledano kao stepen izvršenja budžeta, jer nam nisu ta sredstva ni trebala. Imamo stvar da nije realni budžet saobraćaja 140 i nešto milijuna. Njihov realni budžet je 104 000 000, ostali milioni se vode, tu mislim neki 30 000 000 na stavci kupovine zemljišta koje ne provodi Ministarstvo saobraćaja, nego Zavod. Tako kada bi gledale samo Ministarstvo saobraćaja njihov stepen izvršenja 75 % ukoliko gledamo dio koji su oni zaduženi, a ukoliko gledamo i dio za koji je Zavod zadužen, onda je 55 %, ali smatram da je to odlično izvršenje kada uzmemo u obzir koliko su ti godina projekti čekali. Također, zahvaljujem i na uvrštavanju projekta solarnih panela na Mašinskom fakultetu jer će to poslužiti kao ogledni primjer našim svim građanima kako kada se donese novi federalni zakon koji je u proceduri mogu staviti solarne

panele i proizvoditi električnu energiju? I tu će biti postavljan više različitih vrsta solarnih panela. A građani će na Vilsonovom šetalištu moći svaki dan gledati koliko je Mašinski fakultet proizveo električne energije. I tu podržavam kolegu Vretu i onaj odgovor koji je dobio iz Ministarstva komunalne privrede iz prethodnog mandata nije tačan, jer Zakon nije u proceduri u Nacrtu, već je on u prijedlogu. I bolje da smo se sada spremili za taj projekat, spremno dočekali postavljanje solarnih panela na privatnim objektima i firmama, nego da čekamo da se usvoji zakon i nadam se da će nova Vlada imati razumijevanje za taj program i da sa ovakvim primjerom na Mašinskom fakultetu zaista krenemo. Zahvaljujem na ulaganju u općinu Stari Grad jer ipak, ja dolazim iz te općine, pogotovo resor saobraćaja gdje u zadnje dvije, tri godine preko 4 000 000 uloženo sa saobraćajnice Starog Grada. Ministrici Hoti koja je uvrstila obnovu hotela Nacional. Nema ko nije davao inicijative za taj hotel, od vijećnika do Skupštine. Ja sa svima zahvaljujem i vrijeme je da konačno taj objekat, u sred grada stavimo u funkciju. I na planiranim sredstvima za opservatorij na Trebeviću, koji je i obrazovni, ali i sigurno turistički atraktivan program. Ono što moram reći da agegirane stavke nisu dobre, da jedva čekam programski budžet jer je jako teško i amandmanski djelovati, a o radu ministara ćemo najbolje suditi po izvršenju ovoga i agregiranih stavi budžeta i sigurno kao zastupnik ću vršiti veliki pritisak na njihov rad. Na kraju, podržavam zaduženja i kada ih radi Fadil Novalić i Nihad Uk i bilo ko drugi, jer zaduženja sa svuda u civiliziranom svijetu koriste kao instrument razvoja i instrument ulaganja u kapitalne projekte i za šta vlast procijeni da su potrebni projekti i što mi vraćamo svoje dugove i presude? Vi morate znati da postoje kantoni, zamislite da danas Budžet Kantona Sarajevo ima milijardu i 400 duga. E takav je Zeničko-dobojski kanton ili drugi kantoni. I kada je netko rekao pa i treba da vraćamo presude, mi po zakonu moramo samo 0, 5 % vraćat budžeta, a mi puno više od toga vraćamo. I ne može niko paušalno govoriti da je netko prezadužen. Zaduženost je tek prezaduženost, kad prijeđe neko 10 %, mi nismo ni na pola toga, dakle naša zaduženost je , 5 % na godišnjem nivo.

### **Elvedin Okerić (Predsjedavajući)**

Replika. Zastupnik Mahir Dević.

### **Mahir Dević (poslanik/zastupnik)**

Hvala. Dvije stvari. Prva stvar vezano za Izvještaj o izvršenju budžeta za prethodnu godinu. Znači to su stavke zvanično objavljene od strane Ministarstva financija Kantona Sarajevo, a ja razumijem možda neku potrebu da kolega Čengić kaže da je ministar Šteta dobro radio, to mi je jasno politički. Ja sam čak i u diskusiji rekao da imao nekih dobrih stvari ne možemo reći. Ali podaci su neumoljivi. Znači, ne možete vi podatke promatrati onako kako vama odgovara, znači ste realizacije u tom Ministarstvu je 55 % i što je još važnija informacija za građane, to nije najgori. To se spustila do 47 % ili Zavod za izgradnju Kantona Sarajevo, evo npr., evo vam taj podatak, maloprije nisam rekao, zato sam se sada javio od planiranih 33 000 000, izvršenje je imao 4,9 miliona. Znači imamo svega 15 %. To su sve bile institucije koje su funkciji rada bivšeg premijera i ove prethodne Vlade. Znači, ovo su egzaktni podaci. Druga stvar, mi ovdje nismo govorili o tome što vi cijelo vrijeme nama pokušavate da kaže da smo mi protiv zaduženja. Mi smo protiv rasipanja novca. Znači, u ovom momentu ponoviti ću još jednom ako imate 55 000 000 koje niste znali potrošiti, nema potrebe da uzmemo 177 novih milijuna. Ako imamo potrebu za nekim kapitalnim projektom, mi smo kao klub koji je bio ovdje opozicioni dali podršku za sve ozbiljne kapitalne projekte koji su bili u interesu građana kantona. Sarajevu. I to ćemo uvijek uraditi. I treća stvar, kolega, spomenuli ste da ste nešto ulagali u objekat sportskog gradskog stadiona u Ilijašu, pa je to bila kao neki hvalospjev. Ako je to bio hvalospjev ovoj Vladi koja je bila 3 godine, u tom periodu su najmanje financije bile spram tog najvećeg sportskog objekta u ovom mandatu koji otvoren u Kantonu Sarajevo. Znači,

imali ste kreditno zaduženje lokalne zajednice koji je tu išlo 1 000 000 maraka, imali ste kroz budžete lokalne zajednice 1 000 000 -1,5 maraka, imali ste 2 puta po pola milijuna konvertibilnih maraka u vrijeme ministra financija Halebića i premijera Nenadića, a onda smo muku mučili s ovom Vladom da da 100 000 da se kupe stolice za taj stadion, na gotovo objekat. E to je bio politički odgovor aktualne većine u Kantonu Sarajevo na infrastrukturni projekat koji je bio 90 % spreman da bude završen.

A onda s druge strane ta ista Vlada ima preraspodjelu na kraju decembra mjeseca ne znam koliko milijuna konvertibilnih maraka koji prebacuje za izgradnju sportske ovaj dvorane u Hrasnici koja tada nije imala ni projekta. Naravno treba i tamo graditi. Ali govorimo stepenu pripremljenosti projekta. Samo još ovu rečenicu da kažem. Znači ovaj projekat je bio završen 90 % i davano je je po 100- 200 000 , to je ono samo što se moralo dati. A vamo se izmisli 3 miliona za projekat koji nije imao svoju projektnu dokumentaciju, tada u to vrijeme kad su te preraspodjele. E to je bila ta politika i zbog toga sam imao potrebu.

### **Elvedin Okerić (Predsjedavajući)**

Odgovor na repliku zastupnik Irfan Čengić.

### **Irfan Čengić (poslanik/zastupnik)**

Hvala. Dakle pa vi ste u svojoj replici potvrdili ono što sam ja i govorio. Dakle 55 % izvršenje Ministarstva saobraćaja to niko nije osporavao. Ja sam govorio kada izuzmete to što ste vi sami sada rekli u svojoj diskusiji što nije Zavod za izgradnju uradio, onda vidite do operativno ono čime upravlja Ministarstvo saobraćaja je 75 %. Dakle Istu stvar smo govorili. Da. Dakle kad izuzmete tih 30 miliona iz budžeta vidite koliko će biti sredstava i koliko izvršenje budžeta. Ali kada govorite o rasipanju novca i 55 miliona suficita onda se obratite i Vladi Federaciji jer oni imaju 200 miliona suficita, a uzimaju milijardu budžeta svake godine kredita. I što ja podržavam jer znam zašto oni uzimaju ta sredstva i nisu nimalo bolji projekti od Kantona Sarajevo. Dat ću vam jedan primjer. Niko se nije oglasio sada ovu dionicu autoputa što imamo gore prema Zenici. U junu 169 miliona procijenjena vrijednost eura projekta. Potpisan ugovor za 2 mjeseca 200 miliona eura već. Niste se oglasili. O prugi mjerite šaraf gdje je šta, a niste nazvali svog premijera i pitali šta si ovo uradio za 2 mjeseca 200 miliona eura novog zaduženja za projekat koji ste procijenili prije 2 mjeseca da je 160 miliona Eura. Tako da ponašajte se isto svuda, i ja se zaista svuda isto ponaša pa isto podržavam zaduženja i taj termo blok sam podržao i svako zaduženje autoputa i svako zaduženje jeste dobro. Ali ni ja, ni vi ne možemo reći da je nešto prezaduženo il da nije smisleno, o tome odlučuju dakle zakoni koji su relevantni. A Ilijaš nisam govorio o Vladi nego sam navodio sportski projekat u kakve treba ulagati, a i sami ste sada potvrdili da Vlada Kantona Sarajevo, ne Fortina, ova ili ona, nego Vlada Kantona Sarajevo je 1 100 000 uložila u taj projekt. Kad sabere sve to. Rekli ste puta dok je ministar financija bio Halebić i 100 000 to je 1 100.000 građana Kantona Sarajevo i zašto ne pohvaliti takav projekt. Ja nisam govorio ni da je to uradio ni Forto, ni Avdić, ni ova ni ona Vlada, nego sam rekao da je to projekat kakve treba ulagati kroz ova 3 miliona koja su predložena ove godine. Dakle nisam spomenuo ni Fortu, ni Avdića, ni bilo koju drugu Vladu, nego naveo projekat lokalne zajednice kakve Kanton Sarajevo treba podržavati.

### **Elvedin Okerić (Predsjedavajući)**

Odgovor na repliku. Zastupnik Mahir Dević.

### **Mahir Dević (poslanik/zastupnik)**

Hvala. Ne znam da li se čujemo kolega. Ne znam da li ste uopšte slušali ono što sam govorio. Ponovit ću još jednom. Znači mi nismo rekli da smo uopće protiv zaduženja za kapitalne

projekte. Vi ako ste slušali moju diskusiju, znači ja sam cijelo vrijeme govorio postavlja se pitanje da li smo imali potrebe u ovom momentu za taj kredit. A vi uporno nama trpate riječ u usta da smo mi protiv zaduženja, protiv kapitalnih projekata, a onda kad vam ponestane argumenata onda podignete na nivo Federacije. Pazite, mi smo u Skupštini Kantona. Ja razumijem da vi komparirati 2 situacije, bili ste ovaj zastupnik gore u Parlamentu, ali nemojte te stvari ovaj knjižiti ne znam Klubu ovdje i ili meni tako. Što ja nisam nazvao premijera pa da ga ja pitam, mislim. Mislim to bi ono bilo isto da ja vas pitam zašto vi niste nazvali predsjednik opštinskog odbora SDP-a u Srebrenici i pitali ga zašto je prodao izbore za načelnika tamo u Srebrenici i zašto ste vi usvojili jedan populistički zakon u Skupštini Kantona Sarajevo o pomoći Srebrenici, a niste realizirali ni jednu konvertibilnu. Ne mogu ja sada reći da ste vi za to krivi. Zato što ste vi ovdje u Skupštini Kantona Sarajevo ušli prije par mjeseci zajedno sa mnom. Znači ta neka opcija koju vi nama nešto knjižite s nekih drugih nivoa ja sam da mi odgovaramo za ono što jesmo. Konkretno u Skupštini Kantona Sarajevo. Znači referirao sam se u vašoj diskusiji na tri stvari; podršku jednom kapitalnom projektu, o tome da mi nismo protiv planskog zaduženja za dobro isplanirane, osmišljene kapitalne projekte. Uzmite stenogram i vidjet ćete da je to svaki put klub SDA podržao. Ali za ovakvo razbacivanje sredstava, za to nismo, jer nema potrebe za tim. A izvršenje Zavoda za izgradnju Kantona Sarajevo je posebna stavka koja je potpuno van Ministarstva saobraćaja. Meni nije bila namjera da ja ovdje nešto degradiram ministra Štetu ili bilo koga drugog. Ja sam naveo podatke da Vlada i vlast koja nije uspjela da prebaci 55 % ukupne realizacije prethodnog budžeta koji je bio manji za 300 miliona i usvojen puno ranije nego ovaj, jel tako. Nismo ušli u april, čini mi se da smo ga usvojili ranije, nema perspektivu da realizira ovaj budžet onako kako ga je ovaj predočila. Evo toliko. Hvala.

**Elvedin Okerić (Predsjedavajući)**

Odgovor na repliku zastupnik Irfan Čengić.

**Irfan Čengić (poslanik/zastupnik)**

Dakle.

**Elvedin Okerić (Predsjedavajući)**

Poslovnička intervencija zastupnica Melank Miomirka.

**Miomirka Melank (poslanik/zastupnik)**

Mislim ja opet moram izraziti sumnju u svoje posmatranje stvari ali ne vidim da u Poslovniku postoji odgovor na repliku. Molim da mi objasnite o čemu se zapravo radi kad se kaže odgovor na repliku, jel to replika ili odgovor na repliku.

**Elvedin Okerić (Predsjedavajući)**

Zastupnici mogli međusobno da dva puta repliciraju jedan drugom.**Miomirka Melank (poslanik/zastupnik)**

Pa onda je replika na repliku, ne odgovor. Hvala.

**Irfan Čengić (poslanik/zastupnik)**

Dakle kompariram Federaciju zato što mi smo jedan jedinstveni finansijski sistem i zato što mi Skupština Kantona Sarajevo imamo delegate u Domu naroda i učestvujemo u tom kreiranju politika. Ja se obraćam vama, ne obraćam se vama lično jer vi niste izabrani , nego npr. kolege Zahiragić ili kolegi Smiljani Viteškić koja brani interese.

### **Elvedin Okerić (Predsjedavajući)**

Ispravka krivog navoda zastupnik Dević.

### **Mahir Dević (poslanik/zastupnik)**

Znači obratili ste se kolega meni, citiram: rekli ste zašto vi, ja niste nazvali premijera mislim. Nije baš tako izgledalo, bilo je lično obraćanje.

### **Irfan Čengić (poslanik/zastupnik)**

Nisam vas persirao nego sam govorio vi kao klub. Dakle ako ste shvatili tako ali i shvati ćete zašto je jako bitno, jer mi delegati smo izabrani u Federalni parlament da štitimo i interesa Kantona Sarajevo. Kada neko podigne kredit u Federaciji i poveća u 2 mjeseca za 400 000 000 maraka sredstva, to se i nama referiše jer se prvo kada se odbijaju sredstva od Uprave za indirektno oporezivanje javnih prihoda, indirektni javni, prvo se odbiju vanjska zaduženja. Tako kad neko uzme zaduženja na većim nivoima za besmislene stvari i nama se umanjuje budžet. I zato uvijek kompariram Federaciju a nikada na primjer državu, jer država nije baš toliko uvezana sa našom, jer mi kao delegati nemamo svoje delegata u državnom domu, nego to radi Federacija i jako je bitno uvezivati Federaciju i Kanton Sarajevo jer mi jesmo izabrani gore da zastupamo interese Kantona Sarajevo. I samo zato kompariram federalni kantonalni i kantonalni nivo uvijek, pa i u ovom konkretnom slučaju kada smo govorili o 200 miliona suficita, a uzimanje milijardu novih kredita. Da li je neki projekat svrsishodan ili nije to procjenjuje dakle onaj koji upravlja. Ja razumijem da se vama na dopada i vi imate pravo zato apsolutno da tako reagujete i govorite i da glasate protiv budžet, ali ne prihvatam nikada kada se govori o nekoj prezaduženost Kantona, jer to apsolutno nije istina.

### **Elvedin Okerić (Predsjedavajući)**

Replika zastupnik Damir Marjanović replika.

### **Damir Marjanović (poslanik/zastupnik)**

Ja vam se zahvaljujem. Neće mi kolega Čengić zamjeriti onaj što ću iskoristiti instituciju replike da bih dobio jednu informaciju. Emotivno sam vezan za priču oko hotela Nacional zato što još 2012. godine smo pokušavali da riješimo taj problem . Sjetit će se kolega Bandić kroz Vladu Kantona Sarajevo i naišli smo na tada nepremostive prepreke. Ajde što nije bilo novca, to je jednu stvar, a bila je druga priča da status hotela Nacional nije riješen i da nije moguće nikakve rekonstrukcije . Da li možda gospodin Kapidžić ima neke dodatne informacije, da li se stanje promijenilo po tom pitanju, da li će ovih 200 000 maraka stvarno biti upotrijebljeno za ovu svrhu i da li tzn. da hotel Nacional sada ima riješen pravni status koji će dozvoliti Kantonu Sarajevo da ovaj novac utroši u pravom smislu. Zašto to govorim? Malo ću se nadovezati priča oko zaduživanja kao osoba koja otkad radi nažalost otplaćuje kredit i nema ni jednoga dana bez kredita, nemam ništa protiv zaduživanja. Ali imam protiv zaduživanja koji na kraju vam se neisplati. To je isto kao da svoje pare trošite na nešto što vam ne treba. Opet ću se vrati na Ekonomski fakultet gdje imate zaduženje koje je realizirano, a ne može se realizirati projekat , a kredit teče i mi te novce trebamo vratiti. Ili između ostalog malo mi smeta tek sam pronašao prije neki dan 2021. godine da su sredstva MMF-a na nivou Kantona Sarajevo raspoređivana i u socijalne potrebe a ne samo za ono za što su sredstva MMF-a isplanirana. Ali evo da vam skratim tu priču, stvarno me zanima, nemojte zemjeriti ni ostale kolege, da li je riješen pravni status hotela Nacional i da li ne samo ovih 200 000 treba zadužiti što više i što prije da tu zgradu renoviramo i vratimo u pravu funkciju. Hvala velika.

**Elvedin Okerić (Predsjedavajući)**

Odgovor na repliku Irfan Čengić.

**Irfan Čengić (poslanik/zastupnik)**

Pošto nema ministrice da odgovori, dakle u razgovoru s njom došao sam do informaciju da je riješena imovinsko pravno pitanje hotela Nacional, dakle da je to vlasništvo Kantona i škole. Tamo ima dio parcele koji je vakufski, što znači se ne može prometovati. Mi to ne možemo prodati ili nešto drugo, ali možemo obnoviti i staviti u funkciju, a nismo željeli više da stavimo sredstava na ovaj projekat zato što smatramo da u ovoj godini niti bi stigli raspisati tender, niti odabrati izvođača i da je bolje da ako ove godine barem uradimo projekat.

**Elvedin Okerić (Predsjedavajući)**

Zastupnik Marjanović.

**Damir Marjanović (poslanik/zastupnik)**

Odgovor na repliku. Evo i to smo naučili danas. Puno smo naučili od naših kolega. Dakle hvala velika kolega Irfan, bilo bi mi jako drago i da je to tačno, onda bi stvarno zamolio da prije nego što se krene u bilo kakvo ulaganje, bilo koje marke, da definiramo da postoje jasni dokument da se ne bi posle ispostavilo da imamo probleme sa tim stvarima. Još jednom se vraćam na zgradu Ekonomskog fakulteta. Sjetim se 2012. godine nekih inicijativa da se dio zgrade dodijeli jednome studiju, koji je trebao biti multidisciplinarni iz oblasti Katolička bogoslovija i Pravoslavna bogoslovija i zajedno Fakultet islamskih nauka su trebali nešto realizirati. Na kraju se ispostavilo da upravo ta taj koncept neriješenog vlasništva takve stvari ne dozvoljava. Tako da ne bi više gubili novce jer to nisu naši novci, to su novci poreznih obveznika i građana Kantona Sarajevo, stvarno bih inzistirao da prije bilo kakvog ulaganja novca ova Skupština i svi oni koji će uložiti te novce imaju nepobitne dokaze da je riješen pravni status te institucije. Hvala velika.

**Elvedin Okerić (Predsjedavajući)**

Zastupnik Samir Avdić se javio za riječ.

**Samir Avdić (poslanik/zastupnik)**

Hvala predsjedavajući. Evo nakon ove zanimljive diskusije ovaj ja nekako se sjetimo one kako kako i pokvaren sat barem dva puta dnevno radi kako treba, pa eto tako da da i kolega Dević i ja barem jednom danas da smo saglasni. I ja isto mislim da ovaj postoje teme za koje ne trebamo pitati jedni druge ovaj je jer nismo ništa odgovorni. Kako ja nisam odgovoran ili Irfan za izdaju nekoga u Srebrenici, tako nije ni kolega Dević odgovoran za onoga ko je dijelio bolesne junice tamo po Srebrenici. I ne trebamo ovaj takva pitanja na ovoj Skupštini postavljati jedni drugima. Ali eto možemo ukoliko želimo kao eto da prozivamo ovaj stranke iz kojih dolazimo.

Prije nego što prijeđem na ono zbog čega sam se prvenstveno javio a to su spomenuti amandmani koji su ovaj ponuđeni. S obzirom na nedostatke našeg Poslovnika ministri nisu u prilici da odgovore na eventualne tvrdnje koje su iznesene u diskusijama ovaj nakon odgovora koje su dali nakon pitanja, pa bih ja radi javnost čisto, računajući na to da ne baš svi koji prate naš rad nisu upoznati sa nekim od termina ovaj u budžetu, objasnio bi što je to ustvari pokriće dugova u javnom prijevozu, jer radi se o velikom iznosu od blizu 24 miliona i nekako se stiče dojam kao da da su neka skrivena sredstva. Ja ću ovaj pojasniti javnosti da se radi o sredstvima koja su planirana da bi se vratio dio duga koji Javno preduzeće Gras duguje Poreznoj upravi Federacije. Znači to su ogromni dugovi koji se nakupljaju već decenijama i koji su prema po

dogovoru Vlade sa Poreznom upravom počeli se polako vraćati i ove godine je predviđeno da se vrate u toj rati u iznosu koji je spomenut. Šta je to transfer pojedincima i transfer neprofitnim organizacijama. Također nekako je spomenuto u kontekstu kao i da su to nekakva skrivena sredstva koja će neko aman od ministara dijeliti. Ja bih samo javnost informisao da pod tom stavkom odnosno pod u tom transferu u ta sredstva spadaju sredstva za stipendije, sredstva koja na primjer Ministarstvo boračkih ili Ministarstvo socijale kroz tu stavku ovaj distribuira svojim korisnicima. Da su ove neprofitne organizacije između ostalog i one koje su maloprije spomenuti kao što su Fudbalski klubovi, udruženja boračka, udruženja građana itd. I na kraju šta je t aluzija kao pojam. Aluzija je stilska figura u književnosti kojom se na indirektan odnosno na prikriven način nešto poručuje. Ja bih zamolio kolege i kada poručuju i kada aludiraju da postoje neki ljudi u ovoj Vladi koji su tender efendije ili kako je već maloprije termin iskorišten, aludira se da se radi neke nezakonite radnje. Ja bih molio svakoga ko tako nešto aludira da kaže imenom i prezimenom koji ministar, u kojoj situaciji, na kojem tenderu je nešto eventualno nezakonito uradio. Sve ostalo je jedna obična jedno politikanstvo i pravljenje cirkusa, odnosno zamajavanje javnosti koja kada čuje tako da postoje neke tendere efendija zaista povjeruje. Živimo u društvu koje se danas u sociologiji zove društvo niskog povjerenja. Znači ukoliko neko ima bilo kakvih informacija o nekim tender efendijama, njegova zakonska obaveza je da u istome obavijesti i Skupštinu i javnost i organe koji će to dalje istražiti. Kada su u pitanju amandmani koji su spomenuti u diskusijama a odbijeni su od strane Vlade Kantona Sarajevo. Ja moram reći da se radi zaista u 90 % slučajeva zaista kvalitetnim amandmanima od kojih bi lično svaki podržao posebno one gdje prepoznajem potpis kolegica Vujović i Hašimbegović, onim što je u vezi sa mladima i u vezi sa kulturom, međutim ono što je pogrešno kod tih amandmana i kako su oni a ponuđen jeste od kojeg novca, odnosno sa koje stavke bi se neki od tih amandmana ustvari trebali zadovoljiti. Dijelom su neki od amandmana već planirani u budžetu i to se vidi u odgovorima na amandmane, a dok za neki druge se umanjuje sa stavki poput stavki ZOI, odnosno unapređenje infrastrukture ZOI-a, a tu se radi o kreditnim sredstva, maloprije smo o tome govorili i nemoguće je iz kreditnih sredstava koja su namjenska uzeti sredstva ovaj da bi se zadovoljio bilo koji od amandmana koji je ponuđen na način da se zadovolji iz sredstava ZOI, tako što će se da kažem skinuti prebaciti sa stavke ZOI ili institut za razvoj preduniverzitetskog obrazovanja. Također nemoguće je zakonski odatle prebaciti sredstva ili najveći broj ovaj iz nekog razloga svi su posebno osjetljivi na ovu stavku specijalizacija iz Ministarstva zdravstva. Znači jednostavno ne mogu ja lično ne mogu podržati amandman koji će se zadovoljiti na način da će se oštetiti stavka specijalizacija.

Slušajući, zbog toga naravno ukoliko se bude glasalo za amandmane ni za jedan pojedinačno ovaj neću glasati za. Slušajući diskusije nekako stičem dojam kao da postoje oni koji bi voljeli da je gore, što je gore to je bolje, koji ne dijele možda zadovoljstvo sa drugim dijelom Skupštine koji je zadovoljan zbog toga što se dešava rast budžeta i što je budžet kako su ga neki nazvali istorijske. Ja ga ne bih nazvao historijskim, ali evo ovaj s obzirom kakva su vremena i s obzirom na onaj ponder koji ostaje kao činjenica da je, da smo njime oštećeni kao Kanton Sarajevo, ipak je zadovoljio i dobar dio dobar dio potreba ovaj koje su se našle pred timom koji je kreirao ovaj budžet. Ja jednostavno moram se osvrnuti i na temu kreditnog zaduženja, s obzirom da iako smo maloprije mogli čuti od kolege Devića da on jeste za kreditna zaduženja i od kolege Marjanovića, očito onda da jesmo svi, ali s obzirom da se u jednom dijelu diskusija i sada i pri usvajanju Nacrta mogao steći dojam da mi ulazimo kao Kantonu neku vrstu dužničkog ropstva, ja moram reći neke osnove iako nisam ekonomista, ali te osnove mislim da poznaje svaka punoljetna osoba, posebno ako je visokoobrazovana, a to je da kreditnim zaduženje za kapitalne projekte koji se troše u našoj zemlji mi ustvari ulažemo u sopstvenu ekonomiju. Dokaz je izgradnja autoputa kada vi ne možete naći slobodan kamion ili bager u cijeloj zemlji koliko je povećana potreba za tom mehanizacijom i za radnicima. Dokaz je također prilikom izgradnje, čak rekao bih izgradnja a ne rekonstrukcija tramvajske pruge od Ilidže do Čengić vili, potreba

za tolikim brojem radnika, mehanizacijom naše firme su zarađivale itd. u tom smislu ta zaduženja su svakako ovaj pozitivna. Također ukoliko ste sposobni da se kreditno zadužiti to o vama nešto govori. Isto kao mi obični ljudi. Znači ukoliko možete uzeti neki kredit od 10, 20 000 maraka tzn. da ste sposobni u smislu ovaj visini vaše plate. Ukoliko niste sposobni onda jedva možete mikro kreditne organizacije uzet 1000 maraka. Zemlji koja je sposobna, odnosno kanton koji sposoban da se zaduži ustvari pokazuje i svoju određenu potentnost. Maloprije kolega Čengić govorio koliko mi ustvari nismo prezaduženi i u tom smislu ukoliko, ukoliko pogledate podatke o zaduženosti zemalja na svijetu mi smo veoma malo zaduženi sa nekih 13 milijardi . Vraćamo taj kredit sa 1,3 milijarde godišnje, što znači da ćemo za 10 godina vratiti kredit koliko smo dužni kao zemlja- Bosna i Hercegovine je dužna 39 % svog bruto društvenog proizvoda i po tome je najmanje zadužena zemlja u regiji. Zaduzenija je Albanija sa 75 % ili Srbija sa 59, dok su najzaduženija u regiji one najrazvijenije zemlje u regiji, a to su Hrvatska sa 86 i Slovenija sa 81 procenat BDP-a. Također među najzaduženije zemlje na svijetu spadaju Njemačka sa 70 %, Belgija 116, Sjedinjene američke države 133, Francuska 115, Britanija 107 %, Japan 283 % BDP-a što ustvari sve govori u prilog da biti zadužen ne znači istovremeno biti nerazvijen. Jedine nezadužene zemlje, ali ja mislim da mi jednostavno ne možemo biti poput njih, to su ovi petrol zemlje koje imaju nafte poput Rusije, Arabije ovaj i sličnih sličnih zemalja. S obzirom da je ostalo samo pola minute da ne pokrećem nove teme, prilikom druge diskusija onda ću više o Budžetu. Zahvaljujem se.

### **Elvedin Okerić (Predsjedavajući)**

Zahvaljujemo se zastupnik Avdiću. Replika. Replika zastupnica Marijela Hašimbegović. Izvolite, imate riječ.

### **Marijela Hašimbegović (poslanik/zastupnik)**

Zahvaljujem se predsjedavajući. Moram replicirati svom uvaženom kolegi Avdiću po pitanju teme koju otvorio za amandmane koje je uputila Demokratska fronta i sa njegovom opservacijom da neće prihvatiti amandmane zato što smo mi stavke koje smo predložili provlačili sa sredstava sa kojih nismo smjeli, odnosno sa pozicija sa kojih nismo smjeli. Ja i dalje ostajem pri tome da, čime je on ustvari potvrdio da se radi o potpuno netransparentnom budžetu. Iz razloga što mi apsolutno nismo mogli znati da je pozicija uvećanje stavke za ZOI 84 da je to ustvari stavka koja se tiče sredstava koja su povučena iz kreditnih zaduženja. Vidim da su kolege koje nisu dakle koji pripadaju poziciji da su imali te informacije i s tim u vezi mislim da je njima bilo olakšano sudjelovati u izradi i reagovanju na ovaj materijal i zato kažem da naši amandmani su svrsishodni, u javnom su interesu. I stavka sa koje smo povukli novac zasigurno je stavka koja se tiče sa pozicije Ministarstva zdravstva, pitanja koja se odnose na specijalizacije, ministar zdravstva nažalost nije nam dao adekvatan odgovor koji sam očekivala, čak štaviše mislim da odgovor koji je dao da nekorespondira sa tačnim. Dakle da moram reći da nije istinit jer on povlači pitanje da dakle Zavod za zdravstveno osiguranje treba da pravi plan specijalizacija što je potpuno opozitno. Ministar finansija treba da radi plan za određene specijalizacija, a Zavod zdravstvenog osiguranja vrši isplate novca jer vaša obrazloženja za naše amandmane su u toj intervenciji glasile: "Finansiranje specijalizacija od strateškog značaja Vlade Kantona Sarajevo u resoru Ministarstva zdravstva, te se sredstva namijenjena za ovu namjenu ne mogu umanjiti, što govori da se ne radi o nekoj povredi nekog zakona da su sredstva bila namjenska, ne radi se o namjenskim sredstvima već se radi o namjeri ove Vlade da zadrži poziciju za koju i sami ne mogu da definišu u kojem pravnom segmentu mogu povući ova sredstva. Ja nisam dobila adekvatan odgovor na ovo pitanje, kao što nisam dobila adekvatan odgovor dobili smo objašnjenje revitalizirano po pitanju ovog što su projekti koji se tiču ZOI 84 da su navodno predloženi određeni projekti preko 90 miliona, pa kada ste



uvidjeli da imate dodatan izvor na prihodovnoj strani onda ste tako arhaično raspodijelili taj novac koji ste dobili i s tim u vezi su se pojavile određena uvećanja na pozicijama sa kojih smo mi povlaći novac. U suštini moj diskusija ide u pravcu da definitivno se ne radi o situaciji da mi smo napravili povredu nekog zakona, da su sredstva bila namjenska, već se radi o netransparentom budžetu gdje određeni pojedini zastupnici to zaista nismo mogli znati. S tim u vezi iako smo napravili grešku to ne znači da vi kao zastupnici Skupštine se ne možete očitovati po ovom pitanju pozitivno. Hvala završila sam.

**Elvedin Okerić (Predsjedavajući)**

Replika zastupnik Samir Avdić.

**Samir Avdić (poslanik/zastupnik)**

Zahvaljujem predsjedavajući. Zaista bez namjere da ovaj oduzimamo previše vremena za ovu diskusiju, ja zaista nisam tvrdio da je prekršen zakon upućivanjem amandmana Demokratske fronte, konkretno amandmana koji bi se zadovoljili povlačenjem sredstava sa stavke Ulaganja u infrastrukturu i projekte ZOI-a, već kažem da je nemoguće zakonski povući ta sredstva sa te stavke s obzirom da se radi o potencijalnim sredstvima koja će se u potencijalu, odnosno eventualno dobiti kroz kredite. Ja mislim da je ovo prilika iako nije možda poslovnički da ministar finansija kao ovaj najkompetentniji iskoristi svoj autoritet i eventualno opovrgne ovo što sam ja rekao ili potvrdi ovaj u obrnutom slučaju. Čisto da bismo ovaj prekinuli ovu diskusiju jer zaista ne želim da ona prelazi u nešto ovaj drugo nego što treba.

**Elvedin Okerić (Predsjedavajući)**

Replika zastupnica Hašimbegović.

**Marijela Hašimbegović (poslanik/zastupnik)**

Zahvaljujem se predsjedavajući. Nećemo naravno preći u neku negativnu diskusiju samo želim još skrenuti pažnju na jedno pitanje za koje znam da zajednički dijelimo potrebu da se da se realizuje jedna ovakva inicijativa, ona se tiče sufinansiranja 6 institucija kulture bez statusa i znate kakvo je bilo obrazloženje za ovu stavku našim amandmanima.

Glasi ovakvo, obrazloženje: "U okviru Ministarstva kulture i sporta kantona Sarajevo planirana je pozicija studije izvodljivosti i osnivački ulog za Muzej holokausta u iznosu od 50 000 konvertibilnih maraka", što znači da imam osjećaj da uopšte nisu ni pročitali inicijativu jer piše u ovom amandmanu da ja želim novu liniju na ovoj poziciji koju otvaram pod nazivom sufinansiranje 6 institucija kulture bez statusa i meni kao zastupnici ovo otvara sumnju da uopšte onaj tko je pravio ove odgovore ko je reagovao na ova pitanja i ove amandmane da uopšte nije svrsishodno ni analizirao. Toliko. Hvala lijepo.

**Elvedin Okerić (Predsjedavajući)**

Ovo je vaša druga replika još možete jednom replicirati zastupnici Hašimbegović.

Izvolite imate riječ. Uključite Samira Avdića zastupnik.

**Samir Avdić (poslanik/zastupnik)**

Kada su već spomenute ove institucije kulture ja sam možda najviše interesno vezan za taj amandman. Ovaj u amandmanu 9 se spominje i formiranje Muzeja holokausta i ovih 7 institucija kulture. U odgovoru jedino što su pogriješili jeste što su spomenuli 6, a ne 7 institucija kulture, odnosno izostali su Univerzitetsku i nacionalnu biblioteku Bosne i Hercegovine. U odgovoru je rečeno da da će se nastaviti finansiranje odnosno sufinansiranje

ovih institucija kulture 6, ne znam zašto ne 7, kroz javni poziv Ministarstva kulture i kroz Rektorat kako je riješen sporazumom sa Rektoratom Zemaljski muzej Bosne i Hercegovine. Spomenut je iznos ovaj strane ministra Magde. S obzirom na sam ja ovo pitanje postavio ovaj na početku ove tačke dnevnog reda i jako sam zainteresovan, naravno da jednako kao vi sam zainteresovan da ove institucije nema ne budu oštećene. Amandman se nije prihvatio iz razloga što se sredstva traže sa stavke podrška projektima ZOI Olimpijski centar Sarajevo d.o.o.. Ja zaista ne znam zašto niste bili upoznati s time da se radi o kreditnim sredstvima i ja nisam za to kriv, očito da je bila loša komunikacija između ministra financija i vas, iako, evo sada, žao mi što prelazim na privatno, ali iako mi je privatno ministar Čičić rekao da je s vama komunicirao i pozvao vas, naravno, što mu je i obaveza da dođete sa amandmanima u Ministarstvo i na taj način sarađujete prilikom izrade ovoga Budžeta. Ukoliko to nije istina, onda ja prenosim pogrešnu informaciju koju sam dobio.

### **Elvedin Okerić (Predsjedavajući)**

Ne može više, žao mi je. Zastupnik Marjanović. Replika. Poslovnička intervencija zastupnik Dević.

### **Mahir Dević (poslanik/zastupnik)**

Koristim poslovničku predsjedavajući, mislim da bilo dobro na neki način da nam kažete kako ste planirali dalji hodogram sjednice, jer već je koliko sati? Ne znam. 5, 6 primićemo iftaru. Mi nismo koristili do sad pravo pauze, ovaj kao Klub, a imamo zaista potrebu malo i da odmorimo, ne želimo ni na koji način da bilo šta zaustavljamo, svjesni smo šta sve trebamo riješiti i budžet i ovaj plan Zavoda zdravstvenog osiguranja, ali očigledno bi nas trebali vi upoznati. Imamo ovdje kolegica jel koje su vjerojatno planirale iftare kući, s porodicama. Trebali bi nam neki hodogram kazati.

### **Elvedin Okerić (Predsjedavajući)**

Jutros sam napomenuo sve zastupnice i zastupnike da nas očekuje danas jedna maratonska sjednica, da imamo važne dokumente. Jedan od najvažnijih dokumenata, usvajanje dokumenata Budžet Kantona Sarajevo za 2023 i Financijski plan Zavoda zdravstvenog osiguranja. Mi moramo to danas usvojiti, tako da možemo napraviti pauzu za vrijeme iftara ili eventualno ako neko od klubova izrazi potrebu da to uradimo ranije, ali uglavnom mi moramo raditi poslije iftara da završimo ovu sjednicu. Ja, evo, stalno vidim ovdje da se novi zastupnici prijavljuju, trošimo vrijeme bespotrebno, na ove replike, ne upozoravam nikoga, da ne bi neko posebno zamjerio da na tako važnom dokumentu nemamo obzira i da nekom uzimamo riječ, međutim sigurno smo danas dodatnim repliciranjima izgubili neka dva sata koja ćemo morati nadoknaditi poslije iftara.

Jako je teško planirati, s obzirom da se stalno zastupnici javljaju da diskutuju i imamo jako puno ovih replika, naravno, po Poslovniku, sasvim opravdano.

Napravit ćemo jednu pauzu sa šefovima klubova 5 minuta da iskomuniciramo, da dogovorimo plan. Hoćete li odmah sad pauzu? Evo pauza, 5 minuta, nemojte se razilaziti, pauza 5 minuta.

## **NASTAVAK NAKON PAUZE**

### **Elvedin Okerić (Predsjedavajući)**

Zamolio bih zaista zastupnice i zastupnike da revidiraju svoje potrebe za diskusijom i oni zaista koji nemaju potrebu da ne diskutuju kako bi mogli do iftara završiti diskusiju i staviti Prijedlog

budžeta Kantona Sarajevo za 2023 godinu, na usvajanje. Zatim ćemo napraviti pauzu prije iftara. Evo, ja se nadam da ćemo završiti u narednih pola sata.

Pauza do pola devet, kako ste kazali. A onda u pola devet nastavljamo dalje sa dnevnim redom Financijskih plan Zavoda zdravstvenog osiguranja.

Evo u 9, evo u 9 da ispoštujemo opoziciju. Da.

Zastupnik Albin Zuhrić se javio za riječ.

Prije zastupnika Albina Zuhrića, replika zastupnik Damir Marijanović.

### **Damir Marjanović (poslanik/zastupnik)**

Ja vam se zahvaljujem, neću, neću stvarno, obećavam da neću ići u drugu diskusiju da bih ispoštovao prema kolegama ove obveze. Nema nikakvih problema. Kolega Avdić je fino održao jednu jako, jako divnu, pa reći ću diskusiju u kojoj je pojasnio i pojam aluzije i koji je između ostaloga, pojasnio da onaj koji se zadužuje, koji uzima kredite, između ostaloga, ulaže u državu, ulaže, investira, investira u rad, u kamione, u ljude itd. Ja se u potpunosti slažem sa kolegom Avdićem i on je rekao da, između ostaloga, svaka ko je visokoobrazovan, to bi trebao da vidi da shvati, ja to podržavam. Neće se kolega Avdić naljutiti što ću ja reći nešto malo iz iskustva, biologa i genetičara. Kada imate jedan eksperiment, pa kada rezultati ne daju ono što ste očekivali, onda ne ponavljate taj eksperiment ili, ako ga morate ponoviti, jako oprezno radite da ne bi napravili iste greške. Neću se opet vraćati. Znači, nije uopće problem o kreditiranju, pošto je kolega Avdić spomenuo mene, nije uopće problem o kreditiranju, uzimanju i zaduživanju, nego u utrošku novca koji vi uzimate da bi u nešto investirali? Spomenuo sam taj Ekonomski fakultet, ali evo, da ne bi bilo samo da udaramo po tome principu, ja pred sobom imam dokument iz 2021. godine u kojem sredstva MMF-a, koliko ja znam sredstva MMF-a se uvijek daju da bi se investiralo, da bi se zaradilo, između ostalog, u iznosu od 10 000 000 maraka 30. decembra, se raspoređuju za zaštitu porodica sa djecom, što je humano što treba da se desi. Samo sredstva MMF-a bi se trebala rasporediti tako da država stvori neku vrijednost, investira u nešto i zaradi novce koje će onda uložiti u ovu svrhu. Znači, da se vratimo nazad još jednom, nema nikakvih problema sa iznosom zaduživanja. Ja sam sugerirao i rekao da jeste neobično da preko 50 % sada zadužujemo se u odnosu na ono što smo do sada imali, proteklih dvadesetak godina. I nemam problem, mali jeste problem iščitati iz ovakvog budžeta gdje će to otići? Pa smo sugerirali neka negativna naša iskustvo, moje iskustvo, konkretno, evo zbog toga, zbog toga možemo reći da, ponovit ću još jednom, mi ćemo biti suzdržani, ali ćemo pratiti sva ova zaduživanja da li će otići u ovome pravcu? Zbog toga je bilo pitanje kolegi Čengiću i ministrici da li ovaj novac ide za Nacional? Da li je to sve spremno itd itd. Znači, nije to nikakva tirada, nije to ništa ja sam sretan ako mi dobro ovako stojimo. Malo mi je neobično da u roku od mjesec dana smo ispali da tako dobro stojimo jer je maltene ista ekipa mjesec dana prije govorila da ne stojimo dobro, a sada stojimo. Nemam problema, ja sam jako sretan. Znači, da će građani KS, uključujući mene jako dobro živjeti, ali nemojte nam zamjeriti, bar ne nama iz Pokreta za Nove Generacije, pratit ćemo u narednih mjesec, mjesec dana. To je, kao što je rekao, potpuna podrška diskusiji vašoj u potpunosti se slažem, potpisujem je, zaduživanje kada je investiranje, da, zaduživanje za pokrivanje socijalnih potreba nije dobro, bolje da investiramo, zaradimo novce, a onda pokrijemo socijalne potrebe. Hvala velika.

### **Elvedin Okerić (Predsjedavajući)**

Zastupnica Belma Kapo se javila za riječ.

Ko je bio prije. OK, OK. Kolega Albin Zuhrić, izvolite, imate riječ.

## **Albin Zuhrić (poslanik/zastupnik)**

Hvala lijepo predsjedavajući. Ja neću previše vremena trošiti na neozbiljnost i skupštinske većine i Vlade u pripremi ovog Budžeta. Moja je pretpostavka da se to desilo i zbog činjenice da ste bili u jednoj tranziciji vlasti između sebe u ovom periodu kad smo pravili budžet, ali ove razlike koje smo vidjeli u Nacrtu i Prijedlogu su u najmanju ruku neozbiljne. Dakle, ne radi se tu samo o novim projektima koji su pristigli. Ne radi se o nekim potrebama koje su stigle u zadnji čas sa terena. Vi imate ovdje i stavke poput novih 20 000 000 za rekonstrukcije izgradnje novih škola. Dakle, nisu se te škole prijavile u martu, vi ste to trebali znati još prije godinu dana da će netko sagraditi fiskulturnu salu.

Međutim, da ne gubimo vrijeme na ovo, dodatni problem ovog Budžeta, a ja ću biti pošten, to nije problem samo vašeg budžeta, vjerojatno i svih prethodnih je ne transparentnost. Mi za jako puno tekućih transfera ovdje ne znamo na što se odnose.

Dakle, mi ćemo sada ovdje glasati za Budžet, a onda će ministri da odu i iz nekih stavki u kojima piše za nevladine organizacije i pojedince da dijele te novce u narednih godinu dana. Mi moramo da kopamo ne bi li pokušali saznati gdje ti novci idu. U najmanju bi ruku ovaj budžet trebalo drugačije kreirati naredni put. Ja moram zahvalit ću se kolegi Avdiću pošto nas je naučio stilskoj figuri aluzija ranije, iskoristiti jednu aluziju. Želim čestitati ministrima saobraćaja i privrede. Ovo čak ne mislim ironično, ja mislim da je njihov zadatak da rade najbolje što mogu za svoje ministarstvo. Oni su naime najbolje pregovarali u martu. To su 2 ministra koja su podigli svoje budžete sa nekih 60 na 100 miliona, ako se ne varam. Evo ministar Šteta sa 54 na 98 000 000. Dakle, on je uspio pregovorima sa ostatkom Vlade i skupštinske većine uduplati svoj budžet. Sad ću se vratiti na onu aluziju. Meni se čini da se ovdje u suštini, možda zbog vaše raspodjele vlasti, na neki način određene partije i njihovi istaknuti resori nagrađuju, odnosno daje im se duplo više novca. Dakle, ne pričamo mi, pazite o 1 000 000 ili 2 miliona maraka, nego 50. Nagrađuju kako bi upravljali sa više sredstava u narednom periodu.

Većina toga će doći od zaduživanja. Ja sam pročitao Budžet od početka do kraja, vidio sam i povećanje koja ste radili po pitanju poreza. Neka od njih su upitna, poput ona na koje je upozoravalo Ministarstvo financija, a koja se odnose i na poreze na dohodak, planirana sredstva, čini mi se negdje čak u visini od 14 000 000 bazirano na povećanju bruto plata koje ste planirali, što je prilično nerealno i niste se vodili projekcijama Federalnog ministarstva kako je to trebalo činiti po zakonu, ali da se vratim na ove bitnije brojeve.

Ima jedna tema koja se danas vuče cijeli dan u Skupštini, a slušajmo ih i prethodnih dana, a to su ovi postotci od 5 i 6 i 10 % koliko smo zaduženi. Niko, naime, nama nije objasnio 5 % od čega? Čak i kada kažu od čega, kažu od prihoda. A to u suštini nije od prihoda? Mi imamo federalni zakon kojim je to regulisano o dugu, zaduživanju i garancijama, čini mi se, dakle, samo građani da su upoznati sa tim koliki nam je dug. Tih 10 %, koliko se smijemo zadužiti, odnosno 5,7 %, to je posljednja informacija od ministra, čini mi se bila, se odnosi na otplatu duga u godini dana u odnosu na prihode, Budžeta.

Dakle ne na dug u odnosu na budžet, nego na otplatu duga. Što hoće reći pošto ove godine kao Kanton vraćamo 60 000 000 duga, od kojih ćemo 22 000 000 kamata da platimo nekim bankama koje, uvjeravali su nas, rade da bi samo pomogli nama, a ne kao banke da zarade novac, 22 000 000 ćemo im uplatiti samo ove godine. Mi smo u sljedećoj ustvari situaciji i postotci su malo drugačiji kada građani razmišljaju, recimo, u svom kućnom budžetu i slično. Sa 360 000 000 duga koje imamo i dodatnih 177 što ste planirali ove godine, mi ćemo na kraju ove budžetske godine imati više od pola milijarde duga, to je između 35 i 40 % od ukupnih prihoda Kantona. Eto, toliko smo u suštini zaduženi. A ovo 5 % je. Pazite. Vi možete taj institut zloupotrebjavati kako želite, možete uzimati kredite na 30 godina da imate manje rate pa se

zadužiti 5 milijardi, pa otplaćivati opet ispod 10 % ukupnih godišnjih prihoda. Ja ću samo još jednu rečenicu oko ovog zaduživanja. Vrlo je problematično, u najmanju ruku za jednu vrstu neovisnosti ovog Kantona da se, čini mi se, a eto, treba, možda se može i pretražiti u dokumentu riječ EBRD u našem budžetu spominje vjerojatno koliko i riječ Vlada ili Skupština. Na svakoj drugoj stranici mi imamo EBRD. To su ljudi kao da su došli sa kesom nekakvih kredita i daju ih za šta god želite. Kratko ću samo oko amandmana. Amandmani koje smo uputili kao Demokratska fronta ni na koji način nisu bili populistički. Mi smo mogli tražiti da se izdvoji 50 000 000 za nešto, pa reći vidite, ne daju nam, pa nama se ovo ne sviđa, pa kritikovati. Vrlo su u suštini sitni bili, vrlo su bili razumni. Činjenica da nije prihvaćen ni jedan od njih upućuje na činjenicu da se možda nisu ni razmatrali pojedinačno ovaj, nego da su odbili u paketu, tako reći. Jedino što mi je žao, naravno, žao mi je svih tih amandmana, ali posebno na neki način žalim za činjenicu da ne samo da ste odbili amandman Demokratske fronte da se iz dijela budžeta koji je u premijerovom kabinetu izdvoje dodatna sredstva za Memorijalni centar, nego ste skinuli i ona koja su bili u Nacrtu. Ona sada više ne postoje. I ja razumijem vaše obrazloženje. Ono kaže da ćete zbog ovog kolokvijalno nazvanog Zakona o Srebrenici iz prošle godine formirati neki ured, pa ćete onda ta 2 000 000 prebaciti 10 %. Memorijalnom centru. Međutim, mi tog ureda nemamo. Vi ste taj Zakon ovdje, kad ja nisam bio tu, izglasali u aprilu prošle godine i ni marku prebacili od tada Memorijalnom centru. Dakle, ako ćete već odbijati ove amandmane i ponašati se tako, potrudite se, barem u rebalansu budžeta, da ta sredstva isplatite, ako Ured nije formiran, na bilo koji način Memorijalnom centru. Iskren da vam budem. Nisam siguran da bi kao Klub Demokratske fronte podržali čak i da nam je usvojeno nešto od ovih amandmana ovaj budžet zbog načina na koji je formiran ovaj, načina na koji se vodila rasprava o njemu, tako da će Demokratska fronta glasati protiv ovog Prijedloga budžeta. Hvala vam.

**Elvedin Okerić (Predsjedavajući)**

Zastupnica Belma Kapo.

**Belma Kapo (poslanik/zastupnik)**

Jesam, hvala, nego se poremetio red.

**Elvedin Okerić (Predsjedavajući)**

Redoslijedom nam se poremetio, ali evo uhvatili smo.

**Belma Kapo (poslanik/zastupnik)**

Hvala. Evo, ja ću zaista poštovati predsjedavajući, kako ste rekli, pa ću maksimalno ubrzati, ali moram stvarno da se osvrnem na ovaj dio vezan za specijalizacije. Drage zastupnice i dragi zastupnici, što god u zdravstvo usmjerimo, koji god fening usmjerimo, uradili smo neko dobro. Zdravstvo u Kantonu Sarajevo je u toliko teškoj situaciji, nije to unazad dvije godine i unazad 3, 4 godine. To traje, traje godinama se jednostavno kadar nije znavljao, ljudi su odlazili iz Kantona Sarajevo, kao iz cijele Bosne i Hercegovine, mahom zdravstveni kadar. Tako da vas molim da sve ono što je vezano za zdravstvo, posebno za specijalizacije, da s tih stavki u budućnosti ne predlažete da se usmjeravaju sredstva u neke druge svrhe. Što se tiče dodjele specijalizacija, ja sam trenutno specijalizant. Specijalizacije se dodjeljuju na način da ustanove, javne ustanove u Kantonu Sarajevo obraćaju se Ministarstvu zdravstva sa svojim potrebama ili željama, Ministarstvo zdravstva se zatim obraća Zavodu za javno zdravstvo Kantona Sarajevo, koje prati potrebe, planove, radi analizu i daje mišljenje da li su te specijalizacije potrebne ili nisu. Nakon toga, Ministarstvo zdravstva Kantona Sarajeva se obraća Federalnom ministarstvu zdravstva na odobrenje tih specijalizacija po planu. Eto pokušala sam prostim jezikom, možda

nisam citirala pravilno, doslovce zakon, ali to je taj put. Kako smo mi onda, ako je to sve ispoštovano, ovako u prošlosti, kako smo mi sada došli u situaciju da imamo deficitarne specijalizacije, a imamo, nemamo pedijataru, nemamo, nemamo citologa, nemamo epidemiologa, a mogla bih do jutro da nabrajam. Ili javne ustanove nisu dobro procijenile i radile svoj posao onako kako treba, pa smo došli do toga da nisu na vrijeme raspisivali te konkurse ili su menadžmenti zdravstvenih ustanova svojim radom doveli do toga da neki od ovih ljudi ili veliki broj njih napusti javne ustanove u kojima su radili, pa smo mi sada, odnosno građani Kantona Sarajevo, ne mi samo ovdje, nego svi građani Kantona Sarajevo su došli u situaciju da čekaju u redu kod pedijatra po sat do 2, jer ih nema. Na tržištu rada ih nema. Isto vam je za pulmologe. Jednostavno tih specijalizacija nema. Iz tog razloga pozivam Ministarstvo zdravstva Kantona Sarajevo i pozdravljam odluku da se dodatna sredstva odvoje za specijalizacije, da napravi plan, ako već nije, a pretpostavljam da ga već imaju čim su krenuli u ovu priču, da koliko je sutra, odmah idu u skladu sa zakonom u proceduru za dodjelu specijalizacija u skladu sa zakonskim procedurama i pravilnicima koji su propisani od strane Federalnog ministarstva zdravstva. Također, ono što ću zamoliti premijera i cijelu Vladu, molim vas u svom djelovanju nikada se nemojte voditi nekom politikom kojom biste usloveli da izgubimo mlade ljude na način da oni odu iz ovog Kantona, iz Bosne i Hercegovine, samo zato što dolaze iz neke ustanove u kojoj nije iz vaše politike, eto, tako da kažem direktor ili direktorica. Nemojte, molim vas da nas rukovodi stvar zbog koje smo mi neki na specijalizaciji u drugim kantonima, samo zato što nije bilo kapaciteta da budemo primljeni na Klinički centar, da uradimo svoju specijalizaciju. Vaša misija treba da bude da ocvate zdravstveni kadar u Kantonu Sarajevo, da uradite sve da riješite problem mladih kolega na Kliničkom centru čim prije, da riješe svoj radnopravni status jer završili su specijalizaciju. To su mladi, vrijedni ljudi, neki od njih i poznajem, bili su odlični studenti na Medicinskom fakultetu, jako su dobri specijalizanti, pa vas molim da vi svojim primjerom i sa svoje strane uradite sve da oni riješe svoj radno-pravni status jer trebaju građanima Kantona Sarajeva, odnosno korisnicima usluge Zavoda zdravstvenog osiguranja. Nekom drugom prilikom ću se obratiti vezano za dešavanja da specijalizanti iz Kantona Sarajevo, koji su studenti iz Kantona Sarajevo, ponekad i najbolji studenti, dolaze u situaciju da moraju ići na specijalizaciju u druge kantone, jer Klinički centar pošalje odgovor, kao što sam dobila ja prije 3 godine, da nemaju kapacitet da prime na specijalizaciju tu i tu osobu. Žao mi je zaista što i kolege iz Opšte bolnice dolaze u priliku da idu na subspecijalizacije u druge Kantone, pa vas evo, molim draga Vlado Kantona Sarajevo, vi budite drugačiji donosioc politika da građani u ovom Kantonu konačno osjete sigurnost, osobito mladi ljudi. Bacite na stranu sve to što drugi ljudi rade, hajmo mi raditi pravilno kako bi dali zaista nadu mladim kolegama. Hvala.

### **Elvedin Okerić (Predsjedavajući)**

Zahvaljujemo se zastupnici Kapo. Za riječ se javila zastupnica Sanela Klarić.

### **Sanela Klarić (poslanik/zastupnik)**

Zahvaljujem predsjedavajući i želim samo da kažem da, kao i većina ovdje, sigurno nismo svi da kažem sto posto zadovoljni sa ovim Budžetom, pogotovo što smo imali ta određena umanjenja, a s druge strane moramo biti svjesni da ovaj Kanton želi, i to je ono najvažnije, da politike koje je Kanton Sarajevo posljednjih godina provodio se mogu vidjeti i prepoznati u budžetskim linijama ovoga. Hvala. Ovog budžeta. Ono što želim da izrazim posebno zadovoljstvo jeste da smo to i kroz Odbor za poljoprivredu, vodoprivredu i šumarstvo i tražili u svom zaključku i u ovom budžetu je to potvrđeno, da u primarnoj poljoprivrednoj proizvodnji imamo povećanje sa 7 na 10 000 000 i da, pored svega što Kanton Sarajevo radi, da poboljšava kvaliteta života građana u Kantonu Sarajevo, važno je da podržimo i lokalnu proizvodnju hrane

i da to, naravno, povežemo i sa robnim rezervama, jer smo u svom zaključku i to tražili i da sve one viškove iz domaće proizvodnje i svakako sa ovim povećanjem budžeta za robne rezerve možemo potvrditi. Nadam se da će propisi u samoj poljoprivredi biti tema i u narednom periodu i iskreno se nadam da na federalnom nivou, nakon formiranja Vlade ćemo konačno raditi poljoprivredni popis, jer Kanton Sarajevo i dalje čeka Federaciju Bosne i Hercegovine da napravi ovaj popis. Da ustvari točno znamo i kako možemo nastaviti razvijati ovaj sektor, tako da u tom smislu u ovom Budžetu nisu prepoznata ta sredstva. Ali ukoliko se desi da Federacija to ne bude radila, svakako ja ću inzistirati na tome da u budućnosti radimo poljoprivredni popis u Kantonu Sarajevo. Također mi je na neki način žao što je kasno reagovao novi direktor Kantonalne uprave za inspekcijske poslove, tako da ono što smo tražili u povećanju, povećanjem broja inspektora u Kantonu dobili smo samo 10 ljudi i sigurno da ćemo raditi na tome, jer nisam samo ja, mnogi kolege u ovoj Skupštini su govorili o tome koliko je važno da imamo povećan, odnosno da imamo kvalitetan kadar i kapacitete u ovoj instituciji, kao i Veterinarskoj stanici koja je jako važno kad govorimo o javnom zdravlju i svemu što nam se događalo ranije, također je nešto što je u planu, a to je ruralni razvoj. Kanton Sarajevo nema strategiju ruralnog razvoja, iako znamo da preko 50 % Kantona je sigurno ruralno, s tim da ukoliko uključimo europske standarde OECD za kategorizaciju ruralnog, sigurno možemo i većinu urbanog dijela Kantona proglasiti ruralnim i koristiti sredstva za razvoj EU koja se nude za ruralni razvoj i u Bosni i Hercegovini. Ono što je važno jeste i sigurno moramo raditi na tome je podizanje svijesti o važnosti zelenih politika i zaštite okoliša, cirkularne ekonomije. Principi koje smo potpisali govore o održivosti, ali u samim mjerama u Budžetu toliko nije prepoznato, iako Kanton Sarajevo ima akcioni plan zelenog rada i mnoge druge strateške dokumente koje govore o zelenim politikama i koje su uvezane za zeleni dogovor Europske unije i za Sofijsku deklaraciju koju smo i mi sami potpisali. Ja se iskreno nadam, i ova inicijativa koju sam danas podnijela, a za koju se nadam da će u neakvoj preraspodjeli sigurno naći mjesto, upravo govori o tome koliko u praksi treba da mijenjamo, kako svijest, naravno i naše prakse, a ovdje konkretno govorim o prostornom planiranju, o planiranju zelenih otvorenih površina, o energetskej efikasnosti, projektima obnovljivih izvora energije. Vrlo stidljivo se u ovom Budžetu to vidi i imamo jedan konkretan projekat od 250 000 za obnovljive za solarnu elektranu na Mašinskom fakultetu. Ali nemamo to razvijeno, naravno, zbog zakona i podzakonskih akata na kojima moramo raditi, ali definitivno u ovoj godini sa ovim budžetom trebamo pilatirati projekte i izgraditi kapacitete u Kantonu Sarajevo da u budućim budžetima imamo konkretne stavke u budžetu koji će se baviti zelenim politikama i ove mjere o kojima sam govorila, kad govorimo o energetskej efikasnosti, koji uključuju i zdravlje i održivi razvoj, cirkularnu ekonomiju, definitivno moraju biti dio praksi ovog Kantona u budućnosti, kao i kvalitete zraka, ne samo u otvorenom prostoru, nego i zatvorenom prostoru. Ovaj Kanton mora u svojim mjerama, a jedna od tih mjera su i mjere energetske efikasnosti, prepoznati i da je to jako važno i postoje načini da u ovoj godini kroz pilot projekte svi mi izgradimo svoje kapacitete i podignemo svijest. I žao mi je da u ovom budžetu nismo i odvojili više sredstava za Javno poduzeće "RAD" koje se brine o očištoći, ali sigurna sam da kroz neke druge aktivnosti zajednički možemo učiniti puno. Ono što me raduje jeste da nismo umanjili sredstva za naučno-istraživački rad, koliko sam ja shvatila u ovom Budžetu, ali smo trebali ih sigurno povećati. I ono što je važno u budućnosti, kroz pilotiranje i projekte koje budemo radili povezati naučno-istraživačke projekte sa onim potrebama ovog Kantona za održivošću, jer sigurno da ljudi koji rade na univerzitetima u Kantonu Sarajevo nam mogu pomoći kroz svoje projekte, da imamo što bolje prakse i da budemo što bliže europskim standardima kada govorimo o zelenim politikama, održivom razvoju, cirkularnoj ekonomiji i zdravlju. Hvala.

### **Elvedin Okerić (Predsjedavajući)**

Zahvaljujemo se zastupnici Klarić. Dopredsjedavajući Vibor Handžić se javio za riječ.

### **Vibor Handžić (Dopredsjedavajući)**

Zahvaljujem predsjedavajući, pokušat ću dakle što kraće. Za mog kolegu Devića, naravno, odmah kao neka vrsta replike, ali ne sluša me kolega Dević.

Dakle, što se mene tiče, priča o ponderu nije zaboravljena, nije prestala, nije odleperšala negdje, sigurno vam govorim. Dakle, barem što se mene tiče, ona je itekako još uvijek aktualna i to je za mene činjenica. Dakle, Kanton Sarajevo, bez obzira koliki mu je sad iznad budžeta, bez obzira koliki mu je iznos budžeta bio u Nacrtu, ima 110 000 000 konvertibilna i maraka manje nego što bi po svim ekonomskim parametrima trebao da ima. I. A ja vas nisam prekidao, vi to stalno radite, ali dobro. Ajde, molim vas, pa isto mi.

Nemoj, ajte molim vas odmah kad sam već, evo, stao. Pa.

### **Elvedin Okerić (Predsjedavajući)**

Ispravka krivog navoda zastupnik Dević.

### **Mahir Dević (poslanik/zastupnik)**

Nije mi plan bio da prekidam, naravno, dopredsjedavajućeg, jer mi tradicionalno gajimo dobre odnose kad je u pitanju diskusija, to su svjedoci svi građani u Kantonu, Sarajevo. Citirat ću, citirat ću šta je rekao ministar financija, aktualni zastupnik, da su oni očekivali da je to, ako sam ga dobro čuo, diskusiji da će to biti 110, ali je to ukupno nekih 60, 70 000 000. Ako sam ga dobro čuo, tako je kazao. Onaj koji je pripremao ovaj Budžet koji danas trebamo usvojiti, tako da na ovim koalicionim sastancima, kad ih imate, izanalizirajte malo, ako je došlo do promjena u brojevima, da vas informišu.

### **Elvedin Okerić (Predsjedavajući)**

Ispravka krivog navoda zastupnica Miomirka Melank.

### **Miomirka Melank (poslanik/zastupnik)**

Ja nisam čula ovaj sada podatak od 60 000 000 i jako bi me začudio pošto je ranije Vlada Federacije pravila procjene u vrijeme rasprave o donošenju ovog pondera i još onda su njihove se procjene kretale o minimumu od 80 000 000 i onda se povećavao kako je išlo inflacija i kako je veći budžet, naravno da je i minus veći. Hvala.

### **Elvedin Okerić (Predsjedavajući)**

Možete nastaviti dopredsjedavajući.

### **Vibor Handžić (Dopredsjedavajući)**

Evo i da je 70 000 000, a manje je 70 000 000 nego što bi Kanton Sarajevo po svim ekonomskim parametrima trebao da ima u svom Budžetu. Možemo, ali se oko toga složiti?. Ja ne znam šta je sporno u tome da se Budžet Kantona Sarajevo u svom sadržaju izmijenio od Nacrta u odnosu na Prijedlog budžeta Kantona Sarajevo. Valjda bi bila suština javne rasprave upravo to. Dakle činjenica koja ide u prilog ovome što govorim, a odnosno zastupnik, dok se malo naviknem, zastupnik Čičić je o tome je govorio kada je imao svoju diskusiju, oko 450 000 000 konvertibilnih maraka je bilo zahtjeva za korekcijom budžeta u javnoj raspravi. Ne govorim sad o tome šta je prihvaćeno, šta nije prihvaćeno, pri tome dodajem i oko 50 000 000, evo 99 % nisu prihvaćeni, ali bilo je oko 50 000 000 korekcija za izmjenom budžeta kroz amandmane zastupnika u toku javne. Ja sam sabirao iznose svih amandmana koji su pristigli, između 40 i 50 000 000 je bilo za korekcije pristiglih amandmana. Dakle,



pogledajte u kolikom se iznosu zahtjeva radi za korekciju budžeta, odnosno njegovog sadržaja ovaj u periodu javne rasprave, odnosno u tom vremenu između Nacrta i Prijedloga i naravno da javna rasprava upravo tome i služi i sasvim je logično i normalno da takav dokument doživi određenu transformaciju ili određenu korekciju. U tom periodu između Nacrta i Prijedloga. Dakle, to nije ništa novo, to su sasvim normalne stvari i uvijek se to tako dešava na bilo kojem nivou. Ovo što je kolega Zuhrić, samo sam tu, a nisam htio da se ne bi javljao za replike, zaista, vezano za amandman koji je imala Demokratska fronta za Memorijalni centar. Ja sam pratio ovaj odgovor koji ste dobili na amandman, on jeste možda malo nespretan, ali nije tačno, dakle, da su se ova sredstva za ove dvije stavke, evo, ja ih upravo čitam u Budžetu; podrška i pomoć u radu Memorijalnog centra Srebrenica Potočari, spomen obilježje mezarje za žrtve genocida iz 1995. godine i transfer neprofitnim organizacijama i udruženjima za financiranje sufinansiranja projekata za područja Srebrenice. Dakle, te stavke su ostale u apsolutno istim iznosima i u Nacrtu budžeta i u ovom Prijedlogu budžeta i te stavke su apsolutno iste kao i stavke koje su bile planirane u budžetu za 2022. godinu. Odgovor na amandman može navesti da to nije tako, ja sam ga sad pažljivo pročitao, ali za informaciju dakle, te stavke su ostale u potpunosti iste. I činjenica jeste da mi sada u ovom Budžetu po prvi put imamo budžetirano prikazano u budžetu kao posebnog budžetskog korisnika dakle, novi ured Vlade koji tamo osnivamo, koji nam bi bio obaveza po Zakonu koji smo jednoglasno prošle godine ovdje usvojili, to je ovaj Ured Vlade kantona Sarajevo za podršku, dakle, u Srebrenici, u kojem je činjenica tamo budžetirano 2 000 000 konvertibilnih maraka za implementaciju Zakona, da li je kasno ili nije, o tome možemo diskutovati zašto nije ranije, ali je činjenica da je to sada budžetirano. Tamo ima preko 2 000 000 konvertibilnih maraka za nabavku opreme za funkcioniranje tog Ureda, kao i novac, čini mi se, 100 000 konvertibilnih maraka, planiran za plate, naknade i troškove, naravno, sve koje sa tim idu u, šest uposlenih ljudi koji tamo trebaju da rade i naravno, zato treba da primaju svoju platu. I ovo je prvi put kao budžetski korisnik izdvojeno i planirano u budžetu. Nije to jedini ured, imamo i ovaj Ured Vlade Kantona Sarajevo za dijasporu, koji je isto tako postaje poseban budžetski korisnik od ove godine. Da nešto malo iskomentarišem po resorima, a da ne uzimam previše vremena. Ja pozdravljam, vjerujem najiskrenije, s obzirom na ono što je ministar Štete radio i ranije, u nastavak realizacije ovih ključnih projekata u resoru saobraćaja, neću ih ja sad ponovno nabrajati, stalno ih nabrajamo, možda oni nekome nisu stvaranje novih vrijednosti, ja odgovorno tvrdim, odnosno po mom ličnom sudu, a mislim da je tako i sa građanima Kantona Sarajevo, da jesu itekako nove vrijednosti, s obzirom da po svim istraživanjima javni prijevoz, odnosno saobraćaja je jedan od najvećih problema u Kantonu Sarajevo koji se mora rješavati. U Ministarstvu unutrašnjih poslova, čini mi se preko 25 000 000 maraka za nabavku opreme i preko 6 000 000 u onoj stavci gdje je nabavka uniformi za policijske službenike i preko 20 000 000, 10 više u odnosu na Nacrt je za razne stavke nabavke opreme. Upitno je, evo, ovo što je kolega Devčić također komentarisao koliko je u ovom nižem stepenu realizacije Budžet u Ministarstvu unutrašnjih poslova odgovorno ministarstvo, a koliko je slaba bila realizacija tamo gdje su pare bile transferirane, odnosno Uprava policije. A nije bitno, ja se iskreno nadam da će se i bilo bi jako dobro zbog same Uprave policije i naših policajaca da ovaj budžet bude u puno boljem stepu realizacije u narednoj godini i da se svaka marka koja je planirana ovom budžetu, ja se nadam da će se implementirati. Ovo mislim na opremu, ali nemojte mi dobacivati. U Ministarstvu privrede, dakle, puno zastupnika je, kada smo raspravljali o Nacrtu na komentarima govorilo o potrebi da se stavka za poticaj za malu privredu vrati na onaj obavezni zakonski iznos i to je u Prijedlogu budžeta urađeno dakle, 8 800 000 konvertibilnih maraka je planirano u ovoj godini. To mi je jako drago i radujem se, to još jednom ponavljam, najavljenom digitalizaciji ovog procesa u ovom Ministarstvu koja bi doprinijela da svi dobri projekti koji ispunjavaju uslove i dobiju sredstva u konačnici, a ne da se vraćaju nazad ili ne mogu posegnuti za sredstvima zato što zaborave i dostaviti neki papir itd. Ovo je nekoliko zastupnika

komentarisalo, poticaju primarnoj poljoprivrednoj proizvodnji rasli su za dodatna 3 000 000 konvertibilnih maraka u odnosu na Nacrt. Ja, naravno, ovo neću kritikovati. Ja moje pohvale idu velike. Hvalio sam i kada je bilo 13 000 000 konvertibilnih maraka za infrastrukturne projekte na Igmanu i Bjelašnici u okviru ZOI-a? Apsolutno pozdravljam i ovo povećanje stavke od 25 000 000 konvertibilnih maraka koje tačno idu iz kreditnih sredstava za preduzeće, koje po mom ličnom stavu možda ima i najbolji menadžment u okviru preduzeća, ustanova u Kantonu Sarajevo. Ministar Delić je to, kada smo raspravljali o Nacrtu budžeta, rekao da oni gore imaju preko 100 000 000 spremnih projekata i naravno da im je potrebno odvojiti sredstva da te projekte realizuju, a vidjet ćemo kada se to realizuje, kako će to izgledati. Isto to govorim za Skenderiju, gdje ovaj grant porastao, također su kreditna sredstva sa 5 na 9,5, milijuna konvertibilnih maraka. Govorio je i ministar ovaj Mijatović u odgovoru na pitanja šta tačno očekuje pod tom stavkom. Ja to prvenstveno mislim na ovu rekonstrukciju Doma mladih. Ja sam bio tamo na sastancima, tamo postoji i oko 100, hoću da kažem koliko se vodilo računa o tom objektu koji nam je svima jel od velikog značaja, da tamo preko 100 000 000 konvertibilnih maraka potrebno je infrastrukturnih ulaganja da bi se dovelo u normalno stanje, kompletan taj kompleks Skenderije. A ja ne znam da li će mi šefica dozvoliti da govorim u ime Kluba, moram je pitati, evo dozvoljava mi, pa je, iznenadio sam sebe. Izrada projektne dokumentacije da poslovnu zonu Doglodi također budžetirana, čime se potvrđuje opredjeljenje, potpisan u mjerama skupštinske većine za naredni mandatnih perioda. Tekući transfer neprofitnim organizacijama iz oblasti sporta povećani za 2,5 milijuna, za kulturu također skoro 2 milijuna konvertibilnih maraka. Drago mi je da je budžetiran Muzej holokausta, odnosno njegovo osnivanje sa 50.000 KM. U Ministarstvu visokog obrazovanja, projekti naučno-istraživačke. Mogu ja i prekinu sa diskusijom, ovaj nije nikakav problem, ali evo, brzo ću stvarno završiti. Projekti naučno-istraživačke djelatnosti su dodatno uvećani, što pozdravljam. Ponavljam, važnost budžetiranja završetka projekta izgradnje Akademije scenskih umjetnosti. Drago mi je što ćemo ove godine nastaviti aktivnosti na rekonstrukciji i uljepšavanju prostora Kampusu Univerziteta u Sarajevu. I to posebno pozdravljam kao neko ko dolazi iz Starog Grada, kao kolega Čengić, što će se kroz sufinansiranje sa Gradom Sarajevo raditi zajednički na rekonstrukciji Trebevičke opservatorije kao jednog iznimno važnog projekta. U ministarstvu komunalne privrede postoji ova stavka za stambeni razvoj od 7 miliona. Ja sam mislio da je to ovo vezano za ova 2 projekta koji radimo za stambeno zbrinjavanje kroz sufinansiranje i kroz poticaj stanogradnju, ali nije bitno evo, nikad se nije desilo od kad sam ja tu u protekle 4 godine, da ta stavka nije povećana kroz raspodjelu i rebalans budžeta, da svi oni mladi koji se prijave na javni poziv, zadovolje usluge javnog poziva, na kraju dobiju ta sredstva. Znači, nikad se nije desilo da neko ko za zadovolji uslove javnog poziva ostane ispod crte zato što bude ograničen broj. Uvijek se ta sredstva nadomjestite da svi apsolutno koji zadovolje uslove javnog poziva i dobiju ta sredstva.

Ministarstvo financija, naravno, to uvijek kažem, pozdravljam ovih 20 000 000 isplate tužbi prema trećim licima kroz javni poziv, čime će se kroz jedan mandat, a posebno u posljednje 2 godine od kad je ministar Čičić tu, takva vrsta obaveza Kantona Sarajevo koja nas, tako da kažem mori desetinama godina, svesti na minimum, skoro u potpunosti ukinuti. U Ministarstvu pravde, naravno, veoma važan ovaj projekt budžetiranja projekta digitalne transformacije od izuzetne važnosti. Zahvaljujem se Vladi Kantona Sarajevo koja je moj zahtjev da Vlada ponovno budžetira rad dobrovoljnih vatrogasnih društava i uradila. Ne u iznosu kojim bi ja bio u potpunosti zadovoljan ali jel, krećemo se lagano, ponovno u dobrom smjeru. Oblast socijale, rad stavke za provedbu Zakona o podršci porodicama sa djecom, naravno, naravno, podržavam. I evo neću, zaista, evo, neću vam uzeti još ove 2 minute? Hvala vam na pažnji.

**Elvedin Okerić (Predsjedavajući)**

Šalite se ili ste ozbiljni. Replika, zastupnik Haris Zahiragić.

**Haris Zahiragić (poslanik/zastupnik)**

Predsjedavajući, s obzirom da ste vi nas zamolili da mi pokušamo skratiti diskusije imam nešto da vam kažem. Manje, nisam do kraja ozbiljan, ali eto, možete u neku ruku i shvatiti ozbiljno. Pa ovakvih saradnika ne treba vam opozicija. Vi ste nas zamoli da se ne javljamo, kolega Vībora je, usprkos činjenici da je tri, četiri puta kazao da neće dugo uzeo svoje vrijeme, a onda je od kolegice Vildane Bešlije. Ovo isto, ovo je jedan čist primjer kako da oni kažu dobar je budžet, pa onda ga elaboriraju narednih 15 minuta, tako i oni kažu kratko ćemo, pa.

**Elvedin Okerić (Predsjedavajući)**

Hajte se vi vratite na.

**Haris Zahiragić (poslanik/zastupnik)**

15 minuta. Repliciram kolegi Vībora, ja ću ovaj put zaista pokušat da mu kratko repliciram.

3 minute. Koliko imam vremena u sekundu. Ponder 2. Taj famozni sarajevski, vi kažete nećete vi halaliti pa opet nešto stavljate. Dakle, ponder 2 su usvojili i predložili zastupnici i Naše stranke? Jest, pa zato što ova parlamentarna većina je u medijskim istupima pokušavala predstaviti izmjene Zakona o raspodjeli javnih prihoda kao borbu SDA protiv građana Kantona Sarajevo, doslovno citiram. Pa mislim da ste i vi tako nešto rekli, misli sa mnom kad ste bili. Sada je to dokaz da se to nije desilo voljom SDA-a, nego svim strankama i da u suštini taj ponder 2 nije uticao presudno na stanje u Kantonu Sarajevo.

**Elvedin Okerić (Predsjedavajući)**

Ispravka krivog navoda zastupnik Bandić.

**Muamer Bandić (poslanik/zastupnik)**

Ako mogu zamoliti kolegu Harisa da nas više on ne brani, dosta smo se mi branili sami. Dakle, nismo mi izlazili u javnost i ova parlamentarna većina nije bila istog stava po pitanju tog pondera koji on navodi. Tako da mislim da treba da razdvoji izjave koalicionih partnera po tom pitanju.

**Haris Zahiragić (poslanik/zastupnik)**

E, gospodine Bandiću, niste svjesni kako funkcionišu stvari ovdje? Vi ste ušli u jednu organizaciju, jednu koaliciju i morat ćete trpiti sve posljedice toga. Ja, naravno, nisam na vas mislio i drago mi je da ste se javili, čekam da čujem vašu diskusiju za budžet. Sve vrijeme ste vrijedno čekali, nemojte se odustati kada su imali pravo po deset, petnaest minuta, i vi to recite što mislite. Ali nisam mislio na vas svakako, nego na kolege iz trojke.

400 000 000 koliko ste rekli, da je 400 000 000 amandmana bilo, 50 je opozicija kažete pokušala preraspodijeliti? Niste nam prihvatili ni jedan amandman, a tih 50 000 000 opozicija nije tražila sredstva iz, nova sredstva, niti je izmišljala prihodovnu stranu, nego je pokušala pametnije preraspodijeliti onaj dio sredstava koji ste vi kroz Nacrt planirali. Nezapamćeno i ne postoji nigdje da se od Nacrta do Prijedloga za ovako kratak period prihodovna strana do te mjere promijeni 22 %, je rekao kolega Marjanović. Znae koliki je to iznos sredstava. I ako vidite gdje su ta sredstva otišla, 50 % njih je otišlo u materijalne troškove, sitni i inventar, nabavki, usluge i povećanje. Evo završavam. I povećanje radnih mjesta. Nije, dakle, ovo od

Nacrta do Prijedloga Poslovnika epohalni budžet, nego što je kolega Albin Zuhrić genijalno prepoznao par ministarstava kapitalna politička je dobilo dodatni broj sredstava i mir, mir, mir nitko nije kriv, građani Kantona Sarajeva će to plaćati narednih godina. Hvala vam.

### **Elvedin Okerić (Predsjedavajući)**

Jedan od razloga ovako uspješnog Prijedloga budžeta je novi ministar financija, kao što je Stranka za BiH najavila. I svaka čast, čestitam.

Odgovor. Nemojte, nećemo ljudi završiti više. Nemojte, nemoj, ne može, ne može, ne može, ne dozvoljavam više. Odlutali smo od teme. Idemo zastupnik Faruk Kapidžić, riječ izvolite zastupniče.

### **Faruk Kapidžić (poslanik/zastupnik)**

Zahvaljujem. Evo koliko imam, 10 minuta? Dobro. Glede budžeta koji imamo pred sobom mogu da kažem da to je 4. Budžet koji ja gledam jel u svom životu od onog 2020 kad sam bio ministar, pa do sada i otprilike je isto. Uvijek je to, moglo bi se nazvati vodič kroz kriminal, jer ovo kako se formira budžet, to je ja, gdje god pogledam, ja vidim kriminal. E sad možda sam ja malo istraumatiziran, ali sigurno vam mogu uprijet prstima šta će se dešavati u ovoj godini po tom budžetu i gdje nećete biti transparentni, kao što niste bili ni prošle godine, kao što ni jedna Vlada nikad nije bila transparentna, i kao što je uvijek budžet formiran, tako da se 10 postao budžeta, ovaj provede neka kriminalna radnja, kupe glasovi i pripremi za izbore. E sad, ako uzmete da je ovo najveći budžet u istoriji tzn. da nas sljeduje najveći kriminal u istoriji i vrlo vjerovatno da će biti najnetransparentniji rad. A onda pošto imamo zamjerku od kolege da ako pričamo o kriminalu, to je kolega Samir fino rekao, da onda trebamo da navedemo točno gdje tko radi kriminal itd. Ja se slažem s tim. Međutim, ja kada sam bio u Ministarstvu zaustavljao sam jednog velikog moćnika SDA tada, koji je u svom poslu sa velikim novinarom bio zaustavljen u Ministarstvu i to ja ga zaustavio na Regulacionom planu Kvadrantu C i na izmjeni regulacionog plana i na urbanističkoj suglasnosti na ilegalnim stvarima. I kada sam to rekao, završio sam na spisku State Department za mržnju prema novinarima, i to kao ispred SDA. Prema tome, ako Samira interesu je da kažem poimenično, sjest ćemo i sve ću mu reći, pa nek on kaže javno. A isto se sprema i sa ovim Budžetom i sa svakim narednim, vrlo vjerovatno. Znači, ne idealiziram ja da može biti vlast bez određene količine kriminala, ali ovo što se sad dešava, to je otišlo u takvu krajnost da ni najgora SDA nije ni blizu ovoga bila. Znači, ovdje je, prešlo se na kriminal od par miliona maraka. Nisu to više sto ili 200 000. I pri tome i pri tome cijelo vrijeme se politike SDP-a, Naše iz stranke, i ovaj i Naroda i Pravde pretvaraju kao da su tobože, najčistiji i najpošteniji, a mi u SDA koji smo od jučer u SDA da smo krivi za sve. I vaša nedosljednost ne da se vidi kroz budžet, nego se vidi u svakom koraku koji pravite. Ja sam u Komisiji za ravnopravnost spolova jedini muško. U toj komisiji, jedini sam se bunio jer moje kolegice nije bilo, morala je izaći iz SDA, znači, ostao sam sa 4 žene, jedini sam se bunio i borio da se da se popravi slika broja žena u ovoj Vladi. U prošloj ste imali 4, sad imate 3. Gdje je Naša stranka tu? Gdje su vaši stavovi? Jel iko išta rekao? Jel iko probao da zamijeni ministra kulture i sporta sa ženskom osobom, pa da poravna onda neku situaciju koja se desila. To ste trebali vi, jer se vi, vi ste ti koji prednjačite s tim stvarima, a ja sam u SDA.

### **Elvedin Okerić (Predsjedavajući)**

Kolega pređite na Prijedlog budžeta za 2023.godinu.

### **Faruk Kapidžić (poslanik/zastupnik)**

Ja upravo pričam o budžetu obzirom da Vlada ima samo 3 žene tzn da, budžet je najveći, a ne znači da je najbolji. Da je više žena sigurno bio bolji i bolje i izvagan i izveden i urađen. Hvala.

## **Elvedin Okerić (Predsjedavajući)**

Zahvaljujem se. Zastupnica Mersiha Mehmedagić. Izvolite, imate riječ.

## **Mersiha Mehmedagić (poslanik/zastupnik)**

Hvala predsjedavajući. Iako je budžet uglavnom priča o brojevima ja bih htjela, ja bih ga htjela sagledati sa aspekta koje poruke on građanima pruža, odnosno šalje, jer sve politike padaju na budžetu. Možemo mi pričati šta hoćemo ako nismo to ostavili u budžet i dali građanima ono što smo im pričali, to ostaje mrtvo slovo na papiru. Ovim budžetom smo poručili građanima da ćemo podržati njihovu privrednu aktivnost, pa je u Ministarstvu privrede je 10 000 000 poticaja u primarnoj poljoprivrednoj proizvodnji, što se posebno pokazalo potrebnim kad smo bili u koroni u lock down, gdje smo vidjeli šta znači kada sami ne proizvodimo hranu. Pokazali smo, također i kroz poticaje razvoju male privrede šta nam znači mala i srednja poduzeća i koliko ćemo se osvrnuti i pomoći njihovom razvoju jer su oni nukleus razvoja svakog društva, svake ekonomije i tu se podržava sa 8.800.000. Ministarstvo zdravstva je po prvi put, a krenulo je to još i u prošlom mandatu, evo sada još jasnije, pokazalo da će ulagati i u preventivne programe jer to do sada zaista nije bio tako prepoznatljiv slučaj, pa se 2,5 miliona ulaže u programe prevencija, a što se više uloži u programe prevencije, doći će naše društvo, biti zdravije. Naše škole konačno imaju odgovor da ima para. Naše škole konačno više nisu samo objekti u koje se da samo onoliko, pa čak ni dostatno za ono puko održavanje. Znači, naše škole se održavaju, naše škole se opremaju kabineti se opremaju stručnom sofisticiranom opremom i to je najbolja poruka koja se šalje i radnicima u obrazovanju, ali i našoj djeci, da ulaganjem u obrazovanje i kapacitiranjem. Jel se zaista možemo slušati? U pozadini je cijelo vrijeme žamor, ja sam.

Znači ovim svim projektima nabavki u opremu, u osnovno obrazovanje i srednje škole se ustvari pokazuje nastavak onog odnosa koji je započet u prethodnom mandatu i koji će zasigurno dati sigurno bolje rezultate i pokazati da se zaista vrednuje i rad prosvjetnih radnika jer im se i naših učenika jer će im se obezbijediti adekvatni uvjeti za rad. Ono što je možda najbolja poruka kada se obraćamo mladim ljudima, onim koji žele da odu iz ove zemlje, zašto ne bi trebali to da rade, zašto im se bar malo nade i pruži da se nekad negdje kroz neki dokument, sistemski, kroz jedan zatvoren krug, razmišlja kako da se pomogne porodici? To je ovo što se radilo kroz Ministarstvo da radi socijalnu politiku, a što se i nastavlja i kroz ovaj budžet, gdje se nastavlja jedna snažna poruka porodici, gdje se poručuje da se ovdje vrijedi ostati, formirati porodicu, planirati proširenje porodice jer se vrednuju i ti naponi ljudi koji žele da imaju troje i više djece i ovom društvu ponude ono najbolje što mogu od sebe, konačno se vrednuje i daje se podrška porodici u Kantonu Sarajevo i da se krajnje ozbiljno misli, a ne populistički, to pokazuje ova Strategija demografskog razvoja, koja će zasigurno dati još bolje efekte i uprijeti prstom na koji način i kojim mjerama, sa kojim sredstvima i u kojim iznosima mi dugoročno trebamo da planiramo našu populacionu i provodimo populacionu politiku.

Korak kada čistijem Kantonu, a svi smo se složili da može i mora bolje, jeste definitivno financiranje, povećanje financiranja troškova i segmenta zajedničke individualne i komunalne potrošnje. I ukoliko želimo čistiji grad, onda mora da bude ovoliko, pa čak i više nekim internim preraspodjelama u toku godine. Mladima smo i do sada pružili podršku za zasnivanje porodica, za rješavanje stambenog pitanja i to se i dalje nastavlja kroz stambeni razvoj. Naš ruinirani stambeni fond, što javni, što privatni, vidi podršku u projektima energetske efikasnosti. Projekat vodosnabdijevanja, nadam se da više nikada neće biti upitan, da se nećemo više baviti redukcijama, da se završava naša vodovodna mreža. Planirano je 2,2, milijuna i u ovom budžetu, sufinansira se nabavke energenata da bi se pomoglo građanima da izađu, prevaziđu ekonomsku krizu, rast cijena energenata sa 2 000 000. Projekat upravljanja i saniranja deponije Smiljevići se 4,5 milijuna. To su sve jasne poruke građanima da su se njihove potrebe prepoznale i da će se u tom pravcu i raditi. Ministarstvo za visoko obrazovanje

i mlade, također, ima nastavak jasnog opredjeljenja da ne ide ispod standarda koji je već uspostavljen kada je ulaganje u visoko obrazovanje i nauku u pitanju. Inkluzija se provlači i pozicionira sada i u visoko obrazovanje. Do sada smo imali priliku samo čuti i o njoj se najviše pričalo u osnovnom obrazovanju. U Ministarstvu saobraćaja kroz 11 000 000 za nova vozila, kroz projekat rekonstrukcije tramvajske pruge. Rješavamo ono što je krvotok svakog grada, a to je javni prijevoz i sve su to dijelovi jednog zatvorenog kruga koji pokazuje kako jedna majka koja je trudna u sistemu u kojem npr. nije zaposlena, ima obavezno ima plaćeno zdravstveno osiguranje kad se porodi, bila zaposlena ili ne, ona će imati podršku od ovog Kantona. Kada se vrati na posao nadam se da će biti zaštićena i da neće biti mobingovana zato što je njeno dijete bolesno, pa je neće nitko maltretirati zbog bolovanja, pa će njeno dijete ići u vrtić koji će biti plaćen, bez obzira da li u javnom ili privatnom, pa će ići u bolje opremljenu školu. I dalje da ne ponavljam onaj krug. I mislim da svako od nas bi zasigurno mogao dati u nekom dijelu neku novu vrijednost ovom budžetu i sigurno rasporediti drugačije, pa i ja sama. Ali ovo što nudi ovaj budžet i ambicije koje je postavio ovaj budžet, bez obzira kako se konotirala ova razlika, od nacрта do prijedloga. Evo, kao pozicioni zastupnik obećavam definitivno da ću puhati za vratom svakom ministru da se sve ovo što je nacrtano i realiziraju, a isto tako pozivam i opozicione zastupnike, jer nismo opozicija građanima, mislim da smo tu na istom interesu i istom fonu i uvijek bi trebali biti, da sve što u međuvremenu vide, naravno, kao što su i do sad ukazali, izrazili neke sumnje, opravdane ili neopravdane, pokazat će vrijeme, da u tom kontekstu, naravno, i vrše pritisak i budu glasni i budu direktni i da ovaj budžet, kad budemo razgovarali o izvršenju, da možda tada budemo suglasni da je ovo zaista jeste najbolji i najrekordniji budžet za građane Kantona Sarajevo do sada. Hvala toliko.

### **Elvedin Okerić (Predsjedavajući)**

Prva diskusija zastupnik Muamer Bandić. Ajde vi, kolega Bandiću. Uzmite vi riječ, pričajte.

Hoćete li pričati kolega Bandiću?

### **Muamer Bandić (poslanik/zastupnik)**

Ja sam se javio kolega Okeriću čekajući kolegu Devića da vidim kakva će biti njegova diskusija pa da mu repliciram, ali evo kad ste mi već dali priliku, mada ona nije po Poslovniku, ali evo, ja ću je iskoristiti da ne bude.

Zahvaljujem se. Pa evo prije svega kolegica maloprije Belma Kapo je rekla jednu dobru činjenicu, odnosno ispričala jedan svoj slučaj u kojem je onemogućeno njoj kao najboljem studentu, čini mi se na fakultetu, da ima specijalizaciju u svom Kantonu. Nažalost, svaki oblik političkog djelovanja u ovoj Skupštini, a tako isto u Bosni i Hercegovini generalno se zasniva na tome je da se podijele sve aktivnosti na poziciju i opoziciju. I u onim slučajevima u kojima pozicija ima mogućnost da neku eventualnu aktivnost opozicije uzme u razmatranje naravno, to se nikada ne desi. Jedan od takvih primjera je bio i obećanje premijera Uka na prošloj sjednici, kada je rekao da će pružiti ruku i onim zastupnicima koji ne čini poziciju. Mislim da je bar jednim amandmanom trebalo da ispoštuje to svoje obećanje. Zbog javnosti ja sam morao da skrenem pažnju za ovo i rekao sam obećao da ću pratiti njegov rad i njegovo obećanje. U tom kontekstu mislim da na prvom ovom zadatku i nije baš ispoštovao svoje obećanje.

Što se tiče samog budžeta, Stranka za Bosnu i Hercegovinu nije pretjerano svojim programskim aktivnostima sudjelovala u ovom budžetu. Odraz ovog budžeta jest ustvari odraz politika trojke, koja već od ranije ima svoje zajedničke aktivnosti, zajedničko djelovanje. Ali, evo, nadam se da će u nekom narednom periodu od nekih 100 dana da ministar financija zajedno sa Vladom analiziraju sva prava i mogućnosti i možda da nam predlože neke aktivnosti ili možda čak i rebalans budžeta. I da u tom kontekstu, evo da kažem imam senzibiliteta i za našu

opoziciju, jer ipak, njihovi prijedlozi se odnose i na neka prava građana i mislim da ne bi trebalo u tom kontekstu da ih zaobiđemo. Što se tiče nekih pozicija u Budžetu mogu da iskažem svoje zadovoljstvo jer je kolega Čičić bio zaista korektan u dogovorima. I sve ono što je Stranka za Bosnu i Hercegovinu u prvom dijelu iznijela kao svoj zahtjev on je to uvrstio budžet i meni je zaista drago jer vidim da je pozicija osobama sa invaliditetom, odnosno udruženjima osoba sa invaliditetom povećana i zaista mi je drago zbog tih osoba i oni su to zaslužili. Također, i civilnim žrtvama rata je povećanja pozicija. I na tome mi bih se zahvalio ministru Čičiću. Ja sam postavio pitanje jedno u prethodnom izlaganju ministrici za rad, socijalnu politiku, ali ona nije u mogućnosti da odgovori na to pitanje, ja je razumijem jer je to bilo u nadležnosti prethodne ministrici i prethodne Vlade. Dakle, generalno, posljedice donošenja nekih zakona, a koje imamo uvećanje određenih naknada u stvari jesu odraz ovog budžeta, tako da svaki zakon koji se donosi treba da ima ekonomsku analizu i ekonomsku procjenu, međutim ti prijedlozi pojedinih zakona nisu imali čak ni fiskalnu procjenu zato imamo neku situaciju da ne možemo točno da utvrdimo koliko izdvajamo novca za određeno davanje. Mada bih želio da iskažem kao pohvalan postupak ministrici za rad i socijalnu politiku koja je vezana za izmjenu Zakona o socijalnoj zaštiti, zaštitu porodice sa djecom gdje su zaista porodilje imale možda najveće uvećanje svojih naknada od poslije rata. Ja sam bio u tom ministarstvu, jako dobro znam koliko je to, koliko je to osjetljivo polje i jako je teško pronaći novac, ali evo, ta Vlada, prethodna je imala jedan oblik političkog djelovanja koji su prepoznali i građani. Zamolio bih ministra financija dakle, da u narednom periodu u nekom roku od 3 mjeseca, može i 6 izvrši ozbiljnu analizu svakog od prava i da ovaj budžet analizira sa svih aspekata i da nam izađe sa jednim rebalansom budžeta u kojeg će se prihvatiti prijedlozi onih zastupnika koji ne čine poziciju. I na taj način pokažemo jedan potpuno drugačiji oblik političkog djelovanja u odnosu na onaj koji je bio emanentan za sve skupštine u prethodnim godinama. Vidio sam da je otvorena jedna posebna pozicija u Javnom komunalnom kantonalnemu preduzeću Vodovod i kanalizacija i za koji se izdvaja, a neki mnogi iznos sredstava od 5 000 000 konvertibilnih maraka, ako se ne varam, za obnovu i rekonstrukciju vodovodne mreže, i to istaći kao pohvalno od ove Vlade i mislim da u narednom periodu zaista treba da više novca izdvojimo upravo za tu aktivnost jer dobar dio naših građana, posebno u rubnim dijelovima grada, oni građani koji su branili ovu državu i obranili je nemaju adekvatne usluge, odnosno nemaju priključke na vodovodnu i kanalizacionalnu mrežu, a što je apsurdno u 21. vijeku. Tako da neću pretjerano kritikovati Budžet, ali ga neću posebno, evo da kažem ni afirmativno o njemu govoriti. One elemente za koje sam ja utvrdio da će i građani od njih imati koristi, ja sam iznio kao pozitivne, ali bih zamolio zaista i premijera i Vladu da više imamo senzibiliteta svi o zastupnicima i onim strankama koji ne čini ovu većinu. Ipak, moglo se naći dovoljno prostora da bar jedan od tih amandmana se prihvati i da bude Vladin amandman, da uopće ne može doći u priliku da se Skupština o njemu na ovaj način izjašnjava kako će to biti danas. Hvala.

### **Elvedin Okerić (Predsjedavajući)**

Aljoša Čampara, zastupnik, replika.

### **Aljoša Čampara (poslanik/zastupnik)**

Zahvaljujem predsjedavajući. Evo, kratko ću, ja se slažem s kolegom Bandićem ali na način da treba uvijek prihvatiti one amandmane koji su dobri i koji mogu doprinijeti je li poboljšanje budžeta, bez obzira je li dolaze od pozicije ili opozicije. Ali gospodine Bandiću, vi imate isto dva ministra u ovoj Vladi, ne znam, barem nisam siguran i jesu li oni možda učestvovali u odbijanju ovih amandmana ili su jednoglasno kao Vlada to ovaj prihvatili. Ne znam, stvarno nemam te informacije. Jednoglasno. Jednoglasno je sve. Ok, ako je jednoglasno, onda je to ovaj druga stvar, ali želim da kažem možemo mi ovdje sada populistički nastupati, znate, trebali

smo ovo ili trebali smo ovo. Trebali su vam možda ministri, ako smatrate, ako je to vaša politika, onda prihvatiti amandmane opozicije koja je podnijela amandmane i boriti se za njih na Vladi ili pozicije, ali opet govorim ako su ti amandmani stvarno dobri, realni i ako zaslužuju prostor u budžetu, bez obzira jesu li od opozicije ili pozicije. Tako da molim da sljedeći put nastupamo onako kako bi trebali stvarno nastupati, a nemojte da nastupamo ovako populistički, jer, znate, ne može se biti malo trudan ili ste trudan ili niste trudan.

### **Elvedin Okerić (Predsjedavajući)**

Odgovor na repliku zastupnik Muamer Bandić.

### **Muamer Bandić (poslanik/zastupnik)**

Ne znam koliko me je slušao uvaženi kolega Čampara. Ja sam prije svega iznio obećanje premijera Uka na prošloj sjednici. A to obećanje se odnosilo na njegovu, na njegovu izjavu da svi oni koji smatraju da mogu doprinijeti radu Skupštine, pa i Vlade, da će njegova ruka biti pružena. Ja nisam kritikovao niti branio ministre koji dolazi iz Stranke za Bosnu i Hercegovinu, niti sam razdvajao to, kritikovao sam, dakle, postupak, konkretno premijera Uka, a i kritikovao sam stav Vlade, cjelokupne Vlade, ukoliko je stav bio takav. Međutim da vam skrenem pažnju, ja ne ulazim na sjednice Vlade, pa ne znam šta se dešava na vladama, ja sam u zakonodavnom organu i nemam pravo da uđem tamo. Možda netko ko ima pravo da uđe tamo, pa ovaj da raspravlja sa ministrima, možda nam on može reći, skrenuti pažnju šta se dešava na toj Vladi, ja nema. A što se tiče konkretno prijedloga koji bi bio od koristi, bez obzira ko ga predlaže, da li pozicija ili opozicija, evo ja ću skrenuti pažnju na amandman kolegice iz Stranke i demokratske akcije Vitiškić, a kojise odnosi na Veterinarsku stanicu. Prema našim informacijama, ti ljudi tamo nisu primili platiti od 6. januara. Mislim, mislim da to nije u redu i mislim da taj amandman, evo, ukoliko ga je bilo ko razmotrio, ja bih ga prihvatio, s tim da ja nisam, sad sam vam rekao član Vlade. Ali isto tako neću da dozvolim da ona obećanja koja je ova većina dala, a koja su ogledaju u nosiocu izvršne vlasti, našem premijeru, i za kojega smo i mi stali, da ta obećanja ne budu ispunjena. U tom kontekstu sam kritikovao taj njegov postupak. Hvala.

### **Elvedin Okerić (Predsjedavajući)**

Replika, zastupnik Aljoša Čampara.

### **Aljoša Čampara (poslanik/zastupnik)**

Zahvaljujem predsjedavajući. Gospodin Uk je podnosio ekspozice. Kad podnosi primjer ekspozice, podnosio ga u ime cijele Vlade. Dakle, on je prvi među jednakim primus intepares. I sasvim je jasno da treba svi da radimo pružene ruke. Ako se to odnosilo na gospodina Uka koji je podnio ekspozice, dakle, odnosilo se na cjelokupnu Vladu. Ja samo želim da kažem sljedeće, svaki amandman koji je dobar, koji može doprinijeti zajednici, treba ga prihvatiti, ali isto tako kažem da se ne trebamo ovdje praviti ljudi ili da nismo dio vlasti, ili da nismo dio parlamentarne većine, ili da su dvojica ministara iz jedne stranke bili tu, dvojica nisu trojica, svi su bili tu, svi su glasali, svi su donijeli jednoglasno evo kako smo sada čuli odluku, zato sam pitao je li bila jednoglasna odluka. I sada odjednom nastupamo ovdje na jedan sasvim drugi način. Ja to želim da kažem i želim da kažem da onaj koji je dio parlamentarne većine to nije jednostavno, to je teško, to je odgovornost, to su kritike. I moramo se pomiriti s tim. Kad ste vlast, onda morate biti spremni, da snosite i kritike, da budete strpljivi, da budete odgovorni, ali ne možete malo biti vlast, malo opozicija u isto vrijeme, možete u jednom mandatnom periodu biti vlast ili opozicija, ali ne možete nikako i vlast i opozicija. Zato sam se javio upravo i replicirao na ove stvari i odsad ću se stalno javljati na ovakve stvari i replicirati.



**Elvedin Okerić (Predsjedavajući)**

Zastupnik Mahir Dević. Odgovor replika druga i drugi put posljednja. Zastupnik Muamer Bandić.

**Muamer Bandić (poslanik/zastupnik)**

Mislím, stvarno gospodine Čampara mi je rekao da netko ne može biti vlast i opozicija, on je vlast u Kantonu, opozicije u Federaciji, a sjedi u Vladi Federacije. Mislím da je to nešto što ja stvarno nisam do sad vidio u dosadašnjem političkom djelovanju, ali eto. Ja nisam ovdje opozicija, ja sam ovdje gospodine Čampara, dakle pozicija, ali ću kritikovati sve ono što smo mi obećali, a ne radimo u tom pravcu. Nisam se referirao samo na gospodina Uka, referirao sam se na cijelu Vladu, a u toj Vladi su, dakle, dvojica, dvojica ministara iz Stranke za Bosnu i Hercegovinu, i ta kritika se odnosila na cjelokupnu Vladu, a osvrnuo sam se na premijera zato što je u ovom svom ekspezu, to, kako ste vi dobro rekli, ovaj i najavio? Hvala.

**Elvedin Okerić (Predsjedavajući)**

Zastupnik Mahir Dević se javio. Da li je replika? Hvala.

**Mahir Dević (poslanik/zastupnik)**

Prva diskusija. Mislím onom logikom od maloprije, prva diskusija u ime Kluba.

**Elvedin Okerić (Predsjedavajući)**

Hoćete da budete smiješni? Ali evo sad ću da vam kažem. Član 87, ni jedan poslanik zastupnik ne može govoriti drugi put dok se ne iscrpi lista prvog prijavljivanja.

**Mahir Dević (poslanik/zastupnik)**

A koliko vam je govorilo ljudi?

**Elvedin Okerić (Predsjedavajući)**

Što znači da je.

**Mahir Dević (poslanik/zastupnik)**

Koliko vam je govorilo ljudi u drugoj diskusiji?

**Elvedin Okerić (Predsjedavajući)**

Oduzimam vam riječ. Zastupnica Vildana Bešlija ima riječ zato što se prvi put javlja. Izvolite, Zastupnice Bešlija.

**Vildana Bešlija (poslanik/zastupnik)**

Hvala na dozvoli da diskutujem prvi put. U cilju analize i obrazloženja predviđenog budžata želim istaći da je još jednom 127 subjekata učestvovalo u javnoj raspravi i dodatno je traženo preko 46 000 000. Nekako ovo želim da naglasim jer se bojim da se u cjelodnevnoj diskusiji možda izgubilo to iz vida. I tako da, naravno, nisu svi zadovoljni jer nije se ni moglo udovoljiti ovolikom broju zahtjeva, jednostavno 460 000 000 i nema. Neko mora ostati nezadovoljan. Možemo pričati šta hoćemo, ali činjenica da je nakon desetljeća upravljanja Kantom Sarajevo, Kanton Sarajevo izlazi iz deficita, čak je ustvari određeni suficit u iznosu od 55 000 000 i pokriju 20 000 000 po osnovu tužbi iz radno pravnih procesa. Svjesni situacije i smanjenja sredstava koje je Kanton Sarajevo dobijao zbog izmjene Zakona o ponderu, Vlada

je određena sredstva svjesno smanjila, odnosno umanjila svoje aktivnosti krajem godine, pokušavajući biti spremna da odgovori tom izazovu, odnosno da na neki način pokuša amortizovati udar za koju smo bili svjesni da nam predstoji u 2023. godini. Kada je u pitanju zaduživanje, Kanton Sarajevo neće preći limit, to smo više puta čuli, a taj limit je predviđen članom 7. Stav 2. Zakona o dugu, zaduživanju i garancijama u Federaciji BiH, to je puni naziv. Više sa zastupnika nekako na ovo pozivalo, pa evo da budemo konkretni. S obzirom da se više puta to spominjalo, pročitati ću ovaj stav i nadam se da će malo biti jasnije." Kantoni se mogu dugoročno zadužiti ukoliko u vrijeme dugoročnog zaduživanja iznos servisiranja duga za ukupan unutrašnji i vanjski dug i garancije koje dospijevaju u svakoj narednoj godini, uključujući i servisiranje za predloženo novo zaduženje i sve zajmove za koje su izdate garancije kantona ne prelaze 10 % prihoda ostvarenih u prethodnoj fiskalnoj godini u okvirima ukupnih ograničenja, u skladu sa procedurom definiranisanom u stavu 5 ovog člana". U ovom budžetu je to ispoštovano, tako da nema razloga da dižemo uopšte paniku ni među građanstvo ni u ovoj sali, znamo da je zaduženje nekih 5 %, tako da stvarno možemo biti ponosni na ovo sve što je do sada Vlada pokušala da predvidi i uradi. Povećanje prihoda od poreza na dohodak za 5, 95 %, u odnosu na projekciju Federalnog ministarstva financija jasno je iz obrazloženja ovog dokumenta, ako smo čitali, zbog toga što je u zadnjoj sedmici februara, tačnije 23. februara Vlade Kantona Sarajeva potpisala sporazum sa koordinacijom svih sindikata koji primaju plati iz Budžeta Kantona Sarajeva o dodatku na platu u 2023. godini, na osnovu kojeg će svim uposlenicima koji ostvaruju pravo iz radno pravnog odnosa i primaju plaću iz Budžeta Kantona Sarajevo u ovoj godini obračunati mjesečni dodatak na platu u neto iznosu od 100 konvertibilnih maraka, i to sa svim pripadajućim porezima. Ovo kada pričamo o razlici u odnosu na Nacrt, ovo je jako važno spomenuti kog datuma i šta je usvojeno i po osnovu čega dolazi do povećanja. Također, u drugoj polovini 2022. godine potpisan je kolektivni ugovor za sektor obrazovanja koji obuhvata i predškolsko, osnovno, srednje i visoko obrazovanje, kao i sektor kulture i sporta koji predviđaju povećanje koeficijenata, a time i povećanje ukupnog poreza koji skoro u cijelosti pripada Budžetu Kantona Sarajevo, a koji nije bio predmet ostvarenog poreza na dohodak u prošloj godini, na osnovu čega se radila projekcija i Nacrt budžeta. Osim povećanja plata kod budžetskih korisnika u Kantonu Sarajevo za 2023. godinu, povećanje plata će se realizirati u komunalnim javnim poduzećima, po prvi put nakon ne znam koliko godina, koji su u vlasništvu Kantona Sarajevo, u skladu sa novim potpisanim kolektivnim ugovorom početkom isto, zamislite kad, 2023. godine.

Tako da i to govori u prilog ovom odstupanju Nacrta, odnosno Prijedloga u odnosu na Nacrt. Broj zaposlenih u Prijedlogu budžeta Kantona Sarajevo za 2023. je veći za 60 u odnosu na Nacrt, a povećanje se odnosi na budžetske korisnike. I to osnivanje dva ureda pri Vladi Kantona Sarajeva, i to smo čuli da se spominje, znači Ured za dijasporu, Ured za Srebrenicu. Također, zaposleni za povećanje broja zaposlenih za Sarajevsku filharmoniju, nažalost, samo 6. Žao mi je što nismo mogli postići zapošljavanje 12 zaposlenih, koliko je potrebno da u ovoj godini, kada Sarajevska filharmonija slavi svoju stogodišnjicu postojanja, po prvi put ima potpuni sastav muzičara koji podrazumijeva da dumačkom korpusu Simfonijskog orkestra svaki instrument svira minimalnu dvoje instrumentalista, što je minimum za svaki orkestar i određeni broj novozaposlenih u sektoru obrazovanja.

U skladu sa ovim povećanjima, Kanton Sarajevo očekuje i veći priliv prihoda od poreza na dohodak u 2023. godini, povećan je i porez na dobit firmi u Kantonu Sarajevo koji prijavljuju poslodavci, tako da je povećanje budžeta opravdano te se nadam da će sada iz ovoga biti sve mnogo jasnije. Kada su u pitanju ostala ulaganja želim napomenuti da je posebno važno da se po osnovu dostavljenog projekta iz SARTR-a, recimo, povećana, odnosno obezbjeđena određena sredstva za obnovu elektroinstalacija, rekonstrukcija, obnova garderobe, jer naša pozorišta su u takvom stanju da neke osnovne stvari moraju biti podmirene, pa evo bar da se

krene s tim. Narodno pozorište također, drago mi je da je bar djelomično usvojena primjedba Narodnog pozorišta na pozicijama za realizaciju plana i programa i nadam se da će se iznaći mogućnost za dodatnim sredstvima da im se poveća, zajedno sa ostalim kulturnim institucijama u narednom periodu. Nadam se da će se, također, moći udovoljiti i dodatnim zahtjevima Zavoda za kulturno, historijsko i prirodno nasljeđe kojem je potrebno obezbijediti dodatna sredstva za zapošljavanje stručne osobe koja će raditi na projektovanju obnove fasada i doprinijeti će dodatnom proširenju rada. Drago mi je što u Ministarstvo saobraćaja ove godine će se nastaviti ulaganje u saobraćajnu infrastrukturu, uvezivanje saobraćaja i realizaciju projekata za adeptivno upravljanje, ali i da će se početi raditi na planiranju više parkinga za bicikle. Kada je u pitanju Ministarstvo visokog obrazovanja, pozdravljam nastavak obnove i uređenje Kampusa koji će postati novi urbani centar Sarajeva sa mnoštvom sadržaja koji će biti dostupan mladima. U toku je izgradnja studentske biblioteke i uređenje samog prostora sa parkovskom površinom. I drago mi je da su obezbijeđena sredstva u ovogodišnjem budžetu za pripremu projektne dokumentacije za obnovu kotlovnice, tj objekta 28 u Kampusu i koji predstavlja dodatne kapacitete Univerziteta i unapređenja kvalitete obrazovanja. Ovo je nešto što sam u ime Kluba prošle godine podnijela i također mi je posebno drago da se nastavlja projekat poklon bona kulturnog sadržaja za mlade. I sada već druga godina za redom, meni tzn da, nekako ćemo u doglednom periodu postići to da to bude stalna stavka u budžetu. Nadam se da će Ministarstvo osnovnog i srednjeg obrazovanja, uz obnovu parka u sklopu osnovne škole Podlugovi, uspjeti prilagoditi na neki način da imamo tu drvenu učionicu na otvorenom jer su to građani s tog dijela tražili, da će se pronaći sredstva za to, ali i za ekološki projekat koji obuhvata i zdravu ishranu, a to su mali vrtlari, te nastavak projekta zdrave ishrane i obnova kuhinja u školama, te popis svih potrebnih ulaganja za obnovu i adekvatno održavanje škola koje je ministrica i spominjala. Posebno je važan projekat za koji je Ministarstvo pravde se založilo, a to je projekat unapređenja procesa javne uprave, tačnije za digitalizaciju javne uprave i digitalne transformacije, za koji su obezbijeđena dodatna sredstva u samom prijedlogu. I sada imamo tu na raspolaganju 200 000 konvertibilnih maraka. Ministarstvo privrede je također mogu pohvaliti za povećanje sredstava za infrastrukturno uređenje poslovnih zona, kao i obezbjeđenje sredstava za nastavak investicijskog zahvata ZOI-a., Ali bih voljela da se za Skenderiju moglo obezbijediti više novca, kao i za Veterinarsku stancu, te se nadam da će se u narednom periodu to moći korigovati.

Konačno ćemo imati u hospis u Kantonu Sarajevo, jer mnogo manje sredine to imaju i evo u 2023 i to ćemo postići. Voljela bih da u Ministarstvu komunalne privrede, infrastrukture i zaštite okoliša pronađu se finansijska sredstva za dodatnu nabavku vozila za KJKP "RAD" i nabavku dodatnih i zaštitu postojećih posuda za odlaganje otpada jer znam da je u toku izrada strategije u ovom segmentu u preduzeću "RAD", te shodno tome mišljenja sam da treba to dodatno podržati. Još uvijek nemamo planiranje budžeta po rodno odgovornoj klasifikaciji, ali je pohvalno što svi javni pozivi sada imaju obaveznu stavku, a to je da se zadovolji i ovaj aspekt. Ne znam koliko je to poznato javnosti, ali Kanton Sarajevo to već primjenjuje u prošloj godini. Znači, time se definira da su svi oni koji imaju javne pozive moraju to ispoštovati. Nadam se da ćemo moći vrlo brzo imati određenu vrstu podataka, bar iz prošle godine po tom osnovu i da ćemo učiniti sve da uvedemo još neka poboljšanja po pitanju rodno odgovornog budžetiranja i prije zadatog zakonskog roka koji je za 2027. godinu zakazan. Hvala vam na strpljenju.

### **Elvedin Okerić (Predsjedavajući)**

Zastupnik, jel Zahiragić sad ili Dević, ko je prije? Zastupnik Mahir Dević.

### **Mahir Dević (poslanik/zastupnik)**

Hvala. Kratko ću. Samo u pravo diskusiji nisam spominjao ovu budžetsku stavku koja je vezana za presude. Zamolit ću premijera Kantona Sarajevo da se o toj stavci povede računa. Postoji jedna grupa radnika koja ima presudu Ustavnog suda još u 2018. godini je bila presuda Ustavnog suda, od 2006 godine. Čekaju. Radi se u stvari o 170 ljudi koji su dobili presudu, čini mi se da je ova Sarabon u pitanju. Ne znam točno sve detalje oko toga, ali evo premijeru, apelovao bi na vas da se uključite u ovo pitanje, da primite te ljude da vidite. Ja znam kada je bio ministar financija doktor Halebić da, ove presude su ustvari išle po brojevima onako kako su po datumima, sa suda dolazile, tako su se isplaćivale. Ne znam o čemu su ovdje, do detalja konkretno radi. Obaviti ću s njima jedan sastanak, ali ukoliko smo u situaciji da imamo ovakav budžet veoma visok i da imamo sada ove ljude koji po presudi Ustavnog suda, kako sam informiran, naravno, trebam i ja sve to da provjerim, čekaju toliko dugo, mislim da bi dobro bilo da se ti ljudi uzmu u obzir, jer cirka 170 ljudi je navodno u pitanju. Pa evo premijeru ja ću vas zamoliti da pribilježite sebi to i da povedete računa onoliko koliko možete u narednom periodu. Naravno, evo, još ću se referirati na ovu neku našu saradnju. Kolega Bandić je ja mislim to dobro govorio, ne bi ja to ovaj tumačio nikako, nego onako kako je on kazao. Mislim da je korektno to kazao ova djela oko amandmana na budžet Kantona Sarajevo ipak govore da ste vi donijeli isključivo političku odluku odbivši sve amandmane. Znači nemoguće je da od sedam, osam amandmana koje je dala SDA, dvadesetak koji je dao DF, niste ni pincetom mogli da izvučete jedan amandman pa da kažete evo, hoćemo usvojiti. Znači vi ste donijeli jednu političku odluku koja ne korespondira s onim što je premijer najavio u ekspoziciji i ja bi volio da ta situacija bude čista i jasna. Ona je u proteklom mandatu bila takva da premijer Forto nikada nije pozvao ni na kakvu sa radnju s opozicijom. Ja ga nisam čuo to nikad, nit nas je kad pozvao na neki ozbiljan razgovor. Volio bi da to bude drugačije i da se ti odnosi definišu. Nemoguće je, evo, kolega Čampara je to spomenuo, pa nemoguće je da od ovih 27 amandmana nema ni jedan koji nije u interesu građana, ima sigurno tu jako dobrih amandmana, za koje bi vjerojatno većina vas možda i glasala, ali ste obavezani nekim koalicionim političkim dogovorom u kome sam, evo, ja čuo, ne znam kolegu Samira koji kaže ja neću glasati ni za jedan taj amandman i sad on pravi neku vrstu obrazlaganja.

### **Elvedin Okerić (Predsjedavajući)**

Vrijeme kolega Deviću.

### **Mahir Dević (poslanik/zastupnik)**

Naravno da je to iz političkih razlog., mi ne možemo, naravno, iz tog razloga prije svega dati podršku ovom Budžetu Kantona Sarajevo, a naravno, pratit ćemo njegovu realizaciju, kao što smo pratili i prethodnih godina. Hvala.

### **Elvedin Okerić (Predsjedavajući)**

Zastupnik Haris Zahiragić se javio za riječ.

### **Haris Zahiragić (poslanik/zastupnik)**

Hvala kolega Okeriću. Pa u drugoj diskusiji imao bih kratko potrebu samo apostrofirati činjenicu da je ovo historijski visok Budžet u Kantonu Sarajevo, a da je historijski nizak nivo kapitalnih i planiranih, a u prošloj godini, nažalost, na koju se ova godina i naslanja, realizovanih kapitalnih projekata. Dug i kredit od 177 000 000 u ovoj godini, ukoliko se doda u konačan zbir, što je kolega Zuhrić dobro kazao, bit će u nominalnom iznosu, pola milijarde maraka u Kantonu Sarajevo. Samo kamate, 22 su planirali kroz Nacrt, a u Prijedlogu su

23 000 000 plaćamo samo za kamate ove godine. Svi citiranje bilo kojeg propisa, zakonskog, priča o tome kako mi nismo prezaduženi u kontekstu i poređenja nas možda sa Kongom, možda i nismo, ali u poređenju s onim što je Kanton Sarajevo bio prije nego što ste ga vi preuzeli, itekako jesmo. Rast budžeta koji nije morao ići ovoliko ne bi se desio, tako ni kredito zaduženje, da jednostavno nisu dizali kredite da bi davali ugovore, nabavljali sitni inventar, bavili se tenderisanjem koje nije kapitalno, koje nije nužno, zapošljavali ljude, povećavali broj zaposlenih u Kantonu Sarajevo na historijskom nivou visok, iako ste u platformama i programima govorili da će se boriti za smanjenje administracije, sve što ste obećali, zapravo niste ispunili, pa čak ni sada kada imate historijski visoko budžet. Spominjete Univerzitetsku biblioteku, to je projekat stariji nego što su neki od vaših stranaka. I da 17 000 000 skoro bespovratni kredit koji će biti otpisan, to kada SDA dogovara, vi kada dogovarate, plaćamo 23 000 000 kamata godišnje.

Sad govorim o Kantonu. Stambeno zbrinjavanje mladih ni na koji način nije ovdje adekvatno tretirano. Kapitalni projekti drugi. Svi projekti vezani za mlade. Puna su vam usta mladih bila, nema ništa vrijedno pomena. Kategorije, izvrsni i Zlatne značke, Srebrne značke, prvaci u različitim oblastima, jednostavno u odnosu ranije godine, a imajući u vidu činjenicu koliko sredstava je planirano, ni na koji način nisu adekvatno tretirani?

Privreda i sabračaj koji ste podigli sa 50. na 100 000 000 od Nacrta do Prijedloga, kao i kultura i sport kojim ste u značajnoj mjeri podigli sredstva, govori o tome da ste zapravo odabirom, davanjem Našoj stranci premijera morali kompenzirati kroz Budžet SDP-u i Narodu i Pravdi sa njihovim ministarstvima koje favoriziraju. Nažalost, jedini u toj raspodjeli Stranka za BiH nije to tako posmatrala, ali evo na svu sreću imaju ministra finansija. Pa ono, kako se kaže džabe ste krećili? Vjerojatno ako se nastavite ophoditi tako prema njihovim zastupnicima koji su tražili da se podrže naši amandmani, ja im se zahvaljujem, tek onda nećete, nigdje dospjeti jer mislim, mislim da su vam oni uslov za opstanak parlamentarne većine. Kada su amandmani u pitanju, još ću to reći i neću više, vrlo bi bilo bitno da ste podržali neke od amandmana. Neke od njih smo uputili, na primjer. Evo, završavam samo da. Puno bi isplativije bilo da ste 2 000 000 koja smo mi planirali dali u brzorastuće biznise, njih pedeset. To je bi se narednih 5 godina oplodilo do 100 000 000 budžeta u Kantonu Sarajevu, nego što nabavljate gumice, olovke kancelarijski materijal. Boga pitaj od koga, hvala vam, hvala.

### **Elvedin Okerić (Predsjedavajući)**

Zastupnica Marijela Hašimbegović. Replika, oprostite, replika zastupnik Muamer Bandić.

### **Muamer Bandić (poslanik/zastupnik)**

Pa želim samo kolegi Zahiragiću da repliciram. Dakle, uopće nije upitno da li će Stranka za Bosnu i Hercegovinu podržati i budžet i ovu većinu. Dakle, ukoliko sam pogrešno razumio, evo izvinjavam se kolegi Zahiragiću, ali na toj razini, dakle, da razjasnim s njim i sa bilo kim drugim koji ima neku sumnju. Dakle, mi ćemo, naravno, podržati ovaj Budžet i podržat ćemo ovu većinu, ali kritike prema Vladi da su tamo samo naši ministri, Stranke za Bosnu i Hercegovinu, ukoliko nešto smatram da nije u redu, ja ću kritikovati jer je to moje pravo koje mi je zagantovano Ustavom i neću se tog prava nikad odreći. To percepciju o tome da li je nešto dobro ili nije možemo imati različitu, ali u svakom slučaju, evo kolega Zahiragiću dakle, nije uopšte upitno da li će biti podržan ovaj Budžet i da li će biti upitna većina što se tiče Stranke za Bosnu i Hercegovinu. Hvala.

### **Elvedin Okerić (Predsjedavajući)**

Replika, zastupnik Zahiragić.

### **Haris Zahiragić (poslanik/zastupnik)**

Uopšte nisam to kazao, nego sam kazao da Stranka za BiH, iako nije kroz raspodjelu ministarstava i kroz Prijedlog budžeta ispoštovana, nije ispoštovana, imate ministra financija, pa sam siguran da će on ono što je, kaže, spriječiti svaku vrstu, želim da vjerujem, lošijih radova u Vladi Kantona Sarajevo. S druge strane, kazao sam da ste vi kao zastupnik podržali naše amandmane i rekli da ima dio njih ispravnih i da mislim da je to ispravan metod, a to da li ćete vi biti u parlamentarnoj većini ili nećete, to isključivo vaša odluka. Ako vas zanima moj subjektivnih stav, a pozvali ste ga, na koji način vas tretiraju ja nikada ne bih mogao biti u tome, ali to je vaš politički izbor i ja ga poštujem, hvala.

### **Elvedin Okerić (Predsjedavajući)**

Hvala kolega Zahiragiću. Zastupnica Marijela Hašimbegović.

### **Marijela Hašimbegović (poslanik/zastupnik)**

Zahvaljujem se predsjedavajući. Vrlo ću kratko. Ostali smo uskraćeni za informaciju od ministra privrede koji je rekao da će stavku Tekući transferi turističkim zajednicama u iznosu od 1.500.000 biti skinuta sa budžeta, odnosno da će biti preraspodijeljena, pa me zanima ko će je preraspodijeliti i na koju stavku će preraspodijeliti. Hvala.

### **Elvedin Okerić (Predsjedavajući)**

Sad smo trenutno na raspravi, nismo na pitanjima, tako da.

### **Marijela Hašimbegović (poslanik/zastupnik)**

Pa i ovo je rasprava, ovo je rasprava jer trebamo znati gdje će 1.500.000 ako nisu na toj poziciji, moramo znati na kojoj će poziciji biti, ko će donijeti tu odluku?

### **Elvedin Okerić (Predsjedavajući)**

Zastupnik Rusmir Pobrić.

### **Rusmir Pobrić (poslanik/zastupnik)**

Hvala predsjedavajući, vrlo kratko, moram se referisati na ovo što je kolega Zahiragić iznio vezano za budžet koji nije ostavio nikakav pečat kad je riječ o institucionalnoj brizi o mladima. Žao mi je što kolega, iako je uredno najavio odsustvo, nije bio na posljednjoj sjednici Komisije za mlade, gdje su predstavnici ministarstava došli iz 4 ministarstava i detaljno nam prezentirali sve stavke koje se u ovakvo koncipiranom budžetu ne vide, ali ono što će biti u programu utroška svakako će slika biti puno jasnija. Mislim, vrlo ću kratko da je zadržan dostignuti standard iz proteklih godina i da su još određeni iskoraci napravljeni i danas se o njima govorilo.

I kad je riječ ovo, s obzirom da je kolega spomenuo i stambeni razvoj, dakle nova stavka u budžetu od preko 6 000 000 maraka za izgradnju stanova koji će opet biti namijenjeni rješavanju ovog pitanja za populaciju mladih.

I još nešto, dakle, jako je puno kolega iz opozicije pokušavalo predstaviti ovaj budžet koji je zaista revolucionaran i dobar, kao dužnički.

Ja shvatam to, shvatam traumu. Dakle, za Vladu, za koju su oni preuzeli odgovornost, Federalnu Vladu zadužiti se samo za 3 projekta preko 600 000 000 maraka i uništiti sva tri, poput tunela Hranjen, Termobloka u Tuzli ili hidrocentrale Vranduk i zadužiti se preko 600 000 000 i da iza toga ne ostane ništa to jeste trauma. Ja ovo nimalo ironično ne govorim,

iz toga treba izvući pouku i ne smijemo nikad dozvoliti u Kantonu Sarajevo da se zadužimo za projekte koje ćemo uništiti i iza kojih neće ostati ništa. Hvala.

**Elvedin Okerić (Predsjedavajući)**

Replika, zastupnik Zahiragić.

**Haris Zahiragić (poslanik/zastupnik)**

Uz dužno poštovanje, dakle, činjenica da ja nisam bio na Komisiji, a opravdao sam je zbog toga što imao drugu Komisiju u Domu naroda, ne daje vama za pravo da kažete da je ovo revolucionaran budžet kada su u pitanju mladi. Odnos ove politike, ako ćete da budem do kraja iskren, pored toliko mladih zastupnika da je vas parlamentarna većina stavila za predsjednika te Komisije, iako ste, uz dužno poštovanje, mladoliki, ali niste mladi prema Zakonu o mladima najbolje govori kakav je vaš odnos prema mladima. Ja znam da ste vi kao mladi imali želju, vjerojatno da budete političar aktivista, da vam se to ostvarilo u nekim srednjim godinama i da sad pokušavate tu svoju frustraciju prebaciti tako što vi meni govorite da sam ja fasciniran i frustriran, uplašen Vladom Federacije i tim kreditima? To što vi pokušavate, gospodine Pobriću, svaki put kada govorimo o kantonalnoj vlasti, prebaciti na nivo Federacije i na neki personalan nivo, mene ne zanima zaista. Do kraja da budemo otvoren, ni tunel Hranjen u ovom konkretnom slučaju, ni bilo koji drugi projekat nego Budžet Kantona Sarajevu, a Budžet Kantona Sarajeva je opterećen ako se ovaj kredit realizira pola milijarde maraka. Dok ova parlamentarna većina prije vas, vi niste bili u skupštini nije došla nije bio toliko opterećen, bio je ukupno opterećen ispod 100 000 000. Ti milijuni, mnogi su potrošeni za neke projekte koji nisu realizovani, ne trebali su biti. Aneksirani su ugovori po dva, tri puta, sakriveni su ugovori, pa ćemo vidjeti da li utrošena ta sredstva, kreditna kako treba ili nisu, jednom kada uđemo u institucije. Tako da sve što ste rekli otprilike ne koincidera sa istinom i molim vas da nemojte više na ovako nekom nivou personalno pokušava da replicirate i debatirate sa mnom.

**Elvedin Okerić (Predsjedavajući)**

Replika zastupnik Mahir Dević.

**Mahir Dević (poslanik/zastupnik)**

Hvala predsjedavajući. Ne znam, kolega, ako ste na nas mislili, a vjerojatno jeste, da je za nas neka trauma, ja mislim da bi za vas trebala biti trauma ovo stanje u Kantonu Sarajevo i ovo nasljedstvo iz Kantona Sarajevo ste vi i podnijeli u vaš politički projekat? Ako to fakturšete ovim ljudima ovdje u Klubu SDA, morate znati da su to ljudi koji su potpuno novi i nisu učestvovali ni u toj vlasti, ni u Vladi, ni federalnoj, ni kantonalnoj, niti su promijenili četiri komesara boreći se za sigurnost u Kantonu Sarajevu, gdje nam policija nema cipele za obući. Nit su ovi ljudi ovdje vodili Kanton za razliku od vašeg najužeg rukovodstva vaše stranke. Ne vidim im razlog zašto vam je trebala jedna takva diskusija na samom kraju ovaj oko ovog budžeta, jer mislim da vam uopće ne ide u prilog. Znači nikakvu vrstu mi traume nemamo, mi smo ovdje potpuno relaksirani, otvoreni za saradnju, a te traume su dio vašeg političkog projekta. Hvala.

**Elvedin Okerić (Predsjedavajući)**

Zastupnik Irfan Čengić se javio. Druga diskusija.

### **Irfan Čengić (poslanik/zastupnik)**

Hvala. Dakle, koristio sam drugu diskusiju, a ne repliku, jer nisam želio nikome da repliciram, već govorim o dugu, jer to nisam stigao u prvom. Dakle, koliko se god trudio neko da prikaže da je ovaj dug velik, koji god parametar da koristite, vidjet ćete da nije. Dakle, mi zastupnici smo govorili o onome što propisuje federalni zakon koliko se možete zadužiti u toku jedne godine? Dakle, mi imamo tu još mogućnost 100 % zaduženja u toku jedne godine i da opet nismo prezadužen kada je u pitanju federalni zakon. Kada govorimo drugi parametar koji ste izmislili, možemo i o njemu govoriti, na brzinu sam uzeo podatke iz Federalne agencije za statistiku. Ne trebamo se mi porediti s Kongom, mi se trebamo porediti gdje živimo, dakle u fiskalnom sistemu Bosne i Hercegovine i Federacije Bosne i Hercegovine. Dakle, po tom vašem izračunu, koji je prvi kolega Albin iskoristio, mi smo zaduženi oko pola milijarde, što znači malo više od trećinu jednogodišnjeg budžeta., a znate koliko je Federacija zadužena? 6 milijardi, više od jednogodišnjeg budžeta. Znači po tom parametru, kada bi pratili zaduženje većih nivoa vlasti, države i Federacije, mi bi mogli da se zadužimo još barem duplo ovoliko koliko smo se sada zadužili ako gleda samo na parametru koliko se zaduženo, odnosno jednu godinu. A najrealnije zaduženje pratiti, jeste po BDP-u, ali nažalost, te podatke sada nemam koliki je udio našeg zaduženja u BDP-u Kantona Sarajevo? Zato bi trebali zaista ekonomisti da izračunaju? Dakle, nemojte samo govoriti da je ovaj Kanton Sarajevo prezadužen, jer to nije. Da li se vama ne dopadaju projekt koje mi realizirujemo, to imate apsolutno legitimno pravo da vam se ne dopadaju projekti, ali o tome ocjenu ne donosite ni vi, ni ja, nego građani na izborima.

### **Elvedin Okerić (Predsjedavajući)**

Replika, zastupnik Zahiragić.

### **Haris Zahiragić (poslanik/zastupnik)**

Kolega Čengiću, ova Vlada i vlast šestorke, pa kasnije trojke, također, niste ni vi bili tada u Skupštini, kada je preuzela Vladu Kantona Sarajeva, dakle u prvom mandatu Edina Forte, ovo je kontinuitet te politike, je zatekla Kanton Sarajevo, koji je bio 400 000 000 manje zadužen nego što je sada. To je rast za 400% posto vanjskog duga. Mi nismo rekli da smo mi prezaduženi prema propisima koji svakako pišu EBRD-ovi monetarni fondovi, niti se želimo porediti sa Vladom Federacije, ne pada na pamet, posebno zbog činjenice da Kanton Sarajevo kao takav nema nadležnosti federalne, ni puteve, ni komunikacije, ni regionalne, ni magistralne autoceste, ni energetiku itd. Ovdje se, zadužili ste nas, zadužili su nas, pa evo vi nastavljate braneći to, vršeći politiku obrazovanja, osnovno, srednje obdanište itd. U tom resoru u tom nivou nadležnosti su nas zadužili evo, ako se realizira ovo 500 000 000 maraka, i to nije nimalo mal iznos, ma koliko ga vi banalizovali. Evo, nek građani znaju svake godine, pa nek kažu jel malo ili nije. Ove godine će Kanton Sarajevo 23 000 000 samo kamata platiti, ne glavnice, nego kamata, pa neka svako za sebe prosudi da li je to veliki iznos duga ili nije, a pogotovo ako se uzme u obzir činjenica da zaista od toga nismo vidjeli, građani Kantona Sarajevo nikakav projekat do kraja da je realiziran. Hvala vam.

### **Elvedin Okerić (Predsjedavajući)**

Zahvaljujem. Zastupnik Elvis Vreto posljednji se prijavio?

### **Elvis Vreto (poslanik/zastupnik)**

Hvala predsjedavajući. Vrlo kratko. Imao sam namjeru duže diskutovati, ali neće trajati duže od jedne minute. U ime Kluba zastupnika Naroda i Pravdei svakako da ćemo podržati ovaj



Prijedlog budžeta i moram da reagujem na par konstatacija koje su izrečene. Kolega Zahiragić je, svjesno ili ne, rekao kako je Ministarstvo pravde, ministarstvo Naroda i Pravde? Mislim, to je zaista jedna iskrivljena rečenica i želim da iskažem da bivši ministar privrede čak nije bio ni član Naroda i Pravde i delegiran je na tu funkciju. Ne postoji ministarstvo privrede naroda i pravde, već postoji Ministarstvo privrede Kantona Sarajevo i Vlade Kantona Sarajevo. Eto toliko predsjedavajući i hvala.

**Elvedin Okerić (Predsjedavajući)**

Ispravka krivog navoda zastupnik Zahiragić.

**Haris Zahiragić (poslanik/zastupnik)**

U pravu ste, to je Ministarstvo privrede Kantona Sarajevo ali ako uzmemo u obzir činjenicu koliko je članova Naroda i Pravde u njega zaposleno posljednjih par godina, ako uzmemo činjenicu da je gospodin Adnan Delić bio kandidat za načelnika ispred Naroda i Pravde, pa onda kandidat. Sada je trenutno član Kluba Federalnog Parlamenta.

**Elvedin Okerić (Predsjedavajući)**

Nemojte neistine govoriti, kolega. Molim vas, nemojte, nemojte.

**Haris Zahiragić (poslanik/zastupnik)**

Nemojte me prekidati.

**Elvedin Okerić (Predsjedavajući)**

Nemojte, koristiti prostor.

**Haris Zahiragić (poslanik/zastupnik)**

Nemojte me prekidati.

**Elvedin Okerić (Predsjedavajući)**

Sad vas prekidam skroz i zaključujem raspravu. Zaključujem raspravu.

**Haris Zahiragić (poslanik/zastupnik)**

Neš zaključiti raspravu sada.

**Elvedin Okerić (Predsjedavajući)**

Zaključujemo raspravu i prelazimo po izjašnjenje po amandmanima.

**Haris Zahiragić (poslanik/zastupnik)**

Evo šta ćeš sada? Neće, neće zaključiti.

**Elvedin Okerić (Predsjedavajući)**

Ovakvu bahatost, ne znam gdje ste naučili da provodite. Na ulicu pa provodite svoju bahatost, na ulicu pa provodi bahatost. Ovo je parlament. Ovo je parlament koji donosi odluke.

Tražim od zastupnika Zahiragića da mi donese karticu.

Pitanje za imamo izjašnjavanje po amandmanima, da li klubovi SDA i DF žele da se izjašnjavamo po amandmanima ili da prelazimo na izjašnjenje Prijedloga budžeta? Zastupnik Mahir Dević.

**Mahir Dević (poslanik/zastupnik)**

Klub SDA-a, naravno, traži izjašnjavanje o svim amandmanima pojedinačno.

**Elvedin Okerić (Predsjedavajući)**

Da li klub DF-a traži izjašnjavanje po amandmanima?

Zamolio bih zastupnice i zastupnike da se izjasni na amandman Kluba Demokratske fronte u Skupštini Kantona Sarajevo.

Amandman 1.

Umanjuje se pozicija Ministarstva zdravstva ekonomski kod 614300.

Financiranje specijalizacija u iznosu za uvećanje pozicije ministarstva.

Ili možemo samo da pročitam amandmane, da ne čitam sve? Može.

Zamolio bih da se Skupština izjasni o Amandmanu 1. Kluba Demokratske fronte u Skupštini Kantona Sarajevo.

Dobro, dajte da završimo ovo, dajte da završimo.

Umanjuje se pozicija MINISTARSTVA ZDRAVSTVA , ekonomski kod 614300 , razjedljka NOV002 funkcije 074F u odjeljku 'Finansiranje specijalizacija' u iznosu od 286.127,00 KM za uvećanje pozicije MINISTARSTVO ZA NAUKU, VISOKO OBRAZOVANJE I MLADE i potrošačku jedinicu 014 Univerzitet u Sarajevu-Filozofski fakultet, ekonomski kod 611100, funkcija 094 F,odjeljak 'Bruto plaće i naknade plaća' u iznosu od 286.127,00 KM.

Zaključujem glasanje i molim službu da objavi rezultate glasanja.

Hajde ponovite još jednom.

Evo, imamo novu anketu. Molim zastupnike da se izjasne.

Zaključujem glasanje i molim službu da objavi rezultate glasanja.

Za je glasalo 7 zastupnika, protiv 3, suzdržanih 14.

Konstatujem da Skupština nije prihvatila ovaj amandman.

Izjašnjavamo se za Amandman 2.

Umanjuje se pozicija Ministarstva zdravstva , ekonomski kod 614300 , razjedljka NOV002, funkcije 074F, u odjeljku 'Finansiranje specijalizacija' u iznosu od 133.000 KM za uvećanje pozicije MINISTARSTVO ZA NAUKU, VISOKO OBRAZOVANJE I MLADE i potrošačku jedinicu 014 Univerzitet u Sarajevu-Filozofski fakultet, ekonomski kod 613900 094F 'Ugovorene i druge posebne usluge' u iznosu od 130.000,00KM radi napredovanja članova akademskog osoblja.

Molim zastupnike da se izjasne.

Zaključujem glasanje. Molim službu da objavi rezultate glasanja. Za je glasalo 8 zastupnika, protiv 2, 15 suzdržanih.

Konstatujem da Skupština nije usvojila ova amandman.

Prelazimo na Amandman 3.

Umanjuje se pozicija MINISTARSTVA ZDRAVSTVA , ekonomski kod 614300 , razjedljka NOV002 funkcije 074F u odjeljku 'Finansiranje specijalizacija' u iznosu od 6.000 KM za uvećanje pozicije MINISTARSTVO ZA NAUKU, VISOKO OBRAZOVANJE I MLADE i potrošačku jedinicu 014 Univerzitet u Sarajevu-Filozofski fakultet, i uvodi se novi ekonomski kod u iznosu od 6.000 KM sa nazivom odjeljka 'osiguranje zgrade Filozofskog fakulteta'.

Molim zastupnike da se izjasne.

Zaključujem glasanje. Molim službu da objavi rezultate glasanja. Za je glasalo 8 zastupnika, protiv ništa, suzdržanih 16.

Konstatujem da Skupština nije usvojila ova amandman.

Amandman broj 4.

Umanjuje se pozicija MINISTARSTVA ZDRAVSTVA , ekonomski kod 614300 , razjedljka NOV002 funkcije 074F u odjeljku 'Finansiranje specijalizacija' u iznosu od 250.000,00 KM za uvećanje pozicije MINISTARSTVO PRIVREDE ekonomski kod 614300, razdjela IAN015, funkcije 049F u odjeljku 'Podrška projektima neprofitnih organizacija' u iznosu od 250.000,00KM radi sufinsansiranja rada za HUB-ove

Molim da se zastupnike da se izjasne.

Zaključujem glasanje. Molim službu da objavi rezultate glasanja. Za je glasalo 8 zastupnika, protiv 1, 14 suzdržanih.

Konstatujem da Skupština nije usvojila ova amandman.

Prelazimo na Amandman broj 5.

Može, naravno.

Albin Zuhrić, zastupnik uključite ga.

**Albin Zuhrić (poslanik/zastupnik)**

Pošto je tendencija iz dosadašnjeg glasanja jasna, imate političku instrukciju da oborite sve amandmane i glasanje u suštini identično odustajemo od zahtjeva da se izjašnjavamo o preostalim.

**Elvedin Okerić (Predsjedavajući)**

Zahvaljujemo vam kolega Zuhriću.

Kolega Deviću, jel vi ostajete pri svom stavu za izjašnjenje.

Evo, onda ću sve pročitati odjednom.

Amandmani Kluba zastupnika Stranke demokratske akcije u Skupštini Kantona Sarajevo.

#### Amandman I

Program podrške brzorastućim firmama u KS. Za 100 brzorastućih firmi osigurati sredstva kojima će se otvoriti nova radna mjesta u KS.

U Ministarstvu privrede Povećava se pozicija 614500 Subvencije privatnim preduzećima za 2 mil KM. smanjuje se pozicija 615400 Kapitalni transferi javnim preduzećima - podrška projektima Skenderija za iznos od 2 mil KM.

#### Amandman II

Izrada izvedbenog projekta i izgradnja višenamjenskog objekta podzemne garaže, sa fudbalskim terenom i salom za borilačke sportove na lokalitetu pomoćnog stadiona Hakija Mršo u Vogošći;

U Ministarstvu kulture i sporta Povećava se pozicija 614100 Kapitalni transferi drugim nivoima vlasti za 1 mil KM. smanjuje se pozicija 614300 Kapitalni transferi neprofitnim organizacijama iz oblasti sporta i inkluzija. za iznos od 1 mil KM.

#### Zatim Amandman III

Izgradnja centra za zdravo starenje u Trnovu. Ovim centrom se zadovoljava potreba osoba u 3. životnoj dobi. Centar ima potencijal za samoodrživost.

U Ministarstvu rad i socijalnu politiku, raseljena lica i izbjeglice povećava se pozicija 615100 Kapitalni transferi drugim nivoima vlasti za 1.3 mil KM. a smanjuje se pozicija 614400 pokriće gubitaka za javni prevoz u Ministarstvu saobraćaja, za iznos od 1.3 mil KM.

#### Amandman IV

Obnova vrtića Agan Bostandžić u Starom Gradu Sarajevo u iznosu od 500.000 KM.

U Ministarstvu odgoj i obrazovanje povećava se pozicija 615100 Kapitalni transferi drugim nivoima vlasti za 500.000 KM, a smanjuje se pozicija 614400 pokriće gubitaka za javni prevoz u Ministarstvu saobraćaja, za iznos od 500.000 KM.

#### Amandman V

Izgradnja muzeja odbrane Grada Sarajeva "Sarajevska panorama" u Novom Gradu u iznosu od 1 mil KM.

U Ministarstvu kulture i sporta povećava se pozicija 615100 Kapitalni transferi drugim nivoima vlasti za 1 mil KM. a smanjuje se pozicija 614300 Kapitalni transferi neprofitnim organizacijama iz oblasti sporta i inkluzija, za iznos od 1 mil KM u istom ministarstvu.

#### Amandman VI

Izgradnja fiskulturne sale uz područnu školu Binježevo. O.Š. "Hadžići.

U Ministarstvu za odgoj i obrazovanje KS povećava se pozicija 821200 Nabavka građevina za 500.000 KM i uvodi se nova Stavka Izgradnja fiskulturne sale područna škola Binježevo, a smanjuje se pozicija 821500 Osnivačka ulaganja, za iznos od 500.000 KM u Ministarstvu saobraćaja KS.

## Amandman VII

Izgradnja kolskog pothodnika u Ilijašu (magistralna pruga - regionalna cesta).

U Ministarstvu saobraćaja povećava se pozicija 821200 Izgradnja saobraćajnica u KS 2 mil KM, a smanjuje se pozicija 821600 Rekonstrukcija i investiciono održavanje, za iznos od 2 mil KM u istom Ministarstvu.

To su bili amandmani Kluba SDA u Skupštini Kantona Sarajevo. Molim službu da pripremi anketu za izjašnjenje, a zastupnice i zastupnike molim da se izjasne.

Zaključujem glasanje, molim službu da objave rezultate glasanja.

Za je glasalo 8, protiv 1, suzdržanih 13.

Konstatujem da Skupština nije prihvatila navedene amandmane koje sam pročitao.

Prelazimo na izjašnjenje.

Molim zastupnice i zastupnike da se izjasne o Prijedlogu budžeta Kantona Sarajevo za 2023.godinu.

Amandmani Vlade su sastavni dio Prijedloga budžeta.

Zaključujem glasanje, molim službu da objavi rezultate glasanja.

Za je glasalo 18, protiv 8, suzdržanih.

Imamo problem opet tehnički kod glasanja, jel može Služba ponoviti još jednom glasanje samo.

Evo, evo, imamo anketu novu, zamolio bih zastupnike da se izjasne.

Zaključujem glasanje. Molim službu da objavi rezultate glasanja.

Za je glasalo 20 zastupnika, protiv 8, suzdržanih ništa.

Konstatujem da je Skupština donijela Budžet Kantona Sarajevo za 2023. godinu.

Pauza do 9 sati.

## **NASTAVAK NAKON PAUZE**

### **Elvedin Okerić (Predsjedavajući)**

Nastavljamo sa sjednicom Skupštine Kantona Sarajevo.

#### **Tačka 3.**

### **PRIJEDLOG ZAKONA O IZVRŠENJU BUDŽETA KANTONA SARAJEVO ZA 2023.GODINU**

Materijal ste dobili uz poziv. Ima li potrebe da predstavnik Predlagača podnesu uvodne napomene s obzirom da je vezan za Prijedlog budžeta za 2023 godinu. Ima li potrebe? Nema. Da li predstavnicima radnih tijela žele riječ? Ima li pitanja? Otvaram raspravu, zaključujem raspravu.

Molim zastupnike da se izjasne o Prijedlogu zakona o izvršenju budžeta Kantona Sarajevo za 2023 godinu.

Zaključujem glasanje. Molim službu da objavi rezultate glasanja.

Za je glasalo 19 zastupnika, protiv 5, suzdržanih ništa.

Konstatujem da je Skupština donijela ovaj Zakon.

Prelazimo na tačku 4.

AD-4.

## **PRIJEDLOG ODLUKE O DAVANJU SUGLASNOST NA FINACIJSKI PLAN ZAVODA ZDRAVSTVENOG OSIGURANJA KANTONA SARAJEVO ZA 2023. GODINU I ODLUKU O IZVRŠAVANJU FINACIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2023. GODINU**

Prijedlog odluke ste dobili uz poziv za sjednicu. Molim predstavnika Predlagača da podnesu uvodne napomene.

Ministar Haris Vranić. Izvolite, imate riječ.

### **Haris Vranić (ministar)**

Hvala predsjedavajući. Još jednom pozdravljam sve prisutne. Nadam se da nakon iftara da su ponovno napunili baterije, ali da nećemo dugo raspravljati ovdje, da ćemo bar zoru dočekati u svojim kućama. Dakle, Prijedlog finacijskog plana Zavoda zdravstvenog osiguranja za 2023 godinu, nakon što je odlukom Upravnog odbora 09. decembra zbog objektivnih razloga nisu mogli završiti Finacijski plan oni su išli, Upravni odbor je dao prijedlog da se ide u privremeno financiranje do 31. 3. što je i zakonska granica. Ove godine sredstva koja su planirana za osiguranje zdravstvenih usluga naših radnika, odnosno naših osiguranika u Kantonu Sarajevo je 583 368 800 konvertibilnih maraka. U samoj izradi Finacijskoga plana Ministarstvo zdravstva je učestalo sa nekoliko smjernica i želim se zahvaliti Upravnom odboru i direktoru koji je većinu tih smjernica unio u Finacijski plan, tako da ćemo i u narednom periodu imati one neke ključne stavke koje su karakterisali i prošli, a to je nabavka HPV vakcina. Nastavak znači HPV vakcina, imat ćemo nabavku i pneumokoknih vakcina, također i po prvi put nabavku senzora za mjerenje, kontinuirano mjerenje dijabetesa, kao i u planu je po prvi put ono što se možemo pohvaliti na ovim prostorima i u Bosni i Hercegovini imaju samo 3 takva registrirana hospisa za liječenje terminalnog oboljelih pacijenata. Predviđena su i sredstva za to. Ja bih sada dao riječ direktoru Zavoda zdravstvenog osiguranja Kantona Sarajevo sa svojim saradnicima da se obrati Skupštini i da pobliže prezentira Finacijski plan Kantona Sarajevo. Hvala.

### **Elvedin Okerić (Predsjedavajući)**

Direktor Zavoda zdravstvenog osiguranje Muamer Kosovac. Izvolite imate riječ.

### **Muamer Kosovac (direktor ZZO KS)**

Uvaženi predsjedavajući, dopredsjedavajuće, dopredsjedavajući, uvažene zastupnice i zastupnici, poštovani premijeru i članovi Vlade, poštovani građani koji nas posmatrate putem mali ekrana, sve vas pozdravljam i ukratko ću vam predstaviti Finacijski plan Zavoda zdravstvenog osiguranja Kantona Sarajevo za 2023. godinu.

Pravni osnov za donošenje Finacijskog plana Zavoda za zdravstveno osiguranje Kantona Sarajevo sadržan je u članovima 82. i 103. Zakona o zdravstvenom osiguranju Federacije Bosne i Hercegovine, na osnovu Statuta Zavoda i Zakon o budžetima Federacije Bosne i Hercegovine. Shodno navedenim zakonskim odredbama, Upravni odbor Zavod za zdravstveno osiguranje uz suglasnost Ministarstva zdravstva Kantona Sarajevo je donio Finacijski plan

Zavoda zdravstvenog osiguranja kojim se utvrđuju prihodi, preneseni dio akumuliranog viška prihoda nad rashodima iz ranijih godina, rashodi i izdaci, sredstva zakonske rezerve.

Ukupni prihodi za 2023. godinu iznose 560 480 000 KM i sastoje se iz prihoda tekućeg perioda i preneseni dio sredstava iz akumuliranog viška prihoda nad rashodima iz ranijih godina.

Ukupni rashodi također iznose 560 480 000 KM i sredstva zakonske rezerve koje iznose 21 888 800 KM. Ukupno raspoloživa sredstva u ovom Financijskom planu iznose 582 368 800 KM.

Ukupni prihod su veći za 48 666 000 KM ili za 10 % veći u odnosu na 2022 godinu.

Najveće učešće, 99,65 % imaju prihodi od doprinosa za obavezno zdravstveno osiguranje, a koji su planirani u iznosu od 537 700 000 KM.

Kako bi bila osigurana planirana sredstva za financiranje povećanih rashoda zdravstvene zaštite u 2023 godini Zavod je, nedostajuća sredstva na poziciji prihoda koja neće biti dostatna za financiranje planiranih rashoda, obezbijedio angažiranjem prenesenih sredstava iz akumuliranog viška prihoda nad rashodima iz ranijih godina u iznosu od 20 900 000 KM.

Pri sačinjavanju Prijedloga plana Financijskog plana koji je dat Skupštini na usvajanje, Zavod je poduzeo sve aktivnosti da bi pored osnovnog paketa zdravstvenih prava definiranog federalnim propisima, planirao je sredstva u skladu sa odlukama osnivača, u skladu sa zastupničkim inicijativama i kao i smjericama Ministarstvu zdravstva kao kreatora politike zdravstva u Kantonu Sarajevu.

U Financijskom planu su integrirani svi zahtjevi zdravstvenih ustanova za zapošljavanje novog kadra, naravno, uvažavajući da doznačavanje planiranih sredstava podrazumijeva odobrenje od strane resornog Ministarstva za nova upošljavanja.

Slobodno mogu da kažem da Financijski plan do sada omogućava najveće povećanje financijskog iznosa prema svim zdravstvenim ustanovama, kako u javnom, tako i u privatnom sektoru.

Financijskim planom Zavoda osiguravaju se sredstva za financiranje zdravstvene zaštite osiguranih lica u primarnoj, specijalističko konsultativnoj i bolničkoj zdravstvenoj zaštiti.

Prava na lijekove sa važeće Liste lijekova za Kanton Sarajevo, koji donosi Vlada Kantona Sarajevo. Pravo na ostvarivanje naknade i plaće za vrijeme privremene spriječenosti za rad nakon 43 dana i prava na korištenje medicinskih sredstava u skladu sa važećom Uredbom koju je donijela Vlada. Također se osiguravaju sredstva kapitalnih izdataka i ostalih rashoda i izdataka u funkciji ostvarivanja obaveznog zdravstvenog osiguranja za naše osiguranike.

Ukupni rashodi i izdaci u 2023. godini planirani su u iznosu od 558. 680.000 KM, što je za 8 % više u odnosu na Financijski plan iz 2022. godine. Od rashoda zdravstvene zaštite koji iznose 534 936 500 KM imaju učešće od 97 % od ukupnih rashoda. Najznačajnije povećanje imaju sljedeći rashodi u odnosu prethodnu godinu, kao što je ministar spominjao Financijskim planom Zavoda zdravstvenog osiguranja za 2023. godinu ispoštovane su smjernice Ministarstva, sve smjernice Ministarstva planiranim potrebnim sredstava koje je Ministarstvo dostavilo za realizaciju. To je prije svega sredstva za prošireni obim prava osiguranika na korištenje medicinskih sredstava, obezbjeđenje (nerazumljivo), financiranje 5 trakica dnevno za praćenje dijabetesa, povećanje učešća u cijeni leća koja se ugrađuju u osiguranim licima u Kantonu Sarajevu i druge stavke iz ove iz proširenog obim prava za medicinska sredstva, koje iznose u cijelosti 5,5 miliona KM. Po smjericama Ministarstva, također je uvršteno u financijski plan nastavak imunizacije protiv HPV virusa u iznosu od 400.000. KM, obezbjeđenje pneumo kokne vakcine u iznosu 67.500.000 KM, palijativna njega, terminalno bolesnih u Kantonu Sarajevo, za koje je predviđeno 1,5. milion KM, uvođenje usluga neurorehabilitacije

u sistem rehabilitacije u iznosu 462 000 KM, zamjena pak-ris sistema u iznosu od 3 000 000 i financiranje dodatne 2 dežurne apoteke u iznosu od 552 000 KM po smjernicama Ministarstva. Zavod zdravstvenog osiguranja u svom Financijskom planu u 2023. godini obezbijedio je dodatna sredstva kojima će biti obezbijedeno financiranje prava iz kolektivnih ugovora zaključenih između Vlade Kantona Sarajevo i sindikata iz oblasti zdravstva.

Potpisanim kolektivnim ugovorima iz aprila 2022. godine izvršeno je povećanje satnice i koeficijenata, što je kao rezultat imalo povećanje plaća uposlenim u zdravstvu u procentu od 15 do 26 %.

Kolektivni ugovori sa radnicima u zdravstvu su rezultirali povećanjem planiranih sredstava za troškove rada u iznosu od 50 895 000 KM u odnosu na 2022. godinu kada nisu bili potpisani, naravno, kolektivni ugovori. Planirana su i dodatna sredstva za materijalne troškove zdravstvenih ustanova u iznosu od 5 700.000 KM.

Naknada za financiranje zdravstvene zaštite koja se obezbjeđuje osiguranicima Kantona, u zdravstvene ustanovama koje su obuhvaćene Planom i programom mjera zdravstvene zaštite zdravstvenog osiguranja u Kantonu Sarajevo koje se utvrđuju na godišnjem nivou, podrazumijeva troškove rada zdravstvenih i nezdravstvenih radnika kao i materijalne troškove neophodne za rad i funkcioniranje zdravstvene ustanove u okviru registrovane djelatnosti. Ukupan broj radnika za koje su predviđena sredstva u ovom financijskom planu iznosi 7862 radnika u zdravstvu, od čega je 7083 zaposleno već, dok je 307 specijalizanata, 428 radnika koje ustanove trebaju zaposliti po dobivenim saglasnostima ili ispostavljenim zahtjevima, te za 44 specijalizanta koji još nisu započeli specijalistički staž, a planirani su u skladu sa dopisom Ministarstva zdravstva iz 2021 godine. Također je izvršeno povećanje vrijednosti boda za ugovoreni program poročne medicine u provedenom postupku javne nabavke sa privatnim i javnim zdravstvenim ustanovama sa 1,11 KM u financijskom planu '22. na 1,35 KM u 2023.godini.

Planirana su sredstva za ugovaranje deficitarnih dijagnostičkih usluga za koji postoji lista čekanja u ugovornim zdravstvenim ustanovama po provedenom postupku javne nabavke u iznosu od 3.300.000 KM. Povećana su planirana sredstva za lijekove po posebnim programima Zavoda zdravstvenog osiguranja na iznos od 870 hiljada KM. Izvršno je povećanje planiranih sredstava za medicinska sredstva i ortopedska pomagala zbog proširenja prava osiguranika u iznosu od 6 000 000 KM u odnosu na Rebalans iz 2022 godine.

Uvećana su planirana sredstva za gotove lijekove zbog proširenja Liste lijekova i većeg učešća Zavoda u snošenju tih troškova na osnovu odluka Ministarstva i Vlade, i to u iznosu od 2 .012.500 KM

Za usluge medicinske rehabilitacije kao produženog bolničkog liječenja planirano je 1,6 miliona KM. Za program za dijagnostiku i liječenje teško oboljele i djece planirano je 2 000 000 konvertibilnih maraka, što je dvostruko više u odnosu na prethodnu godinu.

Po prvi puta za sve oboljele od dijabetesa Tip 1 su planirani senzori za kontinuirano mjerenje glukoze u krvi.

Planirana su također sredstva proširenje liječenje, oboljeli po programima koji se financiraju iz Zavoda. Naime, napominjem da je u prošloj godini za 70 % povećan broj osoba koje se liječi biološkim terapijama za reumatoidni artritis znači sa 35 na 55 pacijenata. Također, planiramo povećati ovaj broj sa tendencijom uvođenja gotovo svih ili gotovo svih osiguranika u ovaj program.

Po prvi put su u Financijskom planu po smjernicama ministarstva, planirana sredstva za program palijativne njege terminalno bolesnih u Kantonu Sarajevu i to u iznosu od 1,5 milion



KM, kao i sredstva za uvođenje usluga neurorehabilitacije u sistem rehabilitacije u iznosu 462 000 KM.

Nastojimo raditi u interesu osiguranika i uspostaviti sistem koji neće zavisti od pojedinca, jer zdravstvena zaštita naših osiguranika treba i mora biti na mnogo većem nivou.

Naravno, moram napomenuti da Zavod ovdje predstavlja samo jednu kariku u lancu zdravstvenog sistema i adekvatnim utroškom sredstava koja se doznacavaju zdravstvenim ustanovama koji se trebaju i moraju odnositi na pacijenta, odnosno osiguranika, trebaju se pozabaviti zdravstvene ustanove, menadžmenti tih zdravstvenih ustanova, kao i drugih akteri u zdravstvu.

Ja se zahvaljujem, oov je ukratko prezentacije Financijskog plana. Ukoliko ima pitanja, stojim na raspolaganju da odgovorim.

### **Elvedin Okerić (Predsjedavajući)**

Zahvaljujemo se direktoru Zavoda zdravstvenog osiguranja Muameru Kosovcu. Vi sjedite na svoje mjesto.

Da li predstavnici tijela radnih tijela žele riječ? Ima li pitanja?

Zastupnik Mahir Dević se javio prvi, izvolite, imate riječ.

### **Mahir Dević (poslanik/zastupnik)**

Zahvaljujem predsjedavajući. Ja imam nekoliko pitanja, pa evo zamolit ću predstavnika Predlagača ovog dokumenta da zabilježi i da mi odgovori ukoliko je u mogućnosti.

Pozicija. 1. Tačka 3. Tačka 17. izdaci za stručne usluge ISO standardizacije planirali ste u visini od 238.000 KM, a potom na poziciji 4. Tačka 2. Imate ISO standarde za koje ste planirali, također, 23 400 konvertibilnih maraka? Pojasnite nam o čemu se ovdje radi i kakvo je ovo ustvari dvostruko planiranje? Ako govorimo o jednoj temi, o eventualno jednoj javnoj nabavci, šta podrazumijeva ovo dvostruko planiranje? Da li je ovo razbijanje potencijalno nekog tendera koji treba da se desi.

Sljedeće pitanje. Pozicija 2. Tačka 8. Izdaci po osnovu prava na korištenje medicinskih sredstava. Planirali ste 20 000 000 konvertibilnih maraka, što je povećanje u odnosu prethodni plan od 6 000 000 konvertibilnih maraka značajno. Molim vas da nam pojasnite zašto se pozicija ovako drastično povećala? Koji su razlozi za povećanje ove pozicije u iznosu od 6 000 000 konvertibilnih maraka? Treće pitanje, pozicija 2. Tačka 9. Tačka 3. Naknada za članove Komisije imenovane rješenjem Ministarstva zdravstva Kantona Sarajevo. Planirali ste 125 000 konvertibilnih maraka, što je povećanje od 20 000 konvertibilnih maraka u odnosu na prošlu godinu. Kakve su to komisije za koje se povećavaju sredstva? Naravno, ja bih sada ovdje trebao, ustvari u ime građana, da tražim izvještaj o svim ovim komisijama koje se financiraju od strane Zavoda, ko je sve imenovan u te komisije, ima li tu političkog utjecaja prilikom imenovanja na te komisije. Ali pretpostavljam da dio stvari mi nećete moći odgovoriti, ali evo, dajte, barem kažite zašto povećanje od 20 000 konvertibilnih maraka? Pozicija 2. Tačka 3. Tačka 8. Usluge neurorehabilitacije za osiguranike Kantona Sarajevo, planirali ste u visini od 462 000 konvertibilnih maraka. Molim vas da mi pojasnite ko će ovo raditi. Ko ovo trenutno radi, u stvari u sistemu zdravstvene zaštite. Vi ovo vjerovatno bolje znate, pa oko toga nam možete kazati koji je pravni osnov za izdvajanje ove djelatnosti, na koji način se planira ugovoriti ovaj posao, šta će se u stvari raditi pod ovom stavkom i zašto tačno 462 000 konvertibilnih maraka.

I pitanje broj pet. Pozicija 2. Tačka 3. Tačka 2. Deficitarne usluge zdravstvene zaštite, usluge za koje postoji lista čekanja. Zašto izdvajamo stavku oko liste čekanja koja podrazumijeva

3 300 000 konvertibilnih maraka? Izuzetno značajna sredstva ukoliko smo u prethodnom periodu povećali plate uposlenika u zdravstvenom sektoru, potpisali kolektivne ugovore, imamo direktore naših zdravstvenih ustanova koji su dužni da organiziraju zdravstveni sistem u Kantonu Sarajevo da nemamo listu čekanja. Čemu ovakva vrsta opravdanja za ovoliko visoku stavku od 3 300 000 konvertibilnih maraka ovaj za listu čekanja? Jel u pitanju neki potpuni nerad ustanova primarne zdravstvene zaštite? O čemu se radi ovdje u stvari? Znači, ova stavka meni govori da nam nešto u sistemu ne štima. Jel ako smo uložili toliko sredstava zašto ta 3 300 000 konvertibilnih maraka? I zašto te liste čekanja? Evo, to nek bude nekih 5 pitanja u početku, ukoliko ste uspjeli da zabilježite pa ćemo ostalo u diskusiji. Hvala.

### **Elvedin Okerić (Predsjedavajući)**

Za riječ se javila zastupnica Smiljana Viteškić.

### **Smiljana Viteškić (poslanik/zastupnik)**

Zahvaljujem se, ja isto, imam nekoliko pitanja. Prvo je sredstva za financiranje obaveza po amandmanu Skupštine Kantonu za namirenje obaveza prema zdravstvenim ustanovama za prelazak 5 specijalista pedijatrije u JU Opća bolnica "Prim.dr. Abdulah Nakaš. Naknada za zaposlene 500.000 konvertibilnih maraka u 2022. i u 2023 godini. Svojevremeno o ovom amandmanu oglasio se i Ured za borbu protiv korupcije sa ocjenom da bi realizacija ovog amandmana bila koruptivno djelo, a i mi svi ovdje znamo da je financiranje specijalizacije retrogradno nemoguće. Pitanje direktoru Zavoda da li ima mogućnosti da se ova sredstva iskoriste za zapošljavanje deficitarnog kadra, da se prebace prime specijalisti koji su na birou, koji bi se, evo, zaposlili u Opću bolnicu "Prim.dr. Abdulah Nakaš"?

Drugo pitanje se tiče vakcinacije HPV-a, znači 400.000 stavka. Nedavno je ministar u svom jednom nastupu rekao da je već dato 511. HPV vakcina, a mene u interesu je koliko je sredstava iz ukupnih sredstava za HPV vakcine potrošeno na medijsku kampanju? Šta je bilo urađeno za kampanju leci, brošuri i gdje su distribuirani isti? I da li se to isplatilo? Ako ne može ministar odgovoriti sad, možda onaj može i pisanim putem. Mene također, interesuje ova stavka za neurorehabilitaciju, 462.000 konvertibilnih maraka. Interesuje da li je financiranje tima, prostora, opreme? Ne znam. Evo malo jače da nam se pojasni jer je to, očito je, nova aktivnost u našem zdravstvenom sistemu. Također, palijativna njega 1 505 000 konvertibilnih maraka, za što je planirano hospis? Gdje će se on nalaziti? Za lijekove, za osoblje koje će raditi u tom hospisu? I svakako je pohvalno konačno da i u Kantonu Sarajevo, je li bude jedna takva institucija. I zadnje pitanje da li je istina da je mimo saglasnosti Upravnog odbora Zavoda zdravstvenog osiguranja Kantona Sarajevu u decembru 2022. Godine izmijenjena Uredba o medicinskim sredstvima u dijelu koji se tiče broja traka za samokontrolu šećera u krvi osobama oboljelim od dijabet melikusa. Vlada Kantona Sarajevo, na prijedlog ministra zdravstva, a koji nije usuglašen sa Upravnim odborom Zavoda za zdravstvenog osiguranja Kantona Sarajevo donijela je pravo na četiri trakice dnevno licima koja boluju od dijabetes meilitusa umjesto dosadašnjih 50 trakica mjesečno. Time su financije za ovu namjenu uvećane sa 1,4 miliona na 5,6 miliona miliona konvertibilnih maraka. Nije problem u količini trakica, jer ja sam ljekar i znam koliko je to važno za osobe koje su oboljele od dijabetes melitusa, ali je eto da li je istina da je tu urađeno bez suglasnosti Upravnog odbora Zavoda zdravstvenog osiguranja Kantona Sarajevo? I u diskusiji ću govoriti o financiranju Zavoda za transfuzijsku medicinu i ponuditi Skupštini četiri zaključka na usvajanje u vezi sa tim Zavodom. Hvala.

### **Elvedin Okerić (Predsjedavajući)**

Za riječ se javila zastupnica Fatima Gavrankapetanović-Smailbegović.

### **Fatima Gavrankapetanović-Smailbegović (poslanik/zastupnik)**

Zahvaljujem se. Ja imam jedno pitanje. Da li je urađena analiza i ekonomska isplativost otvaranja još 2 dežurne apoteke u Kantonu Sarajevo kad znamo da ih ima već 9, najviše u regionu? U isto vrijeme u Zagrebu, koji je mnogo veći grad ima 5, u Beogradu ima 7. Ako nije urađena neka nova analiza, zašto se one otvaraju i zašto se izdvaja 552 000 konvertibilnih maraka, a nismo sigurni da je to potrebno? U isto vrijeme u Kantonu Sarajevo imamo 50 oboljelih od reumatoidnog artritisa koji ne mogu dobiti biološku terapiju koja im je neophodna za smanjenje invaliditeta i za porođenje njihovog života. Zahvaljujem se.

### **Elvedin Okerić (Predsjedavajući)**

Zastupnik Faruk Selmanović se javio za riječ.

### **Faruk Selmanović (poslanik/zastupnik)**

Zahvaljujem. Prvo, vrlo mi je drago da u ovom Planu vidimo neki informacione sisteme i da se ide u digitalizaciju samog Zavoda i imam par pitanja koja se odnose na stavke 4.1. i 4.2. Prvo pitanje i nejasnoća jeste da u stavci 4.1., pa ponovno u 4.2. se pominje a IT telefonija u jednoj stavci 97 000, u drugoj 21.000 pa me interesuje razlog razdvajanja ove dvije stavke, obzirom da se radi o potpuno istom nazivu i pretpostavljam da se radi i u potpuno istoj i tehnologiji i opremi koja se nabavlja.

Drugo pitanje pročitao sam tamo da se radi implementacije, odnosno piše ugovor SD van, pa me interesuje razlog nabavke SD vana za ZZO sistem i način njegove implementacije. Također, u stavci 4.1. sam pročitao da se radi backup kompletnog, pretpostavljam, informativnog sistema, što je za svaku pohvalu. Moramo imati zaštitu naših podataka, ali piše eksterno. Pa me interes je da li je to eksterno van zgrade ZZO-a, van Kantona, van države, gdje će se ti podaci pohranjivati pošto se radi o jako osjetljivim podacima? Iz svih stavki koje su ovdje navedene, vidi se radi o nabavci hardvera pa me interesuje da li je bilo u raspravi, da li su bila se razmišljanja o klauz rješenjima koje je znatno jeftinije od ovoga što nam je ovdje ponuđeno? Obzirom da se tamo pojavljuje dosta skraćenica koje se odnose na informacije sisteme za većinu je data i obrazloženje, ima za par koje nisu, pa bi zamolio da im se objasni šta je ZT-a ICT i SIM sistemi, čisto, onako i radi javnosti da znamo šta je to što se nabavlja? I spominje se nabavka call centra, odnosno CRM-a. CRM je kao (nerazumljivo) menadžment i jedna od tih stavki je call centar, pa me interesuje da li je to kompletno rješenje, softversko rješenje? Da li su to ljudi zajedno sa time? Radi se o stavci od 400 000 maraka,. Toliko o pitanjima, ostalo ćemo u raspravi.

### **Elvedin Okerić (Predsjedavajući)**

Za riječ se javila zastupnica Marijela Hašimbegović.

### **Marijela Hašimbegović (poslanik/zastupnik)**

Zahvaljujem se predsjedavajućem. Također, koristim priliku da se zahvalim uvaženom direktoru gospodinu Muameru Kosovcu na uvodnoj riječi. Ono što sam vidjela u ponuđenom materijalu, što je pohvalno, vidjela sam da otvarate novu web stranicu i to me jako raduje zato što se često susrećem sa situacijom da su naši građani potpuno neinformisani o uslugama koje nudi Zavod za osiguranje i mislim da će ovo biti jedna dobra prilika da bude poveznica sa uslugama i prilikama koje su u stvari svrsishodne njima, je li. Također sam vidjela da imate stavku Fond za teško oboljelu djecu u iznosu od 2 000 000, što me isto jako raduje obzirom da smo mi ispred Demokratske fronte imali i amandman koji se tiče Fonda solidarnosti, pa sam bila prijatno iznenađena kada sam vidjela da ova stavka postoji i ona je navodno po jednom

nastala kao plod ustvari zaključka, jednog od zaključaka Vlade Kantona i to me isto tako raduje. Međutim, postavlja se pitanje zašto toliko situacija koje susrećemo svakodnevno imamo, u kojoj su roditelji u potrebi da skupljaju novac za teško oboljelu djecu? Da li je to razlog zato što oni nisu dovoljno informirani uslugama koji mogu dobiti u vašem Zavodu, pa s tim u vezi sam povezala ovu novu web stranicu, situacije koje susrećemo gotovo svaki dan jer je zaista vrlo složeno i emotivno gledati roditelje koji su u potrebi da skupljaju novac, nekad čak i u situaciji kada su rokovi za liječenje djece toliko ograničeni i limitirani. Sljedeće pitanje odnosi se na umanjenu stavku koja se tiče sufinansiranja potpomognute oplodnje. Smatram to možda čak nepravednim potezom. Ne znam zbog čega ste se odlučili za takav korak, da li je razlog tome zato što postoje prilike i financiranja sa drugog nivoa vlasti, mislim da se radi o federalnom nivou. Također su građani sve više u potrebi za korištenjem ove usluge i mislim da nju trebamo širiti i granati, a ne suzbijati je. Sljedeće pitanje se tiče specijalizacije koja se također navodi u vašem materijalu i s tim u vezi me jako raduje što je sa nama prisutan i uvaženi ministar zdravstva, gospodin Vranić, da malo danas razjasnimo famu o kojoj smo pričali cijeli dan, pa će moje pitanje biti prema vama da mi pojasnite na osnovu kojih informacija koje dobijete iz Ministarstva zdravstva, vi pripremate sve neophodne materijale koje se tiču pripreme za specijalizaciju, odnosno da li je Ministarstvo zdravstva dužno da pripremi planove na osnovu kojih vi kasnije pravite razgraničenje gdje će ići koja specijalizacija ili je to obrnut proces? Pošto smo danas čuli čak komentar uvaženog gospodina Vranića da ustvari vi pravite taj plan, pa smo malo došli jednu koliziju, konfuziju, pa evo, divna prilika da i pred našim građanima razjasnimo ova pitanja. Sljedeće pitanje je da li imate dugovanja prema nekim privatnim ustanovama jer niste govorili o tome, pa me zanima da li postoje neka dugovanja? I također, vidjela sam da imate i stavku povećanja plaća, što me raduje u ovoj suštini u inflaciji, to je dobro i pozitivno i vidjela sam da planirate da uposlite 22 nova radnika, što isto tako pozdravljam. Rukovodila sam institucijom, znam što znači kada ste limitirani i kad nemate dovoljan broj radnika sa kojima treba da radite. I to je sve pozitivno. Evo toliko za sada. Hvala lijepo.

### **Elvedin Okerić (Predsjedavajući)**

Za riječ se javio zastupnik Muamer Bandić izvolite.

### **Muamer Bandić (poslanik/zastupnik)**

Zahvaljujem. Ovo pitanje je više upućeno za Ministra zdravstva, a evo, pošto je tu i direktor Zavoda zdravstvenog osiguranja, možda samo na znanje da primi ovu informaciju i u budućnosti ima izgrađen stav po ovoj jednoj situaciji za koju ja znači neko vrijeme iznosim kao jedan propust u radu. Na jednoj od proteklih sjednica Skupštine Kantona Sarajeva postavio sam pitanje ministru Kantona zdravstva vezano za Pravilnik o radu i unutrašnjoj organizaciji radnih mjesta u Javnoj ustanovi Domovi zdravlja Kantona Sarajevo. Obzirom da do sada nisam dobio nikakav odgovor i obzirom na činjenicu da je na današnjoj sjednici tačka dnevnog reda Odluku o davanje suglasnosti na Financijski plan Zavoda zdravstvenog osiguranja Kantona Sarajevo za 23 godinu i Odluku o izvršenju Financijskog plana Zavoda zdravstvenog osiguranja, koristim, dakle, ovu priliku da i direktora Kosovca upoznam sa činjeničnim stanjem. Naime, u Ugovoru koji je potpisan između Zavoda zdravstvenog osiguranja i Doma zdravlja od 14. 10.2022 godine stoji da se usluge na nivou Kantona Sarajeva pruža za 191 tim područne medicine, kao i da se obavezuje Dom zdravlja u roku 12 mjeseci, svim timovima obezbijedi dodatnu edukaciju iz porodične medicine ili PAT.

Koliko sam upoznat da je prije neki pet, šest dana počela edukacija za timove porodične medicine, ali samo za nekih 11 ili 12 timova. Što je sa ostalih cirka 50 do 60 timovaporodične medicine koji nemaju PAT, a koji nisu uključeni u edukaciju? Ovo ništa ne bi bilo sporno da

krajem novembra ili početkom decembra Dom zdravlja donosi novi Pravilnik u kojem jasno naglašava ukoliko dr. medicine nema certifikat o dodatnoj edukaciji iz porodične medicine ili PAT, isti je dužan položiti u roku od 12 mjeseci, a do tada svoj rad obavlja isključivo pod mentorstvom. Automatizmom sa donošenjem novog Pravilnika cirka nekih 70 doktora medicine mora raditi pod metorstvom jer nemaju PAT. Dok drugih 70 mora biti mentor tim doktorima ili će nastaviti dalje da radi bez Pata, bez obzira što to nije tako predviđeno Pravilnikom. Šta je bitno za direktora. Sada imamo ovu situaciju. Zavod zdravstvenog osiguranja napravio je ugovor sa Domom zdravlja Kantona Sarajeva za 191 tim porodične medicine.

Domovi zdravlja donose Pravilnik i o automatizmom eliminišu iz tog ugovora neki 70 do osamdeset ljekara koji nemaju PAT, ali Domovi zdravlja i dalje primaju novčanu tranšu za 191 tim, bez obzira što ovih 60 do 70 doktora nemaju PAT i po Pravilniku ne mogu raditi u ordinaciji bez mentora.

Znači li ovo da ti mentori zarađuju evo da kažemo, uvjetno rečeno, platu za doktore bez PAT-a i znači li to da Dom zdravlja nije ispoštovao Ugovor sa Zavodom zdravstvenog osiguranja jer je potpisan ugovor za 191 tim porodične medicine, ali zbog novog Pravilnika, odnosno legislative u Domu zdravlja nema toliko doktora medicine koji mogu voditi timove. Na kraju, zanima me da li su na ovaj način oštećeni i sami građani, da li zaista ovi doktori mogu raditi sa pacijentima? Ako mogu raditi, zašto ih je neko eliminisao, jer ako po zakonu ne mogu raditi samostalno, onda moraju imati mentora. Ukoliko imaju mentora prijavljeni broj doktora porodične medicine nije u skladu sa navedenim ugovorom. Pa bih zamolio ministra, okolnost da je u uvodu direktor rekao da je ministar dao suglasnost na prijedlog, odnosno budžet da uzme u obzir ovu činjenicu koju sam naveo i da provjeri sve ove navode, jer u slučaju ukoliko su oni tačni, dakle praktično formalno- pravno, ugovor nije ispoštovan između Doma zdravlja i Zavoda zdravstvenog osiguranja, a na štetu građana. S tim da želim da naglasim da je jako teško da Zavod zdravstvenog osiguranja može propratiti sve ove ugovore, ovo bi bilo samo da kažemo upoznavanje direktora sa činjeničnim stanjem, pa da se on odredi naspram ovoga što sam ja rekao. A evo, ukoliko postoji mogućnost da mi ministar odgovori, bio bih zadovoljan. Okolnost da nije direktno vezano ni za ministarstvo, ali ministarstvo je dalo suglasnost i na Pravilnik o sistemazaciji radnih mjesta, vjerovatno je ministar upoznat pa evo, dajem prostor, dao sam i prošli put kad sam postavio ovo pitanje da mi može da odgovori i pismeno, ali evo ni prošli put mi nije odgovorio pa može da sam izabere na koji način da mi dostavi odgovor? Hvala.

### **Elvedin Okerić (Predsjedavajući)**

Dopredsjedavajuća Danijela Kristić se javila za riječ.

### **Danijela Kristić (Dopredsjedavajuća)**

Zahvaljujem predsjedavajući. Ja ću imati također par pitanja. U izvještaju ste naveli da će se navedeni način financiranje javnih zdravstvenih ustanova primjenjivati do stvaranja uslova za primjenu Odluke Vlade Kantona Sarajevo o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja koja je usvojena na Vladi u decembru 2022. godine i objavljena u službenim novinama. Kada očekujete da će se stvoriti u uslovi za provedbu navedene odluke? S obzirom da je usvojena moja inicijativa i da je Upravni odbor Zavoda zdravstvenog osiguranja izmijenio Uredbu kojom omogućava nabavku senzora za kontinuirano mjerenje šećera za sve oboljeli od dijabet sa Tip 1, da li je obezbijeden iznos za nabavku senzora u ovom Financijskom planu i pod kojom stavkom? U izvještaju koji se odnosi na pojedinačne zdravstvene ustanove evidentno je da u skoro svim zdravstvenim ustanovama broj zaposlenih manji nego što je bio u financijskom

planu 2022. godine, a znamo kolika je potreba za tim kadrom. Npr u Zavodu za hitnu medicinsku pomoć Kantona Sarajevo prema Financijskom planu za 2022. Godinu financirano je 317 radnika, a prema planu 2023. Godine 302. Ako možete obrazložiti taj dio, s obzirom da kod Zavoda za hitnu medicinsku pomoć nije navedena stavka da, sredstva za upošljavanje novog kadra realizirat će se na osnovu odluke, odnosno suglasnosti Vlade Kantona Sarajevo do broja financiranih radnika ili do iznosa planiranih sredstava, što je bio slučaj u nekim drugim zdravstvenim ustanovama. I isto pitanje kao kolegica Marijela zašto su usluge potpomognuti opladnje umanjene se 1 000 000 na 780 000? Hvala.

**Vibor Handžić (Dopredsjedavajući)**

Zastupnik Čičić ima riječ, izvolite.

**Davor Čičić (zastupnik)**

Zahvaljujem dopredsjedavajući. Pokušat ću kratko s ovim pitanjima. Prvo pitanje, a čini mi se da je već neko, čini mi se, zastupnik Selmanović postavio ovo pitanje vezano za malo pojašnjenje vezano za nabavku opreme koje je povećano za 700.000 i nabavku stalnih sredstava u obliku prava koja se isto značajno preko 2 000 000 maraka. Pa eto čisto kratko pojašnjenje, ali evo, bit ću zadovoljan ako bi odgovorila i na ovo što je zastupnik Selmanović postavio. Druga stvar, vidim da što je, mislim jako je pozitivno i ovo da se nabavljaju i nova oprema i licence? Pretpostavljam da su to licence i u svakom slučaju volio bih da čuju i građani šta se sve to nabavlja u okviru ove nabavke? A mislim, smatram da je jako pozitivno da se ide u tom smjeru. Drugo pitanje vidim da ste, što isto tako pohvalno povećali sredstva za većinu zdravstvenih ustanova u Kantonu Sarajevo i drugih institucija koje se financira iz ovoga Financijskog plana, odnosno Zavoda za zdravstveno osiguranje. A moje pitanje ide, vidim da nisu povećana sredstva za financiranje zdravstvene zaštite ustanovama socijalne zdravstvene zaštite, uglavnom su, znači, ti iznosi budžeta koje pokrivete iz tih za te ustanove ostali na istom nivou, a ove ostale ste značajno povećali, pa me samo zanima da li to planirate po broju u biti korisnika usluge? Kako planirate ta sredstva i zašto nisu povećana kada su svima ostali povećani? I zašto nisu sredstva i ovim ustanovama povećani? I treće pitanje, liječenje u inozemstvu? Vidim da je povećano nekih 2 000 000 maraka, pretpostavljam da je to na osnovu nekog izvršenja i potreba građana Kantona Sarajeva, ali evo čisto kratko pojašnjenje na osnovu čega ste došli do povećanja 2 000 000 maraka. Zahvaljujem.

**Vibor Handžić (Dopredsjedavajući)**

Zastupnik Zahiragić, izvolite.

**Haris Zahiragić (poslanik/zastupnik)**

Zahvaljujem se. Imao sam nekih pitanja s obzirom da su zastupnici pozicije a u izostanku velikog broja zastupnika NIP-a, očito, s obzirom da pitaju neka pitanja, ja ću poštediti Zavod zdravstvenog osiguranja, pa ću pitati samo dva pitanja koja su više sistemske prirode nego što su samog financijskog plana. Prvo pitanje koliko je raslo i zašto troškovi lijekova od donošenja nove Liste lijekova od strane Vlade Kantona Sarajeva prošle godine? I zapravo, pretprošle već sad čini mi se. I drugo pitanje do kada i zašto mi planiramo sredstva za financijske ustanove kada je ova Skupština više puta za zdravstvene ustanove, kada je ova Skupština više puta donosila odluke o reorganizaciji zdravstva, kada ćemo konačno provesti i da li ćemo ikada provoditi tu vrstu reorganizacije, to je pitanje za ministra zdravstva. Hvala vam.

**Vibor Handžić (Dopredsjedavajući)**

Nema više prijavljenih za pitanja?

Nemam, ha, ok. Zastupnica Gaković, izvolite, nisam vas vidio.

**Elza Gaković (poslanik/zastupnik)**

Zahvaljujem dopredsjedavajući. Naime, na društvenim mrežama pitanje za ministra Vranića pojavili su se, navodi, građana Općine Novi Grad, vezano za Dom zdravlja Novi Grad, gdje se navodi da služba za radiološku i ultrazvučnu dijagnostiku daje termin dana 21. 3. tek za 26.06. To je zaista ogroman rascjep u kome vremenski rascjep, u kome građani moraju dočekaju na svoju zdravstvenu uslugu. Ja vas pitam da li je ovo istina? Ako jeste, zašto se ovoliko čeka, odnosno 3 mjeseca na obični radiološki pregled? Hvala.

**Vibor Handžić (Dopredsjedavajući)**

Dobro, sad nemam više prijavljenih za pitanja. Bilo je pitanja i za ministra, bilo je pitanja i za direktora? Možete li odmah krenuti sa odgovorima? Uključite ministra Vranića. Izvolite.

**Haris Vranić (ministar)**

E, hvala, dopredsjedavajući. Ja bih samo htio reći da na većinu ovih pitanja može dati direktor odgovor, direktor Zavoda zdravstvenog osiguranja sa svojim saradnicima. Međutim, ja ću biti slobodan da se uključim u onim trenucima kada budem osjetio potrebu da dopunim ono što možda direktor Zavoda zdravstvenog osiguranja neću u cijelosti odgovoriti.

**Vibor Handžić (Dopredsjedavajući)**

Dobro.

**Haris Vranić (ministar)**

Naravno, odgovoriti ću i usmeno na sva ova pitanja koja su direktno meni upućena.

**Vibor Handžić (Dopredsjedavajući)**

Ok, direktore, jeste spremni odmah da odgovorite na pitanja? Ako jeste, izvolite. Koliko.

20 minuta, 20 minuta? Vi ste odmah spremni? Ajde vi na vaša pitanja? Vi direktore polako pripremajte svoj dio odgovora pa ćemo vidjeti koliko vam bude potrebno. Uključite ministra Vranića.

**Haris Vranić (ministar)**

E, hvala. Dakle, ja ću odgovoriti na nekoliko pitanja koja sam zapamtio. Jedno od prvih pitanja je bilo jedna ne znam ko je od zastupnika, nemojte mi zamjeriti, nisam zapisivao ko je od zastupnika, šta pitao, ali jedno od pitanja je bilo da je jedna od stavki u Financijskom planu predviđena za povećanje ustvari izdavanja za komisije koje odredi ministarstvo zdravstva. Ja mislim da sada u ovom trenutku nemaju jedna ili dvije komisije koje su formirane odlukom Ministarstvo zdravstva koje finansira Zavod zdravstvenog osiguranja, te mislim da ta sredstva su samo akumulirana kao neka rezerva i ne vjerujem da će ikada biti iskorištena u toj formi. Moram podsjetiti da Zavod zdravstvenog osiguranja u svom Statutu i u svom Pravilniku ima neke obavezne komisije kao što su komisija za posebne lijekove, komisija za izmještanje oboljele djece u inostranstvo, komisija za biološku terapiju itd. Dakle, neke koji su Pravilnikom i Statutom Zavoda zdravstvenog osiguranja obavezne, ali one se ne financiraju odlukama Ministarstva zdravstva, nego one spadaju obaveznu kategoriju Zavoda zdravstvenog osiguranja. Ono što je što sam još zapamtio, što mogu ja odgovoriti na ova pitanja od uvažene zastupnice Hašimbegović je pitala nekoliko pitanja. Jedno je bilo u vezi osiguranja puta tzv specijalizacija? Ja sam, evo, lično sam rekao zastupnici Hašimbegović, da je ona pobrkala.

Inače, obično mnogi brkaju dva zavoda, dakle Zavod za javno zdravstvo i Zavod zdravstvenog osiguranja. Zavod za javno zdravstvo kantona Sarajevo je nadležno da vrši procjenu i potreba za specijalizaciju koju upućuje prema Ministarstvu zdravstva. Ministarstvo zdravstva odobrava specijalizacije u skladu sa financijskim mogućnostima Zavoda zdravstvenog osiguranja. Zašto smo mi u Ministarstvu zdravstva po prvi put predvidjeli ovih 4 000 000 za nekih 76 specijalizacija, kako nam je izračunao Zavod zdravstvenog osiguranja, koliko bi to koštalo prema kolektivnom ugovoru? Osnovna stvar je bila da se ne opterećuje Zavod zdravstvenog osiguranja sa dodatnim specijalizacijama koje se obično raspisuju, a da nisu deficitarnog karaktera, toga ne treba kriti i svi smo svjesni toga da javnozdravstvene ustanove šalju obično specijalizacije koje su veoma atraktivne, one malo manje atraktivne, skoro nikad se ne pojavljuju, da tako kaže na ovome medicinskom tržištu. Mislim da je svjedok toga i doktorica Viteškić, ona je dugo u ovome poslu. Prema tome, vrlo dobro može znati kako su se te pod navodnicima specijalizacije i potrebe za specijalizacijama u ovim svim ustanovama, da tako kažem, namještale, tako da imamo nekih kadrova viška, nekih izrazito manjka, ali evo, srećom, odnosno sreća u nesreći koja smo imali u kovidu je ogolila, pa smo vidjeli koji to kadar nam nedostaju i oni svi procesi koji se nisu odvijali ranije. Za planiranjem raspisivanja specijalizacija se pokazalo veoma lošim. Ono što još mogu reći na neka od pitanja odgovoriti koja su upućena prema Zavodu zdravstvenog osiguranja koje je postavio ja mislim u prošlom, kao što je rekao zastupnik, uvaženi Bandić, nekoliko puta prema Domu zdravlja. Dobro se sjećam da je to postavio pitanje. Dakle, ja moram biti iskren da je Ministarstvo zdravstva 12. februara prošle godine 2022 godine uputilo zahtjev prema Domu zdravlja, kako direktori, tako Upravnom odboru da se odmah počne s primjenom edukacije iz PAT-a koja traje devet mjeseci. Opravdanje Doma zdravlja za ne počinjanje te specijalizacije, ne bih sada ovom prilikom koristio, međutim ono što sam ja navodio to je da počinjanje edukacije iz Pata da bi se osposobili timovi koje navodi zastupnik Bandić u svom izlaganju i koji potpuno odgovaraju istini. Dakle, oni su za 9 mjeseci, znači od februara da su počeli odmah, oni bi već imali ove timove formirane. Evo, nedavno smo imali tu svečanost započinjanja tog PAT programa. Evo, nadam se da ćemo nekako u nekom ritmu to i stići. Što se tiče zakonskih regulativa, da li svršeni studenti završenog Medicinskog fakulteta koji dobiju diplomu doktora medicine mogu raditi. Dakle, oni apsolutno onog momenta kada završe Medicinu, kada obave, da tako kažem, jednotjedni ili dvotjedni probni rad oni su apsolutno spremni da obavljaju poslove ljekara opšte prakse. Naravno, ne možete tu iskustvo porediti sa nekim ko je dugi niz godina radi sa pacijentima. Međutim, sjećam se svojih početaka kada sam bio sam u ambulanti, primao sam pacijente i pružao im zdravstvenu uslugu na osnovu onoga svega što sam uradio. Dakle, ono što je jako važno naglasiti to je da sa ovim kadrovskim popunjavanjem Doma zdravlja mi smo kao Vlada i resorno ministarstvo samo u zadnjoj godini dana odobrili negdje preko, ja mislim oko 57 novih zapošljavanja u Dom zdravlja, tako da smo optimizirali taj broj prema standardima i normativima. Praktično nam fali i još deset ljekara da bi u potpunosti popunili kadar sa potrebnim timovima porodične medicine. Mislim da ovo što prije treba zaživjeti. I vratio bih se još i na specijalizacije, dakle ove specijalizacije koji će nekih 76 biti odobreno i raspisano za javno zdravstvene ustanove, a koje su deficitarnog karaktera. One će imati i dvostruki karakter, dakle, imat će karakter potpune edukacije toga kadra, s obzirom da neće biti uslovljeni niti ograničavani iz matičnih ustanova. Svi ovdje koji smo ljekari znamo kako smo specijalizirali, da praktično šefovi naši nisu nam ni dozvoljavali da kružimo po programu Federalnoga ministarstva, nego smo bili taoci, administrativni u toku svoje specijalizacije. Ovi neće to biti moguće zbog toga što će specijalizantska knjižica nakon svakoga kruženja i onoga specijalističkog staža biti ovjerena od strane Ministarstva zdravstva? Onog momenta kada se završi specijalizacija, oni će biti primljeni na neodređeno vrijeme u javnozdravstvene ustanove, s tim što Ministarstvo i Vlada planiraju napraviti poseban program u smislu ugovornoga odnosa tih specijalizanata, tako da će oni morati odraditi najmanje jedan ciklus onih specijalizacija



koji, odnosno godina koje su financirane ili čak i 1,5 put za ono vrijeme koje su oni financirani. Uvažena zastupnica prof. Gavrankapetanović je postavila pitanje za Apoteke. Ja mislim da sam već u uvodnom izlaganju odgovorio ali evo, želim još jednom da naglasim prema standardima i normativima i federalnim, koji nisu više od decijenu mijenjani, mi smo, nažalost, ostali na tom broju famoznom od 20.000 stanovnika za otvaranje jedne dežurne apoteke. Mi ćemo kao kanton, dakle to nas ne obavezuju, ali daje nam mogućnost da imamo dežurne apoteke, a vi i sami znate koliko su naši građani senzibilni. Svaki bi građani htio praktično da u svojoj mahali ima ne samo ambulantu, nego da ima i apoteku. Mi ćemo napraviti što prije kao Ministarstvo zdravstva u koordinaciji sa Zavodom za javno zdravstvo detaljnu ekonomsku analizu potreba za dežurnim apotikama. Ono što je važno napomenuti, Pravilnik o u uslovima i kriterijima za otvaranje apoteka je završen. Treba da prođe čitavu je li ovu proceduru zakonodavnu proceduru da bi mogao stupiti na snagu. Dakle, oni koji budu ispunjavali uslove i prema potrebama stanovništva će se odrediti optimalan broj dežurnih apoteka koje se financiraju, odnosno čija dežurstva financira Zavod zdravstvenog osiguranja. Žao mi je što nema zastupnika Zahiragića pošto je on vrlo blizak i emotivno vezan za lijekove, pa mislim da će uspjeti ovaj zastupnik Dević detaljno prenijeti ovo moje izlaganje. Pa evo, ja želim da mu kažem da potrošnja lijekova u Zavodima zdravstvenog osiguranja je uvijek planirana u svim zavodima zdravstvenog osiguranja, ne samo kod nas, nego i u inostranstvu. Ona je planirana u iznosu do 20 % budžeta. S obzirom da Ministarstvo zdravstva je ozbiljna institucija unutar Vlade i Kantona Sarajevo, mi smo napravili detaljnu analizu. Pa moram vam reći jednu istinu koja je nepobitna, a to je da dolazi do rasta, do rasta potrošnje lijekova, odnosno izdvajanja novca za lijekove koji su na Federalnoj A listi koju smo mi dužni primjenjivati i za ono na B listi, koja je kantonalna lista? Nisam vas čio, izvinite. Dobro, ajde, ima još čekajte, polako. Dakle, dakle, želim, samo želim samo naglasiti, dakle, da da vam kažem plastično, dakle, porast lijekova je egzaktan podatak, međutim kada želite da to spinujete, onda ne govorite ono što je još važniji, da li dolazi do porasta budžeta Zavoda zdravstvenog osiguranja? Pa tako, recimo, 2017. godine budžet Zavoda zdravstvenog osiguranja je bio 369 000 000 maraka, od toga je za lijekove potrošeno 20,2 % . 2018 godine je budžet Zavoda zdravstvenog osiguranja bio 396. 946 000 maraka i potrošeno je 18, 8 % . '20. je godine 424 416 000 i potrošeno je 17,6 %. 2021 godine je budžet Zavoda zdravstvenog osiguranja iznosio 452.091.000 konvertibilnih maraka, a potrošeno je 17, 2 % na lijekove. E sad dolazimo do prošle godine 2020 godina 511,5 milijuna konvertibilnih maraka je Budžet Kantona Sarajeva, a potrošili smo 15 % na lijekove.

Dakle, tendencija je pada potrošnje lijekova i izdvajanja za lijekove ako uzmete ukupnu sumu prihoda. Dakle, ono što je jako važno, što ne znači da je ovo zakucana stavka da ona mora tako biti. Međutim, ono što je važno naglasiti Zavod zdravstvenog osiguranja je kao i svaka osiguravajuća kuća dužna da se brine o novcu koji joj je povjeren, ovdje je povjeren novac , javni novac od svih građana Kantona Sarajevo. Moramo znati da svi uposlenici Zavoda zdravstvenog osiguranja se financiraju iz tih sredstava, oni se ne financiraju iz budžeta, mi smo svi budžetski korisnici, oni nisu. I oni moraju domaćinski da se odnose, a što podrazumijeva da moraju da rade izrazitu kontrolu propisivačke politike? Zaključci svi koji su radili mnoge države u okruženju u Europi zašto raste potrošnja lijekova? Samo je jedan jedini razlog, a to vam je svima ovdje poznat, zašto raste potrošnja lijekova, a to je propisivačka politika. Dakle, kad imate propisivačku politiku koja nema nikakve kontrole, a svaka lista lijekova koja je donesena u Kantonu Sarajevo po svakom generiku ima jasno određene smjernice. Po kojima se može izdati neki lijek i ako vi to ne kontrolišete, onda ćete imati haos na, odnosno haos od propisivačke politike. U nekoliko navrata sam obraćao pažnju, skretao pažnju Zavodu za zdravstvenog osiguranja da mora pojačati kontrole. To je jedna stvar .Oni su se sada dovoljno kapacitirali sa kadrom što se tiče Komisija. I treća stvar, ono što je jako važno meni prema Zavodu zdravstvenog osiguranja, a to je da moraju pojačati kontrolu i naplatu potraživanja od drugih osiguravajućih kuća na osnovu nesreća koje su se desile. Ja mislim da je još 1 pitanje

bilo, ja mislim uvažena zastupnica Gaković mi je postavila pitanje za Dom zdravlja Novi Grad, koliko se sjećam, da se čeka na ultrazvuk duže vremena? Ja želim opet podsjetiti nažalost, i zastupnike i svo naše građane, da je još u septembru evo prošle godine Ministarstvo zdravstva po prvi put donijelo Pravilnik o ukidanju listi čekanja preko 30 dana. Mnoge zdravstvene ustanove, počevši od tercijalnog pa do primarnog nivoa, jednostavno ne žele da napišu na uputnicama tačan datum njihove narudžbe, nego ih naručuju usmeno, upisuju svoje u teke da se ne bi prikazalo koliko oni u stvari, ne želim svoje kolege ničim povrijediti, ali je više nego jasno da neke javnozdravstvene ustanove ne pružaju usluge u punom kapacitetu, za što su obavezne i zato se i stvaraju liste čekanja. Ne kažem da zdravstveni sistem, kako u Kantonu Sarajevo, u Bosni i Hercegovini i u cijelome svijetu ne postoji idealan svijet, gdje nećete čekati ni jednu uslugu, čekaju se usluge na neke operativne elektivne zahvate ili na sofisticirane dijagnostičke procedure po više mjeseci. To je sasvim normalno, ali isto tako kod njih se radi evaluacija učinka rada pojedinih, odnosno svakih zdravstvenih ustanova koje se financiraju. I ona, što je najvažnije, odgovornost na dobroj organizaciji, iskorištenosti čitavoga ljekarskoga kadra i medicinskog kadra leži isključivo na menadžmentima tih ustanova. Ministarstvo zdravstva nije dužno da određuje. Menadžeri su oni koji su postavljeni na menadžerske funkcije da budu direktori, ali isto tako da snose odgovornost za ono što oni rade, a ne da se pozivaju i pokrivaju ministrovim šinjelom kada nešto ne radi. Dakle, velike su, vi svi znate želje i ambicije da se što prije zasjedne u direktorsku fotelju, ali kad se zasjedne u direktorsku fotelju, onda bi najrađe bilo da ne bude nikakvih problema i da ih drugi rješava. Evo, ovaj put neka direktori rješavaju te probleme i bolje .

#### **Vibor Handžić (Dopredsjedavajući)**

Izvenite ministre, poslovnička intervencija zastupnik Dević izvolite.

#### **Mahir Dević (poslanik/zastupnik)**

Meni je zaista žao što moram

#### **Haris Vranić (ministar)**

ja nisam poslanik.

#### **Mahir Dević (poslanik/zastupnik)**

Prekinuti ovu samopromociju kolege ministra jel? Bojim se da smo malo otišli dopredsjedavajući od tačke? Znači mi smo postavili pitanja, ovo je daleko izvan odgovora na ta pitanja. Ja sam pažljivo sva ta pitanja slušao. Ovo sada što na ministar iznosi je neka opća priča koja je njemu ovako svojstvena u prethodnim, nekim izlaganjima da nam potroši 20 i 30 minuta na teme koje mi nismo pitali. Nemam ništa protiv nego da se ministar uključi u diskusiju, eventualno kad budemo, evo kolega Haris kad se vrati, ali ovo sada je izvan odgovora na pitanja. Tako da ću vas zamoliti da ostanemo na pitanjima. Sad je tačka pitanja i nezadovoljstvo odgovorima, pa kad dođe diskusija, evo nego se javi ministar.

#### **Vibor Handžić (Dopredsjedavajući)**

Dobro, kako vi ono pitate koji član Poslovnika? Niste rekli. Može jedino poslovnička intervencija? Nema replike na poslovničku intervenciju. Poslovnička intervencija zastupnica Kapo.

**Belma Kapo (poslanik/zastupnik)**

Pošto sam ja tek ovdje došla, da ne bi bilo ovaj jel poslovnička intervencija ili replika, samo sam htjela kolegi Deviću reći ako možda nije pažljivo slušao, kolegica je pitala, postavila pitanje ministru Vraniću o listi čekanja unutar Doma zdravlja Novi Grad i upravo je ministar odgovarao o toj listi čekanja? Odgovor je kompleksan, pa se možda učinilo kolegi Deviću da je to samopromocija. Znači, u temi smo jer je bilo zaista pitanje o radiološkim pretragama? Eto, hvala. Pitala je.

**Vibor Handžić (Dopredsjedavajući)**

Direktor je svakako tražio pauzu da se spremi za svoj dio odgovora. Ministar popunjava to vrijeme super, tako da samo nastavite. Uključite ministra Vranića.

**Haris Vranić (ministar)**

Mogu ja, sad? E, hvala vam lijepo. Meni je izuzetno žao što ovaj zastupnik Dević je već počeo gubiti koncentraciju, ovaj nije pratio pitanje. Razumijem, nije, sad nije nikakav problem, samopromociju sam ja davno radio, najmanje mi je važno da je vama radim. Dakle, apsolutno sam odgovarao na pitanje koja.

**Vibor Handžić (Dopredsjedavajući)**

Moram dati opet poslovničku intervenciju zastupniku Deviću., hajte da izbjegnemo personalno da ne bi ušli sad u poslovničke intervencije, molim vas.

**Haris Vranić (ministar)**

Dević je najbolji.

**Vibor Handžić (Dopredsjedavajući)**

Nemojte, molim vas.

**Mahir Dević (poslanik/zastupnik)**

Predsjedavajući ja ću vas zamoliti da upozorite.

**Vibor Handžić (Dopredsjedavajući)**

Evo, jesam, upozorio sam.

**Mahir Dević (poslanik/zastupnik)**

ministra Harisa Vranića na ponašanje, na ovo što radi trenutno.

**Vibor Handžić (Dopredsjedavajući)**

Jesam upozorio sam.

**Mahir Dević (poslanik/zastupnik)**

Nisam čuo.

**Vibor Handžić (Dopredsjedavajući)**

Niste zato što ste govorili uporedo sa mnom, a jesam upozorio sam.

### **Mahir Dević (poslanik/zastupnik)**

Upozorite ga na ove zloupotrebe Poslovnika, ja nemam ništa protiv da ministar pokuša da napravi neke šale koje imaju smisla, ali ovo izlazi iz okvira dostojanstva i rada Skupštine Kantona Sarajevo.

### **Vibor Handžić (Dopredsjedavajući)**

Rekao sam odmah da izbjegnemo ove personalizirane odgovore, da ne bi pogotovo upali sad ovaj cijelu razmjenu poslovnčkih intervencija jer je kasno zaista već.

Jel? Ne znam? Nisam vidio jel se zastupnice Gavrankapetanović javila za diskusiju. Nezadovoljstvo odgovorom nemamo, to je samo opcija poslovnička u okviru tačke Poslovnička pitanja. Možete se za diskusiju prijaviti, ja ću vas ovdje ostaviti kao zabilježenu.

### **Haris Vranić (ministar)**

Evo da ja ne nastavljam više.

### **Vibor Handžić (Dopredsjedavajući)**

Ne, jeste li imali? Ne vidim vas više ovdje prijavljenog?

Hoćete nastaviti s odgovorima? Ja očekujem da direktor bi trebao da dođe u svakom trenutku.

### **Haris Vranić (ministar)**

Ja ne mogu sada da se sjetim svih odgovora, ali rekao sam da ću se uključiti ukoliko bude potrebno, da dadnem neka pojašnjenja, s obzirom da se radi o nekim pitanjima koji su nekada i usko vezana za Ministarstvo zdravstva. A nisam ništa loše mislio ovaj gospodinu zastupniku Mahiru Deviću, eto onako htio sam da razbijem ovu monotonu atmosferu, ali mislim da stvarno nije slušao pitanja. Ja sam striktno odgovarao na pitanja.

### **Vibor Handžić (Dopredsjedavajući)**

Poslovnička intervencija zastupnik Dević.

### **Mahir Dević (poslanik/zastupnik)**

Naravno da sam ja ministre slušao sva pitanja koja sam ovaj postavio onome ko je bio uvodničar ove tačke. Vi ste u uvodnom dijelu ove tačke kazali ništa, za razliku od ljudi iz Zavoda koji su napravili jednu ozbiljno izlaganja, a onda ste nakon toga pokušali da iskoristite ovih dvadesetak minuta malo da nas ovdje na Skupštini zabavljate vjerojatno dok vi iz Zavoda pripreme odgovore na pitanja, pa ste malo šarali o nekim temama, pričali nam o nekim menadžmentima, kako se ko gdje postavlja, o nekim knjižicama, o specijalizacijama. Znači vi ste cijelo vrijeme izvan pitanja. I dobro, to je OK, teško se držati sada što kažu jel ovaj tačke dnevnog reda? Dali ste odgovor na pitanja po kom principu raspodjele? Ta pitanja nisu bila upućena vama? Pitanja su bila upućena predlagачu. Pa naravno da sam slušao cijelo vrijeme i tako da ta neka vaša duhovitost koju pokušavate da napravite da biste relativizirali važnost ove tačke je za mene nešto što je već viđeno i u prethodnom mandatu, tako da smatram da ovo nije, naravno, bilo u skladu s Poslovnikom i zato sam reagovao. Hvala.

### **Danijela Kristić (Dopredsjedavajuća)**

Ja ću vas morati samo ispraviti u dijelu da je ministar zadnje pitanje na kojem ste prekinuli odgovarao kolegici Elzi? Znači, bio je odgovor na to pitanje. Ali hajmo dalje. Ministre imate li još za odgovoriti ili da vidimo dokle nam je direktor Zavoda zdravstvenog osiguranja?

Evo, direktor će nam doći za 3 minute ako želite dovršiti svoj odgovor kolegici Elzi.

**Haris Vranić (ministar)**

Hvala. Dakle, evo, ja mislim da sam u skoro u cijelosti odgovorio ovaj zastupnici Elzi. Ono što je važno, ja sad opet naglašavam, sad to kako god hoće, neka ko shvati, ali ja moram reći da opet menadžeri su ti koji organiziraju službu i rad svojih službi. Zašto to govorim? A to je zato što stalno pitate kako imate liste čekanja i kako nisu svi kapaciteti zdravstvenoga sistema iskorišteni? Naravno da nisu iskorišteni. U svim normalnim zemljama zapadnim zemljama gdje je uređeniji zdravstveni sistem ne zatvaraju se bolnice i ambulante se ne zatvaraju u 2 sata popodne, nego oni rade 24 sata. Sad, hoće li to nekome zvučati lijepo, prijemljivo uhu da se operacije operišu elektivne programe 24 sata, a ne da u pola 4 su zaključane i da ih čistačica očisti i to je kraj radnoga vremena. Onda ćete, naravno, vječno imati kako se zove, imat ćete liste čekanja koje će sve biti duže i duže. Eto, to je bilo ono što sam ja htio reći i nikakvu promociju ne radim, ali mislim da menadžeri opet ponavljam da menadžeri javnozdravstvenih ustanova moraju se potruditi da bolje organiziraju posao i da iskoriste i svoj kadar maksimalno za one plate koje su više nego dovoljne, ne dovoljne, nego poboljšanje i u odnosu i na okruženje izuzetno visoke u odnosu na ono što bi se moglo još bolje pružiti unutar zdravstvenog sistema.

**Vibor Handžić (Dopredsjedavajući)**

Poslovnička intervencija zastupnik Dević.

**Mahir Dević (poslanik/zastupnik)**

Hvala dopredsjedavajući. Ispred Kluba SDA tražim pauzu pola sata, treba da se pripremimo za diskusiju po ovoj tački dnevnog reda. Hvala.

**Vibor Handžić (Dopredsjedavajući)**

Pauzu pola sata.

**NASTAVAK NAKON PAUZE**

**Danijela Kristić (Dopredsjedavajuća)**

Ja bih zamolila direktora ako možete odgovore nam ponuditi na postavljena pitanja. Kolega, obrazložili ste, kad ste tražili pauzu radi pripreme i diskusije, rekli ste da vam treba pauza od 30 minuta, ali evo, ako imate potrebu da i vi to kažete izvolite.

**Mahir Dević (poslanik/zastupnik)**

Pa dobro, evo, ako ste vi to već ponovili, nije problem, ali da nam ne oduzimate poslovničko pravo. Znači, trebala nam je priprema nakon iscrpnog izlaganja ministra zdravstva da spremimo kvalitetne odgovore na ove teze koje je ministar postavio. Mi smo potpuno spremni, naravno da nastavimo vrlo konstruktivan rad po ovoj tački dnevnog reda. Hvala vam najljepša.

**Danijela Kristić (Dopredsjedavajuća)**

Izvolite direktore.

**Muamer Kosovac (direktor ZZO KS)**

Uvažena predsjedavajuća, uvaženi zastupnice i zastupnici, odgovor na pitanje. Prvo je postavio pitanje uvaženi zastupnik Mahir Dević. Odnosi se na stručne usluge ISO standardizaciju

Zavoda zdravstvenog osiguranja. U svom uvodnom izlaganju sam rekao da nastojimo u Zavodu zdravstveno osiguranje uspostaviti sistem koji neće zavisti od pojedinca. U kojem će se jasno uspostaviti procedure postupanja po kojima se odvijaju poslovni procesi.

Jedan od rijetkih Zavoda koji nema uvedenu ISO standardizaciju, odnosno sistem upravljanja kvalitetom je Zavod zdravstvenog osiguranja Kantona Sarajevo. Kad sam stupio na ovu poziciju, malo mi je bilo nelogično, čudno i jako rizično po Zavod da sistem zavisi od pojedinca i da ne postoji način utvrđivanja jasne procedura kako se postupa u određenim kriznim situacijama. Namjerno govorim kriznim situacijama zato što Zavod raspolaže jednim velikim informativnim sistemom u koji se ulagalo godinama i nije uspostavljena konkretna procedura šta se dešava u kojem slučaju kada taj sistem padne, kada se veza između zdravstvenih ustanova, kada se pacijenti pregledaju prekinu sa Zavodom zdravstvenih osiguranja? Znači svi ti sistemi su zajednički povezani linkovima između zdravstvenih ustanove. Cilj nam je uspostaviti takav sistem gdje će se jasno uspostaviti procedure i kroz sistem upravljanja kvaliteta ćemo to uspostaviti u narednom periodu. To su stavke vezano za ISO standardizaciju. Osnovna ISO standardizacija jest ISO 9001 koji u fazi implementacije. Imamo eksternog eksperta koji početkom marta ćemo pristupiti certifikaciji tog sistema. To su svi poslovni procesi koji se odvijaju u Zavodu, na koji način se funkcioniše i to. Zavod je dugo godina funkcionirao po principu da je zavisio od nekoliko osoba u Zavodu, gdje kada odu te osobe, zbog fluktuacije osoblja, zbog odlaska u penziju itd onda nastaju problemi. Znači, ne postoji jasno uspostavljene procedure kako funkcioniraju procesi, posebno oko informatizacije. Taj sistem je relativno rizičan na eksterne upade i taj uvođenje sistema sistema upravljanja kvalitetom će onemogućiti, odnosno uspostaviti jasne procedure kako funkcionasati. To je prvo pitanje. Izdaci na osnovu prava za medicinska sredstava 20 miliona. To je povećano za 6 miliona u odnosu na izmjene i dopune Financijskog plana. Kao što sam ponovno govorim u uvodnom izlaganju rekao, 5,5, milijuna je uvedeno na osnovu smjernica Ministarstva zdravstva, a ostatak se odnosi na povećanje cijene zbog inflatornih kretanja, kako bi naš osiguranici, mogli li imati kontinuiranu zdravstvenu zaštitu po ovom osnovu.

Dalje, naknada za članove komisije po rješenjima ministarstva zdravstva. Povećanje od 20.000 KM. To su u biti Zavod nema utjecaja na formiranje navedenih komisija, niti određuje visina naknade, kao ni članove u tim komisijama. Plaćanje se vrši po odlukama Vlade, odnosno resornog ministarstva, uz obavezan izvještaj o održanoj sjednici i prisustvu istoj. Znači, nema utjecaja na članove te komisije.

Za komisije. Zavod ne utječe na formiranje navedenih komisija, niti određuje visinu naknade kao ni članove te komisije. Sem uglavnom sekretar te komisije dolazi iz Zavoda. Plaćanje se vrši po odlukama Vlade, odnosno resornog Ministarstva, uz obavezan izvještaj o održanoj sjednici i prisustvu istoj.

Ovaj dio koji se odnosi na neurorehabilitaciju. Pitanje je bilo ko će ovo raditi, ko radi u sistemu zdravstvene zaštite i tzn. Također, izvršeno po smjernici ministarstva. Ugovaranje će se provesti transparentno, u skladu sa Zakonom o javnim nabavkama. Znači odnosi se na smjernice ministarstva i, naravno, u komunikaciji sa ministarstvom će se provesti javna nabavka. Moram da kažem da ovo što se odnosi na smjernice uglavnom zajednički sa ministarstvom se formiraju komisija za javne nabavke i uvijek je član komisije nastojimo da bude iz ministarstva zdravstva. Znači kako bi bilo transparentno, a za sve postupke koji se provode preko 250.000 KM prisustvuje eksterni neovisan ekspert ispred Ureda za borbu protiv korupcije kako bi transparentnost u potpunosti bila zadovoljena i u tom segmentu. Deficitarne usluge za koje postoji lista čekanja. Zašto izdvajamo stavku.

Zbog čega se povećalo, i to. Prema odluci Vlade listu usluga definiše ministarstvo. Zavod provodi postupak nabavke. Imajući u vidu da ministarstvo kao predstavnik osnivača vrši nadzor

nad zdravstvenim ustanovama, vjerujemo da podaci koji nam dostavlja odgovaraju stvarnim potreba Kantona Sarajevo. Naravno, ministarstvo je kreator zdravstvene politike u Kantonu Sarajevo. Podsjećamo da ovo nije neuobičajeno i da većina ostalih kantona u svom budžetu ima ovu stavku za dijagnostičke deficitarne usluge. Napominjemo da u suradnji sa ministarstvom će se provesti transparentan postupak javne nabavke kako bi osiguranicima obezbijedila najbolje usluge.

Uvažena zastupnica Smiljana Viteškić je postavila pitanje sredstva za financiranje obaveza prema amandmanu 5. pedijataru. Navedena sredstva su unesena amandmanom Skupštine Kantona Sarajevo, kao što vam je poznato, sa jasnom naznakom da će sredstva biti implementirana nakon dostavljanja dokaza o visini i potrebama utroška za ovu stavku.

Znači radi se o tzv. namjenskim sredstvima. Kako se radi o skupštinskom amandmanu koji nije realiziran u toku 2022 godine, jer nije bilo zahtjeva u strane Opće bolnice, on je prenesen u novi finansijski plan. Vakcinacija HPV mislim da je to pitanje za uvaženog ministra, ovaj, najbolje će on odgovoriti to pitanje za HPV vakcinaciju.

Koliko je utrošeno sredstava za medijsku kampanju. I to, eto, mislim, možda je to već odgovoreno?

Neurorehabilitacija, to sam već odgovorio na ovo pitanje. Palijativna njega zašto je planirano? Gdje će se organizovati? Planirano je, također, prema smjernicama ministarstva. Ovo je zaista pohvalno da prvi put Kanton ima inicijativu po smjernicama ministarstva naravno, za formiranje palijativne njege. Taj program je jako bitan. Ne znam da li ikada postojao u Kantonu Sarajevo, u drugim kantonima postoji i ovo je zaista u interesu osiguranika. Nabavka će se provesti transparentno, putem odgovarajućeg postupka javnih nabavke, uz jasne upute ministarstva kao kreatora zdravstvene politike u vezi uslova, i načina implementacije. Znači postojat će jasne ulovi i način implementacije.

Ovo da li je istina da mi mimo suglasnost i ovo, to je, pretpostavljam, pitanje za Vladu, izmjene uredba u djelu koja se tiče broja trakica za mjerenje šećera. To je pitanje za Vladu, jer Vlada je usvojila ovu Uredbu.

Uvažena zastupnica Fatima Gavrankapetanović Da li je urađena analiza i ekonomska isplativost još dežurne 2 apoteke? Navedena stavka je uvrštena po smjernicama ministarstva. Pretpostavljam da je ministar u svom izlaganju već dao odgovor vezano za apoteke.

U biti, na koji način da li je urađena analiza? Zavod ne radi te analize, nije u ingerenciji Zavoda da radi analize na kojem području je potrebna, koja apoteka dežurna i koliko je uopće potrebno.

Uvaženi zastupnik Faruk Selmanović spominje se IP telefonija na različitim stavkama. Dobro ste prepoznali. Međutim, radi se o nabavi koja se računovodstveno evidentira na dvije pozicije, kao oprema i softver i zbog toga mora biti razdvojena, znači, nije razdvojena nabavka, već su pozicije u Finansijskom planu razdvojene zato što se radi o opremi i softveru. Razlog SD vana i način implementacije. Radi se o uslovima za primjenu internet linkova između Zavoda i zdravstvenih ustanova koje su mnogostruko jeftiniji od postojećih linkova koji su godinama bili u Zavodu. I podrazumijevaju savremeniji način komunikacije. Znači sva komunikacija koja se odvija između zdravstvenih ustanova, informacionog sistema Zavoda odvija se putem tih linkova, između Kliničkog centra, Opće bolnice i Doma zdravlja i drugih ugovornih zdravstvenih ustanova se odvija stalna komunikacija, ovaj kada se obavlja pregled kod doktora, kada se vrši snimanje kroz PAKS, RIS itd. Znači, ovo je unapređenje koje će mnogostruko biti jeftinije od ovog prethodnog. Radi se back up eksterno van zgrade, države i to. Radi se o dogradnji postojeće server sale. Već sam spomenuo da je već od 2010./2012. godine uvedena je informatizacije u zdravstvu koja je jako korisna i koja treba zaista. U te sisteme predviđa se da je uloženo nekih od 17 do 20 000 000 KM u tom periodu od 2010 do

danas. Međutim, nikada se nije posvećivala pažnja sigurnošću tog sistema. Imamo u posljednjem periodu u regiji imamo primjere gdje su u Makedoniji to su nas upozorili eksterni bendori, zlonamjerni hakeri, blokirali informativni sistem i traže 40 000 000 KM kako bi odblokirali taj sistem. Mi smo u stalnoj komunikaciji sa dobavljačima, sa bendovima koji su implementirali sistem u Zavodu.

I oni su zaista spomenuli da postoji veliki izazov, odnosno rizik u Zavodu kako se ne bi dalje izlagali tim rizicima, Zavod se opredijelio i to je opredjeljenje Zavoda kako bi se taj sistem unaprijedio, odnosno adekvatno zaštitio, kako ne bismo došli u situaciju kao zemlje u regiji.

To se odnosi na nabavku sistema koji je već nabavljen. To je ZTA, to su skaćenica, (nerazumljivo) i ICT, to su sigurnosne komponente koje se nadograđuju na postojeći sistem i koji će zaštititi sistem od eventualnih napada eksternim kojima je izložen. Radi se o podacima o 425.000 osiguranika koji su jako važni i naravno, mi kao Zavod moramo, imamo i odgovornost prema tome da te podatke zaštitimo adekvatno.

Dalje, također u kontekstu zaštite ličnih podataka i radi se o sigurnosnim rješenjima koja će riješiti te izazove.

CRM pitanje, također, bilo za CRM ovaj da li je kompletno rješenje softversko? Radi se o kompletnom rješenju. Zavod je novom sistematizacijom osnova novu jedinicu za javnost rada. Jako nam je važno da budemo što transparentniji i okrenuti prema osiguranicima, ne želimo i nije nam cilj da budemo zatvoreni, moramo i težiti ćemo da budemo u potpunosti na usluzi našim osiguranicima. I naravno, CRM je softversko i hradversko rješenje koje će osiguranicima omogućiti jednostavniji pristup Zavodu, odnosno uslugama koje ostvaruju preko zavoda. Uvažena zastupnica Marijela Hašimbegović. Pitanje je bilo često se susrećem sa situacijom da su građani potpuno neinformisane. Ovo je naslanjeno na prethodno pitanje. Upravo iz tog razloga nastojimo inovirati našu web stranicu koja je dosta zastarjela. Uvođenjem CRM-a također ćemo ovaj omogućiti jednostavniji pristup osiguranicima. Fond za teško oboljelu djecu 2 000 000. Ja moram da kažem da su ta sredstva uduplana u odnosu na prošlu godinu, finansijski plan od prošle godine. Nažalost, svjesni smo dijelom činjenice i da osiguranici nisu dovoljno informirani o svojim pravima i Zavod aktivno radi na poboljšanju u tom segmentu. Nisu bile ni rijetki situacije da smo putem društvenih mreža kontaktirali porodice koje skupljaju sredstva i upućivali na ovo pravo.

Pokušavamo biti što otvoreniji prema građanima i ovo su neki segmenti u kojima možemo postići unapređenje.

Umanjena stavka za sufinansiranje potpomognute oplodnje. Poznato vam je da Zavod program potpomognute oplodnje je u proteklom periodu od 2018. godine bio lider u Bosni i Hercegovini, da tako kažem ovaj u programu sufinansiranja potpomognute oplodnje. U prošloj godini smo prvi potpisali ugovore sa klinikama kako bi omogućili našim građanima da bez zaduživanja i podizanja kredita kako bi ostvarili to pravo omogućimo jednostavniji pristup ovom Programu. Zbog čega je smanjena ova stavka? Iz razloga što je prema federalnom zakonu financiranje prešlo na nivo Federacije, ali je Zavod, naravno, spreman u interesu osiguranika u skladu sa mogućnostima i prema potrebama osiguranih lica, uvesti i dodatni paket prava koji se odnosi na ovaj Program.

Specijalizacije? Da li vi pripremate materijale ministarstva za specijalizacije? U finansijskom planu planirana sredstva u iznosu od 14,5 milijuna KM za 307 specijalizacija koji su već započeli specijalistički staž i za 44 specijalizanta, koji staž trebaju započeti. Ministarstvo zdravstva zajedno sa Ministarstvom za javno zdravstvo utvrđuje prijedlog plana potrebnih specijalizacija. Nemamo informacija da li je ovaj plan sačinjen za 2022 godinu.



Da li imate dugovanja prema privatnim ustanovama? Nemamo dugovanja prema privatnim ustanovama niti prema bilo kome nemamo dugovanja. Nastojimo svoje obaveze blagovremeno rješavati. Uvaženi zastupnik Muamer Bandić je postavio pitanje mislim da je to pitanje bilo za ministra zato ne bih puno.

Uvažena zastupnica Danijela Kristić. Prvo pitanje odnosi se na prelazak na novi način financiranja. Kako bi se osigurao prelazak na novi način financiranja ključno je da Vlada i Skupština usvoje Odluku o proširenom obimu prava kojom bi se proširili federalni standardni i normativi, a koje ovlaštenje je propisano Zakonom o zdravstvenom osiguranju. Koliko nam je poznato, prethodni saziv Skupštine je usvojio zaključak kojim je ukazano na potrebu donošenja ove odluke. Naime, ukoliko bi se postojeći federalni standardi i normativi primijenili u Kantonom Sarajevo Kanton bi imao oko 1800 viška kadra u zdravstvenim ustanovama. Oko 1000 ljekara bi bilo viška.

To bi itekako ugrozilo sistem, što, naravno, ne odgovara stvarnom stanju na terenu i potrebama.

Tu bi bilo viška kako je Zavod uradio simulacije oko 660 kreveta u bolnicama, što također ne odgovara stvarnom stanju. Tako da očekujemo u narednom periodu ovaj da će uspostaviti jasna Odluka o mjerilima i kriterijima i ova Odluka o proširenim obimu prava, ovaj kako bi se moglo prijeći na ovaj novi način financiranja.

Također, bez okončanja procesa reorganizacija, a to je jedno od pitanja bilo, zdravstvene ustanove prema Planu reorganizacije kojeg je Skupština usvojila 2017 godine, nije moguće provesti novi sistem ugovaranja.

Dakle Zavod je u potpunosti opredijeljen za novi sistem ugovaranja u skladu sa važećim zakonima. Ali, naravno, kada instance vlast osiguraju formalne, ali i suštinske predušlove za navedeno, svako drugačije postupanje bilo bi izazovno i potencijalno bi moglo ugroziti zdravstveni sistem u KS.

Da li su obezbijedena sredstva za senzore i pod kojom stavkom? Da, u potpuno su obezbijedena sredstva za senzore za kontinuirano mjerenje glukoze u krvi pod stavkom medicinska i ortopedska pomagala. U zdravstvenoj ustavni financira je manji broj radnika, odnosno prošlu godinu za Hitnu zapošljavanje.

Ovo se odnosi iz razloga što u skladu sa planiranim, nije izvršeno zapošljavanje novih radnika u zdravstvenim ustanovama. Financijskim planom je to predviđeno. Naravno, upošljavanje podrazumijeva odobrenje od strane resornog ministarstva, odnosno Vlade kadra. Obzirom da je uvaženi zastupnik Davor Čičić rekao da će biti zadovoljan odgovorima prema zastupniku Selmanoviću, mislim da sam odgovorio na ovo pitanje. Zahvaljujem.

Uvaženi zastupnik Zahiragić je postavio pitanje vezano za lijekove. Ja bih rekao da je to pitanje za Vladu i ministarstvo, obzirom da odluku o Listi lijekova na prijedlog ministarstva donosi Vlada. Razlog zbog povećanja ove stavke, zbog povećanja ove stavke jeste povećanje broja generika na Listi A, uvođenje novih lijekova koji zahtijevaju veći iznos, te se povećalo učešće Zavoda na pojedinim lijekovima sa B liste. Znači, dakle, ova lista lijekova ne financira se u cijelosti, ali je povećan iznos koji se sufinansira od Zavoda.

I ovo je pitanje uvažene zastupnice Elze Gaković mislim da je ministar već u međuvremenu odgovorio na ova pitanja. Eto, zahvaljujem. Mislim da.

### **Danijela Kristić (Dopredsjedavajuća)**

Zahvaljujem se direktore je na odgovorima. Otvaram raspravu. Zastupnica Gavrankapetanović- Smailbegović. Izvolite.

### **Fatima Gavrankapetanović-Smailbegović (poslanik/zastupnik)**

Zahvaljujem se. Slušala sam pažljivo odgovor ministra zdravstva, profesora doktora Harisa Vranića, pa nije mi potpuno jasno kojim standardom i normativnim se, kojim je ustvari utvrđen broj stanovnika za jednu dežurnu apoteku, iz koje godine su ti normativi na koji se referiše? Ako smatrate da ti normativi nisu dobri, zašto ih niste unaprijedili, pa tek onda postupali po novim normativima? Postavila bih isto sad jedno samo pitanje, kada govorimo o financiranju vantjelesne oplodnje, zašto se dio sredstava ne ulaže u neku od javnih zdravstvenih ustanova da se oformi IVF odjeljenje, jer u Kantonu Sarajevo nemamo niti jednu javnu zdravstvenu ustanovu koja se tim bavi. U Kliničkom centru, na klinici za ginekologiju i akušerstvo imamo već veliki dio opreme i kadra. Potrebno je vrlo malo sredstava da se ulože da bi se ovaj IVF centar pokrenuo. Zahvaljujem se.

### **Danijela Kristić (Dopredsjedavajuća)**

Zastupnica Gaković.

### **Elza Gaković (poslanik/zastupnik)**

Zahvaljujem dopredsjedavajuća. Pa ministre, ja zaista razumijem da je zdravstvo jedan kompleksan resor, ali građani koji svakodnevno imaju potrebu ka usluzi ne smiju da trpe. Nekako svakodnevno u komunikaciji sa građanima ja stičem dojam da domovi zdravlja su zaista stasali za jednu duboku i detaljnu reformu i reorganizaciju. Npr u Domu zdravlja Vogošća mi nemamo ortodonski tim, nemamo tim za oralnu hirurgiju, tim za bolesti usta i zuba. Pacijenti iz Ilijaša i Vogošće uslugu ne mogu da dobiju prije Doma zdravlja Vrazovo i jednostavno, svakodnevno su suočeni sa ogromnim poteškoćama prilikom dobivanja jedne od osnovnih i, možemo reći, kompleksniji zdravstvenih usluga. Neki domovi zdravlja te specijaliste imaju u jednoj ordinaciji po dva tima, dok evo na primjer u Doma zdravlja Vogošća nemamo apsolutno niti jedan tim. Dom zdravlja Vogošća ima uslove da se formira specijalistička služba, ali bitno je imati sluha za te potrebe i obzirom na rast broja stanovnika u općini Vogošća postoji zaista jedna opravdanost i potreba za boljom uslugom svih stomatoloških grana. U Domu zdravlja Centar, tj Vrazovo rade četiri oralna hirurga, ako nisam u pravu, ispravite me, u dvije smjene, dok u Domu zdravlja Vogošća mi nemamo niti jedan ortodonski tim. Nije nam bolja situacija ni u Zavodu zaštita žena i materinstva, gdje je žene, majke, trudnice čekaju po par mjeseci na ultrazvučni pregled, a naravno da u tom vremenskom periodu ni jedna žena neće čekati po par mjeseci na tu jednu jako bitnu uslugu. I onda su vrlo često prisiljene ići u privatne ordinacije. Ovo zaista govori da se i mi, a i vi kao resorni ministar, moramo dublje pozabaviti Domovima zdravlja, moramo znati šta je to što je najbolje za naše građane i na kraju donijeti i doći svi zajedno do tog rješenja. Zahvaljujem.

### **Danijela Kristić (Dopredsjedavajuća)**

Zastupnica Viteškić.

### **Smiljana Viteškić (poslanik/zastupnik)**

Zahvaljujem se dopredsjedavajuća. Ja smatram da Financijski plan Zavoda zdravstvenog osiguranja Kantona Sarajevo za 2023. godinu u nedovoljnoj mjeri prepoznaje realne potrebe Zavoda za transfuzijsku medicinu Federacije Bosne i Hercegovine na način da je za materijalne troškove predvidio oko 44.000 Konvertibilnih maraka povećanja, što nije dovoljno ni za nabavku sredstava za afterezno prikupljanje trombocita koji se enormno iznad plana za 2023 potražuju i pripremaju za osiguranike Kantona Sarajevo i druge pacijente. Rastu enormno i zahtjevi za analizama iz oblasti koagulacije i znatan broj pacijenata se iz primarne zdravstvene

zaštite upućuje prema Zavodu za transfuzijsku medicinu Federacije Bosne i Hercegovine. Osim toga, Zavod je jedina vanbolnička ustanova koja izvodi screening test, ja ću reći puno ime "aktiviranu parcijalnu tromboplastinsko vrijeme" potreban za praćenje učinkovitosti vanjskog i unutrašnjeg puta koagulacije, posebno kod terapije heparinskim preparatima. Posljednja realizirana specijalizacija iz transfuzijske medicine je 2016. godina, a u međuvremenu su dva ljekara otišla u penziju. Potrebna su najmanje jedna, a optimalno dvije specijalizacije iz ove oblasti. Zavod za transfuzijsku medicinu Federacije Bosne i Hercegovine nije uvezan u informacijski zdravstveni sistem Kantona Sarajevo, iako uredno pruža usluge i krvne pripravke za osiguranike Kantona u omjeru 62 do 92% obima, usluga i produkata. U skladu sa ovim, ja bih predložila skupštini da usvojimo sljedeće zaključke:

Prvi, da se Zavodu za transfuzijsku medicinu Federacije Bosne i Hercegovine na stavci potrošni materijal za hemoferezu povećaju sredstva za oko 70 000 konvertibilnih maraka,

da se Zavodu za transfuzijsku medicinu na stavci potrošni materijal za koagulaciju povećaju sredstva za oko 70.000 konvertibilnih maraka, da se iz sredstava Zavoda za zdravstvenog osiguranja Kantona Sarajevo financiraju dvije specijalizacije iz transfuzijske medicine i da se Zavod za transfuzijsku medicinu uveže u informacijski zdravstveni sistem Kantona Sarajevo.

Ja sam predala u službu.

### **Danijela Kristić (Dopredsjedavajuća)**

Zastupnik Dević.

### **Mahir Dević (poslanik/zastupnik)**

Hvala dopredsjedavajuća. Pa evo prije svega, ja bih zahvalio se ministru Vraniću koji je potpuno suprotno odgovorio na moje pitanje o komisijama u odnosu na kako ga je odgovorio direktor.

Ministar Vranić kaže da to radi isključivo Zavod, a direktor Zavoda kaže da to radi isključivo ministar, tako da ne bi loše bilo da na neki način se usuglasite, dogovorite, čisto radi javnosti, ali evo da najavim, mi ćemo nekad u narednom periodu ispred kluba pokrenuti pitanje tih komisija, da vidimo tko su ti ljudi imenima, prezimenima i zašto imamo stavku povećanja od 20.000 konvertibilnih maraka na radu tih komisija, jer nekako nam to izgleda otprilike da se to radi politički.

Naravno, što se tiče plana, on je tehnički korektno urađen. Kao i planovi prethodnih godina. Izuzetno važan dokument za sve građane Kantone Sarajevo. Međutim, nekako kroz ovaj plan kao da provjeravaju neke intencije i inicijative o uvođenju privatnog sektora premijeru unutar Zavoda zdravstvenog osiguranja. Pretpostavljam, naravno da ministar Vranić s tim nema nikakve veze i da on nema, naravno, nikakav utjecaj na direktora Zavoda zdravstvenog osiguranja, ne daj Bože, i da on nema nikakve veze sa odabirom bilo kakvog dobavljača za bilo koju nabavku. Npr. imali smo ovu spektakularnu nabavku opreme u Domu zdravlja. Vjerojatno ste svi informirani o tome premijeru. Znači, to je bila 1 javna nabavka u kojoj je govorio i sindikat zdravstva, čini mi se, znači to su bile uniforme i kroj kakvom bi Njemačka pozavidila otprilike.

Negdje za tri broja otprilike veće su bile u odnosu na neke 2000 ljudi koji rade u Domu zdravlja. Tako da mi cijelo vrijeme imamo neku sumnju da se privatni zdravstveni sektor uvlači u zdravstvo u Kantonu Sarajevo, prije svega u ovaj sektor Domova zdravlja, Zavoda zdravstvenog osiguranja. I, naravno, pretpostavljamo, odnosno bolje rečeno, ubijedeni smo da će se sve te procedure oko javnih nabavki i biti provedene u skladu sa Zakonom o javnim nabavkama, naravno s unaprijed poznatim i preporučenim dobavljačima i izvođačima jer

otprilike je to ono što nam se na neki način u praksi dešava. Također, na ovoj stavci pozicije koje sam pitao oko ovih deficitarnih usluga zdravstvene zaštite.

I dalje mi je ostalo nejasno kako to mi dolazimo do tih lista čekanja. Ja razumijem da smo mi sa pojedinim doktorima medicine, evo specijalistima, jer već, kako bi ih zvali, imali situaciju da su oni na godišnjem nivou na npr u 2015. godini obavili ukupno 3 operacije ili npr. u 2016. godini da su obavili 0 operacija ili npr da smo imali napredak u 2017. Godini, da su obavili 4 operacije. I naravno, mi smo onda sada došli u jednu situaciju da ta lista čekanja se ovaj zaista proširuje. E sada vam je ovo vrlo simptomatično, da ćemo mi to na neki način pokušati čini mi se da rješavamo kroz ovaj privatni sektor. Naravno, evo mi smo najavili ispred ministarstva zdravstva, čini mi se 15. 12. Isto, da smo primili i 14 logopeda, da smo riješili taj dugogodišnji problem na način što su ti ljudi i dalje na Birou za zapošljavanje u Kantonu Sarajevo.

Tako da kada čujete sve te odgovore o sjajnom stanju unutar našeg zdravstva onda dođete i do konstatacije da trošite manje lijekova čini mi se, u 2021. Godini u odnosu na 2020 godinu, vjerojatno zaslugom reforme koja je napravljena u ministarstvu, a samo nam je budžet povećan nekih, čini mi se, stotinjak milijuna konvertibilnih maraka. pa onda napravimo zamjenu teza u procentima, pa kažemo tad smo, znate, trošili se 17 % al nam je bio budžet 400 000 000, a sad trošimo 15 % al pazite, budžet nam je samo 100 000 000 veći. Jel se mi ovdje igramo matematike mislim si u javnosti? Koje poruke želimo da pošaljemo da nam je stanje bajno u zdravstvu.

Znači za nas zaista ove neke stvari ovdje i intencije? Naravno, nismo mi uopće protiv privatnog, ovaj zdravstvenog sektora koji treba da bude sastavni dio, međutim, ove neke unaprijed smišljene odabrane stvari nam postavljaju sumnju da ipak postoji na neki način jedna vrsta utjecaja od strane Ministarstva zdravstva na sam Zavod.

I nismo baš sigurni da su ogromne cikle, evo koje se izdvajaju za određene stavke vrlo svrsishodne i evo da ne dužim, pošto smo, što kažu ovaj jako dugo ostali. Meni je ostalo još obaveza da informišem kolegu Harisa Zahiragića nešto, preuzeo sam taj emanet ili obavezu prema ministru, nešto oko te liste lijekova, o, pošto je ministar rekao da je, čini mi se, kolega Zahiragić ekspert za tu listu lijekova. Evo, ja sam mu to zaista. Emotivno vezan, da, ja sam njemu to prenio, pretpostavljam da će on nešto kazati. Tako da te neke spektakularne najave koje smo čuli i u odgovorima itd, ne daju nama za pravo da damo podršku jednom ovakvom planu upravo zbog ovih sumnji koje sam iznio. Naravno, mi ćemo to istražiti u narednom periodu, ovaj da vidimo dokle ćemo doći, uzeti ćemo malo, sada ozbiljnije ćemo se baviti malo ovim sektorom zdravstva i sektorom javnih nabavki.

I, naravno, postavljati pitanje na Skupštini kao ozbiljni zastupnici. Plan ko plan bi da nema ovog segmenta, zaslužio podršku nas, ovaj kao Kluba SDA u Skupštini Kantona. Prema tome, ovo je otprilike neriješeno ni protiv ni za. Što se tiče Zavoda OK. Što se tiče malo ove saradnje, imamo nekih nedoumica, tako da ćemo mi kao Klub biti suzdržani po ovoj tački dnevnog reda. Evo, neka bude toliko u mojoj prvoj diskusiji, naravno, nisam je iskoristio kao predsjednik Kluba, ukoliko moj kolega Haris želi da iskoristi to vrijeme ma raspolaganju, vidjet ćemo dalje u drugoj diskusiji eventualno da kažemo još nešto. Hvala lijepo.

### **Vibor Handžić (Dopredsjedavajući)**

Zastupnik Zahiragić ima riječ izvolite.

### **Haris Zahiragić (poslanik/zastupnik)**

Zahvaljujem predsjedavajući. Pa nisam bio prisutan u sali kada je gospodin kolega ministar, moj imenjaka Haris Vranić odgovarao na moja pitanja, ali sam, naravno, u Klubu imao priliku da gledamo u živom prijenosu, ali kolega Dević nije prepustio priliku da mi to je saopšti pa

prije tog konkretnog mog pitanja htio bih se referisati na par stvari koje je on tokom svog izlaganja kazao, prije svega specijalizacije, rekao niz, pa evo, da ne budem grub, netočnih ili polutačnih informacija. Tako da one se u suštini izdaje po potrebama koje propisuje Zavod za javno zdravstvo i to je jedini način na koji se trebaju izdavati specijalizacije, generalno na svim nivoima zdravstvene zaštite.

Pitanje koje zaista stoji lebdi nad ovom Skupštinom cijeli dan od jutros sjednice od tačke dnevnog reda pitanja i inicijative zastupnika jeste zašto Kanton Sarajevo i Ministarstvo zdravstva ne da saglasnost za specijalizacije za prijem 24 mlada specijalizanta.

Pazite. Ukoliko mlad čovjek završi fakultet koji je poprilično težak. Ako je redovni student, ako mu država to plaća, to košta samo fakultetsko obrazovanje preko 100, skoro 200 000 maraka. Ako uzmemo u obzir osnovno i srednje obrazovanje koji je redovno, pa onda ako uzmemo troškove sistema zdravstva koji je uložen na te specijalizante kroz plate, kroz njihov rad, iskustvo, materijalno-tehnička sredstva koja su utrošena na putu njihovog napredovanja, učenja, i sticanja zvanja specijalista medicine i onda možemo biti mogu biti slobodan i reći da u jednog mladog specijalistu medicine se zasigurno uloži od 500 do 1 000 000 konvertibilnih maraka. Kockati se sa nečijom sudbinom radi političkih razloga, radi političke ili nepolitičke podobnosti rukovodici određene zdravstvene ustanove je u najmanju ruku neodgovorno, usuditi ću se reći i zlonamjerno, ne prema političkim komponentima, nego prema pod a) sudbinama tih mladih ljudi koji je by the way Zapadna Europa, širom raširenih ruku čeka, ako vi znate, čisto radi javnosti, Njemačka i sve države Zapadne Europe u roku od mjesec dana završavaju sve formalne papire i nudi posao specijalistima medicine, pogotovo u našim iz Sarajeva, gdje bi mogli dobiti 2 do 3 puta, veću platu za puno manje rada, puno veće poštovanje u društvu, u roku od mjesec dana.

I mi radi političkih razloga se kockamo sa svakim od tih mladih ljudi. Ako neko nema empatije, ja i to mogu razumjeti, ako neko ne zna što znači cijeli život učiti i obrazovati se, ili ako je neko zaboravio, mnogi od nas su to prošli, ako nema emocije prema porodicama tih mladih ljudi, ako nema emocija, u konačnici prema ovom društvu koje je odškolovalo taj kadar sebi, oni će nas, sve naše roditelje, našu djecu sutra liječiti. Onda bi trebao da imaju emocije prema sredstvima osiguranika Kantona Sarajevo.  $24 \times 1000000$ , to je 24 000 000 u ljudskom kapitalu.

Koristim ovu priliku da apeliram na Vladu Kantona Sarajevo i na Ministarstvo zdravstva da se ne kocka tim mladim ljudima i da što prije, već naredne sjednice, obezbijedi sve formalne uslove za prijem tih mladih doktora. Ovo je tema koja privazilazi politiku i političke razlike i morale bi takva biti. Raduje me da veliki broj kolega iz pozicije u Skupštini se sa mnom slaže, kako sada, dok ja govorim mašu glavom, tako i na hodnicima. Posebno mi je drago da se pojedini zastupnici, čak mislim i svi iz Kluba SDP-a, sa mnom slažu i nije im shvatljivo da je neko radi političkih sukoba je spreman žrtvovati sudbine mladih ljudi.

Apeliram na ratio, apeliram na odgovornost i evo hoćete, molim sve nadležne da takve stvari počnu rješavati promptno.

S druge strane, kada je u pitanju emotivna veza kolege Zahiragića sa lijekovima, dalo bi se to dvojako tumačiti, jel? Nisam pobornik generalno farmacije, trudim se ne piti lijekove, osim kada je baš neophodno.

Ne koristim ni rijetko analgetika, a pogotovo neke druge lijekove, tako da u tom smislu nemam nikakve emocije, nisam farmaceut ni zdravstveni radnik, tako da zaista nemam emocije, čak i nemam dovoljno znanja da bih ja vama ulazio u samu suštinu lijekova itd. Tako da nisam zaista vezan emotivno za tu temu. Sa druge strane, ono za što sam kao mladi pravnik koji je odlučio ostate u ovoj državi, školovati se, učiti svaki dan napredovati, i ono što je razlog osnovni mog bavljenja politikom jeste ideal vladavine prava. Zato sam zaista vrlo emotivno vezan. Ta šala na račun i taj (nerazumljivo) između mene i mog imenjaka kolege Vranića počinje otprilike

kada sam ja počeo govoriti o Listi lijekova koja je, ponavljam i odgovorno tvrdim, nezakonito donesena.

Da se vratimo samo kratko na tu temu, ja je nisam želio otvarati na ovaj način, ali eto, prozvan sam za emotivnu vezu, pa da pojasnim tu emotivnu vezu.

Prema propisima formira se komisija, stručna, ekspertna komisija, ne od ekonomista, pravnika, pa može pokoji ekonomista, pravnik tu biti, ali uglavnom od farmaceuta i ljudi iz prakse koji za svaki lijek se raspiše poziv.

I svaki proizvođač koji se stavlja ili skida i svaki generički lijek koji se stavlja ili skida treba da ima ozbiljno stručno obrazloženje. Onaj ko se stavi na listu lijekova stručno se obrazloži zašto je na listi lijekova, onaj tko se skine stručno se obrazloži zašto je skinut na osnovu nekog uzorka istraživanja, nije se pokazao kao dobar i adekvatan. Ta komisija na osnovu javnog poziva provede tu cijelu proceduru, pa tek onda daje ministru to, ministar to nosi na Vladu, Vlada usvaja. Nažalost, lista lijekova od strane ranije Vlade koja je čija je, čiji je nasljednik aktualna Vlada i parlamentarna većina je donio sam listu lijekova. Lično je donio listu lijekova na sjednicu Vlade i Vlada je to usvojila. Ministar se tu ogradio, ali se Vlada ne može ograditi jer nije zakonitim putem došla do te Liste lijekova? Da je ta lista lijekova i na koji način inovirala, popravila stanje u sektoru izdavanja lijekova, ja bih možda progledao, ne bi bio farmalista i štreber, ali s obzirom da je veliki broj, u najmanju ruku diskutabilnih odluka donesen u toj novoj listi lijekova, onda nisam mogao ostati nijem i ne mogu ni sada ostati nijem. Nakon što sam čuo a i pročitao, naravno, a imam informacije iz cijelog Kantona Sarajeva jer sam odgovoran zastupnik koji komunicira sa ljudima iz struke, kada nešto ne znam, uvijek se konzultira sa nekim tko to zna, lijekovi su porasli. Ministar Vranić je ispravno rekao nije u procentima jer je budžet Zavoda rastao, ali taj budžet koji je rastao se treba usmjeravati u druge stvari. Lijekovi su odveć previsoka stavka u ovom Financijskom planu.

To je teret Zavodu zdravstvenog osiguranja i trend koji je dobro išao u Zavodu da se troškovi za lijekove smanjuju je, nažalost, prekinut novom listom lijekova, pa imamo 2 000 000 povećanja nakon ove liste lijekova, sa tendencijom stalnog rasta.

To bi trebalo u praksi da imamo bolje stanje pacijenata, manje probleme, bolje lijekove, nažalost, i to nije slučaj. Pod krinkom borbe za domaću proizvodnju uvedeni su alternativni lijekovi koji se ne proizvode u Bosni i Hercegovini, što je javna tajna, nego se pakuju lijekovi iz zemalja trećeg svijeta i predstavljaju ko domaći lijekova i mi kao dobri patrioti te lijekove našim starim i mladim i svim ljudima u potrebi guramo i na to trošimo desetina milijuna godišnje. Javnost treba da zna. I uostalom, to nije samo u Sarajevu. Globalna je stvar da je farmacija kao sektor jedna gramziva neutoljiva lobistička mašina koja melje pred sobom budžete, pa i političare. Ja sam nakon te teme imao dosta problema i u svom privatnom životu, ali ja se ne bojim tih profitera koji se igraju sa ljudskim sudbinama, tako da vrlo rado o toj temi ponovno ovdje govorim.

Također, uredba koja je propisivala da je 50 trakica za 50, dakle trakicu dnevno, za inzuloovisnike ili za ljude koji imaju dijabetes određenog tipa je promijenjena bez suglasnosti Upravnog odbora Zavoda. Ministar Vranić tvrdi možda je u pravu, nisam ekspert, ima ovdje većih eksperata, da nije u redu da inzuloovisnik ima samo jednu trakicu dnevno, međutim isto tako nije u redu da se bez suglasnosti Upravnog odbora to je poveća na 4 trakice dnevno i da je to u Financijskom planu kada čitamo, ima rast na 5,6 milijuna maraka, samo ta jedna stavka. Rast za 4,2 milijuna.

Ni to ne bilo sporno. Znae šta je najspornije kada po povežete listu lijekova i vidite koja firma je promjenom na listi lijekova najviše profitirala i kada pogledate ko je profitirao trake, dođete do Farma Vite. Evo ja izgovorio.

Farma Vite, domaće firme koja je u bliskim odnosima sa pojedinim ljudima iz vladajuće, a bit ću do kraja otvoren i iz opozicione strukture. Imao sam ja puno iz SDA poziva, nemoj to raditi, to su ljudi koji su nama bliski, mene to ne zanima. Zdravlje građana, Kantona Sarajeva i generalno države iz Bosne i Hercegovine su meni preći od svih lobija. Ja ovdje govorim što nikada nitko nije smio govoriti i osjećam se veoma slobodno, jer nisam dijelom nikakvih talova ni bio, niti ću ikada biti. A govorenje istine je emanet koji sam preuzeo kao zastupnik. Uostalom, svi smo preuzeli kada smo polagali to u zakletvu. Ako nemamo moralnih, trebali bismo barem imati nekih pravnih i etičkih obaveza spram te teme.

Volio bi da i drugi zastupnici neopterećeni političkom pripadnosti počnu ovako govoriti. I onda će Financijski plan Zavoda zaista i Zavod zdravstvenog osiguranja moći biti oslobođen ove vrste utjecaja. Znaite, ljudi koji ovdje sjede su izloženi stalno istim temama, istim pitanjima, a odluka o tim pitanjima se donose izvan Zavoda, uglavnom.

Bilo je puno pitanja za ugovaranje, stalna je to tema. Privatni sektor tuži, prijete i Zavod se bori i bavi. Pa onda padne, pa daju pare tamo gdje ne trebaju da daju pare, pa se pojedinci bogate, pa su pohlepni, pa im nikada nije dovoljno, a mi kao Kanton Sarajevo ne znamo jesmo li opredijeljeni prema kapitalističkom sistemu u kojem privatnici treba da preuzmu naše javno zdravstvo ili smo još uvijek u principu javnog zdravstva, pa da se odupiremo tome. Međutim, direktor Zavoda kada je govorio, sjećam se ranijih direktora Zavoda, posljednjih tri, četiri, svi su isto govorili. I u pravu su. Trebaju se donijeti formalne odluke koje će determinisati njihovo pravo da to rade ili ne rade. Ako niste u stanju donijeti te akte, metodologiju i propisati sve ono što je po zakonu neophodno propisati da bismo mi mogli ugovarati i da znamo šta ugovaramo, koliko koja usluga košta, samo znate šta će desiti ako to uradimo? Tada privatnici neće moći igrati utakmicu, jer oni hoće samo kajmak da uzmu iz zdravstvenog sektora. One usluge koje su komercijalne, a one usluge koje su jeftine to hoće da ostave u javnom zdravstvu i za 10 godina će desiti da sirotinja ima ograničen pristup zdravstvenoj zaštiti, a da ovi koji su spremni malo više izdvojiti će imati pravo na punu zdravstvenu zaštitu. Ja, iako nisam u Socijaldemokratskoj partiji, iako nisam u stranci koja formalno glasi za stranku koja se bavi tim temama, nikada to neću dozvoliti dok sam zastupnik. Pa pozivam i druge kolege da to ne dozvoljavaju. Naravno, konkurencija je poželjna, privatni sektor treba da bude financiran od strane javnog javnim novcem ukoliko pružaju adekvatnu uslugu, ali to se mora propisati. Ovo lovljenje u mutnom uvijek ima za ishod da par eventualno privatnika može profitirati, a onaj veći broj njih ne može. Pa imamo situaciju i doveli smo sistem zdravstva u Kantonu Sarajevo da, slučaj male Džene Gađun, koji je pomalo zaboravljen, stalno stoji da nas opominje, šta se dešava kada je privatni sektor van kontrole i šta se dešava kada nemaju nikakvih regula u toj raspodjeli i novca, pa samim time i nadležnosti u oblasti zdravstva? Nitko nije odgovarao i dalje rade te privatne klinike, stomatološke ordinacije koje se vode ko operacione sale. To nek nam je svima na čast. Meni je savjest mirna jer po stoti put o toj temi govorimo, nekim drugima neka ne bude i ne treba da bude. Suština je da sve dok se ne desi hrabrost u Vladi i dok se opšte ne stavi iznad privatnog, dok se nastave, a ova Vlada to radi možda intenzivnije nego bilo koja druga ranija, interesi opšti javni nad privatnim, interesi osiguranika i bolesnika nad interesima par ministara i gramziljivih privatnika, mi nećemo imati bolje sistem zdravstva, usprkos činjenici da usvajamo rekordni iznos budžeta Zavoda zdravstvenog osiguranja. Preko pola milijarde, 0,6, milijardi maraka, a imamo raspad sistema. Kada govorimo o reformi zdravstva, toj famoznoj koja je ova Skupština 10 puta prežvakala, nismo u stanju 3 ustanove prespojiti, ugasiti itd. Što? Da bi direktori i Upravni odbori mogli opstati?

Zato treba hrabrosti, ministre Vraniću, a ne za diskusiju sa zastupnikom Harisom Zahiragićem jer kada god budete htjeli ovakvu vrstu diskusije, ja ću govoriti jezikom istine, jezikom činjenica, neopterećen bilo kakvim, pa čak ni onim malim sitnim orahom u džepu kada je u pitanju taj gramzivi privatni ili javni sektor zdravstva, kao uostalom svi drugi sistemi u Kantonu

Sarajevo. Govorio sam ispred Kluba pa nemam više vremena. Nemojte me upozoravati. Hvala predsjedavajući.

### **Vibor Handžić (Dopredsjedavajući)**

Kolega Dević je najavio tu mogućnost, zato vas nisam prekidao sa tim pitanjem. Zastupnik Selmanović je sljedeći, izvolite.

### **Faruk Selmanović (poslanik/zastupnik)**

Zahvaljujem. Zahvaljujem se direktoru na odgovorima. I ono čime sam ja kao blago reći, da kažemo fasciniran, jeste stalna komunikacija sa vendorom i da vas oni savjetuju što treba da kupite. Onako besplatan prijateljski savjet, nemojte nikad slušati vendore što vam oni kažu da treba da kupite? To treba da radi nezavisno tijelo, vaši stručnjaci, vaši eksperti. Govoreno je tamo da se plaća 21 000 maraka softver za IP telefoniju, a posebno se plaća hardver za IP telefoniju. Ja to prvi put čujem, osim ako se ne radi o nekom telekom operatoru ili nekome ko pruža te usluge, licence se za to ne plaćaju, a pogotovo još činjenica da Zavod zdravstvenog osiguranja već koristi IP telefoniju, i to već dugi niz godina. SDVAN. Implementacija kao unapređenje nečeg što već imate. Opet mislim da su vas to savjetovali vendori. U suštini, to nije implementacija ničega, to je apsolutna kontrola vendora nad vašim sistemom, što dovodi u pitanje sigurnost naših podataka, lijekova, recepata, ličnih podataka i svega onoga što ide i ko ima pristup tome da vidi osim uposlenika Zavoda.

Izgradnja svog back up centra ne rade ni puno veće ni ozbiljnije kompanije.

Radi se o claudu, radi se o iznajmljenim prostorima koji imaju određene sigurnosne protokole jer izgradnja svog je enormno skupa i uz to zahtjeva jako edukovan kadar da to upravlja.

Što se tiče svih onih skraćenice koje sam vas pitao, naravno, tamo su vam spominjali kriptolokere. To je sasvim jedan virus, normalne pojave u IT svijetu i protiv toga se može jako lako boriti. A Q radar koji kupujete i koji implementirate jedan od najsavremenijih sistema i što me jako raduje, da vidim da ste odlučili da to ovaj kupite. Međutim, za implementaciju takvog sistema potrebni su veliki IT stručnjaci, ekipe ljudi koji će 24 sata raditi monitoring tog sistema kako bi isti imao efekt. Veće, ozbiljnije kompanije rade mjesečni najam istog tog sofvera, bez kupovine samih i uređaja i hardvera. Vraćamo se na CRM.

Da li je to isti CRM kao što već smo ga vidjeli u domovima zdravlja i kakvu ćemo mi koristiti imati od toga?

Skoro pola milijuna se izdvaja za ta sredstva, a mi djecu i dalje liječimo sms porukama. Da li smo to mogli negdje drugo uputiti, da li je baš sad bitno da se kupi taj sistem? Opet se vraćamo na onu činjenicu da vas savjetuju vendori. Nemojte dopustiti da vas savjetuju u vendori jel to bi vam bilo otprilike da poslušate prodavača osiguranja šta vam sve treba, pa vas on prepadne tamo raznih bolesti, raznih poplava, pa vi tamo svašta nešto izaberete, a ustvari kad vam se to ne može desiti. Tako da evo neka gruba proračun i stavki 4.1. I 4.2. Da se radio najam ovoga bez da ste slušali vendore, nego da se imala možda neka ekstremna firma koja je uradila kompletan pregled informacionog sistema, ima li uštedu preko 40 % samo na ovim stavkama budžeta?

E sad kad vidimo sve ove informacione sisteme, svoju, haj da kažemo server salu i sve ono što se pravi, pa možemo se i zapitati da li ovo umjesto Zavoda zdravstvenog osiguranja, mi ćemo imati neki poligon za start upe, IT stručnjake koji jel ministar pravi sebi kako bi se možda u nekom drugom biznisu ovaj uključio i možda u razvoju nekog softvera? Iz svega ovoga možemo zaključiti da, iako, možda je bila dobra namjera, savjetnici i načina kako je pripremljen ovaj budžet uveliko će štetiti građanima Kantona Sarajevo i ono, ponavljam, što je



zabrinjavajuće, pristup ovim sistema će imati neki vendori koji će u svakom trenutku moći da pristupe našim ličnim podacima, receptima i svemu onome što troše građani Sarajeva. Pa vas, evo, molim, urgiram da još jednom razmislite o implementaciji svojih softvera, svojih rješenja i slušanju vendora kada se radi o pripremanju i kreaciji budžeta.

Hvala da ne uzimam više vrijeme, pošto smo evo već ponoć prošli odavno.

### **Vibor Handžić (Dopredsjedavajući)**

Zastupnica Klarić. Izvolite.

### **Sanela Klarić (poslanik/zastupnik)**

Zahvaljujem predsjedavajući. Ono što bih ja voljela u ovom momentu reći je izraziti zahvalnost prema ministru Vraniću i direktoru Kosovcu koji su, na moju pitanje vezano za studente koji na univerzitetima u Sarajevu dobiju pravo na stipendiju boravka da li jedan semestar ili dva semestra, odnosno 6 mjeseci ili 12 mjeseci, odnosno godinu dana studiranje u inostranstvu ili su u nekom programu razmjene kao što su Erasmus, projekti na kojima naši studenti upravo budu motivisani i njihovi troškovi budu pokriveni. Da jedan semestar ili dva semestra provedu na univerzitetima u inostranstvu u Europskoj uniji. Naši studenti nailaze na problem jer prema Pravilniku o uvjetima i načinu postupka ostvarivanja zdravstvene zaštite za vrijeme boravka u inostranstvu, a nažalost, to njihovo temeljno ljudsko pravo garantirano odredbom Ustava Federacije Bosne i Hercegovine i Zakona o zdravstvenoj osiguranju Federacije Bosne i Hercegovine je uskraćeno jer oni po ovom Pravilniku nisu prepoznati kao studenti, da dobiju praktično zdravstvenu zaštitu cijelo vrijeme njihovog boravka, nego mogu onako kako je u ovom Pravilniku definisano biti zaštićeni na period 30 dana u jednoj kalendarskoj godini. Ti studenti nailaze na ogromne probleme jer u mnogim državama EU za ostvarivanje prava na vizu za studentski boravak oni moraju imati pokriveno zdravstveno osiguranje za cijeli period njihovog boravaka. To su mladi ljudi koji, naravno, nisu u situaciji da su rizik za velike bolesti ili duži period bolovanja i u svakom slučaju taj problem u nekim državama kao što je Njemačka, recimo oni ne mogu kupiti privatno osiguranje, u Austriji mogu, ali to od njih izlažemo dodatnim troškovima i nema potrebe da se to dešava jer to su studenti koji stiču određenu vrstu znanja i vraćaju se u Kanton Sarajevo sa tim kvalitetnijim, da kažem znanjem drugačijim iskustvima u inostranstvu. Zahvalna sam direktoru Kosovcu koji je sa svojim stručnim timom već napisao inicijativu prema Federalnom ministarstvu zdravstva i podijelio sa mnom, ja ću je sutra poslati kao delegatkinja u Domu naroda i nadam se da ćemo utjecati da se izmjene u Pravilniku, kako smo napisali, i usvoje što prije u ovom Pravilniku koji je poprilično star, pošto znamo da se radi i novi Pravilnik, naravno, pratit ćemo i da se u novom Pravilniku prava studenata ostvare i da oni bez problema borave u inostranstvu duži period, znači 6 ili 12 mjeseci, odnosno 1 ili 2 semestra, kako i dobiju stipendiju ili pravo na razmjenu. Hvala.

### **Vibor Handžić (Dopredsjedavajući)**

Zahvaljujem. Zastupnica Bešlija.

### **Vildana Bešlija (poslanik/zastupnik)**

Hvala predsjedavajući. Činjenica da su 17. marta. 2022. godine na federalnom nivou usvojene izmjene Zakona o liječenju neplodnosti biomedicinski potpomognutom oplodnjom znači da je financiranje potpomognute oplodnje prebačeno na Federaciju i tzn da je ova vrsta ostvarivanja prava sada ujednačena na teritoriji cijele Federacije. Međutim, svakako je dobro da su obezbijedena sredstva Financijskim planom Zavoda zdravstvenog osiguranja Kantona Sarajevo i za ovu namjenu za sve one koji su već u ovom procesu i pohvalna je spremnost

direktora koji nam je obećao da, ukoliko se pokaže opravdanim, da su dodatna sredstva potrebna, da će Zavod zdravstvenog osiguranja obezbijediti i posebnu liniju za ovu namjenu kao dodatnu, a s obzirom da je Kanton Sarajevo bio do sada primjer u ovoj oblasti mnogima uvodeći prvi financiranje biomedicinski potpomognute oplodnje još 2018. godine. Vjerujem da će, ukoliko se ukaže potreba, i to biti obezbijeđeno.

Ono što želim posebno naglasiti još to su preventivni programi. Naime, proširivanjem preventivnih programa evo u zadnjih godina i redovnih pregleda kao što su screening dojki, sprečavanje raka maternice, HPV vakcinacija i drugih vrsta ovih oboljenja veoma je važno i da se oni promovišu i da više ulažemo u prevenciju uopšte. Ovo je stav Naše stranke koja se posebno zalaže za preventivno djelovanje, ali potpisanih mjera većine. Raduje me obezbjeđenje sredstava i uvjeta za palijativnu u njegu po prvi put kroz otvaranje hospisa. To je inicijativa koju sam i podnijela sredinom prošle godine, znam da je već dugo bila u planu, ali evo, konačno smo došli u situaciju da se nešto krene i u tom smjeru, jer jednostavno je nevjerovatno da Kanton Sarajevo do sada nije imao ovaj vid zbrinjavanja teško oboljelih jer to imaju mnogo manji centri od Sarajeva, a posebno jer je ovdje i Klinički centar i da imamo osobe koje dolaze na liječenje, onda nemaju mjesto na koje mogu biti adekvatno zbrinuti u skladu sa njihovim stanjem.

Hospis je ustanova, naime, specijalizirana da pruži najbolju moguću brigu u skladu sa konceptom palijativnog zbrinjavanja i fokusira se na cjelokupnu dobrobit pacijenta, a ne samo na njegovo ili njeno fizičko stanje, već i sve emocionalne, društvene, pa čak i duhovne potrebe dok se približava smrt.

Uspostavljanje programa obezbjeđenja biološke terapije za liječenje osiguranih lica oboljelih od psorijaze u Kantonu Sarajevo, to je inicijativa koju sam također podnijela u ime Udruženja psorijatičara BiH jer se radi o kroničnoj autoimunoj bolesti i koja je često udružena i sa drugim oboljenjima, a kod 30 % pacijenata sa psorijazom, razvija se i psorijatični artritis, te kako postoji mogućnost za konvencionalnom terapijom koja je moguće i uspješna terapija oko 70 % pacijenata, međutim vrlo često, odnosno ovaj, nekih možda i 30 % ljudi ostane jednostavno imuno na tu konvencionalnu terapiju, tako da im je potrebna biološka terapija. I upravo zbog toga važna je podrška bila Ministarstva zdravstva Kantona Sarajevo u ovom periodu, koji je ovu inicijativu uputio prema Zavodu zdravstvenog osiguranja na kojem će se izvršiti proširenje, odnosno na osnovu koje će se izvršiti proširenje ili uspostavljanje programa za liječenje pacijenata od psorijaze u Kantonu Sarajevo uz obezbjeđenje biološke terapije, te se u ime ovih oboljelih zahvaljujem. Hvala vam.

### **Vibor Handžić (Dopredsjedavajući)**

Zahvaljujem. Zastupnik Čičić. Izvolite.

### **Davor Čičić (poslanik/zastupnik)**

Zahvaljujem dopredsjedavajući. Ja bih imao samo jednu sugestiju vezano, ja sam i postavio pitanje vezano za financiranje ovih zdravstvenih ustanova zdravstvene zaštite, ustanova socijalne zdravstvene zaštite, izvinjavam se, malo je kasno pa malo gubimo ovaj misao, jedino njima kroz ovaj Financijski plan iz povećana sredstva, pa bi zamolio da u budućem periodu ove naše, pogotovo kantonalne ustanove za socijalnu zdravstvenu zaštitu, da budu obrađene na način da kroz neki rebalans i neku izmjenu plana da se malo u biti kako su i drugim ustanovama povećana sredstva da se pokuša povećati i našim ustanovama za socijalnu zdravstvenu zaštitu. Druga stvar, mi smo dobili ovaj zaključak, uvažene zastupnici Smiljane Viteškić i mi smo spremni da podržimo ovaj zaključak, samo mislimo da se ovim zaključkom ne može mijenjati Financijski plan, nego mora ići kroz amandman.

Pa bi mi predložili da li možemo da preformulišimo ovaj zaključak na način da piše da se kroz izmjene Financijskog plana ZZO zaduži ZZO da provede ove vaše zaključke. Jer zaključak u biti ne možemo promijeniti Financijski plan kroz zaključak.

Da, ali ovdje je predložen zaključak? Mislim, ja samo predlažem znači, s obzirom da je ovo zaključak, amandmanom jedino možemo mijenjati Financijski plan. Sad samo da vidimo koja je to najbolja mogućnost. Mi kao Klub smo spremni da podržimo ovo, samo da nađemo modus kako ovo da prihvatimo.

#### **Vibor Handžić (Dopredsjedavajući)**

Dakle, mogu ja? Evo ja ću kratko. Dakle, ovdje prva 2. tačka 1.2. Zaključka su bukvalno forma amandmana, predstavljeni kao zaključci. S obzirom da samo Predlagač može, znači ne možemo ovo sad je neizvodivo i u komunikacijama i s ministrom Vranićem njemu je prihvatljivo da kroz izmjene i dopune, odnosno rebalans, kad se bude pravio, da, dakle, da izmijenimo ovaj zaključak, da to bude inicijativa Skupštine, ako je to vama kao predlagaču OK, mi to bili spremni da podržimo. Ako vi inzistirate da se momentalno izjasnimo da se automatski odmah mijenja budžet, onda evo da ne komplikujemo stvari. Pa mora na Vladu. Ima tamo i organi Zavoda, tako da nije to baš tako jednostavno, nema sad amandmanski. Ima zastupnica Viteškić, prva prijavljena izvolite.

#### **Smiljana Viteškić (poslanik/zastupnik)**

Hvala vam lijepo na podršci. Ja mislim da ovo može ići sa amandmanom, ja mislim, nije bilo nacрта, nismo mogli jel? Mogla sam, ja sam bila napravila dvije varijante, jednu zaključke, jednu amandmane, pa evo ostalo na zaključku, ali može ići amandman i na izmjene i dopune Financijskog plana kada budu da se ovo uvrsti i da se ova sredstva povećaju.

#### **Vibor Handžić (Dopredsjedavajući)**

Kako mislite sada amandman? A na rebalans koji se može desiti za par mjeseci. Izvolite. Uključite zastupnika Devića.

#### **Mahir Dević (poslanik/zastupnik)**

Hvala dopredsjedavajući. Ovo pitanje mi zaista trebamo razriješiti zbog načina prolaska ovog dokumenta kroz Skupštinu Kantona Sarajevo. Znači mi ovdje, kolokvijalno kazano, imamo jedno čitanje ovog dokumenta, ne dva. Znači nemamo nacrt već samo prijedlog, jel tako? E vidite jednu stvar. Po aktualnom i važećem Poslovniku o radu Skupštine Kantona Sarajevo do zaključenja ove rasprave bi trebalo da traje amandmanska faza. Praksa je vjerovatno bila nešto što smo mi, što je neko ustanovio ranije. Evo da sada ne komplikujemo je li, već je i kasno, kolegica je spremna da prihvati jel vjerovatno i formu zaključka ili ako sada to ne možemo nazvati amandmanom, a ja mislim da možemo, ali evo da ne komplikujemo, nek se prihvati. Jedno čitanje mi imamo.

Ima u Poslovniku u našem veze je itekako kolega. Pročitajte to, vjerujte mi da ima. Ima. Imate tri načina donošenja dokumenata ovdje: redovna procedura, hitna procedura i skraćena procedura. Nije skraćena.

#### **Vibor Handžić (Dopredsjedavajući)**

Nemojte da sad vodimo unakrsnu raspravu.

#### **Mahir Dević (poslanik/zastupnik)**

I tada amandmanska faza ide do zaključenja rasprave.

**Vibor Handžić (Dopredsjedavajući)**

Amandmanska faza je samo u toku rasprave, kad je nešto u hitnom postupku, ovo nije dokument u hitnom postupku. Ovo je odluka.

**Mahir Dević (poslanik/zastupnik)**

Ovo je u jednom čitanju, ajde, ne raspravljamo sad na to provjeriti. Nije redovna procedura bila nacrt.

**Vibor Handžić (Dopredsjedavajući)**

Ajde, vi završite vašu diskusiju, pustite kolege da završi.

**Mahir Dević (poslanik/zastupnik)**

Jedino da ja tražim pauzu, pa da vam sve te članove Poslovnika pripremim, ako hoćete nije nikakav problem, naravno. Kolegica, evo, kolegica je spremna, ali zbog budućnosti zaista bi ovu u proceduru trebalo očistiti. Jer ja sam, evo, razmišljao što da uradim kao predsjednik Kluba u konsultaciji s kolegicom Smiljanom, jer je ona imala spreman ovaj amandman i spreman i zaključak i onda smo rekli evo nek ide u neku formu zaključka jer znam da je neka praksa bila u kojoj amandmani ne idu. Međutim, ovakav hodogram trpi amandmane. Pogledajte to. Ali nevažno, naravno da završimo ovo pošto nema više jel ovaj prijavljenih, ostali smo dokasno. Nek se Skupština izjasni o ovom zaključku? Kolegica Smiljana, ako se slaže, uzmite to u obavezu kao ozbiljni, odgovorni ljudi, da svi oni koji preuzmu obavezu je riješe, jer zaključak i amandman nema istu težinu. Znamo šta govorimo.

**Vibor Handžić (Dopredsjedavajući)**

Mogu li ja samo jedno podpitanje, dok vi. Vi tražite da se izjasnimo o ovom zaključku izvorno ovako kako je dostavljeno, a ne kako sam ja predložio da ovo korigujemo, da se prilikom izrade rebalansa implementira ovo što piše po tačkama 1,2,3 i 4.

**Mahir Dević (poslanik/zastupnik)**

Kako god hoćete, evo, ali da se to implementira. Šta vam je lakše.

**Vibor Handžić (Dopredsjedavajući)**

Ja vam predlažem da bi ovaj zaključak dobio podršku ovdje, da ovo preformulišemo i da kažemo prilikom izrade rebalansa, odnosno odluke o izmjenama i dopunama Financijskog plana Zavoda zdravstvenog osiguranja.

**Mahir Dević (poslanik/zastupnik)**

Ali to je opet zaključak kojim Skupština.

**Vibor Handžić (Dopredsjedavajući)**

Da, da zaključak samo preformulisan u uvodu, Skupština obavezuje na ovo.

Ajde, kolega, mislim, evo da smo blizu rješenja, ali da, evo. Hajde kažite.

**Haris Zahiragić (poslanik/zastupnik)**

Pazite, najveća zamka u koju smo upali svi ovdje jeste da mi ovdje ne govorimo o zakonu.

Budžet kao takav se usvaja u zakonskoj formi. Zakon se, također, usvajaju u tim fazama. Ovo je Odluka Skupštine o davanju suglasnosti, faze finansijskog plana prolaze kroz organe Zavoda. Oni imaju nacrt na putu između Zavoda i Vlade i to je propis federalni koji nas kao takve obavezuju na tu proceduru. Dakle, postoji faza nacrta ovog Finansijskog plana, ali Skupština ne daje suglasnost na njega, mi dajemo suglasnost za konačan prijedlog i u tom smislu mislim da je ispravan ovaj prijedlog kolege Vibora i mi nemamo, koliko sam shvatio, kolegicu Smiljanu nikakav problem da to bude zaključak koji će biti obavezujući za Vladu i za Upravni odbor da prilikom rebalansa, tj izmjena i dopuna Finansijskog plana sve ovo uzmem u obzir. Tako da kolega Vibore, složili smo se da zaključak se i nazove zaključkom, a da amandmani koji su u zaključku kao takvi navedeni budu tačke zaključka koje ćemo mi usvojiti. Tako da slažemo se s tim prijedlogom. Mislim da smo pomirili sve diskusije ovdje i evo predlažem da stavite na glasanje.

### **Vibor Handžić (Dopredsjedavajući)**

Ok, znači moj je prijedlog samo da se u uvodu ovih zaključaka preformuliše, da se kaže evo, sad ne znam kako da to tačno može, ali samo jedan minut sekunda da se isključi?

Evo da samo znači da pročitam uvod izmijenjen.

Dakle, Skupština Kantona Sarajevo obavezuje Vladu Kantona Sarajevo i Zavod zdravstvenog osiguranja Kantona Sarajevo da u okviru izmjena i dopuna Finansijskog plana Zavoda zdravstvenog osiguranja za 2023. godinu planira realizaciju sljedećih zaključaka. I onda tačka 1,2,3 i 4, kako piše ovdje, kako je navedeno.

Eto, molim vas da se o ovom zaključku izjasnite.

Molim vas rezultate.

Za je bilo 25 zastupnika, 0 protiv, 0 suzdržanih.

Konstatujem da je Skupština Kantona Sarajevo donijela ove zaključke. Pauza 3 minute.

Na zahtjev predsjedavajućeg. Ja moram slušati.

## **NASTAVAK NAKON PAUZE**

### **Elvedin Okerić (Predsjedavajući)**

Nastavljamo dalje sa sjednicom Skupštine. Sad smo trenutno u fazi izjašnjavanja po amandmanima.

Zastupnica Fatima Gavrankapetanović-Smailbegović, da li ostajete kod svog amandmana?

Odustajete to od amandmana. Zahvaljujem.

Molim zastupnike da pristupi izjašnjavanju o Prijedlogu odluke o davanju suglasnosti na Finansijski plan Zavoda za zdravstvenog osiguranja Kantona Sarajevu za 2023. godinu i Odluku o izvršavanju Finansijskog plana zdravstvenog osiguranja Kantona Sarajevo za 2023 godinu.

Zaključujem glasanje. Molim službu da objavi rezultate glasanja. Evo imamo anketu.

Za je glasao 21 zastupnik, protiv ništa, suzdržanih 5.

Konstatujem da je Skupština donijela odluku.

Pojedinačno. Molim sekretara da prozove zastupnike. Jel se zezaš ili ozbiljno.

Odustaje. Hvala lijepo kolega Dević.

Prelazimo na tačku pet.

**AD-5.**

**PRIJEDLOG ODLUKE O DAVANJU SUGLASNOSTI NA PROGRAM RADA ZAVODA ZDRAVSTVENOG OSIGURANJE KANTONA SARAJEVO ZA 2023. GODINU**

Prijedlog odluke ste dobili uz poziv za sjednicu. Ima li potrebe da predstavnik Predlagača podnesu uvodne napomene? Nema? Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

Molim zastupnike da pristupe izjašnjavanju o Prijedlog odluke o davanju suglasnost na Program rada Zavoda zdravstvenog osiguranja Kantona Sarajevo za 2023 godinu.

Nemoj zakuhavati sad kolega Bandiću.

Zaključujem glasanje, molim službu da objavi rezultate glasanja. Za je glasao 21 zastupnik, protiv ništa, suzdržana 4.

Konstatujem da je Skupština donijela ovu odluku.

S obzirom da smo iscrpili sve tačke današnjeg dnevnog reda zaključujem rad na današnjoj sjednici i zahvaljujem se kolegicama i kolegama.